


Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.198 vol.3





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.198 vol.3




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.198 vol.3




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.198 vol.3

1
6
198
BIBLIOTECA NAZIONALE
CENTRALE - FIRENZE


1. 6. 198








1-6-198







TYCHONIS
BRAHE DANI,
EPISTOLARVM ASTRO-
NOMICARVM LIBRI.

Quorum

PRIMVS HIC
ILLVSTRISS. ET LAVDATISS. PRINCI-
pis Gulielmi Hassiæ Landtgrauij ac ipsius Mathema-
tici Literas, vnaque Responfa ad singu-
las complectitur.

Cum Cæsaris & Regum quorundam priuilegiis.




Imprimebantur Vraniburgi Daniæ,

PROSTANT

Frankofurti apud Godefridum Tampachium.

M. DCX.






AD NOBILISSIMUM ET PRÆSTAN-
TISSIMUM VIRVM, TYCHONEM BRAHE
DANVM, DOMINVM DE KNYDSTRVP, ET VRA-
NIBV RGI FVNDATOREM, Astronomiæ no-
stro Sæculo instaurorem
primarium.



Ælo dignuserit, Zelo qui Cœlica scrutans
Sidera, non Terris vitam traducit inertem.
Quod TYCHO perfusus Cœlesti Numine præstas,
Despiciens hominum foides pompasque caducas,
O DANÆ gentis lux, gloria, vera voluptas,
Viue, valeque DEO, cuius vestigia lustras
Mirandis radiis, & grato perficis Orbi;
Nunquam visa aliis, nunquam confecta labore
Tanto. Propterea te vasti Machina Mundi
Miratur, te laude vehet post Sæcula multa
Posteritas, si docta foret: te Occasus & Ortus,
Insignem meritis, indag ne mentis acutâ
Præstantem celebrabit, Opus laudabit in Æuura
Artificem, dum Solis Equi, dum Luna superstes
Falcatas referet facies, dum Pontus & Aer
Numinis attollent laudes, quo Sidera constant:
DANIA donec erit, re, nomine, & omine felix:
Donec HVÆNNA suis fundis & gurgite multo
Extabit, loca læta videns, atque ore patente
Vicinas Vrbes, & diffusa Regna salutat.
O DEVS, Astriferi sapiens fundator Olympi,
Custodire virum talem, vitæque beare,
Atque Astris inferre velis, qui Sidera scandit,
Nec Terrena facit magni, sublimia saltem
Mente agitat, vulgique volens commercia linquit.
O Generose Pollicultor TYCHO, viue valeque,
Te seruante DEO, cuius moderamine Cœlum
Circuit, & vitæ percurritur Orbita nostræ.

MARTINVS PLECIVS. F.





II
A
C



no
ru
ni
ac
qu
git
tut
flu
Al
sup
in
da
ter
co
bu
ru
m
ba
ui
in

ILLVSTRISSIMO PRINCIPI
AC DOMINO, DOMINO MAVRITIO, LANDT-
GRAVIO HASSIAE, COMITI IN CATZENELLEBOGEN,
DIETZ, ZIGENHAIN ET NIDDA:
Principi ac Domino Clementissimo,
S. D.

ILLVSTRISIME, ET GENEROSISIME
Princeps, miraberis fortè, quod de facie
ignotus, & tantâ viarum intercapedine,
terrâ mariq; diffitus, hiscè te compellare
non verear; At ubi rationes, quæ me hûc adduxe-
runt, perspexeris, nihil ambigo, quin depositâ om-
ni admiratione, clementi & benigno animo hæc sis
accepturus. Sunt præterlapsi Anni unus & viginti,
quando per Germaniam iter faciens, & in Italiam co-
gitans, Cassellis laudatissimæ memoriæ Parentem
tuum *GVIELMVM* Hassiæ Landtgravium, Amore
studiorum, quibus utrinq; impensè afficiebamur,
Astronomicorû (inquam) & Cælestium, quæ longè
supra vulgi captum evecta, circa Paschatis festum
inviserem; Cumq; illic eapropter ultra hebdoma-
dam subsisterem, memini me à Parente tuo clemen-
ter & benevolè sæpè invitari, ut quotidiana ipsius
conversazione ex voto fruerer. Itaq; interdiu de Re-
bus Astronomicis, præsertim ad Observationes Side-
rum facientibus affatim, nec sine voluptate contuli-
mus: Noctû verò, quando serenitas opportuna sine-
bat, Astrorum quorundam locis denotandis invigila-
uimus, quò eius Instrumenta Astronomica, quæ
in edito quodam Arcis loco sub diò tunc statueban-
(;) tur,

tur, cum quibusdam nostris ē patriā adveētis (quæ
tamen minora, & portatilia saltē erant) conferre
liceret. Ac reperio etiamnum inter chartas meas Ob-
servaciones quasdam, Spicæ præsertim, tunc tem-
poris in meā præsentia denotatas, ipsāq; Patris tui
manu consignatas. Superveniente verò lugubri quo-
dam casu, cum tenella eius filiola, soror tua diem
obiret, & Parens ob id in luctu esset, ego, nè mole-
stia aliquā animum, ægritudine tunc ē ^{sed} paternā
laborantem afficerem, isthinc discedens, ad Nun-
dinas Francofurtenses (quæ instabant) me contuli,
& postmodum reliquam Germaniam transiens, bo-
reales Italiæ partes ingressus sum. Inde autem ad Co-
mitia Ratisponensia, quando RUDOLPHVS Maxim:
Imper: F: Rex Romanorum inauguraretur, consul-
tò rediens, ut cum claris & eruditis viris, quos scie-
bam eò frequentes venturos, familiaritatem inirem:
Expectabam tū Parentem tuum isthic cum alijs
Germaniæ Primatibus affuturum: Avebat enim ani-
mus cum eo potissimum Principe ulterius colloqui.
Sed hanc spe frustratus, multos tamen præstantes &
eruditos viros, qui eò convenerant, mihi familia-
res reddidi; quibuscum de rebus Philosophicis gra-
tè & iucundè disserui. Hinc in patriam ante hye-
mem reversus, intellexi à quibusdam præcipuis vi-
ris, qui Legatione nomine Serenissimi Regis nostri
Opt: mem: FREDERICI II. interea, dum ego ē pa-
triā abessem, Castellis perfuncti erant, laudatissi-
mum Parentem tuum sollicitè de me quæsisse: Atq;
non

non
di o
vit,
rent
& il
affer
fed
Arto
ven
mis
tis t
& q
Reg
Nan
num
mat
hic
bus
re,
sum
deir
pro
stral
etia
hoc
cor
stru
iam
ab

tis (quæ
conferre
neas Ob-
inc tem-
patris tui
bri quo-
ra diem
ne mole-
paternâ
ad Nun-
contuli,
ens, bo-
nad Co-
Maxim:
consul-
uos scie-
inirem:
um alijs
nimani-
olloqui.
antes &
familia-
icis gra-
nte hye-
ipuis vi-
is nostri
go è pa-
udatissi-
te: Atq;
non

non parùm in votis habuisse, ut denuò eius invisen-
di occasio mihi præberetur: Qui & eos simul roga-
vit, suo nomine Regem nostrum diligenter horta-
rentur, ut meos conatus in Astronomiâ instaurandâ
& illustrandâ, clementer & benevolè promovêret;
asseverans id non solùm Regi futurum honorificum,
sed & hinc non parùm emolumenti in tam sublimi
Arte repurganda, stabiliendaq; ad Posteritatem per-
venturum. Quod etiam Rex Sereniss: & de pluri-
mis optimè meritis, cùm hac laudatissimi Paren-
tis tui admonitione, tùm proprio quoq; instinctu,
& quo Familiam meam meq; prosequi solitus erat,
Regio favore, clementer & liberaliter præstitit.
Nam haud multò post concessa hac, quam etiam-
num inhabito, Insula, & Ædificia, & Organa Mathe-
matica in Astronomiæ honorem atq; restitutionem
hic magnificè extrui, & solidè elaborari voluit; qui-
bus iam annos penè viginti Sidera indefesso labo-
re, nec poenitendo (uti speramus) fructu scrutati
sumus. Quam rem adeò Illustrissimo Parenti tuo
deinceps placuisse cognovi, ut ante octennium,
proximè, Serenissimum Regem nostrum in Au-
straliore Cimbria commorantem invisere satagens,
etiam hûc deinde iter flectere, atq; Vraniburgum
hoc cum suis quas asservat, Astronomiæ Machinis,
coràm intueri, mecumq; congregi, & de tam ab-
strusis Mysterijs conferre, utut corpore & ætate
iam ingravescens, omninò proposuerit; Vt etiam
ab ipsius Mathematico per literas mihi indicatum
(:) 2 est.

est. Quod & Sereniss: Regi nostro ut fieret, admodum placuisse constat: quò vel hac occasione Illustriss: Parens tuus ad vicinum *CORONOBURGVM*, magnificè præteritis aliquot annis ab illius Maiestate extructum, deduceretur. Quem in usum naues etiam singulari industriâ Rex adornari iusserat: ut mihi ab ijs relatum est, qui hæc ex ore regio hauserunt. Idq; proculdubio successisset, nisi fata, non solum huic Regno; sed ipsi etiam Germaniæ, adeoq; magnæ parti Europæ auersa, & lugubria, optimum illum Regem sub idem tempus terris abstulissent. Interea verò tuus Pater, dum hîc Astronomiæ reparationem molior, me suis clementissimis, & pariter eruditissimis literis invisere, atq; absens id præstare, quod præsentis ob viarum intercapedinem non licuit, minimè est degravatus; Idq; occasione primùm sumptâ à Cometâ anni 1585 à paucissimis aliâs animadverso, quod caudâ præter solitum destitueretur; de quo, cum ad Nobiliss: & Ampliss: Virum *HENRICVM RANZOVIVM* Producem Regium in Holsatiâ, rerum etiam Astronomicarum apprimè cupidum, speciatim literas dedisset, unâq; rogasset, ut meam de eodem Cometâ sententiam, atq; observata sciscitaretur, simul innuens, quod Instrumenta sua Astronomica ex informatione cuiusdam VVratislaviensis Mathematici (quem tunc ignorabat hîc apud me eam in conformandis illis rationem antea didicisse) de novo redintegrârit; quibus iam tum multò subtiliùs Astorum situs dimeti-

meti-
dum
vium
nom
mus
tunit
de C
nom
eo i
quo
us &
adap
qui l
rat,
tiam
men
suo,
de h
factu
inter
mica
conc
etiar
laud
lum
niur
iace
omr
Astr

admo-
ne Illu-
r G V M,
uestate
ues et-
ut mi-
serunt.
solum
q; ma-
um il-
nt. In-
repa-
x pari-
d præ-
dinem
atione
imisa-
desti-
ff: Vi-
n Re-
carum
unâq;
tiam,
quod
ne cu-
n tunc
is illis
grârit;
us di-
meti-

metiri, quàm prioribus concedebatur; Quemadmo-
dum Exemplum literarum Parentis tui ad Ranzo-
vium, (quod etiam ob id in hoc Epistolarum Astro-
nomicarum libro primum locum obtinere volui-
mus) testatur. Hinc verò arreptâ commodâ opor-
tunitate, ipsemet ad Illustriss: tuum Parentem, cùm
de Cometâ, de quo rogabat; tùm de alijs ad Astro-
nomix negotium non modicè facientibus, atq; de
eo ipso Instrumentorum componendorum modo,
quo divisiones & pinnacidia, aliaq; requisita recti-
tùs & commodiùs, quàm communiter fieri solebat,
adaptarentur; ac plenius, quàm à Mathematico illo,
qui hinc per patriam deflectens, ad ipsum discesse-
rat, indicatum animaduerti, meam aperui senten-
tiam. Ad quas literas tuus Illustriss: Parens cle-
menter, & appositè respondit, unaq; Mathematico
suo, quem tunc in Aulâ habuit, ut plenius mecum
de hoc negotio literis ageret, iniunxit. Hinc porro
factum est, ut aliæ, atq; aliæ supervenirent, atq;
inter nos communicarentur Epistolæ, de re Astrono-
micâ, adeoq; præcipuis quibusdam capitibus hanc
concernentibus, affatim & copiosè tractantes; Quod
etiam intermitteri non desijt, donec optimus ille, &
laudatissimus Princeps, totius Germaniæ oculus, co-
lumen, & decus, in terris esse desijt. Quem antè trien-
nium hinc evocatum magno tam Germaniæ, & ad-
iacentium Regionum incommodo, quàm bonorum
omnium gravi desiderio, luctuq; & Rerum quoq;
Astronomicarum (né hoc præteream) quas impen-

(:) 3 se

se fovēbat, & promovēbat (imō ipsemet suis oculis, & manibus magnā cum industriā tractabat) ingenti dispendio, summoperē indoluimus. Quoniam verō ā quibusdam præstantibus Viris rogatus sum, ut, quæ hinc inde ab Eruditis de re Mathematicā ad me perscripta, & vicissim rescripta, in Archivis meis conservo, publici iuris facerem, eò, quod multa in ijs continerentur, quæ Astronomiæ penetralia referarent, & Divinam hanc Scientiam illustriorem redderent: Eorum ego desiderio vt satisfacerem, & publico bono pro virili consularem, hūc me adduci passus sum. Verū inter omnes Eruditorum ē diversis Europæ partibus ad me missas literas, eæ, quæ ab Illustrissimo Patre tuo, eiusq; Authoritate profectæ sunt, primas statuimus ac esse volumus; idq; non saltē, quod ā viro Principe ē veteri Illustriq; Familia oriundo, adeoq; ipso lumine & primatē Germaniæ prodierint; sed etiam quod res ipsa & materia sic postulārit: quam rationem si duntaxat secutus fuisset, non exorbitasset. Quem enim ei præferre oporteret, qui inter omnes suæ ætatis Astronomos, quotquot fouit Germania (aliās horum præ reliquis Europæ Regionibus multo iam tempore ferax) principem locum meritō obtinuit? Is enim non in tugurijs, aut libris, aut vaporarijs (ut de vulgaribus Astronomis conqueritur *REGIOMONTANVS*) hanc Artem exercuit, sed in ipso Cælo per apposita, & solidē elaborata Organa suismet ipsius sæpenumerō oculis

lis ill
stent
In qu
usq;
caus
antic
conf
pora
rit, a
tem
& in
mut
omn
saltē
prof
vend
illius
tur:
aliæ
Cælo
& lo
verō
mur
pub
acce
ne r
flagi
fiaca
hinc

lis illi sedulò invigilare non detrectâuit; eamq; sustentatis idoneis Artificibus plurimùm promovit. In quo etiam Heroico, & verè Atlantico proposito, usq; dum Sidera & Solem intueri licuit (quorum causâ hominibus esse oculos attributos, quidam antiquitès Philosophantium non abs re protulerunt) constanter permansit: Adeò, ut visibile hoc, & temporaneum Cæli Theatrum contemplari non omiserit, antequàm ab Horizonte temporis in Æternitatem transmigratione factâ, Cælum illud æviternum, & invisibile, DEI beneficio, pro hoc altero commutârit. Quapropter quis iure inficiabitur, decuisse omninò Literas Astronomicas à tanto Atlante, non saltèm Genere illustri; sed & in hâc arte Principe, profectas, principales partes in hoc volumine libi vendicare? Quibus rectè adiungi videntur, quæ illius iussu à Mathematico quoq; ipsius mittebantur: unâ cum nostrâ ad singulas responsione: Vtut aliæ ab Eruditis, & præstantibus viris passim de hoc Cælesti negotio mihi perscriptæ literæ, & tempore & loco nonnunquam priores vidêri possint. Quod verò has ipsas, à tuo Illustrissimo patre mecum communicatas de re Cælesti Literas, nunc tandem lucem publicam vidêre, & terras pervagari sino; vt alijs acceptissimum esse scio (utpote à multis hoc nomine rogatus, qui harum Epistolarum editionem seriò flagitârunt) he tibi, & splendidissimæ Domui Hassiacæ minimè ingratum futurum confido. Idq; vel hinc mihi audentiùs polliceor, ex quo in Oratione
fune-

funebri, cum prædicti tui Parentis sepulturæ Pom-
 pa celebraretur, publicè in Illustrum Amplissimo-
 rumq; Virorum conventu ab eruditissimo, & præ-
 stantissimo I: C: HIERONIMO TYRLERO in hunc
 modum declamatum reperiam. *De exercitijs Mathe-*
maticis priore parte explicare ceperamus, quâ ratione ad
 ea Princeps accesserit, quantum in ijsdem, vivente adhuc
 Illustrissimo Parente profecerit. An verò sui planè iuris
 factus, & tot alijs involutus curis, remissius ea tractavit?
 minimè omnium. Sed ut solet animus adherescere circa
 ea, quæ cum delectatione visa sunt semel suscipi: Ita noster,
 non aliter, ac ATLAS vetustissimus ille Mauritania Rex,
 Cælum humeris quasi suis, dum vixit, sustinuit, et nunquam
 gravissimam illam rerum Astronomicarum sarcinam de-
 posuit. Itaq; & in Aulâ suâ Artifices semper aluit præcla-
 ros: et si quos in locis etiam remotis circa eas Doctrinas ex-
 cellere comperisset, eos vel magnis premijs ad se invitabat,
 vel si nec id posset, per Literas crebrò de difficillimis Quæsti-
 onibus cum illis conferebat. Quod si eas tantum Epistolas
 edi in publicum aliquando contingat, quas ijs de rebus ad
 virum, & genere, & scientiâ Mathematicâ Nobilissi-
 mum Tychonem à Brahe Danum subindè, extremis
 maximè annis misit, vel inde constabit Posteritati, quàm
 industrius, quàm exercitatus fuerit, quantum ad Tabu-
 larum Astronomicarum tollendos errores, ad loca Stella-
 rium exactius cognoscenda, laboriosis suis Observationibus
 contulerit. Instrumenta sibi comparaverat plurima, supel-
 lectilem Mathematicam habuit exquisitissimam, Specu-
 lam huic usui extruxit peculiarem, intempestâ sæpè nocte,
 somno

som-
 bat.
 laud
 Epi
 ab I
 diti
 quil
 deli
 striu
 star
 etia
 don
 com
 diut
 tibi
 repe
 vel
 fum
 adeo
 cert
 Pate
 rum
 huc
 his d
 isse
 tiffi
 tem
 atq;
 fuit.

somno interrupto, in eadem Astrorum speculationi vacabat. Ita ille de præstantissimo Principe, & verè, & laudabiliter verba fecit. E quibus liquet, inter alia Epistolas etiam de hâc sublimi Astronomiæ cultura ab Illustriss: tuo Parente mihi inscriptas, à viris Eruditis, adeoq; ab ipsis vestræ ditionis præstantissimis quibusq; avidè expeti, & ut in publicum edantur, desiderari. Quod & in tuo ipsius, & aliorum Illustrium virorum confessu publicè pronunciare, & testari, celebris ille Orator tuus non dubitabat. Quâ etiam de causâ earum publicationem (licet aliàs, donec totum volumen de hâc Epistolari materia compleretur, mecum conservandas statuerim) non diutius differendam censui. Cui verò potius, quàm tibi has Astronomicas Epistolas inscriberem, non reperi, cum Patris potissimùm contineant Literas, vel si quas alias, eius tamen Authoritate, & hinc sumpta occasione scriptas. Sic enim apud Eruditos, adeoq; ipsos Posterios (si quos horum cura tanget) certiolem fidem merebuntur: siquidem ipsi Filio Paternas Literas offerre non dubitarim. Quin & earum in Archivis Cancellariæ vestræ exemplaria adhuc conservari non est dubium: Vnde me nihil in his de meo interferuisse (quod aliàs per se nefas fuisset) quivis facile colliget. Deinde nemini Eruditissimi Principis Eruditas literas, quàm Filio, non saltem Paternorum bonorum hæredi; sed & Virtutis. atq; Eruditionis Paternæ successor, dedicare visum fuit. Licet enim non adeo ex professo Astronomiæ

):(

pene-

penetralia peruestigare, et tam operosam Artem peniti-
tius excolere, alia Curæ, aliaq; exercitia tibi permit-
tant (liquidem, Vnus par studijs omnibus esse nequit)
tamen & his nonnunquã iucundè te affici, haud am-
bigō. Nam & Instrumenta, à Parente in huius præcla-
ræ Artis restaurationem liberaliter per idoneos Arti-
fices extracta, etiamnum tuâ curâ sacra tecta conser-
vari, & qui ijs per oportunitatem utantur, tuâ libera-
litate sustentari, perlubenter inaudivimus. In quo eti-
am proposito, & utili provisione, ut constanter perse-
veres, summissè hortamur. Quantum verò profectū
in alijs liberalibus Artibus, præsertim Historiarum co-
gnitione & Linguis, feceris, apertius quàm plurimis
perspectum est, quàm ut mea commemoratione in-
digeat. Quantus insuper sis in iucundo, & erudito Poë-
tarum Studio, ut alia à te concinnata, & Eleganti ve-
na resonantia Metra liquidò ostendunt; sic etiam Psal-
morū omnium Regij illius Vatis Davidis, in Carmina
diversi etiam generis, mellifluo sono prædita, iam pri-
dè, adeoq; in ipsâ Adolescentiâ, circa Annum Æta-
tis decimū octavum, à te exhibita Versio (quæ postea
Typis edita est) quàm argutâ, et facili venâ Poëtica de-
coratus sis, non obscurè testatur. Quem Librum ante
paucos annos huc in DANIAM missum non sine vo-
luptate introspexi, et Ingenij tui in facultate Poëtica, e-
tiam illa ætate nondū maturo iudicio confirmatâ, fer-
tilitatem, plurimam, vnâ cum alijs, quibus ostendeba-
tur, admiratus sum. Quin & ^{δεκάσις} illud, quod adhuc
vivente Patre, & ex eius voluntate in Operum meo-
rum

rum commendationem concinnare, & proprijs digi-
tis exaratum, mihi mittere non dedignatus es, id ip-
sum palàm efficit: ostendens, quàm gratus Musarum
fueris Alumnus, & quàm *VRANIAE* primogenitæ,
& præcipuæ harum Sorori, & quàm deniq; mihi hu-
ius, pro virili, cultori, Heroica, ac Clementi propen-
sione faveas. Quod Carmen, ut aliàs Libris meis ho-
noricè præfigere; sic etiam hiscè Epistolarum Pri-
mitijs suo loco inferere, adiunctis proprijs tuis, hâc de
caussa ad me perscriptis Literis, non negligendum
duxi. Itaq; vel hoc quoq; nomine iste Epistolarum
Liber tibi consecrandus videbatur, occasionē videli-
cet præbentibus Literis, non solum à Parente cōmen-
datissimo; sed & teipso eius Filio, minimè à patria
Virtute degenerere, profectis. Concurrentibus proin-
de tot simul rationibus, te in hac Nuncupatione præ-
terire, & ingratum, & indecorum nobis fore, videba-
tur: ut vt in Libris, quos hactenùs in publicum emisi-
mus, aut in posterum, favente Cælesti Numine, evul-
gare decrevimus, à peculiari aliqua dedicatione, a-
lijs vsitata, libentiùs & satiùs, certis de causis, absti-
neamus. Habes iam nunc Illustriss: Princeps no-
stræ intentionis & consilij rationes, & cur te hiscè in-
terpellare, Librumq; hunc Epistolarum tuo Nomini
insignire & consecrare, animum induxerim. Quod
te nunc non ampliùs miraturum; sed clementi vo-
luntate, & approbatione accepturum, omninò mi-
hi persuadeo. Eâ spe subnixus, quibus possum pre-
cibus, submissè & obnixè te Illustriss: Princeps ora-
tum

tum habeo, ut quæ de Affixarum Stellarum restitutione, multo tempore, & crebris vigilijs, nec parvo labore & sumptu ab honoratissimo tuo Parente conquisita & elaborata sunt, non interire; sed maturè in publicam Astronomiæ utilitatem prodire sinas. Quâ in parte Doctiss: ille Christophorus Rothmannus, sicubi adhuc in Germaniâ reperietur, suam operam, liberaliter invitatus, non denegabit; Qui & commodissimè omnia perficiet: Si quidem is, & Observationum, & Supputationum, cum in Aulâ honoratissimi tui Parentis Mathematicum ageret, administrator extitit. Vel si fortè is nullibi compareat, aut ad alia studia se contulerit, siue præ invaletudine, quâ fortassis etiamnum afficitur, eò perducere nequeat, invenies faciliè pro tuo liberali & favorabili erga Doctos animo, alium quempiam Astronomiæ peritum, qui eam Operam suscipiat. Nam ubi adfuerint Mecænates, non deerunt Marones. Si verò nullum in Germaniâ (quod tamen non crediderim,) qui hoc munere perfungi sustineat, reperire dabitur, ego, volens, lubensq; meam opellam tibi hâc in parte defero, omni diligentia & studio enixurus, nec sumptibus parsurus, ut tui Optimi Parentis, & de Re Astronomicâ præclarissimè meriti Labores illi Atlantici, in Publicum quàm emendatissimè edantur, & Posteritati gratæ in perennem eius memoriam, nec postremam laudem consecrentur. Quare tuæ voluntatis erit & arbitrij, velisne, id quicquid erit, hâc de re, vivente ad-

te ac
re.
rum
mih
Do
grat
ti qu
mo.
Red
nos
gen
ad
ante
mo
Astr
sect
Ste
par
rab
me
ciâ
ubi
bro
una
ran
gua
no
te
tân

te adhuc Patre conscriptum, meæ fidei concrede-
re. Equidem polliceor me fideliter in ijs versaturum,
nec illis abusurum; neque quicquam eorum mihi
vendicaturum: Sed omnia in Parentis, & Domus
Hassiacæ, unde profecta sunt, honorem & gratiam,
candidè ac ingenuè directurum. Neq; enim, in quàm
maximè vellem, hinc aliquid subsidij & emolumenti,
ad eam, quam ego molior, Fixarum Rectificationem
amplius accedere potest; siquidem nostra de his
Canonica Expositio, quæ ultra octingentas
Stellas, in ipsissimo minuto Cælitus tam quoad
Longum, quàm Latum denotatas continet, iam
antea Typis excusa sit, & earum fundamenta,
demonstrationesq; explanatæ: prout primi Tomi de
Astronomiâ instaurandâ iamdudum absoluti, Caput
secundum satis superq; testatur: Adeò, ut ad dictam
Stellarum reformationem Globi iam nunc in Belgio
parati extent, & plures adornentur. Nihilq; nos
morabitur, quod in omnium Fixarum longitudinibus
meæ verificationes, dicto Tomo iam antea editæ,
unciâ circiter gradus Parentis tui denotationes
fermè ubiq; anticipent. Quî enim id fiat, & in prædicto
libro indicatum est, & hæ ipsæ, quas nunc tibi mitto,
unâq; in Publicum emitto, Literæ, subindè
declarent. Quin & differentia hæc per se adeò
est exigua, ut huius Pragmatiæ difficultatem
intelligentes non saltè nihil offendat, sed etiam
plùs de veritate ipsâ, ex quo in diversis locis
Observationes factæ tam propè coincidunt,
confirmet. Nam omnia tam

) (3

belle

bellè sibi invicem in quadringentis Stellis (tot enim esse Patris tui Operâ pariter restitutas Rothmannus retulit) correspondent, vt ad tantam præcisionem, & concordantiam; nulli Veterum Astronomorum à Rerum primordijs (absit invidia dicto) unquam pervenerint. Illi enim tantum sextas quasque Graduum partes in suis dimensionibus annotare ausi sunt; Imò nè inter has quidè lato saltè modo acceptas metas, Veritatis scopum colineârunt. Insuper etiam te Illustriss: Princeps per Astronomiæ Sacra obtestor, ut Organa Astronomica à Parente magnâ sedulitate, & curâ elaborata, in suo vigore & usu, perpetuò illibata conservare (quod & sponte te sine vlllo monitu facturum spero) non intermittas; unaque de idoneis Observatoribus, & Artis excultoribus benignè & liberaliter prospicias: Ac si quæ in Planetis, vel Cometis Cælitûs isthic habitæ fuerint accuratæ Denotationes, eas mecum per oportunitatem clementer communicare velis, quò cum nostris similibus conferantur. In primis verò, si quid in Cometâ ultimo Anni 1593. isthic sedulò est animadversum, cupio me certior fieri. Nam is hic ob *χάσματα*, Septentrionalem Plagam (ubi iter exercuit) perpetuò obvelantia, Animadversiones nostras elusit. Attamen à Studio quodam Dano, qui ante aliquot Annos mihi in Exercitijs Astronomicis per triennium inservierat, idem Caudatum Sidus Servestæ Anhaltinorum, ubi is tùm Studiorum causâ mo-
raba-

rabatur, aliquali diligentia & præcisione, prout
per Radium Astronomicum, quo ille tunc usus est,
fieri poterat (cùm exquisitiora & commodiora In-
strumenta deficerent) Cælitus denotabatur: Idq; à
viceſimo ſecundo die menſis Iulij, uſq; in viceſimum
quartum Auguſti, paululùm vltra menſem durati-
one eius continuatâ. At quoniam Radius Aſtrono-
micus, quantacunq; tandem diligentia elaboratus,
vix accuratas præbet Siderum diſtantias, nec Qua-
drans, quo is unâ utebatur, iuſtæ fuit magnitudinis,
aut è ſatis ſolidâ materiâ confectus: Ideò iſta Obſer-
vationum adminiſtratio nobis inſufficiens cenſetur.
Verùm ſi quæ tui Optimæ Mem: Parentis exactio-
ribus Organis in eâdem Crinitâ Stella obtentæ ſunt
Aduerſiones, eas præcisione debitâ non deſtitui,
mihi perſvadeo; quò ea, quæ à nobis tunc, ob
prædictas cauſſas, intermiſſa ſunt, exindè commo-
dè ſuppleri, atq; in Demonſtrationem noſtrâ ope-
râ deduci queant. Cæteri verò quotquot intra qua-
tuor luſtra apparuerunt, Cometæ, quos omnes in al-
tiſſimo Æthere, & nequaquam Elementari Regio-
ne, tramitem ſuum abſolviſſe deprehendimus, unaq;
Geometricè demonſtravimus (contrâ quàm Græcus
ille Ariſtoteles tot iam ſæculis vulgariter in Scholis
Philoſophari docuit) maximâ ſedulitate à nobis
conſiderati, & è certis *δεδομέναις* Mathematicè ſunt ex-
aminati. Quod & in Mundo coævorum Siderum,
Planetarumque Apparentijs diligentiffimè ſcrutan-
dis, indefinenter facitamus. Quæ autem in hâc Pa-
læſtra

læstra hucusq; præstiterimus, brevi, volente Cæle-
stium Opifice, manifestum faciemus, & tibi quoq;
introspectenda æstimandaq; transmittemus. Quod
Illustrissimus & laudatissimæ memoriæ Parens tu-
us, ut se vivo fieret, atq; illi communicaretur, sæpi-
us exoptabat: Quemadmodum Literæ quoq; non-
nullæ ob id mihi perscriptæ, & huic libro insertæ
hoc ipsum non obscurè testantur. Verùm quibus ego
remoris implicitus, & proximis hiscè Annis retar-
datus fuerim, quò minus hæc tam citò, atq; consti-
tueram, absolvere, & in Publicam vtilitatem evul-
gare potuerim, non est huius loci referre: Ipsa eti-
am Materiâ, quam tractamus, multorum Annorum
cunctationem requirente. Moram itaq; hanc ele-
menter excusatam habeas, propediem (uti spero)
cum foenore compensandam. Interea & semper tibi
me, meaq; studia quàm commendatissima esse cu-
pio. Et nè diutiùs, quàm par est, te Illustriss: Prin-
ceps, alijs fortè occupatum detineam, nunc finem
facio: DEO Optim: Maxim: ad felicem Guber-
nationis Publicæ administrationem, & honesta-
rum, ac liberalium Artium promotionem, te de-
votè commendans. Vale Illustrissime Princeps.
Datæ Vraniburgj ipso die Æquinoctij Vernalis,
Anno Epochæ Christianæ vulgaris M. D. XCVI.


TVÆ CELS: ADDICTIS:

TYCHO BRAHE.

IN

IN EPISTOLARVM ASTRONOMICA-
RVM LIBROS OMNES PRAEFATIO

GENERALIS, TVM QVOQVE IN HVNC
Primum Argumentum.

VM DIV, MVLTVM QVE DE RE ASTRO-
nomicâ instaurandâ, locupletandâq, sublimes,
& homine ingenuo (uti arbitror) non indig-
nas alerem curas: Effet autem hoc negotium,
uti per se arduum, & studij laborisq, ingentis; sic etiam
non parvum temporis, antequàm commodè absolvi, atq,
in actum diduci posset, omninò requireret: Ideo cunctan-
dum nobis aliquandiu, imò per aliquot continuos Annos
hæc res differenda necessario fuit. Præterquam enim,
quod Instrumenta varia, eademq, magna, & exacta, è
solidâ, & constanti materiâ, affabrè ante omnia elabo-
randa forent, & Structuræ his disponendis idonea unâ Ar-
chitectonico opere exadificanda: Quæ omnia non saltem
impensas incredibiles; sed & unâ cum labore moras, ut
ritè conficerentur, absoluerenturq, postulabant: Ipsi quoq,
Astrorum circuitus, & Apparentiæ, quarum causâ tanti
fierent Apparatus, ut ritè calitûs hiscè medijs denotaren-
tur, non paucorum Annorum periodos efflagitabant.
Nam etsi Solare curriculum intra quadriennium ad sum-
mum, collatis invicem singulorum Annorum Observatio-
nibus in diversis Eclipticæ locis habitis (neq, enim par
ubiq, quotannis conceditur serenitas) absolvi queat: Luna
nihilominus huius socia, & quasi ministra, licet singulis
mensibus revolvatur; tamen ipso Sole longè plurium An-
norum Observaciones desiderat, antequàm eius Phanomê-

(*)

na

na cognitioni exacta pateant: Idq; tam propter Eclipses
eius variè examinandas (quæ, quamvis singulis vel al-
ternis Annis supra Horizontem contingant; rariùs tamen
sui aspectus commoditatem ob Calum tunc sæpè numero
nubibus obvelatum largiuntur) quàm alias eius Apparen-
tias, ultra Plenilunia etiam in Quadraturis, & locis in-
termedijs diligenter scrutandas; idq; potissimum in prin-
cipalioribus, utpotè Apogeo, & Perigeo, medijsq; elonga-
tionibus sui Eccentrici, sive, quod idem est, maioris Epi-
cycli, locis: Vii nec omnes Lunares Eclipses aequè ad eius
errores extricandos idonea sunt: Sed inter illas potiores,
quæ præcipuis Eccentrici, aut Epicycli dictis locis vi-
ciniores sunt, existunt. Adeò ut utriusq; Luminaris ex-
quisitos, quales in Cælo ipso exercent motus, aliquis vix
intra sedecim Annos ad amussim in normam redigat, &
per convenientem Hypothesin in numeros celesti harmo-
niæ congruos diducat. Veneris & Mercurij sidera, etsi
unà cum Sole, circaq; ipsum singulis Annis convolvantur;
tamen, ut maximè eorum à Sole digressiones, tam
matutina, quàm vespertina in diversis Eccentrici Locis
discernantur; tum quoq; alia intermedia, & Soli propin-
quiores Apparentiæ, tam quoad longum, quàm latum ritè
denotentur, multorum certè Annorum Animadversiones
exigunt; Mercurio ob Solis vicinitatem, à quo rarissimè
ita digreditur, ut conspectui pateat, non modicam his
iniiciente remoram. Sic etiam trium tardigradorum Pla-
netarum, quos superiores vocant, Observationes, ut re-
stitutioni motuum illis competentium sufficiant, haud pa-
rùm temporis poscunt. Mars etenim, utut intra bienni-

um

um Orbem conficiat ; tamen , antequàm Soli in alternis
saltem signis opponatur, ut Acronychius sufficienter denote-
tur, duodecim Anni praterireunt: Si verò in singulis (quod
prestaret) viginti quatuor expectandi sunt. Iovis curri-
culum, uti 12. Annis completur; sic etiam intra hos ter-
minos eius motiones, & vix antea, emendari poterint;
cum Soli in singulis Dodecatemorijs interea diametralis
reddatur. Saturni verò altior, & cunctabunda Stella, u-
ti 30. penè Annos consumit intra unicam Zodiaci comple-
tionem, ita totidem fermè opus esset in omnibus eius A-
cronychijs locis oportune signandis, alijsq; intermedijs ad
Solem dispositionibus examinandis; quò eius incessus eò ex-
actius pateret. Poterit tamen id ipsum intra 20. vel 24.
Annos satis commodè effici. Objecerit hìc forte aliquis,
antecedentes Astronomos, P T O L E M A E V M præsertim ac
C O P E R N I C V M, non tantam temporum diuturnitatem in
consignandis Planetarum Apogais, & Eccentricitatibus,
eorundemq; reliquis Phenomenis expectasse. Fateor id
quidem; attamen ita fateor, ut in eà ipsà præcipitatione
non parùm desiderè: Ideoq; evenisse haud minimà ex par-
to suspicer, quod ambo illi Artifices, præsertim verò C O-
P E R N I C V S in Apogais, & Eccentricitatibus Errantium
siderum, reliquisq; eorundem, tam in longitudinem, quàm
latitudinem divagationibus, tantoperè ab ipso etiam Cælo
divagati sint. Nam quod ternas Acronychias Observa-
tiones, easdemq; subinde à se invicem non longè remotas
hìc sufficere arbitrabantur, ingeniosè quidem Demon-
strationi, & Numeris circa eadem loca satisfecerunt, ni-
si in ipsis etiam quidpiam vitij latuisset Observationi-
(*) 2 bus:

bus: attamen ad singulos per totum Zodiaci ambitum
 transitus, & latitudinum digressiones salvandas nequa-
 quam sic summam adhibuere manum: Etiamnum id ip-
 sum testante celitus derivata Experientia: qua inerrantia
 Sidera aliam choream ducere, quam ipsorum in numeros
 resoluta melodia sonat, aperte ijs, qui talia discernere no-
 runt, ostendit. Requiritur itaq; ad minimum 4. vel 5. lu-
 stra, antequam Planetarum omnium apparentia in tot,
 tamq; diversis, prout opus fuerit, locis, convenientibus Or-
 ganis sufficienter Observari queant: unaq; in Hypothe-
 sin & Numeros, quod alterius est laboris, nec parum in-
 super requirit temporis, resolvi. Ut nihil dicam de Affi-
 xarum Stellarum ingenti exercitu, quas sigillatim tam
 secundum longitudinem, quam latitudinem respectu Ec-
 liptica convenienter demetiri, & terminos ijs a punctis
 Aequinoctialibus prae finire, haud postremam temporum
 cunctationem desiderat. Si verò uniuersa earundem Pe-
 riodus debito modo explicanda foret, nè multorum qui-
 dem hominum sibi invicem succedens atas, etsi Methusa-
 lae esset, huic Experimentationi sufficeret. Ut igitur tam
 Errantium, quam Inerrantium loca & motiones oportu-
 nè ex Observationibus Celestibus in Numerorum cognitio-
 nem perducantur, & usui communi adaptentur, absol-
 vanturq;, quantum ab uno homine eius aetate prestari po-
 test, tres circiter Annorum decades (si modò non plures)
 requiri videntur: Quas etiam nos hactenus inde à primà
 Adolescentià huic arduo studio impendimus. Quamvis
 (ut dicam quod res est) primo circiter decennio non tan-
 tà accuratatione ob Instrumentorum idoneorum, & oportu-
 niti-

tunit.
 elapsi
 decim
 tatus
 mora
 Orga
 terat
 parti
 molis
 ram,
 restit
 diosa
 Utq;
 nunc
 siones
 mum
 tibus.
 magn
 tics p
 diver
 taren
 am f
 tande
 tionib
 gende
 verò
 vir,
 denbe
 adiun

tunitatis talia exercendi penuriam, atq; reliquis proximè
 elapsis Annis 20. id ipsum præstitimus. Nam inde à
 decimo sexto ætatis Anno Sidera iucundo labore scru-
 tatus sum, idq; in adolescentiâ Lipsiæ Studiorum causâ
 morans, saltem per Radium Astronomicum, cum alia
 Organa in eâ tenuiore ætate deficerent, quantum fieri po-
 terat, periclitabar. Quæ omnia propterea commemoro,
 partim ut intelligant harum rerum amantes, quanta
 molis fuerit Cælestes condere normas, partim, ut mo-
 ram, quam nos in evulgandis ijs, quæ circa Astronomiæ
 restitutionem absq; intermissione molimur, si fortè ijs te-
 diosa est, eò lubentiùs, & promptius excusatam habeant:
 Utq; simul Epistolarum Astronomicarum volumini, quod
 nunc publici Iuris facere decrevi, hac præmonitione occa-
 siones præstruam, atq; aperiàm. Accidit enim (ut eò de-
 mùm quo volui perveniam,) quod, dum tot iam laben-
 tibus Annis Cælestia indefesso studio scrutarer, multi, &
 magni Viri, Eruditione in Philosophicis & Mathema-
 ticis præsertim, excellentes & Clarissimi, Literas mecum è
 diversis Europæ partibus de tam sublimi negotio commu-
 tarent: Quas, etsi mecum prorsus conservare (uti diu eti-
 am factum est) ab initio animum induxerim, tamen
 tandem, Amicorum, & præstantium virorum adhorta-
 tionibus persuasus sum, ut eas Typis èdere, & publicè le-
 gendas alijs communicare non renuerem. Ante omnes
 verò me eò perduxerunt, Nobilissimus & Amplissimus
 vir, HENRICVS RANZOVIVS, Dominus de Bre-
 denbergâ, &c. Serenissimi Regis nostri in Holsatiâ, &
 adiunctis Ditionibus Vicarius Magnificus: tum quoq;

Clarissimus ille, & inter Germanos magni nominis Vir
D. CASPAR PEVCERVS, Philosophus, & Medicus
celeberrimus; & praterea Excellentissimus ille D. THAD-
DAEVS HAGGECIVS ab Haick Bohemus, qui uti Me-
dicina, quam exercet, sic etiam Philosophia, & praesertim
rerum Astronomicarum est peritissimus; quodq; majori
aestimo, Virtutis, & Veritatis amans, ac Integritate, Inge-
nuitateq; morum eximie praeclitus. Hi, inquam, quorum
etiam Litera hocce volumine suis locis inserta id ipsum sa-
tis probant, nos huc adduxerunt, (ut de alijs itidem mo-
nentibus nunc subiceam) quò Publicationem hanc exe-
queremur. Quin & mihi ipsi privatim, hunc laborem
haud inutilem, aut ingratum fore visum est: siquidem
Epistola multa, & varia complectantur, & ob id à quàm-
plurimis auidè legantur; idq; minori tadio, quàm alijs
eadem ferè tractantia, & copiose replicantia volumine.
Quin & sic aliorum de ijsdem rebus diversa sententia re-
ctius cognoscuntur, & expenduntur: quando quilibet, id
quod in notà materià exploratum & constitutum habet,
Amico per literas ingenuè, & liberaliter impertit: sicq;
ex hac collatione amicà & candidà, veritas eò promptius
& dilucidius extricatur. Ideoq; multi Eruditionis lau-
de celebres, tam inter veteres, quàm recentiores hanc scri-
bendi, & ad Posteror sua inventa deducendi ratione, non
infrugiferè usi sunt. Quare illorum vestigia imitando,
& Epistolarem hunc fascem paulatim in publicum emit-
tendo, volui alijs insuper Eruditis viris, etiam inter eos
qui mihi adhuc fortè ignoti sunt, ansam præbere, ut de
Rebus Philosophicis, potissimum verò ijs, quæ Sideralem
Scienti-

Scienti
re,
riam
te mi
præsta
impar
quos
stanti
Astro
quam
Pyron
liquas
storu
niores
verò
dum,
sed po
quam
Lana
bus m
Respo
corum
quior
ubi e
modo
dum
quent
porib
ne, q

Scientiam concernunt, mecum pariter per Literas differe-
re, atq; huic volumini pluribus Tomis augendo mate-
riam subministrare, non supersedeant: qua etiam in par-
te mihi rem acceptam, & alijs (uti spero) non inutilem
prestabunt. Invenient quoq; me ad respondendum nec
imparatum, nec difficilem. Continebunt autem hi Libri,
quos de Epistolis edere animus est, eas potissimum pre-
stantissimorum virorum ad me datas literas, qua de re
Astronomica affatim agunt: interpositis tamen nonnun-
quam alijs Philosophicis questionibus, ad Physicam, &
Pyronomicum, praesertim, studium pertinentibus. Re-
liquas, qua penes me reperiuntur, eruditae etiam Do-
ctorum virorum literas, quatenus ab hac materia alie-
niores essent, hisce intermiscendas non duxi. Servavi
verò in ijs, quas edere decrevi, hanc dispositionis metho-
dum, ut non semper Annorum seriem, quibus scriptae sunt,
sed potius personarum & locorum, tum quoq; materiae,
quam continent, rationem habuerim. Ideoq; primo Tomo
Landtgravianas solummodò Epistolas, de rebus Caesti-
bus mecum luculenter agentes, unà cum mea ad singulas
Responsione, complector. Secundo Eruditorum, & Ami-
corum in Patria nostra, eiusq; vicinia Literas, tam anti-
quiores, quam recentiores seligo, & in unum compono:
ubi etiam Carmina nonnulla, Epistolari ut plurimum
modo, de rebus huc utcumq; pertinentibus, à nobis inter-
dum animi causa conscripta, intexuntur. Tertio & se-
quentibus aliorum è diversis Regionibus ad me varijs tem-
poribus exaratas, measq; rescriptiones convenienti ordi-
ne, quoad eius fieri potest colloco; Vbi id, quantum licet,
obser-

obseruo, ut eorundem Authorum Literæ in unum colligan-
tur, & se invicem subsequantur: non habita ubiq; consi-
deratione, quod aliorum Epistolæ tempore sint, vel ante-
riores, vel etiam posteriores. Reliqua, quæ in hac dispo-
sitione facta, vel etiam nonnunquam prætermissa sunt,
prudens, & candidus Lector ipsemet facile perspiciet, atq;
uti confido, sincerè interpretabitur. Porro id etiam be-
nevolunt lectorem admonitum, & rogatum velim, nè in
ijs, quas ipsimet nos conscripsimus, vel ad alios rescripsi-
mus, Epistolis, admodum rigide & curiosè verborum ille-
cebras, ac sermonis Latini subtilem elegantiam requi-
rat. Præterquàm enim quod nos ab ineunte ætate maio-
rem curam Rebus, quàm verbis discendis & peruestigan-
dis adhibuerimus, hæ ipsæ literæ ut plurimum extempora-
neæ sunt, & carptim inter alias graviores occupationes,
vel à me ipso exarata, vel Amanuensibus meis dictata;
ut eas uix relegendi, nedum compta & tersa oratione ex-
ornandi, otium mihi superfuerit, tametsi quàm maximè
id præstare voluissem, aut etiam sustinuissem. Criticos
verborum nostræ, & superioris ætatis, malo suspicere &
laudare, quàm imitari: nè Verba nimis studiosè, nè di-
cam curiosè, sectando, Res longè præstantiores, & cognitum
utiliores omittam, vel potiùs amittam, sicq; maius di-
spendium, quàm lucrum faciam, & in illud Seneca di-
ctæ impingam: Parùm nos habere temporis, sed
multum perdere. Et alibi: Necessaria ignoramus, quia
non necessaria didicimus: licet & is verborum haud negli-
gens fuerit, attamen rerum gravium, & scitu dignarum
pariter gnarus: quæ duo si simul coniungi possent, equi-
dem

dem eò laudabiliora esse non inficior, salvà tamen Rerum,
uti par est, prerogativà, & Iudicij arduà, graviq; censurà:
ante omnia verò Veritatis intemerata sincerà & non so-
phisticà inquisitione, ac Demonstratione, factà tectà perma-
nente. Quamvis (ut dicam id quod res est) hac excusatio-
ne, vel eam ob causam non opus fuisset, quod Mathematica
per se talia sint, ut verborum lenocinia & fucos, vel
colores quoscunq; avertentur, & potiùs simplicibus, ac nu-
dis verbis tractari debeant; uti etiam est in trito Manilij
nostri versiculo, qui de hac ipsà re sic pro se quoq; protesta-
tus est: Ornari res ipsa negat, contenta doceri. Simpli-
cibus itaq; verbis gaudet Mathematica Veritas, cum etiam
per se simplex sit Veritatis oratio; Vtut non inficior, eximiù
illum superioris seculi apud Germanos Mathematicum
IOHANNEM REGIOMONTANVM Francù, Viennen-
sis Academia lumen, admodum tersè & Latine sua literis
mandasse. Quod sanè in obscuro illo ævo, quando humanio-
res Litera nondum apud Germanos planè inoluerant, ad-
mirationi non minima esset, nisi & simile quid in alijs
quoq; eius ætatis Mathematicis, qui satis comptè loque-
bantur (cum reliqui ferè omnes Doctrina alicuius nomen
sibi vendicantes, barbaricè sua effarentur) animadvertere
liceret. Quin et ingens ille COPERNICVS Astronomorum
decus, & succinctis, & Latinitati tersiori congruis, in suo
illo plusquàm Atlantico Revolutionum Cælestium Opere,
usus est verbis. Sed de ijs plus satis. Si verò in his ipsis no-
stris Literis aliquando prolixior fortè fui, quàm Epistola-
rum familiarium leges patiuntur, præsertim in ijs, quibus
Landisgravianis respondimus, & nonnullis alijs; id æquus
)* (in-

inspector ut in meliorem partem accipiat, rogo; simulq; ex-
pendat, hanc non, ut alias familiariter scriptas, vulgaria
tractare; sed de arduis rebus, ipsisq; Divina illius Astrono-
mie intimis penetralibus, ut plurimum agere, & pro maiori
parte Dogmaticas esse; ideoq; de rebus hoc negotium concer-
nentibus nonnunquam pro et contra prolixius differere. Ac-
cedit & hoc, quod multa in hisce dilucidius & plenius ex-
plicare voluerimus, circa nonnulla eorum, quae in Tomis
nostris Progymnasmatū Astronomicorū minus fortè lucu-
lenter, quam ut omnibus planè sufficerent, pertractata sunt.
Ad quod etiam exequendum, partim alij, dum Quaestiones
& dubia in his, vel similibus mihi movērent, occasionem
dederunt, partim ipsemet, dum ista per otium relegerem,
aut de talibus ulterius cogitarem, sic faciendum mihi per-
suasi. Ideoq; & in iisdem Progymnasmatum Tomis ad
hanc Epistolas Astronomicas subinde me refero, si quid
fortè isthic dicitur, vel praetermissum est, quod per has mani-
festius elucidari queat. Sed nolo talibus copiose hanc Prae-
fatione exaggerandis & commemorandis diutius immorari,
cum prolixiore informatione, re ipsa satis pro se loquen-
te, non indigeant; nec etiam opera pretium sit, eam potis-
simū ob causam, quod singuli Tomi peculiare quoq;
Praefatiunculas seorsim habituri sint, quae eorum conten-
ta & dispositionem breviter, quantumq; opus fuerit, pa-
tefacient. Quod ut in hoc ipso Primo Tomo omnium
etiam primò praestetur, eius succinctam & sum-
mariam explicationem, univēr-
sali indicationi nunc
subiungemus.

IN

IN HVNC TOMVM PRIMVM
SPECIALE ARGVMENTVM.

Postquam Illustrissimus & laudatissima memoria Princeps, GVLIELMVS Hassia Landtgravius, per Nobilissimum & Amplissimum virum HENRICVM RANZOVIVM Vicarium Regium in Holsatia, Cometa Anni 1585, Descriptionem à nobis expetivisset, & de reformatione suorum Instrumentorum nonnulla simul indicasset, factum est, ut ego luculenter respondendo, de Instrumentorum restitutione ulterius, quam VVratislaviensis ille Mathematicus, qui talia hic vidit, & ad ipsum detulit, admonerem, atq; insuper dicti Cometa accuratas Observationes, hincq; deductas Mathematicas conclusiones, ipsi communicarem. Ad quæ Illustrissimus ille Princeps tam proprijs suis Literis, quam per eum, quem tunc in Aulâ habuit Mathematicum CHRISTOPHORVM ROTHMANNVM, in hiscè studijs eximiè versatum, mihi Clementer & Eruditè describi curavit, nostrasq; Observationes & ratiocinia approbando, convenientiam in denotatione eiusdem Cometa demiratus est: misitq; simul nonnullas è suis Animadversionibus Calitis deductis, quas calculo à nobis subijci, atq; cum nostris conferri desideravit; quæ deinde examinata remisi, & disconvenientiam nonnullam Mechanica translationis ab ipso in Globo facta, à calculo Geometrico, ostendi: moxq; distantias nonnullarum Fixarum nostris Sextantibus acceptas recensui; quò collatio cum illis, quæ in ijsdem Stellis, mediantibus ipsius Organis, adinventæ erant, institui posset. Eandem quoq; ob causam Altitudines Meridianas quarundam insigniorum Stellarum hic

nostris

nostris *Quadrantibus*, certis *Annis*, denotatas subisci; ut *Declinationes* earundem hinc derivata, cum ijs, quæ *Cassellis* pari ratione conquisita essent, ad invicem expenderentur. Quin & 50. circiter selectarum inerrantium Stellarum loca ad initium Anni 1587. ex nostris, è Cælo ipso, desumptis *Verificationibus*, tam in longum, quam latum, accurate in ipso Minuto restituta imperitivi: applicatâ simul tam *Alphonsinâ*, quam *Copernicâ* in ijsdem supputatione: ut discrimen, quod nonnunquam admodum evidens est, promptius pateret. Demum etiam omnium Planetarum ternis diebus in Ianuario predicti Anni nostris *Organis Celitus*, ad certa horarum momenta, denotatos *Situs*, una assignavi: partim quia aliàs rarissimum est omnes Planetas intra unicam *Univerſi* revolutionem *Observationi* commodè patere; partim ut differentia ab utroq; usitato *Calculo*, eandem etiam ob causam appposito, citius elucesceret: Quæ tamen subinde in quolibet horum Planetarum maior, quam tunc deprehensa est, evenire potest. Atque hæc fere sunt, quæ septenis circiter prioribus continentur *Epistolis*. Postmodum subsequentibus nonnullis; De *Instrumentorū Fabricâ*, et accuratâ emendatione; De varijs *Observationibus Astronomicis*, idq; tam in *Sole* quam *Lunâ*, & reliquis *Stellis*; De *Poli Altitudine* ad amussim scrutandâ; De *Obliquitate Eclipticæ* maximâ penitius, quam antea factum fuit, discernendâ; De *Hypothesibus Astronomicis*; De *Luminariū, Stellarumq; Refractionibus* *Opticâ* ratione contingentibus; et De *Crepusculis*, differuimus: unâq; De materia *Celi* atq; similibus multifariam egimus: Tum quoq; præcipuè de *Fixarum terminis* præfiniendis; ubi de
quinq;

quinq; vel sex Minutorum differentia, qua inter Landt-
 gravianas Observationes & nostras, quoad Longitudines,
 fere semper incidit, nonnunquam disceptavimus; Viroq;
 nostrum pro sua Inventione stante. Vbi occasionem, cur
 uncia illa gradus in Landtgravij; longitudinibus abundet,
 sufficienter ostendi: si modo id locum mereri potuisset, praeser-
 tum apud ipsius Mathematicum; in quem tritum illud
 quadrare videtur: Qui volet ingenio cedere, nullus erit.
 Ipsemet tamen Princeps, cum intellexisset, me non saltem
 per Veneris Observationes vespertinas, sed & Eoas, Fixa-
 rum limites diligentissime examinasse, quid inferret, aut
 obijceret, non reperit. Siquidem ab ipsius Mathematico in
 hoc subtili & principali negotio habita determinationes, ex
 Altitudinibus & Azimutis, mediante loco Solis & tem-
 pore, in certis Sideribus perquisita, tam accuratam perve-
 stigatorem haud sustinuerint. Nec etiam ea, qua postmo-
 dum usus est ad nostri imitationem, per Venerem, videlicet,
 tam interdiu, quam noctu apparentem, & ad Solem atq;
 Stellae collatam, Ratiocinatio, tanta praecisioni sufficeret: Ex
 quo rariores eiusmodi habuerit, intermediente Veneris
 Stella considerationes, & easdem circa occiduam saltem
 Caeli plagam, Venere ipsa vesperugine existente: Quae in eo
 tantummodo situ Animadversio, ob Refractionum aliam
 atq; aliam insinuationem, exactissimum, quem petimus,
 scopum non attingit. Ideoq; pluribus, iisdemq; & Eois
 & Occiduis hic opus est in Venere collimationibus: Eadem
 pariter fere & a Sole, & ab Horizonte, adeoq; ipsa Terra,
 remota, inq; consimili penes Solis & Stellarum utrinq; sub-
 limitate. Quemadmodum nos Capite secundo Libri primi

variè, & luculenter præstitimus. Imò cum mecum hic
iussu sui Principis aliquandiu fuisset Rothmannus, atq;
nostram in his peruestigandis, accuratorem, considera-
tius expendisset, tandem de Landtgravianis à se ipso ordi-
natis Longitudinum limitibus, quoad quina illa Minuta,
hesitare se non inficiabatur; in Azimutha & Altitudines,
per Quadrantes lubricè acceptas, culpam illam minutulam
rejiciens. Quæ etiam de re apud Principem suum, dubita-
tionem se antea movisse aiebat. Quin & de Cometa Anni
1590. breviter & sedulo tractamus. Agimus insuper mox
de Motibus Terræ tribus à COPERNICO introductis: quos
Rothmannus tueri nititur, præsertim quoad duos illos prio-
res: Ego verò omnes tres irritos reddere. Atq;, ut brevi-
ter, et summatim dicam: Hæc & pleraq; alia ad negotium
Astronomicum facientia, hinc inde, disquisitioni & enu-
cleationi subijcimus. Cumq; Rothmannus me hic per ali-
quot Septimanas (uti dictum) invisisset, quò Machinas
nostras Astronomicas coràm diligentius inspiceret, atq; ad
Principem suum de ijs referret; Is verò per Patriam
suam hinc redeundo istic præ invaletudine detentus, ad
Landtgravium non reverteretur; evenit, ut misso huc à
Landtgravio Nobili quodam Adolescente Dano, qui ei
tunc in Aula inserviebat, Instrumentorum meorum De-
scriptionem per eundem illi, sic expetenti, miserim: prout
tunc à meo Amanuense Germano, carptim concipi & ex-
arari poterat. Quam Synopsis postea in Latinum idioma
conversam, paulò locupletius augeri curavi. Adiunctis in-
super Iconibus, Ædificiorum & Locorum Astronomia In-
stitutioni à nobis in hac Insula ordinatorum. Quæ om-
nia

nia circa finem harum Epistolarum tam Germanicè,
quam Latinè, in unum quasi fasciculum digesta, compre-
henduntur: Delineationes tamen & plenarius eorundem
Instrumentorum usus, non assignantur, eò, quòd hac pecu-
liari libro tractanda veniant: Et quia plerorumq; Orga-
norum Astronomia inservientium designationes in ipsis
Tomis Progymnasmatum à nobis suis locis apposite, una
cum eorundem explicatione succincta, exhibeantur. Se-
quuntur postmodum pauca adhuc Epistole ipsius GVLI-
ELMI Landtgraviij, tum quoq; una Filij eius MAVRI-
TII. Agit autem Pater in ijs de Astronomicis parè non-
nulla: tum quoq; de Alcibus Animantibus Norvegia pro-
curandis pleraq; immiscet: Filius verò, mihi benigne re-
scribendo, Carmen in meorum Operum commendationem
à se concinnatum, clementer impertit. Hisce subieci-
mus Rothmannicas quasdam Literas, quas post longum
silentium ad me è patrià dedit, ubi nostrorum de Cometis
Librorum èditionem, maturari exoptat. Ad quas ego re-
scribens, & mora huius causas exposui, & simul de Ari-
stotelici cuiusdam Philosophi in Scotià, contra nostras de
Cometis Assertiones, Invectivà, quadam illi commemora-
vi, & de nonnullis alijs admonui. Tandem verò interve-
niente lugubri Fato, quo Optimus ille Princeps GVLIEL-
MVS, de Astronomia præclare meritis, ex his Terris evo-
caretur, Literarum ex Hassià nobiscum commutatio, ea-
dem fatali necessitate conquievit. Ideoq; Consolatorias sal-
tèm ad MAVRITIVM Filium perscriptas, & de Alcibus
transmissis mentionem facientes, addidimus: Ac demùm
Parentationem versibus, pro nostro modulo, in obitum
Paren-

Parentis eius, tanti Herois, perenni memoria laudeq; dignissimi exaratam, Colophonis loco subiunximus. Sicq; huic Primo Epistolarum Tomo extremam manum imposuimus. Id verò insuper indicandum censui, quod ipsa Illustrissimi Principis Landgravij Litera, Germanico & vernaculo ipsius Idiomate conscripta, utut multa Latina (cuius etiam Lingua ille apprimè gnarus erat) unà immisceant; tamen eas totaliter in Latinum sermonem, ut ab exteris etiam Germanica Lingua ignaris, intelligerentur, convertendas, & unà apponendas duximus. In Rothmanni verò, Mathematici eiusdem Principis, Literis, hac cura opus non erat; siquidem ista omninò Latine exarata, mihi mittebantur. Id tamen, quoad has, admonere volo, Rothmannum ipsum, cum nobis hùc ante sexennium præstò fuisset, dixisse, Epistolas illas non minùs quàm nostras extemporaneas fuisse, & iussu Principis, celeri pennà ad mī datas; ideoq; se maluisse, ut non publicarentur; Quod & ego in eius gratiam intermissurus panè fueram, nisi ex Oratione Funebris Clarissimi I. C. Treutleri, in Exequijs Landgravij publicè habita, hùc impulsus fuissē. Ea enim, ut Epistola Astronomica ipsius Laudatissimi Principis ad nos data, aliquando evulgarentur, exoptari, innuebat. Quod sanè absq; Rothmannicarum una editione fieri commodè vix potuit. Hec fuere, quæ generali & brevi indicatione de huius primi Libri contentis præfari hoc loco volui. Cætera particulariora, & si quæ fortè hùc neglecta sunt, quilibet ea sedulò introspectiens, facile assequetur. Tu itaq; benigne Lector his fructuere, & Vale.

EXEM-

EXEMPLAR EPISTOLAE NOBILISSIMI ET
AMPLISSIMI VIRI, DOMINI HENRICI RANZOVII
DE FREDENBERGA, VICARII REGII IN HOLSATIA ET AD-
iunctis prouincijs ad TYCHONEM BRAHE datae, qua
sequentium editionem expetit &
impetrat.

PERLEGI VIR CLARISS: ET NOBILISS: DILIGENTER
litteras Illustrissimi Principis LANDTGRAVII ad te transmis-
sas, vnâ cum responsione tua semel atq; iterum rescripta, qua-
rum lectio mihi accidit iucundissima, tum quod plurima cogni-
tu vitia, & arti Astronomicæ plenius excolendæ idonea in ijs
contineri percepi, tum quod à Principe, quo nemo inter re-
liquos hoc tempore Astronomiam magis colit, atque à te nostri æui præstan-
tissimo Mathematico vtrò citròque sunt conscriptæ. Ac sanè non possum
non gratulari nostro Seculo, quod DEVS optimus maximus non solum Vi-
ros Nobiles ac Plebeios, sed etiam aliquot Principes excitet, qui huius scienti-
æ Studio delectentur. Non enim vt vulgus opinatur, huius Artis cognitio
omni certitudine caret, sed certis fundamentis & Obseruationibus nititur, hu-
manòque generi imprimis est necessaria. Quo circa toto etiam Cœlo errant,
qui hanc ab ociosis ingenijs excogitatam esse arbitrantur. Si quis enim eius
prima indagabit initia, deprehendet à Patribus eam profectam, ac deinde ad
posterios propagatam, longòq; rerum vsu ac Obseruationibus crebris & diu-
turnis tandem confirmatam esse. Ne autem huius Scientiæ vtilitates longius
persequar, tantummodò huius Doctrinæ contemtores ob oculos sibi pone-
re velim, quantis in tenebris versaremur, si Scientia de motibus Solis, Lunæ
& Stellarum, item de æquinoctijs ac alijs, careremus. Huius enim Doctrinæ,
si expertes essemus, præstantissima Corpora Cœlestia non secus ac bruta
animalia aspiceremus. Quod ad Doctrinam de prædictionibus attinet, etsi
ingenuè quidem fatendum est, non semper euentus prædictionibus respon-
dere: Tamen eius rei culpa Scientiæ Astrologicæ minimè imputanda, sed po-
tius imperfectæ eius cognitioni. Tum etiam considerandum est, quod DEVS
totius Orbis arbiter ac moderator non semper alligatus sit causis secundis,
sed multa pro sua Diuina Sapientia ita disponat, vt alios, atque nos putara-
mus, euentus consequantur. Neque tamen propterea tota Ars adspernanda
est. Proinde imprimis huius Artis tam vilis & necessariæ cultores laude digni
sunt, tum quod Doctrinam conseruent, ex cuius traditione, vt ad cæterarum
Scientiarum Doctores, nulla ad eos non solum redundat vtilitas, siue lucri
alicuius perceptio, sed etiam vilis vulgi contemptus. At tu longè aliter de
hac sublimi Scientia; præsertim quo ad motuum conseruationem iudicas.
Nactus enim in eum vsum peculiarem & idoneam Insulam, cursus Cœlestium
Corporum

A

Corporum

Corporum maxima diligentia obseruas, Instrumentis in eum vsum excogitatis & confectis quamplurimis, magnitudine forma & artificio inestimabilibus. Quin & ex illa Insula quam incolis, aliqui Libri Astronomici tuo Labore & Industria iam publicam lucem viderunt, speramusque indies plures tanq̃ ex Equo Troiano prodituros, qui insigne Doctrinæ tuæ testimonium toti posteritati patefacient. Nam & ij, qui editi sunt, non solum iam à Viris Principib⁹ & Doctis, magno cum applausu excipiuntur ac adprobantur, sed & illi venturæ posteritati erunt gratissimi, nominisque tui prædicationem in omnia æui Secula propagabunt. Subsequenturos itaq; id ipsum luculentius facturos non ambigo. Sed vt ad institutum Vir Doctiss. reuertar, cum te iterum quoddam opus Mathematicum sub prælo habere cognouerim, non possum non te adhortari, vt Illustrissimi Principis LANDTGRAVI ad te scriptas Literas, tuasque ad eum, tum ad Excellentiss. suum Mathematicum, & si quas præterea habes (vt te habere non dubito) Clarissimorum & Doctissimorum Virorum tecum de hac re conferentes Literas, vnà cum tua ad singulas responsione, Operi quod præ manibus habes subiungere velis. Id enim mihi inprimis conueniens videtur, non solum, quia ad Astronomiæ penitiorem culturam, sed etiam quia propriè ad eam materiam, quam in eo Opere tractas, plurimum istæ Literæ faciant, magnamque cum ea non solum affinitatem habeant, sed illam plenius etiam illustrent. Hoc si feceris, non tantum mihi, sed reliquis etiam huius Artis studiosis rem præstabis longè gratissimam. Et si tandem etiam in calce adieceris resolutionem Quæstionis eius, quam non ita diu tibi per literas proposui, de contracta Solari, vt à plurimis putatur, Sphæra, feceris & hac in parte cum mihi, tum alijs rem pergratam, neque vti spero inutilem. Hæc breuibus à te petere volui, nec dif-

fido quin votis nostris & aliorum sis hac in parte

satisfactorus. Vale & Amicitia nostræ

memoriam, vt sedulo conserues, pe-

to. Iterum vale. Data ex

Arce Regia Segeber-

ga 17 Ianuarij.

Anno

Salutiferi partus

1587.



EXEM-

EX
P



Zeit
gebe
best
uiren
des
zur
Astr
rum
vnt
wist
pire
W
Nu
zug
in 2
vff
6 m
mit
obs
gef
sen
por
wir
zeit
wo
gru
beg

EXEMPLAR LITERARVM ILLVSTRISSIMI

PRINCIPIS VVILHELMI HASSIAE LANDTGRAVII AD

AD NOBILISSIMVM DOMINVM HENRICVM RANTZO-

VIVM, de Cometa Anni 85, quæ ex parte occasionem

præbuerunt aliquot subsequentibus.

Wilhelm von Gottes Gnaden Landtgraue

zu Hessen / Graue zu Casselnbogen / Dieck /
Zigenhann vnd Nidda.

Vnsern gnedigen gruß zuuor / Bester lieber besonder / wir haben ewer schreiben de dato Segenberg / den 22. verschienes Monats Septemb. neben dem vns zugeschickten Buch empfangen / Thun vns deswegen gegen euch gnediglich bedanken / vnd wollen dasselbige zu seiner zeit mit lust verlesen. Darneben wollen wir euch auch nicht verhalten / das vff an geben Pauli Vvittichij / wir vnser Instrumenta Mathematica dermassen verbessert / das / da wir zuuor kaum 2 Min. scharff / wir jeso $\frac{1}{2}$ ja $\frac{1}{4}$ einer min. obseruiren können / Haben vns derhalben vff die Art Quadrantem Horizontalem, desgleichen ein Sextantē, ad obseruandas distantias Stellarum inter se, lassen zurichten / jedes von gutem Messing vnd bicubital. Halten auch drey Gesellen Astronomiæ & Obseruationum peritos ad iustificanda loca Stellarum Fixarum, Wiewol vnser vorige Obseruationes, die wir selbst in otio vor annehmung vnser Regierung nostris oculis genommen / vnd dauon ihr als wir nicht anders wissen / Copen gehabt / nit vber 4 oder 5 minut. vffs meiste ab hñce discrepiren werden / hoffen auch bald damit zu endt zukommen / wann wir nur klar Wetter circa nouilunium hetten / welches vns diß ganze Jahr vber gemangelt. Nuñ hat vns vnser Mathematicus CHRISTOPHORVS ROTHMANNVS zugeschrieben / dz er einen kleinen Cometen vff den 8 huius, Abends vmb 9 vhr in 23 grad. 15 minut. piscium, cum Latitudine merid. 14 grad. 0. min. Vnd vff den 9 eiusdem in 25 grad. 50 min. piscium cum Latitud. merid. 13 grad. & 6 min. obseruiert, Denselbigen haben wir gestern den 19 zu Abend allhier doch mit keinen Instrumenten, sondern allein per lineas rectas vff vnserm Globo obseruiert, vnd ihn in 21 gr. Arietis, cum Declinatione latitud. 4 gr. merid. gefunden. Er ist klein / vnd vmb vnd vmb hero voller Haer / das wir achten / er sey ex genere Cometarum, so man vnser verschens Circaos nennet / vnd tempore maximarum coniunctionum zuerscheinen pflegen / Was er nun bedeuten wird / sonderlich diu weil er gar Saturninus, vnd Saturno coniunctus, gibt die zeit / vnd möchten wol wissen / ob er auch bey euch gesehen werde / Mögen auch wol leiden / das ihr TYCHONEM BRAHEN mit vormeldung vnser gnedigen grusses / Apparitionem & Obseruationem huius Cometa, zu wissen thut / mit begeren / das er vns zu wissen thue / wie er ihn Obseruiert habe / Denn weil er

so klein / halten wirs dafür / er werde von meingen obseruirt werden / Das
wollen wir vns vorsehen / vnd seind euch mit Gnaden geneigt / Datum Rote-
tenburg am 20 Octobris, Anno 85

*Eadem litera latinitate donata, in gratiam eorum,
qui Germanicum Idioma non callent.*

VVILHELMVS DEI GRATIA LANDTGRAVIVS
HASSIAE, COMES DE CATZENELLEBOGEN,
DIETZ, ZIEGENHAIN ET NIDDA.

GRATIA ET FAVORE NOSTRO PRÆMISSIS. NOBILIS-
sime, & singulariter dilecte. Accepimus quas ad nos Segeberga
22. Septembris elapsi dedisti literas, vnaque transmissum Librum,
clementerq; pro eo agimus gratias, eum suo tempore cum volup-
tate perlecturi. Ignorare te autem nolumus, nos ex instructione PAVLI
VVITTICHII Instrumenta nostra Mathematica in melius restituisse, adeo vt
cum prius vix 2. min. exacte, iam vnus dimidium, ino quartā partem animad-
uertere liceat. Curauius itaq; tali forma Quadrantem Horizontale, simulq;
Sextantem ad obseruandas distantias Stellarum ex puro Orichalco bicubita-
lem confici. Sustentamus quoq; tres Studiosos Astronomiæ & Obseruationum
peritos, ad iustificanda loca Stellarum fixarum, licet priores nostræ Obser-
uationes, quas ipsi in otio, ante Regiminis initium nostris oculis accepi-
mus, quarum etiam, si recte meminimus Exemplar habuisti, ne 4. aut 5.
minutis ab his discrepent. Speramus etiam breui nos hæc ad finem dedu-
cturos, modo aer nobis serenior affulserit circa nouilunium, quod toto hoc
Anno desiderauimus. Scripsit autem nuper ad nos Mathematicus noster
CHRISTOPHORVS ROTHMANNVS, se Mensis huius die 8. Hora 9.
vespertina Comeram in $p. 23. / . 15. \times$ cum Latitud. Merid. part. 14. min. 0.
& Die 9 eiusdem in 25 grad. 50. min. \times , cum Latitud. Mer. $p. 13. / . 6$ obser-
uasse. Eundem nos ipsi heri Die 19, vesperti, nullo quidem Instrumento, sed so-
lummodo per Lineas Rectas in Globo nostro obseruatum denotaui⁹, eumq;
in $p. 21 \vee$ cum Deuiatione Latitud. 4 part. Merid. deprehendimus. Exi-
gius est, & vndiquaque crinitus, vt eum existimemus esse ex genere Come-
tarum, quos Circa eos nominant; quique tempore Maximarum coniunctio-
num apparere solent. Quid autem porrendat, praesertim cum Saturninus sit
& Saturno coniunctus Dies docebit. Quin & nos libenter scire aueremus, an
idem apud vos sit conspectus, cuperemq; magnopere TYCHONI BRAHE
præmissa clementi nostra salutatione, apparitionem & Obseruationem huius
significare velis, petitione addita, vt nobis indicet, qua ratione eum obserua-
rit. Quia enim iam exiguus est, aliis à paucis eum obseruatum iri aestimamus.
Hæc vt fiant, clementer erga te affecti, confidimus. Data Rotenburi
Die 20. Octob. Anno 85.

ILLVS

ILLVSTRISSIMO PRINCIPI AC DOMINO

D. GVILIELMO HASSIAE LANDTGRAVIO, COMITI IN

CATZENELLEBOGEN, DIETZ, ZIEGENHAIN

& NIDDA: Principi ac Domino

Clementissimo.

S. D.



VM NVPER APVD SERENISSIMVM REGEM NOSTRVM IN
Aula versarer, Princeps Illustrissime, reddidit mihi generosus Iu-
uenis GERARDVS RANTZOVIVS, Arcis Croneburg, quam i-
dem inclytus Rex, in vicino Selandiae littore, iam primum magni-
ficè exaëdificari curauit, Praefectus, literas quasdam à Parente suo Nobilissi-
mo & Eruditissimo, rerumque Astronomicarum amantissimo Viro, Domi-
no HENRICO RANTZOVIO Regio in Holsatia Vicario, ad me datas;
Quibus referatis reperi in ijs Exemplar Literarum Tuae Celsitudinis ipsi
D. HENRICO RANTZOVIO Scriptarum, quod percupidè acceptum, se-
mel atque iterum magna cum voluptate relegi. Mirificè enim me recrea-
uit, quòd inde non obfcurè perceperim, Celsitudin. Tuam erga Diuinā illi-
us Astrorum Scientia penitiorē peruestigationem dudum inchoatam affe-
ctionem & studium, ne in hac quidem maturiore aetate inter tam varias Rei-
pub. administranda occupationes & curas, ex animo deposuisse; Sed potius
denuò instauratis Viribus adauscāque diligentia, noua quaedam & priori-
bus exactiora adornasse Organa, quibus Siderum ipsissima loca, multo scru-
pulosius quàm antea restituantur. Quo sanè nomine, tam Tuae Celsitudinis
Heroicae Virtuti & apud gratam posteritatem Famae nunq; intermoriturae,
quàm rerum Astronomicarum Incremento plurimùm congratulor. Facit au-
tem in ijsdem Literis Tua Celsitud. mentionem cuiusdam exigui & vndique
rotundi Cometae, praecedenti Anno circa 8 Octobris à Tuae Celsit. Mathe-
matico CHRISTOPHORO ROTHMANNO in vltima decuria ♄, & Latitu-
dine Australi animaduersi, quem T. Celsitudo ipsamet 19 Octobris in 21 v-
cum Latitudine 4 part. adhuc Meridionali, deprehendit; petiitque Celsitud.
Tua à Domino RANTZOVIO, vt significet num Cometa is in nostris oris
conspēctus fuerit. Nominatim verò Tua Celsitud. à me cognoscere deside-
rat, an & ego, quāque potissimùm ratione eundem Cometam caelitus obser-
uārim. Etsi verò Tuae Celsitudini scribere aliquoties in animum induxe-
rim, tum ob sublimem illam, nec vnquam satis laudatam, qua diuinitus prae-
ditus es in rebus aethereis absolutius inquirendis (quo nomine omnes tam su-
perioris quàm nostri aui Viros Principes longè antecellis) industriam & se-
dulatē indefessā, tum etiam quòd Celsitud. Tua ante Annos fermè ela-
psos 11, me Casellis sibi praesentem clementer admodumque beneuolè com-
plexa fuerit, deque rebus Astronomicis, quae nostra est voluptas, perli-
benter

bentervariéque mecum contulerit. Veruntamen cum vererer ne Celsitudini
 Tuæ intempestiuis meis literis molestiæ quidpiam adferrem; præsertim cum
 tot Annorum interuallo, & inter tanta Reipub. administrandæ negotia Cel-
 situdini Tuæ memoria mei ex animo facile excidisse poterat, factum est, vt
 diuturnum scribendi propositum in hunc vsque diem prorogârim. Cum verò
 Celsitud. Tua per dictas Literas D. RANTZOVIO transmissas, me salu-
 tare clementer non dedignata fuerit, & ad sibi scribendū, sumta à recenter vi-
 so Cometa occasione vltro inuitarit, animum audentiùs resumpsi, & plurimū
 mihi congratulatus, hanc multorum Annorum desiderium explendi oportu-
 nitatem quàm commodissimè offerri, minimè vltèriùs differendum duxi, quin
 aliquid Literarum ad Tuam Celsit., reuerenter mitterem, fretus hac Cels.
 Tuæ clementi inuitatione, quæ meam audaciam excusabit. De Cometa itaq;
 cuius Obseruationem T. Celsitud. à me diligenter desiderat, notum facio
 Cels. Tuæ, eum 18 Die Octobris proximè elapsi Anni, mihi Sidera more so-
 lito cõtemplanti omnium primò apparuisse, & ab hoc ipso Die, vsq; in me-
 dium Nouembris, quamdiu videlicet conspici poterat, quotiescunq; serenitas
 oportuna concedebatur, Instrumentis exquisitis & nulli errori obnoxijis dili-
 gentissimè obseruatū fuisse. Quod verò integro decendio tardiùs nobis quàm
 Tuæ Celsitud: Mathematico hic Cometes innotuerit, in causa fuere conti-
 nuæ Nubium obscuritates, mixtis creberrimis & tempestuosis humiditatibus,
 quæ nostrum Hemisphærium inde ferè ab initio Octobris ita obduxerant, vt
 Cœli Siderumque aspectum toto illo tempore, vsque in prædictum Diem,
 quò Cometa visus est, penitus intercluserint. Ex ijs verò quæ ab hoc tempore,
 quò nobis primū conspici capit, per totam ipsius durationem, quotiescun-
 que serenitas optata affulsit, variè & sedulò cœlitùs hic depræhensa sunt,
 principaliora quædam peculiari charta (ne hic inserendo nimium Episto-
 la excreceret) descripta, Tuæ Celsitudini per ocium cognoscenda mitto.
 Pleniorẽ verò & magis absolutam, pluribûsque Obseruationibus, & his
 innixis certis Demonstrationibus constabilitam declarationem, non solū
 de hoc nuper viso Cometa, sed etiam de tribus alijs proximè elapsis aliquot
 Annis conspectis, tum etiam de Noua illa & admirabili propè Cassiopeæ
 constellationem exorta Stella, Celsitudo Tua vbi Opus nostrum de Nouis
 ætherei Mundi Phænomenis hoc æuo conspectis, in lucem prodierit, ad-
 ipiscetur. Quamprimum enim omnia in eo ad Colophonem deducta, & hic
 in propria mea Typographia (fauente Numine) excusa fuerint, Tuæ Cel-
 situdini inspicienda & dijudicanda transmittam. Quia verò in his omnibus
 enucleatiùs ad Veritatis normam tanquàm Lydium lapidem probandis, ali-
 orum etiam quotquot habere licuit Obseruationes & placita, suo loco pro-
 ferre, & tum inter se, tum cum ipsis Apparentijs absque omni præiudicio
 & aliorum immodesta repræhensione, saltem vt Veritas ipsa eò manifestiùs
 elucesce-

elucesceret, expendere decreui, Tuam Celsitudinem submisit & obnixè oratam volo, vt suas tum de illa ad Cassiopeiam Stella, tum de alijs subsequentibus Cometis Observationes, quas habet exactas, mecum communicare non dedignetur. Nec enim dubito, quin veluti Tua Celsitud. in dicta noua Stella, præ multis alijs veritatis penetralia rectius ingressa sit, (dum videlicet eam insensibilem habuisse parallaxin, ideoque in supremo æthere constituisse asserit, quam plurimis Astronomorum qui eam Elementarem statuerunt, intollerabiliter aberrantibus) sic etiam in Cometarum Observationibus longè accuratius quàm ceteri metam propositam attigerit. Imprimis verò à Tua Celsitudine quibus possum precibus obtinere desidero, vt ea etiam, quæ in ceteris Mundo coevis sideribus; præsertim per noua illa Organa, tam quò ad distantias, quàm Declinationes siue Meridianas Altitudines hætenus adinuenerit, mecum clementer impartiri non grauetur. Ego vicissim tum earundem, tum etiam aliarum Stellarum consimiles Observationes, prout nostris Instrumentis calitùs deprehensæ sunt, Tuæ Celsitud. per otium descriptas, remitti curabo, vt collatione inuicem facta, de Instrumentorum & Observationum certitudine eò rectius dijudicetur. Formam insuper & structuræ rationem in Tuæ Celsitudinis nouitij Instrumentis; præsertim quò ad Sextantem attinet, si Tua Celsitud. mihi delineatam vnà miserit, rem etiam fecerit longè acceptissimam. Nam plurimùm scire aueo, anne (veluti ex probabili coniectura assequor) Celsitudinis Tuæ noua hæc Instrumenta plurimum similitudinis cum quibusdam ex meis habeant; idque præsertim quò ad subdiuisiones graduum per Puncta transversalia, & Pinnacidiorum per rimulas Parallelas, nocturnis Stellarum Observationibus apprimè Idonea, peculiarem confectiois modum attinet. Fuit enim hic mecum ante quinquennium PAVLVS ille VUITICHIVS, ex cuius præscripto Tua Celsitudo sua Organa inuouata esse asserit, & Instrumentorum quorundam, quæ partim tunc parata habebam, partim in posterum elaborare decreui, elaborationem & vsum, diuisionisque & Pinnacidiorum, quibus in omnibus similiter fermè vtor, rationem explorauit, seque mox in Germaniam, quædam alia prætendens, recepit. Ex ipsa verò Sextantis sola appellatione conijcere licet Vuitichium non multùm à nostris aliena Tuæ Celsitudini proposuisse. Nam Sextantis Instrumentum, cuius & fabrica adeoque ipsum nomen recens à me excogitatum erat, tunc in vsu paratum habebam, cum Vuitichius mihi adesset. Verùm cum ipsa experientia me multoties commonefaceret eam Sextantis Fabricam, quam tunc adinueneram, ob certa quædam impedimenta Stellarum intercapedinibus præcisè indagandis non sufficere, eius vsus iam dudum à nobis antiquatus est. Quare si Sextans ille quo T. Celsitud. Siderum intervalla obseruari curat, eadem ratione confectus est, quæ is quem Vuitichius hic conspexit, vix admodum ratas nulliq; fallaciæ obnoxias.

obnoxias eius beneficio licebit obtinere distantias. Impossibile enim est ex vnico oculo, circa Centrum Instrumento quiescente, binarum Stellarum, præsertim si remotiores inuicem fuerint, diuersa simul præcisè contueri loca. Nec enim Centrum visus Centro Instrumenti aptè vniri potest, aut per vllas Parallaxes hæc differentia satis conuenienter excusari; Nec pupilla Oculi in maioribus interstitijs binas Stellas intuendo immota manet, vnde Centrum visus etiam aliquantulum variare, necessarium euadit. Imò verò, quod in hoc subtili negotio magni momenti est, cum non vtrinque quælibet Stella circa Pinnacidium per rimulas Parallelas æquabiliter & bifariam secta conspiciatur, vtrum accepta distantia iusto maior minorque fuerit, nequaquam certò constabit. Excogitavi itaque postea alium Sextantis conficiendi modum, eumque bifurcatum, ita vt per binos Obseruatores quælibet Stella seorsim conspiceretur, vtrinque per duo diuersa Pinnacidia. Quam etiam constructionis rationem Vvittichio dum hic præsens esset, aperui, postque ipsius discessum eiusmodi Sextantem parari curavi, qui sanè satis exactus erat, & Stellarum interuallis citra omnem sensibilem errorem capiendis sufficiebat. Verum cum sua tractatione paulò difficilior & laboriosior esset, nec satis citò negotium expediret, hic etiam Sextans apud me in vsu esse desijt. Quod si Tuæ Celsitudinis Instrumentum ad eius similitudinem confectum (nam Ideam huius Vvittichio hic monstravi, quæ ipsi perplacuit) non dubito quin distantia per eum acceptæ rectè se habeant, licet paulò difficilior & tardior (vt dixi) obtineantur. Vt itaq; tum errorem omnem, tum etiam difficultatem in hoc negotio dextrè absoluendo euitarem, aliam & diuersam à prioribus eamque expeditissimam, ante quadriennium inueni Sextantis conficiendi rationem planè simplicem & naturalem, quo per binos etiam Obseruatores in circumferentia Instrumenti motis Pinnacidijs, quæ rimulas habent Parallelas, distantia Stellarum circa Cyndrum in Centro quiescentem, vtrinque expeditissimè citra omnem erroris suspicionem discernuntur. Tales autem binos affabrè elaboratos huic vsui destinatos habeo, quorum quilibet 4 cubitos sua capacitate adæquat. Vt verò Celsitud. Tua huius Sextantis compositionem facilius comprehendat, mitto tum ædificij in Astronomiæ honorem proximis Annis in hac Insula Huenna, non mediocri sumtu à me extructi, picturam, tum etiam Sextantis (de quo loquor) aliquo modo representatam delineationem, vnà cum designatione fulcri, cuius beneficio in omnem Stellarum situm, ac inclinationem commodè cenuoluitur. Addita est ab altera parte pictura Armillarum æquatoriarum; Sic enim hoc Instrumentum iam pridem à me excogitatum, eo quòd Ascensionès Rectas & Declinationes Siderum respectu æquatoris metiatur, appellare libuit. Talium autem Armillarum duo Organa tantæ quantitatis, vt singula scrupula discriminatim exhibeant, confici curavi. Sed & in his ipsis, quæ Ptolemaicis

Ptol
lut n
Met
uam
quial
dine
Vrat
neisy
tia co
ad Si
te sit
appa
ex da
Lon
fatis
aut p
Asce
scrup
per C
chale
beo.
mica
ra N
elabo
sumt
quæ
mio
dam
facile
tim v
stant
cient
terne
tionil
mum
Stud
Diur
unt I
incal
Vfu,

Ptolemaicis Armillis longè sunt expeditiores & minus erroribus obnoxia (velut nos ipsa docuit experientia, cum Ptolemaicas etiam Armillas è solido Metallo eiusdem penè quantitatis in promptu habeamus) ante biennium novam quandam & multò expeditiorem structuram excogitavi, quæ saltem sesquialtero Circulo & Axe rotundo, totum negotium mira facilitate & certitudine absoluit. Huius Organi Machinam in Colle quodam extra ædes hæcæ Vranæ dicatas constitutam, & ad vsus commoditatem gradibus subterraneis vndique successivè ascendentibus, circumdatam, summa cum diligentia construxi, cuius Diameter 10 pedes continet. Huic plurimum tribuo, quoad Siderum Ascensiones Rectas & Declinationes, in quovis eorum apparente situ adamussim indagandas, cuius etiam adminiculo ut plurimum Cometæ apparentias, quas T. Celsitud. mitto peruestigavi. Non autem difficile esse ex datis Ascensionibus Rectis & Declinationibus respectu æquatoris, eas in Longitudines & Latitudines, quantum ad Eclipticam, redigere T. Celsitud. satis perspectum habet, siue id fiat per Triangulorum Sphæricorum rationes, aut peculiarem aliquam Tabulam ex his derivatam (qualem nos ad singulos Ascensionis Rectæ gradus, & Declinationis utrinque ab æquatore 32 grad. scrupulosè supputatam huic negotio destinavimus) siue etiam Mechanicè per Globum magnum, qualem etiam 6 pedum in Diametro vndique Orichalco aptissimè obductum & omni sui parte rotundissimum, paratum habeo. Sed nimis longum foret hoc loco omnia mea Instrumenta Astronomica eorundemque vsus commemorare: quæ numero sedecim, structuræ Magnitudine, Formæ varietate, & vsus multiplicis aptitudine, exactè elaborata, præclari Thesauri loco (nec enim mediocri diligentia, labore & sumtu parata sunt) possideo; quorum pleræque è solido Metallo existunt, quædam verò, licet è certa & durabili lignea materia, ut pote leuiori, nec nimio pondere ob quantitatis molem se ipsa ineptè aggrauante, peculiari quadam ratione multipliciter componuntur, ita ut ne per se quidem mutationi facili subijciantur: nihilominus tamen exterius Orichalcicis laminis, partim ut diuisionis subtilitati accommoda euadant, partim ut eò firmitus persistant, affabrè muniuntur. Magnitudinem verò distinctioni scrupulosæ sufficientem habent, adeò ut nonnulla senos & quinos, quædam quaternos & ternos cubitos adæquent. Quibus vsurpandis, tum etiam ijs, quæ ex Observationibus demonstrari possunt, è Triangulis in numeros reducendis, ut plurimum octonos, interdum etiam plures Arti Astronomicæ operam nauantes Studiosos, hic mecum alo & instruo, nec vilius Serenitatis commoditatem siue Diurnam, siue Nocturnam, in Solis, Lunæ, reliquorumque qui conspici queunt Planetarum & Affixarum etiam Stellarum Phænomenis cælitus inquirendis, incassum abire permittimus. De Instrumentorum verò singulorum Fabrica & Vsu, quia peculiarem Librum conscribere decreui, qui Mechanicam Astrono-

B

miz

miæ partem complectetur (quo etiam nomine nunc illa omnia delineari, & figuras eorum æneis aut Buxeis laminis insculpi curo) Idcirco longiore de his commemoratione superfedeo. Vbi aut laborem hunc (Deo successum largiente) absolvero, vel saltem Figuræ omnes excisæ fuerint, Tuæ Cels. id quicquid erit perspicendum expendendumque transmittam. Tum enim Celsit. T. solo intuitu omnia facilius cognoscet, quàm ex longa & tædiosa de his relatione. Quod verò hæc ipsa Instrumenta, quibus in Sideribus obseruandis assidue vtor, admodum exacta sint, & ne quidem tenuiter sensibilem errorem admittant, vel ex hoc solo comprobatur, quod eiusdem Sideris locus per plura & diuersimodè fabricata Organa varia ratione depræhensus, in idem prorsus scrupulum sedulo attendentibus recidat. Vt autem Celsitudo Tua specimen aliquod eorum, quæ ex meis Obseruationibus hætenus parta sunt, habeat, adiunxi vnâ Solaris cursus huius Anni ex propria restitutione deriuatam Ephemeridem, eamque ad Longitudinem 30 part: cui Celsitudinis Tuæ ditio HASTIA congruit, directam. Scrupula Secunda, prout Tabulæ nostræ in motu Solis, Obseruationibus certis Geometricè fundatæ exhibent, annotaui, non quod ista subtilitas sit vllò Instrumento in ipso Cælo comprehensibilis, vt Tua Celsit. optimè nouit, sed ne neglectis secundis de scrupulis primis aliqua ambiguitas oriretur. Peto itaque à Tua Celsitudine obnixè, vt hanc nostram in cursus Solaris numeratione instaurationem per sua Instrumenta experiri, mihi que de hac suam Sententiam clementer significari curare velit. Oportet autem in his ritè pensandis Declinationem Eclipticæ maximam præsupponere $r. 23. min. 31\frac{1}{2}$. qualem nos peculiari quadam ratione, non ex altitudine Solis maxima in vtroque Solstitio (hæc enim praxis ob Refractionem radiorum, quæ fit Sole circa Brumam decliui, in nostro Horizonte deficit à vero plus quaternis scrupulis) aliquoties pluribus Organis depræhendimus. Parallaxin quoque Solarem vbique Altitudinibus obseruatis addendam esse, non dubium est, quin Celsitud. T. satis compertum habeat. Refractiones insuper Radiorum Solarium, quæ decliuiores Altitudines maiores sensibus ingerunt, quam reuerà existunt (idq; ob Diaphanum Aëris paulò minus perspicuum Diaphano ætheris, vt in Opticis hæc demonstrantur) euitandæ sunt; præsertim si Altitudines obseruatæ minores tertia aut ad summū dimidia Quadrantis parte fuerint. Nam vsq; in hunc ferè terminū Refractionem aliquam perceptibilem fieri, peculiari quadā industria expertus sum. Quo verò adhuc propiores Horizonti euadunt, eò etiam maiorem Refractionem causantur, adeò vt Sol in ipso Ortu & Occasu, etiam in Aëre purissimo, dimidio ad minimum gradu altior appareat, quàm rei veritas admittat. Sic etiam in Luna, cæterisque Planetis, & affixis Sideribus per Refractionem cum decliuiores sunt, eorum Altitudines & Declinationes veræque loca aliquantulum variantur. Quare in humilioribus Altitudinibus,

tudinibus, si scrupulosè res tractanda sit, non nimium erit Observationibus
 fidendum. Præterea multum interest, quibus modis Aëquatoris ad Hori-
 zontem inclinatio in loco Observationis depræhensa sit. Nam per Solis Al-
 titudines Meridianas, licet in vtròque Solstitio, adhibita etiam Parallaxi ac-
 cipiantur, ob Refractionem (de qua dixi) in Brumali decliuitate sese insinu-
 antem, nequaquam negotium hoc ea qua par est præcisione absolvitur.
 Consultissimum itaque fuerit Poli sublimitatem ex ipsa Polari Stella, cum
 est in Altitudine maxima & minima studiosè perquirere. Ea enim cum me-
 diocris in magnitudine satisque perspicua sit, & paruum circa Polum de-
 scribat Circulum, nec ob id Horizonti tantum appropinquet, vt Refractio
 aliqua veram Altitudinem immutet, in hac Pragmatia citra omnem erro-
 rem absoluenda, quam commodissima est. Si itaque Tua Celsitudo, &
 huius Polaris (inquam) Stellæ Altitudinem maximam vel minimam, reli-
 quis Observationibus adiungi, meque de ea certiore reddi curauerit, fece-
 rit rem mihi admodum exoptatam. Sic enim adhibita ipsius à Polo distantia
 (quæ hoc Anno ex nostris Observationibus est part. 2. minut. 55. secund. 50)
 ad exactissimam Poli & Aëquatoris, eius loci in quo Tua Celsitudo Obserua-
 tiones suas fieri procurat Eleuationem, indubitanter perueniemus, & de
 Declinationibus Solis, Stellarumque certitudinem ratam, modò Instrumen-
 ta rectè se habeant, constituemus. Quapropter si Celsitud. Tua ea (de qui-
 bus iam dixi) omnia, videlicet Parallaxin Solis, assignatam Declinationem
 maximam, & prædicta ratione inuentam Aëquatoris Eleuationem in consi-
 lium adhibuerit, Refractionisque quæ fit infra tricesimum gradum Altitu-
 dinis implicationem præcauerit, experietur vtique Solaris cursus numeratio-
 nem à nobis adinuentam Apparentijs Cœlestibus exactè consentire. Quàm
 verò ante omnia necessarium fuerit Solis motum scrupulosè exploratum ha-
 bere, si ea quæ in Astrorum cognitione desiderantur certiùs instauranda
 sint, Tua Celsitudo nequaquam ignorat: cum sine hoc, nec Anni exacta
 quantitas, quæ motuum mensura est, nec inerrantium quidem Stellarum,
 multò minùs erraticarum qui ex his patet, situs indagari queat. Siquidem
 Solis reuolutio omnium cæterarum reuolutionum Cœlestium norma regu-
 laris existit. Quid verò in Lunari etiam cursu non minori diligentia à nobis
 calicùs peruestigato, inque cæterorum Planetarum motu examinando, &
 rectificandis Affixarum Stellarum locis, hætenùs non mediocri Labore &
 Diligentia præstiterimus, Celsitud. T. suo tempore, vbi omnia in ordinem re-
 dacta, & pluribus Observationibus adaucta fuerint, cognoscat ac d. iudicabit.
 In primis enim T. Cels. iudicio hosce meos labores subiectos velim, eò quod
 sciam Celsitud. Tuam in hac Scientiâ eximium Artificem, solidè de his re-

B 2

bus in-

bus iudicare posse. Sed video me dum auidius cum Tua Cels. de Astronomicis negotijs colloquor, Epistolæ leges nimia prolixitate transcendere, & diutius, quam par est, Celsitudinem Tuam hisce legendis occupatam detinere. Itaque calamum inhibebo, Tuamque Celsitudinem Deo tam Cœlestium, quam Terrestrium Creaturarum Authori commendabo. Is Tuam Cels. & in suæ Ecclesiæ, cuius curam, quod nunc rarissimum est, agis, & Reipub. Tutelam, ac bonarum Artium, in primisq; Diuinæ illius Astronomiæ propagationem, quam diutissimè incolumem & florentem conseruet. Valeat T. Cels. & si quæ mihi ad hæc respondere dignetur, exhibitori harum committat, cui nomen est PETRVS IACONI, qui mihi per aliquot Annos domesticus fuit, & tum in Astronomicis, tum Pyronomicis exercitijs fidelem nauauit operam. Ideoq; non per alios mearum rerum ignaros, sed potius hunc mihi charum & fidelem, qui plura etiam, quam calamo libet comprehendere, ubi opus fuerit, referre posset, negotium perferendi ad T. Cels. has Literas expedire, certius & conuenientius esse duxi. Huic itaque T. Celsitud. fidem in omnibus adhibeat, & quæ ad me referenda fuerint tutò concredat. Iterum Tua Celsitudo quam felicissimè & diutissimè valeat. Datæ Vraniburgi in Insula Porthmi Danici Huenna, Calendis Martij, Anno 1586.

*

T. C. addictiss.

TYCHO BRAHE.

Licet Tomo tertio de hoc Cometa, Anni 1585, cuius principaliter in Literis antecedentibus fit mentio, ex professo & luculenter tractarim, tamen & hic, quæ Illustrissimo Principi Landtgraui, de eodem communicauim, subiungere non inconueniens duxi.

OBSER-

OBSERVATIONES COMETAE ANNI 1585
VRANIBVRGI IN DANIA, HABITAE, ET ILLVSTRISSI-
MO PRINCIPI VVILHELMO HASSIÆ LANDT-
GRAVIO COMMVNICATÆ A

TYCHONE BRAHE.

Recedente Anno, qui fuit à nato CHRISTO 1585, Die 18 Octobris, cum post diurnas inde ferè ab initio eiusdem Mensis obscuritates, & pluuiosum tempestuosumque Aëris statum, exoptata serenitas restituta esset, volens consueto more, vnà cum meis Astronomiæ Studiosis, Stellarum apparentijs per Instrumenta demetiendis inuigilare, animaduerti ex improviso Stellam quandam Asciticiam, obscuro, raro & nebuloso lumine præditam, prope linum Australioris Piscis, quæ tota sua forma nebuloso gyro, quem præsepe σ vocant, quàm similima erat, nisi quod ab initio circa hunc & aliquot sequentes dies, hoc ipso gyro aliquantò maior videbatur; Adeò vt si ipsas extremitates accuratius quis intueretur, Iouis Stellam apparenti magnitudine, quàmproximè adæquaret, licet ob luminis obtusi tenebricosum aspectum, nequaquàm adeò perspicuè, vt Planetæ vel Fixa Sidera Mundo cœua oculis sese ingereret. Fuit autem in media sui Corporis parte compactiori lumine prædita, circa extremitates verò rarior & disparentior. Circumquaque etiam planè rotunda extitit, nec vllam caudam aut barbam in vnâ magis quàm aliam partem protendebat, nisi quod Die 20 & 22 exile quoddam vestigium cuiusdam tenelli radioli vix spithamæ longitudine, quò ad visum versus Occasum extendere acutissimè diuque intuentibus putaretur. Neque quicquam eiusmodi in ea aliàs per totam durationem contueri licuit. Successiue autem imminuebatur, ita vt circa 4 Nouembris aliquantulum minor prædicto nebuloso gyro σ fuerit, cui adhuc colore & forma apprimè congruebat: Deindè paulatim adhuc minor facta, circa medium Nouembris prorsus disparuit.

Prima Nocte qua eam obseruauimus, à Saturno, qui tunc iuxta Stellulas in Lino \times retrocedebat, non longè remouebatur, quemiam erat aliquantò plùs quinis gradibus versus Ortum prætergressa. Transiuit deinde totam Arietis constellationem, Taurique dorsum versus Septentrionem superauit, vbi non longè à Pleiadibus (quas licet Latitudine Borea excederet, Longitudine tamen non est assequuta) conspici desijt. Quæ verò in huius peregrinæ Stellæ situ & promotione, singulis Noctibus, quibus per serenitatis opportunitatem aspectabilis erat, toto durationis tempore deprehendi, quia nimis longum foret omnia hic recensere, è multiplicibus, quas habui Observationibus, præcipuas quasdam ad certas Horas selegi, quas in subiecta Ta-

B

bella

bella; Vt vno intuitu commodius oculis pateant, subijciam; Vbi animaduertendum est, Diebus qui desiderantur, Cœlum fuisse hic nubibus obduetum, quæ Siderum aspectum intercludebant, velut (vt de cæteris taceam) inter noctem quæ sequebatur 22 Diem Octobris, vsque in quartam Nouembris, per integros 13 Dies, nulla constans Serenitas offerebatur, & si quæ momentanea inter recurrentes nubes interdum exitit, à Lunaribus Radijs nihilominus adeo obfuscabatur hæc Crinita Stella, per se aliàs admodum tenuiter apparens, vt nullis Instrumentis toto hoc tempore Obseruationi patuerit, vtut absq; intermissione diligenter Cœlum, tum ob aliarum Stellarum dispositionē accuratè denotandam, tum præsertim ob hoc ipsum Ascititium Phænomenon, quod non ita diu duraturum præciebam, plenius & sufficienter contemplandum aspexerim. Licet verò non continua affulserit serenitas, tamen ex his ipsis, quibus apparuit defæcatis Noctibus, intermedij motus, qui desiderantur faciliè refarciri atq; compleri poterint. Nunc Obseruationum summatim compræhensos numeros ob oculos ponam.

Selectæ quadam Obseruationes ad diuersa tempora, interea dum nobis appareret hic Cometa, celitus diligenter acceptæ.

OCTOBER.										
DIES	HOR.	MIN.	Asc. Rect.		Declinat.		Longit.		Latitud.	
			G.	M.	G.	B. M.	G.	VM.	G.	M. M.
18	10	15	9	19	4	25	19	29 $\frac{1}{2}$	3	2 $\frac{3}{4}$
	12	43	1	29	4	34	19	42 $\frac{1}{3}$	3	25
	13	30	29	2	4	36 $\frac{1}{2}$	19	45 $\frac{2}{3}$	3	24
20	12	16	22	35	7	43	23	45	1	39
	13	15	22	40	7	48	23	51	1	36
22	10	6	25	24 $\frac{1}{2}$	10	2 $\frac{1}{3}$	27	20	0	7
	13	15	5	32	10	36	27	3 $\frac{1}{4}$	0	1 $\frac{1}{6}$
	16	10	25	42	10	44	27	42 $\frac{1}{4}$	0 S.	3

NOVEM-

quod
fenos
dricu
Fixa
etiam
qui in
hæ pe
fontil
temp
tia, f
exam
exper
uera
clinac
ctione
quad
fuerit

NOVEMBER.

Dies	Hor.	Min.	Ascens. R.		Declinat.		Longit.		Latitud.		Dies
			G.	M.	G.	M.	G.	S. M.	G.	Ø M.	
4	7	5	38	42	21	51	13	12 $\frac{2}{3}$	6	18 $\frac{1}{4}$	4
	10	35	38	45	21	53 $\frac{1}{2}$	13	16 $\frac{1}{3}$	6	19 $\frac{1}{2}$	
5	7	50	39	28	22	24	14	3 $\frac{5}{6}$	6	36 $\frac{1}{6}$	5
	11	31	39	34	22	28	14	10 $\frac{1}{2}$	6	38	
	13	30	39	38 $\frac{2}{3}$	22	29 $\frac{1}{2}$	14	14 $\frac{1}{2}$	6	38 $\frac{1}{3}$	
6	6	5	40	9	22	52	14	49	6	51	6
	11	42	40	17	22	58	14	58	6	54 $\frac{1}{2}$	
	14	55	40	21 $\frac{1}{4}$	23	4	15	3 $\frac{1}{4}$	6	59	
7	7	19	40	51	23	19	15	34 $\frac{1}{2}$	7	4 $\frac{3}{4}$	7
	8	16	40	52 $\frac{1}{2}$	23	21	15	36 $\frac{1}{2}$	7	6 $\frac{1}{2}$	
9	8	11	42	7	24	9	16	56 $\frac{1}{3}$	7	31 $\frac{1}{2}$	9
	9	30	42	10 $\frac{1}{2}$	24	10 $\frac{1}{2}$	17	0	7	32	
12	8	48	43	48 $\frac{1}{4}$	25	14 $\frac{1}{2}$	18	44 $\frac{1}{3}$	8	7	12
	9	20	43	50 $\frac{1}{2}$	25	15	18	46 $\frac{1}{2}$	8	7	

Has Ascensiones Rectas & Declinationes, perquisiui, partim magno quodam, & solide elaborato Armillarum æquatoriarum Instrumento, quod senos cubitos in diametro complectitur, partim beneficio Sextantis quadrangularis, per exactas distantias vnà diligenter comprobau. Stellarum aut Fixarum loca, quib⁹ in hac Pragmatia vsus sum, & iamdudū antea, & hoc eodē etiam tempore exactē verificata adhibui, vt in his Obseruationib⁹ ne minimus qui in sensus incurrere possit, error lateat. Longitudines verò & Latitudines hæ per Ascensiones Rectas & Declinationes è Triangulorum Sphæricorum fontibus deriuatæ sunt. Ipsa insuper temporum assignata momenta, non saltem per bina Horologia, Horarum minimas portiunculas correctē indicantia, sed simul etiam æquatorijs quarundam Stellarum à Meridiano distantijs examinata sunt. Si autem hic Cometæ morus Geometricè per Triangulos expendatur, apparebit cum suo proprio ductu descripsisse Arcum Circuli reuera maximi, qui tamē ad æquatorem & Eclipticam, aliquanto variabilem inclinationem successiue admisit, quique æquatorem in p. 14. / 55 ab Interfectione verna, Eclipticam verò in p. 27. / 38 √ pertransiuerit. Mutatio aut (de qua dixi) ea lege fiebat, vt circa mediā Noctem sequentem Meridiem Diei 18. fuerit Angulus Declinationis ad æquatorem gr. 45 cum semis. ferè, ad Eclipticam ve-

cam verò 23 gr. 17 min. qui pedetentim diminuebatur, ita vt Die 4 Nouemb. fuerit ad æquatorem 44 gr. 50 min. Inclinatio ad Eclipticam 22 gr. 21 min. & in fine Apparitionis, Die 12 inuenta est Eadem respectu æquatoris 44 gr. 19 min. Eclipticæ verò 21 grad. 34 min. Atque hoc modo etiam in intermedijs spacijs portionis Circuli Cometæ ad æquatorem & Eclipticam obliquatio, regulari imminutione paulatim decrescebat. Motus etiam diurnus ipsi proprius in hoc ductu, ab initio paulò maior extitit, ita vt à Die 18 in 19 circa primâ à nobis factam Obseruationem fuerit part. 2. / .18, qui sequentibus diebus successiuè tardior fiebat, ita vt à 4 in 5 Nouemb. 53½ min. à 12 verò in 13 eiusdem 34 saltem scrupulis processerit. Atque hanc cursus inhibitionem ordinariè & proportionabiliter seruabat, vt vel ex hoc generali Cometæ ductu, tum ratione Inclinationis Arcus Circuli maximi, quem suo motu designauit, tum etiam incessus proprii inuicem collati, satis comprobari queat eum nequaquam Elementaris Regionis, tanquam igneum quoddam in hac generatum Meteoron fuisse participem, velut Aristotelici omnibus Cometis id commune esse, suis quibusdam subtilitatibus nulla experientia, aut Demonstrationib⁹ Geometricè stabilitis persuadere nituntur. Quî enim fieri poterat, vt Cometa tanto tempore in toto suo cursu, tam regularem & proportionalem motus Analogiam seruassèt, si in suprema Regione Aëris, more Meteororum, instabilitati multiformi obnoxius fuisset.

Multò autem euidentius è collatione diuersorum locorum, quæ per aliquot Horarum interuallum eodem die exactè obtinuit, eum in altissimo æthere cursum suum absoluisse conuincitur. Quod vt certius innotescat, è præscriptis Obseruationibus quasdam subincudem reuocabo.

Die 18 Octobris Horis à Meridie elapsis 10, scr. 15, inuenta est Ascensio Recta Cometæ 19 gr. 19 / . & Declinatio 4 gr. 25 / . Septent. Deinde Hora 13. / . 30 fuit eadem Ascensio, r. 19. / . 32, & Declinat. r. 4. / . 36½ etiam Bor. Ex his (siquidem per Complementa Declinationû dantur in Triangulo Sphærico bina Latera, & per differentiam vtriûsque Ascensionis Rectæ, Angulus comprehensus) colligitur motus in suo proprio ductu interuallo 3¼, Horarum, 17½ minutorum, cui si conferatur cursus diurn⁹, inuentus à certo aliquo situ, donec post vnâ primæ mobilis reuolutionem in consimilem reuertatur, (nam Parallaxis, si qua esset, nullam à motu vero differentiam hoc modo infinuat) inuenitur is habita ratione subsequenter duobus diebus factarum Obseruationum r. 2. scrup. 18. Quare secundum hunc diurnum motum debuit Cometa, prædicto temporis interuallo in suo proprio ductu, verè promotus fuisse scrup. 18½, deficiente in motu per Obseruationem apparente, non multo plùs vnico minuto, quo saltem Parallaxis cursum verum anticipauit; Cum tamen in tam diuerso situ, si vel in ipsa proxima concavitate Orbis Lunarîs extitisset (licet hanc cum Copernico longè vltra Ptolemaicam ratiocin-

motu

nationem remoueri statuamus Semidiametris Terræ 52. / . 17.) Parallaxin in motu proprio induxisset 27 scrupulorum primorum; veluti per Triangulorum rationes, totam rem examinando, adinueni. Differentia itaque extitisset ab Obseruatione ipsa scrup. ferè 26, quæ sanè vel perexiguo Instrumento animaduerti potuisset, si Cometa non altius quàm concauitas Lunaræ Sphæræ postulat, remotus extitisset.

Pari ratione Die 22 Octobris ex Ascensione Recta, quæ fuit Hor. 13. / . 15. part. 25. min. 32, & Declinatione 10 gr. 36 minut. Bor. vsque in h. 16. min. 10. quando Ascensio Recta inuenta est 25 grad. 42. min. & Declinatio 10 gr. 44 min. interuallo Horarum part. 2. min. 55, indagatur, Cometam in suo Arcu proprio processisse 12 $\frac{3}{4}$ min: cùm ratione motus diurni, qui erat 1 gr. 53 min. debuisset intereà absoluisse 13 $\frac{5}{8}$ minuta, ideòque & hic motus apparens non multùm vltra vnicum scrupulum differt à motu vero, longè maiori si prope Lunarem Sphæram extitisset hic Cometa, incidente diuersitate. Idem vltimis per Obseruationes Mense Nouembri factas comprobatur; Nam Die eiusdem Mensis 5. Hor. 7. minut. 50 P.M. depræhensa est Ascensio Recta Cometæ gr. 39. min. 28, & Declinatio part. 22. / . 24 Borea. Hora verò 13. min. 30, fuit eadem Ascensio part. 39. min. 38 $\frac{2}{3}$, & Declinatio part. 22. min. 29 $\frac{1}{2}$ Borea: Quapropter spacio 5 Horarum, 40 minutorum inuenitur in proprio ductu absoluisse / . 11 $\frac{1}{2}$, cùm respectu motus diurni (qui collatione sequentis diei fuit 50 min.) debuisset intereà conficere 11 $\frac{5}{8}$, deficiente saltem in Obseruatione dimidio scrupulo à motu vero, ideòque Parallaxis penè insensibilis euadit. At si præsupponamus Cometam in proxima parte Lunaræ Orbis extitisset, Parallaxin in motu proprio per Triangulorum supputationem obtinuisset 47 $\frac{3}{4}$ min: quod plus tribus quartis vnius gradus ab Obseruatione abundat, tanque euidentis diuersitas inter motum verum & apparentem, si ea reuerà extitisset, nullatenus latere potuit; quod maiori adhuc discrimine Die 6 proximè sequente confirmatur. Cum enim Hora 6. min. 5. fuisset Ascensio Recta gr. 40. / . 9, & Declinatio part. 22. / . 52, eadem Ascensio Recta, Hor. 14. min. 55, inuenta est grad. 40. min. 21 $\frac{1}{4}$, & Declinatio part. 23. min. 4. Quare interuallo Horarum 8. minut. 50, motus Cometæ apparens in suo ductu 16 $\frac{1}{2}$ minutorum depræhenditur, qui iuxta cursum diurnum (qualis ab hoc die in sequentem inter consimiles Cometæ positus 46 minut. obseruabatur) minutorum 16. secundorum 56 esse debuit, ita vt non plenè dimidij scrupuli ratione Parallaxeos, in motu apparenti à vero fuerit defectus. At longè maior varietas necessario procrearetur, in tam dissimili Cometæ situ & tanto temporis interuallo, si in proxima concauitate Lunaræ Regionis cursum absoluisse. Illic enim per Sphæricorum Triangulorum Demonstrationes in numeros resolutos, Parallaxin incidere integri gradus & scrupuli vnius, manifestum euadit.

C

Hæc ve-

Hæc verò adeò insignis in motu apparenti diuersitas, vel solo intuitu ad vicinas Fixas depræhendi potuisset, nedum vt Instrumentis quæ scrupulorum primorum aliquot partes sua magnitudine exhibent, non dignoscetur. Ne verò quis suspicetur per Refractionis impedimenta euenisse, vt Cometa hic apparentem motum adeò conformem vero & diurno cursui proportionali promotione seruârit, selegimus eum potissimum situm, in quo tam altè supra Horizontem eleuaretur, vt nulla sensibilis Refractio rei inquisitæ certitudinem labefactare posset. Nam Die 18 Octobris in priori Obseruatione fuit Altitudo Cometæ $37\frac{1}{2}$ part. in altera $31\frac{1}{2}$ grad. Die 5 Nouembris fuit primo tempore Eleuatio supra Horizontem $39\frac{3}{4}$ grad: sequenti $48\frac{1}{4}$ grad. Die 6 in prima Obseruatione erat Altitudo 26 part. In altera 38 gr. In his verò tantis sublimitatibus haud potuit Radiorum Refractio vllam fallacia in Parallaxibus ritè enucleandis insinuare.

Patet itaque ex his Obseruationibus diligenter in hunc modum examinatis Cometam hunc penè insensibilem admisisse Parallaxin, quod reliquæ Obseruationes suprâ notatæ, si pari trutina expendantur, ita se habere astipulabuntur. Idem etiam ex distantia Cometæ à Capella (versus quam Stellam cursum suum dirigebat) in diuerso situ, præterlapso aliquot Horarum interuallo scrupulosè accepta, euidenter expertus sum; Siue enim Cometa in decliui, siue in altiore circa Meridianum positu versabatur, non aliter remouebatur à prænominata Stella, quàm promotionis diurnæ versus eandem ratio exigebat. Id quod nequaquàm fieri potuisset, si non longè maiori intercapedine quàm Lunaris Sphæra à Terris distitisset. Quapropter non saltem in Elementari Regione infra Lunam (cum adhuc longè maiorem illic aspectus diuersitatem admisisset) hunc Cometam nullatenus extitisse, sed in Altissimo Æthere, aut supra ipsum Solem, aut certè non longè infra hunc generatum fuisse, Parallaxeos exilitas, quæ penè insensibilis erat liquidissimè demonstraui. In ipso autem Æthere nouas generationes aliquando procreari, non saltem ea, quæ ad Cassiopeam ante 13 Annos in Octaua Sphæra immota plus integro Anno constitit, recens nata Stella, sed etiam tres alij Cometæ interea nobis conspecti, qui longè supra Lunam in ipso Æthere cursum suum absoluebant, sufficienter comprobârunt. Velutinos (Deo conatus promouente) peculiari Opere de his omnibus elaborato, euidentissimè per certas Obseruationes, & his fundatas Demonstrationes breui fidem faciemus.

Quandoquidem igitur Cometam hunc motum Æthereum & ordinatum, qui ne per Parallaxes quidem, veluti in Luna fit intricatior redderetur, obtinuisse ex antecedentibus, citra omne dubium, manifestatur per eas quas habere licuit Obseruationes, à primo die quo nobis apparuit, vsque ad 15 Nouembris, circa quem conspici desijt, proportionali collatione facta vniuersum

uersum
adapta
nis loc
dum d
quoqu
motus
non se
præsta

DIES
18
19
20
21
22
23
24
25
26
27
28
29
30
31

uerſum eius motum ad mediam Noctem ſingulorum intermediſorum dierum adaptabimus, totiſque interea factæ promotionis Ephemeridem Colophonis loco ſubiungemus. Licet enim ſingulis Noctibus, ob Aërem perpetuò dum durauit non defæcatum hanc Crinitam contueri minimè licuit (vt antea quoque monuimus) tamen ad eas etiam Noctes, quibus non conſpicebatur, motum eius proportionaliter adaptare, eundemque mediæ Nocti, vut tunc non ſemper anima duerſum ubique conciliare, non eſt difficile, id quod nunc præſtabimus.

*Diarius motus Cometa à 18 Octobris
uſque in 15 Nouembris.*

OCTOBER.																	
DIES	Motus in prop. duct		Inclinatio ad æquat.		Aſcenſio Recta		Declinatio			Inclinat. ad Eclip.		Longitudo.		Latitudo.			
	G.	M.	G.	M.	G.	M.	G.	S.	M.	G.	M.	G.	V.	M.	G.	M.	M°
18	6	24	45	28	19	25	4	33	23	17	19	38			3	24	$\frac{1}{2}$
19	8	42	45	26	21	3	6	11	23	7	21	45	$\frac{1}{2}$		2	30	
20	10	53	45	23	22	63	7	43	22	57	23	46			1	39	
21	12	58	45	21	24	7	9	11	22	54	25	41			0	50	
22	14	56	45	18	25	32	10	33	22	52	27	29			0	S. 3	
23	16	49	45	16	26	55	11	50	22	50	29	13			0	38	$\frac{1}{2}$
24	18	33	45	14	28	13	13	2	22	47	0	49			1	19	
25	20	10	45	12	29	26	14	9	22	45	2	20			1	57	
26	21	40	45	10	30	35	15	11	22	43	3	44			2	32	
27	23	4	45	8	31	40	16	8	22	40	5	2			3	4	$\frac{1}{2}$
28	24	24	45	6	32	40	17	1	22	38	6	14			3	34	
29	25	40	45	4	33	38	17	51	22	36	7	24			4	2	
30	26	52	45	2	34	35	18	38	22	34	8	31			4	29	
31	28	0	45	0	35	30	19	23	22	31	9	34	$\frac{1}{2}$		4	55	

NOVEMBER.

DIES	Motus in prop. duct.		Inclinatio ad æquat.		Ascensio Recta		Declinatio		Inclinat. ad Eclip.		Longi- tudo.		Lati- tudo.	
	G.	M.	G.	M.	G.	M.	G.	M.	G.	M.	G.	M.	G.	M.
1	29	5	44	58	36	23	20	5	22	29	10	35	5	18
2	30	6	44	55	37	14	20	44	22	27	11	34	5	40
3	31	4	44	53	38	2	21	21	22	25	12	28	6	1
4	31	59	44	50	38	50	21	56	22	21	13	21	6	20
5	32	52	44	46	39	35	22	29	22	16	14	11	6	38
6	33	42	44	41	40	17	22	59	22	8	14	58	6	55
7	34	28	44	36	40	58	23	26	22	0	15	43	7	10
8	35	12	44	31	41	37	23	50	21	53	16	24	7	23
9	35	52	44	26	42	13	24	13	21	45	17	3	7	34
10	36	30	44	22	42	48	24	35	21	41	17	40	7	46
11	37	6	44	19	43	21	24	56	21	37	18	15	7	57
12	37	42	44	16	43	53	25	16	21	34	18	49	8	7
13	38	16	44	13	44	24	25	36	21	31	19	22	8	18
14	38	49	44	12	44	54	25	55	21	28	19	53	8	28
15	39	21	44	10	45	23	26	13	21	25	20	24	8	38

Hæc sunt quæ Illustrissimo Principi tunc temporis in hoc Cometa, summatim è nostris Observationibus deriuata, communicauit; pleniorẽ (vt superius dixi) de hoc tractationem, Liber noster Tertius Ascensionum Cœli Phænomenon, complectitur. Vbi etiam Ephemeris motus eius ab hac antecedente non dissimilis, sed aliquantulum locupletata, exponitur. Quantum verò ad Solarem Ephemeridem attinet, de qua in literis fit mentio, eam Illustrissimo Principi à me transmissam, nolui hoc loco apponere, eò quòd primo Tomo Solaris curriculi normam, ad quoduis proximorum Seculorum tempus expedite calculandi, Canones sufficientes, exhibuerim.

Dem

Dem Besten vnserm Lieben Besondern

TYCHONI BRAHE, Herrn zu Rnudsstrup.

Wilhelm von Gottes Gnaden Landtgraue

zu Hessen / Graue zu Cassenelnbogen / Diez /
Ziegenhain vnd Nidda / etc.

Vnsern günstigen Gruss zuuor / Bester Lieber Besonder / Wir haben ewer schreiben de dato den 1 Martij empfangen / gelesen / vnd daraus neben andern verstanden / das der Kön : W: zu Denmark / Stadthaltern in Holstein Henrich Ransow Euch vnser schreiben / so wir an ihnen des lest erschienen Cometens halben gethan / zugeschickt / Das jr vns nun darauff ewre Obseruationes desselbigen Cometen so gutwillig zugeschiekt / dz thun wir vns gnediglichen bedanken / vñ wollen euch nicht verhalten / das so bald wir ewere Obseruationes gesehen / haben wir vnsern Mathematicum gefordert / vnd seine Obseruationes eiusdem Cometa mit den ewern conferirt / vnd befunden / das nach gebürender equation temporis & Longitudinum beyderley Obseruationes durchaus kaum vber ein minuten von einander discrepirt / welches warlich ein grosses / vnd ein Zeichen ist / das beid vnser vnd auch Ewere Instrumenta just vnd gut / auch die Obseruatores fleissig gewesen / vnd gut Gesicht gehabt. Vnsere Instrumenta / nemlich der Quadrant vnd Sextant / so vnser Mathematicus braucht / seind nicht so groß / als die Ewren / sondern seind nur quadrupedalia / lassen vns auch bedüncken / wo sie größer weren / sie würden desto vnbreuchlicher / & propter molem desto vbler zu tractiren sein / doch möchten wir Ewere Instrumenta / sonderlich den Globum auch gern sehen vnd examiniren / auch Euch gönnen / das ihr in loco Meridionali & vaporibus minus obnoxio ewere Wohnung hettet / damit ihr die ding desto besser obseruiren könntet. Was nuhn betrifft / das wir Euch vnser Obseruationes nouæ Stellæ ad Cassiopeiam / desgleichen der andern Cometen vnd auch Solis wolten zuschieken / ist an dem / das damals / wie dieselben Obseruationes geschehen / vnser Instrumenta noch nicht so fleissig seind abgerichtet gewesen / gleich wie sie jeho durch angeben des VVITTICHII, & diligentia & industria vnser Vhrmachers W. Just Burrij, qui quasi indagine alter Archimedes ist / seind angerichtet / Wie aber dem / so haben wir Ewerm zu vns abgefertigen vergünstiget / dieselben abzuschreiben / vñd Euch zuzubringen. Was aber prædictam nouam Stellam antrifft / haben wir an demselben gar keine Parallaxin / auch gar keinen motum weder in Longitudinem noch Latitudinem / sed tantum in recta Linea in Altitudinem aut profunditatem mercken können / aber in dem grossen Cometen / so Anno 77 erschienen / da haben wir desmals keinen aulicum Mathematicum gehabt / darumb haben wir ihn seine Parallaxin nicht eigentlich obseruiren können / aber wie ihr aus jenen vnser Mathematicum

Mathematici Obseruation zusehen/ so wil der auch nicht/ das der jeso lezt erschiene Comet einige Parallaxin gehabt habe/ Ergo ist das fundamentum Philosophicum nichtig/ das die Cometen in summa Regione Aëris infra circulos Lunæ solten generirt werden/ Also auch finden wir nicht allein aus vorigen vnsern sondern auch jesigen vnser Mathematici gar fleissigen Obseruationibus, das warlich Stellæ fixæ viel in einem andern stande seind/ dann sie in Tabulis annotirt, Dann ihrer viel vmb etliche gradus anders befunden/ tam in Longitudine, quàm in Latitudine, accedit quod Latitudo, quæ tamen consensu omnium Altronomorū debebat esse inuariabilis, in vielen vnd fast allen sich valde sensibiler, ja schier off ein halben grad vnd mehr verruckt. Ob nun solches geschehen sey vitio Typographorum, oder ob die Stellæ fixæ in se proprium aliquem motum haben/ geben wir euch als dem vornembsten dieser zeit Mathematico, der die sache auch selbst angreiffet vnd verstehet/ vnd nicht ein Mathematicus vnderm Dach ist/ wie die meisten seind/ zu iudiciren anheim. Was vnser Instrumenta betrifft/ haben wir sie ewern abgefertigten aller sehen lassen/ der euch darvon wird bericht thun können/ Dann den Sextanten lassen wir warlich nicht verachten/ Sincemal wir zu etlichen mahlen vnserm Mathematico zween Stern dardurch abzusehen befohlen/ Da wir nun selbst distanciam vtriusque genommen/ das Instrument verruckt/ vnd ihn von neuem absehen lassen/ hat er fürwar sie so scharff abgesehen/ das intra primam, secundam & tertiam Obseruationem nicht ein viertel einer minuten differentz zu spüren/ Darumb wenn fehlt dā ist/ mus man den vnser bedünckens in centro visus so subtil nicht suchen/ sondern viel mehr bey artifice. Ferner haben wir Ewer iudicium de inquirenda vera Altitudine Poli vel æquatoris gar gern vernommen/ dann wir auch befunden/ das wenn man die ding ex Altitudine Solis maxima in vtroque tropico suchen wil/ das es gar nicht mit der Obseruation circumpolarium Stellarum thut eintreffen/ Derhalben haben wir durch vnsern Mathematicum etliche Stern/ quæ non occidunt, lassen in Meridiano cis & vltra Polum obseruiren, wie ihr hierneben zusehen/ Daraus wir vnser Eleuationē Polarem hui⁹ loci & quæ his accidunt genommen/ Also auch haben wir von etlichen Jaren Refractionem valde sensibilem, bey in Sole & Stellis circa Horizontem gefunden/ auch ein mal Venerem occidentem (quàm diligentissimè obseruauimus) fast beynähe ein viertel einer stund stationariam befunden/ aded vt eotempore nihil raptu primi mobilis moueretur, & adhuc appareret Eleuata duobus & amplius gradibus supra Horizontem, cum totidem reuerà esset sub Horizonte, deinde autem quasi ad momentum euauit. Quæ omnia nobis videbantur miraculosa nisi Vitellio in suis Opticis harum rationem præbuisset. Wir schicken euch auch hierneben: doch in gutem vertrauen/ darinn ihr es auch behalten vnd noch zur zeit spargiren, sondern nur mit Ewren Obseruationibus conferiren wöllet: Obseruationes etlicher vornemmer Stern/ wie sie

wie sie vnser Mathematicus beyd in Meridiano, vnd auch per Sextanten obseruirt. Wo ihr nuhñ lust zu rechen habt/ möcht ihr darauß loca vera tam Longitudinis, quàm Latitudinis bald finden/ in vnserm Globo treffen sie sein zu / Es sol aber vnser Mathematicus dieselben noch allet per calculum reformiren, dann den Instrumenten/ sie werden so fleissig gemacht als sie wöllen/ adamußim nicht zu trawen. Welches wir euch vff ewer schreiben hinwider nicht wolten verhalten/ mit gnedigen gesinnen/ ihr wollet vns ewere Obseruationes, dergleichen loca vera nostrarum Obseruationum, wie ihr vnser gegen den ewren per calculum findet/ hinwider zuschicken/ Damit wir es mit den vnsern zu collationiren. Cætera ex adiuncta Mathematici Epistola intelliges. Vnd wir seind euch mit gnedigen willen jederzeit wollgeneigt/ Datum in vnser Festung Cassel am 14 Aprilis, Anno 86.

Wilhelm Landtgraff zu Hessen.

POSTSCRIPTA.

D wir wol in der Epistola melden/ das wir die Obseruationes ewerm abgefertigten abzuschreiben zugestelt/ Diueil sie aber fast mühesamb zu secerniren, So haben wir durch ein andern gedachte Obseruationes beyd Cometarum, vnd auch Solis, so viel wir derd noch bey handen haben/ abschreiben lassen/ vnd thun sie euch hiermit vbersenden. Was aber Obseruationem Fixarum betrifft/ haben wir loca Longitudinum & Latitudinum, wie sie vnser Globus gibt/ hinein verzeichnet. Es soll sie aber vnser Mathematicus, wenn er die vbrigen/ so er propter vaporosum Cœlum bißhero nicht obseruiren können/ auch darzu/ bekümpft aller rechnen/ glauben doch/ es werde nicht ein grosser differentz zwischen beyderley Obseruation sein. Oculum & dextrum hum: Orionis, Canem minorem & maiorem, die haben wir nicht allein per distantiam inter se, & Latitudinem Meridianam lassen obseruiren, Sondern durch vnser minuten vnd Secunden Vhrlein: welches gar gewisse stunden geben/ vnd a Meridie in Meridiem oftmals nicht eine minuten variyren, ihr tempus oder culmination in Meridiano gar scharff zu etlich viel mahlen/ vnd darauß ihre Longitudinem vel potius Cœli mediationem genommen/ das vnser bedünckens wir dero gewiß sendt.

*

Wilhelm Landtgraff zu Hessen.

Heipfe

*Ha ipsa Litera in latinum Sermonem conuersa,
propter exteros Teutonica lingua ignaros.*

VVILHELMVS DEI GRATIA LANDTGRAVIYS

HASSIAE: COMES IN CATZENELLEBOGEN, DIETZ,

ZIGENHAIN ET NIDDA.

Cratia & fauore nostro praemissis: Nobiliss: & singulariter dilecte. Literas tuas Martij scriptas accepimus, quibus perlectis, inter cetera cognouimus, Regis vestri Sereniss. in Holsatia Locumtenentem HENRICVM RANZOVIVM, eas quas de Cometa posteriore ad ipsum dedimus literas tibi transmisisse. Quia verò hoc tantum nomine, tuas super eodem Cometa Observationes, animo beneuolo nobiscum communicaueris, gratias clementer agimus, neque celare volumus, acceptis tuis Observationibus, continuò nos Mathematicum nostrum accersiuisse: factaque collatione Animaduersionum in illo Cometa vtriusque vestrum, adhibitâq; debita æquatione temporis & Longit. depræhendimus, neutrum vix in minuto à se inuicem discrepasse, quod sanè magnum est, certumque indicium, Instrumenta tam nostra quam tua iuste & rectè se habere, Observatores etiam diligentes fuisse, & acutè omnia vtrinque collimasse. Nostra Instrumenta, Quadrans videlicet & Sextans, quibus Mathematicus noster vtitur, magnitudine tuis non adæquantur, ut potè saltem quadrapedalia, aestimamus enim, si maiora forent, ea ad vtendum inhabiliora, atque propter molem incommodiora reddi. Tua tamen Instrumenta, Globum præsertim illum maiorem videre, & expendere libenter cuperemus. Quin & hoc tibi exoptaremus, ut in loco Meridionaliore & vaporib⁹ minus obnoxio degeres, quò commodius & plenius hisce rebus animaduertendis operam nauares. Ad nouæ eius Stellæ iuxta Sidus Cassiopeæ Observationes, alteriusque Cometæ & Solis, ut mitteremus petitionem, ita res habet, quod sint acceptæ Instrumentis nostris nondum ea diligentia rectificatis, atque nunc instinctu VVITICHII, diligentiaque & industria Automatarij nostri, IVSTI BYRGII, qui quasi indagine Archimedes alter est: Qualescunque autem sunt, quem ad nos misisti, concessimus, ut descriptas ad te perferret. Quod verò ad Stellam nouam prædictam, nullam in ea Parallaxin, nullumque in Longitudinem & Latitudinem motum; sed tantum in recta Linea versus Altitudinem aut profunditatem depræhendere potuimus. Cometa aut magno illo, Anno 1577, apparente, aulicum Mathematicum nullum habuimus; idèque eius Parallaxin exactè obseruare non licuit. Ex nunc præsentis tamen Mathematici nostri Observationibus facile collegeris, quod is non minus quam tu nullam admittat eius, qui recens apparuit, Parallaxin. Philosophicum itaque illud nullus est momenti fundamentum, quòd Cometæ in summa Aëris Regione, infra

infra circuitus Lunæ, generentur. Sic etiam non modo ex prioribus, sed & huius nostri Mathematici diligentissimis Observationibus aduertimus, Stellas fixas longè aliter se habere, atque in Tabulis est annotatum; plurimas siquidem earum, tam in Longitudine quàm Latitudine ad aliquot gradus aliter dispositas deprehenditur. Accedit & hoc quod Latitudo, quæ tamen consensu omnium Astronomorum debebat esse inuariabilis, in multis & penè omnibus valdè sensibilibus, ad dimidium etiam gradum, aut plùs immutata sit; An id euenerit vitio Typographorum, aut quod Stellæ fixæ in se motum proprium aliquem habeant, tibi vt præcipuo huius temporis Mathematico, qui etiam manum operi admoues, nec sub recto delitescenti, vt pleriq; sunt, dijudicandū relinquimus. Instrumenta quoque nostra omnia, ei quem ad nos misisti inspicenda concessimus, isq; tibi de ijs plenius referre potest: At sanè Sextantem non ducimus, aspernandum. Eo siquidem binarum Stellarum intercapedinem aliquoties inquiri per Mathematicum nostrum fecimus, & cum eandem ipsimet obseruarem, etiam loco mutato Angulo Instrumenti, denuòque distantiam reuidendo, eandem ita exquisitè collinauit, vt intra primam, secundam & tertiam Observationem, ne quartæ quidem partis vnius minuti, differentia animaduertetur. Quod si itaque erroris quicquam subest, id nostro iudicio, non tam subtiliter Centro visus ascribendum venit, sed potius artifici rem tractanti. Porro iudiciū tuum de inquirenda vera Altitudine Poli vel æquatoris libenter cognouimus. Nam & nos deprehendim⁹, huiusmodi si ex Altitudine maxima Solis in vtroque Tropico requirantur; cum Obseruatione Stellarum circumpolarium omninò non coincidere. Ideoque Opera Mathematici nostri aliquot Stellas, quæ non occidunt in Meridiano, cis vel ultra Polum obseruari curauimus, vt in adiunctis videbis, atque inde Eleuationem Polarem huius loci, & quæ his accidunt desumimus. Quin & aliquot iam retrolapsis Annis, Refractionem valdè sensibilem, tum in Sole, tum etiam in Stellis circa Horizontem inuenimus. Semel etiam Veneris Stellam Occidentem, quam diligentissimè obseruauimus ad Horæ penè quadrantem, Stationariam apparentem, adeò vt eo tempore raptu primi mobilis nihil moueretur, atque adhuc appareret eleuata duobus & amplius gradibus supra Horizontem, cum totidem reuerà esset sub Horizonte. Deinde autem quasi ad momentum euauit, quæ omnia nobis videbantur miraculosa, nisi Vitellio in suis Opticis horum rationem præbuisset. Mittimus insuper bona tamen fide, vt referuentur, neque dum spargantur, sed saltem cum tuis conferantur, Obseruationes aliquot præcipuarum Stellarum, à Mathematico nostro, cum in Meridiano, tum per Sextantem acceptas; Quas si ad calculum reuocare placuerit, loca vera tam Longitudinum quàm Latitudinum Stellarum eruere facillè erit. In Globo nostro ritè conueniunt, nihilominus Mathematicus noster eas omnes per calculum reformabit. Glo-

D

bis enim

bis enim extrema etiam diligentia fabrefactis, ad amussim non est fidendum. Hæc habuimus, quæ Literis tuis respondere non supersedendum duximus, clementi etiam affectione rogantes, velis nobis tuas Obseruationes, tum quoque nostras animaduersiones veluti ad calculum expenderis, vicissim mittere, quo cum nostris collatio vltior fieri queat. Cætera ex adiuncta Mathematici Epistola intelliges. Nos verò gratiosa voluntate perpetuò tibi fauimus. Datum in Castello nostro Cassellano 14 Apilis, Anno 86.

VVILHELMVS HASSIA LANDTGRAVIVS.

POSTSCRIPTA.

QUAMVIS IN EPISTOLA DIXERIMVS, NOS OBSER-
uationes ei, qui ad nos à te missus est, describendas dedisse,
tamen quia eas discernere nimis laboriosum erat, per alium,
cum eas, tum Cometarum & Solis, quotquot ad manus erant
describi, curauimus, easque tibi vnà mittimus. Quod autem ad Obseruati-
ones Fixarum attinet, loca Longitudinum & Latitudinum, prout Globus
noster subministrat, consignauimus. Sed & Mathematicus noster & has &
reliquas, quas nondum propter vaporosum Cælum assequi potuimus vt pri-
mùm eas assecutus fuerit, numeris expediet. Confidimus tamen inter vtran-
que Obseruationem non magnam inuentum iri differentiam. Oculum &
Dextrum Humerum Orionis, Canem minorem & maiorem, non modò
quò ad distantiam inter se, & Latitudinem Meridianam, sed etiam per Ho-
rologia nostra, quæ minuta & secunda monstrant; accuratàque sunt, ita vt à
Meridie in Meridiem sæpenumerò ne vno quidem minuto variant,
eorum tempus culminationis in Meridiano sapiliùs præ-
cisè obseruari curauimus; indeque Longi-
tudinem vel potiùs Cœlime-
diationem earum
desum-
simus, vt existime-
mus nos in his certos esse.

*

VVILHELMVS HASSIA LANDTGRAVIVS.

NOBIL-

NOBILISSIMO ET VIRTUTE SAPIENTIA AC
INGENIOSA ERVITAQUE DOCTRINA, CLARISSIMO VIRO
DOMINO TYCHONI BRAHE, DOMINO DE KNVDSTRVP, EQUI-
TIDANO, Mathematico nostro Seculo præstantissimo,
&c. Domino suo cum obseruantia co-
lendo, &c. s. p.

MAXIMA ILLVSTRISSIMVS PRINCEPS NOSTER AFFECTVS
est lætitia Literis tuis, Vir Nobilissime & Doctissime, Mathe-
maticorum præstantissime, tum quòd reconditiorem Astrono-
miæ Scientiam ac Regium Ingeniosorum Instrumentorum appa-
ratum, accuratissimùmque de Obseruationibus longè aliter instituendis iudi-
cium continerent, tum quòd abs te, quem propter summam in Astronomicis
rebus peritiam summè diligit, proficiscerentur. Etsi autem Illustris: i-
psius Celsitudo seorsim Literis tuis est responsura; mihi tamen mandauit, vt
& ipse, de Mathematicis præsertim, tuæ excellent. responderem. Ne igitur
longis vtar ambagibus, cum Illustrissimus Princeps Scriptum tuum de Co-
meta nancisceretur, mihi id inspicere non licuit, Illustris. ipsius Celsitudine
prohibente, donec & ipse meum de eodem Cometa scriptum attulisset; in
quibus cum Obseruationes in tam longè disitis locis institutas, sibi inuicem
ad minutum vsque respondere videremus, dici vix potest, quanto simus gau-
dio perfusi. Quò igitur & tu eandem concordantiam videre possis, tibi vicis-
sim, meum de eodem Cometa Scriptum transmittito, præsertim cum Capite v.
contineat disputationem de Refractione Stellarum, cuius tu in Literis tuis
mentionem facis, quanquàm nondum sit absolutum, deficientibus nimirum
in fine tribus Capitibus, quæ propter occupationes absoluere non potui.
Quod si quædam differentia in locis Cometæ constitutis reperitur, ea esse po-
test, & propter locorum, in quibus nostras Obseruationes habuimus, disjun-
ctionem, & propter loca Stellarum fixarum non eodem fortè modo assum-
ta, & propter diuersam Zodiaci obliquitatem, quam ego in meis Obseruati-
onibus assumsi 23 gr. 30 min. tantam nimirum quantam tot annos Illust. Prin-
ceps noster adinuenit. Quanquàm autem Instrumenta in ijs Obseruationi-
bus non adeò, vt nunc, fuerunt exacta, nec etiam Parallaxeos aut Refra-
ctionis ratio habita, maluit tamen Obseruationibus, quàm Tabularum anno-
tatis respondentem Zodiaci obliquitatem assumere, præsertim cum ipse ad-
inuenerim, Obseruationes eas non multum à Veritate abesse. Quanquàm
ipse Solstitialem Solis Altitudinem in æstate propter ventosam & nubilosam
Aëris constitutionem nondum exactè obseruare potuerim. Etsi verò non dubito,
quin tua, quam asseris Zodiaci obliquitas sit vera: eam tamen & ego, Deo
benignum successum, benignamque Aëris constitutionem largiente, dili-
gentissimè obseruabo, vt ita Veritas diuersis diuersorum locorum fulcita

Observationibus, eò maiorem fidem apud posteritatem mereatur. Ad Observationum calculum in Cometa assumi Oculum & in 4 grad. 7 min. II, cum Latitudine 5. grad. 29 min. Meridionali. Tertiam v Stellam in 1. grad. 58 min. Tauri, cum Latitudine Septentrionali 9 gr. 57 min. &c. ut nos diligentissimis nostris Observationibus adinuenimus, nec video eas multum à tuis discrepare. De barba Cometæ, quod scribis, eam 21 Octobris non habuit. At 22 Octobris sub Occasum eam quoque hic animaduerti. Verum cum fallaciam ex Lunæ Radijs esse iudicarem (vergebat enim ad Lunam) nec tale quicquam antea deprehendissem, eam Scripto meo inferere nolui. Quod autem Cometam adhuc 12 Nouembris observasti, ipse profecto 10 Nouembris eum ob nimiam raritatem per Instrumenti rimulas observare non potui, nec etiam 11 Nouembris amplius videre; quanquam Aer erat impurus ac vaporosus. Fortè eum ob nimiam raritatem vaporibus similem, præ vaporibus deprehendere non potui. Nullam omnino Parallaxin tam per accuratissimū illum, quem Scripto meo inferui, Parallaxes observandi modum, quam per tempus & distantiam eius à Meridiano, deprehendere in eo potui, quamvis diligentissimè eam venarer. Differentia, quæ exigua in extremis Cometæ fullionibus inter nostras Observationes interuenit, fortassis est à nimia Cometæ raritate. Equidem semper proportionalem in eo adinueni motum. Sed hæc hæc de Cometa. Ad Instrumenta nostra quod attinet, attulit nihil VVITTICHIVS, præter partitionem (quæ, quicunque Autor sit, ingeniosa certè est) & Sextantis nomen, & Pinnacidiorum rimulas. Et quanquam Vvittichius putabat Instrumenta ea correctiora fieri non posse, nos tamen post ei⁹ discessum multis modis ea correximus. Fecerat enim Vvittichius per Automatopæum nostrum simplices tantum in visorij rimulas, in Quadrante quidem duas, alteram in superna visorij parte, alteram ad Latus, in Sextante verò tantum vnicam, in centro scilicet visus. Verum cum Instrumenta in vsum deducere, multa tandem experientia inueni, eiusmodi rimulas non sufficere, nec quicquam certi deprehendi ijs posse. Quapropter in Sextante duas alias adhuc rimulas, ad Latera Pinnacidiorum, propè oculum fieri curavi, ut distantia Stellarum per rimulas Parallelas vtrinque cernerentur. Cumque Vvittichius nullam rationem Anguli visionis habuisset, huic quoque malo succurrimus, atque visoria Centro Instrumenti ita apposimus, ut semper eandem ab illo Sextantis Centro distantiam retineant, Centrumque semper præcisè in medio mediæ rimulæ reperiatur. Ac ne Angulus visus sit minor eo quem Instrumentum nobis exhibet, singulis Pinnacidij superioribus internè tantum detraximus, quantum inferius respondens Pinnacidium à Centro distat. Ita enim per lineas parallelas eundem Angulum cernimus, quam Instrumentum nobis exhibet, nec vlla differentia inter Angulum visum & Angulum Instrumenti esse potest. Præterea cum antea media Regula in Sextante

tante manibus hinc inde ducenda, in Observationibus plurimum negocij nobis facesseret, multumque temporis requireret, priusquam in eum, quo debebat, locum esset perducta, Catenulam artificiosè Instrumento apposuimus, per quam in quemcunque locum & Angulum regulam mediam facili-
 mè absq; negotio deducere possumus. In Quadrantis quoque inferiore Pinnacidiorum parte, adhuc rimulam infernè fieri curavi, vt Altitudinem Stellæ, & supernè & infernè paralleliter videre possim. Nisi enim Stella per rimulas paralleliter circa Pinnacidium æqualiter secta conspiciatur, nequaquam certa erit eius Altitudo. Iamdudum etiam ad Latera Pinnacidiorum rimulas Parallelas exaptaui, vt transitum Stellæ vtrinq; videre possem. Quod si Vvitchius rimulas illas Parallelas apud Tuam Excell. vidit, nec Instrumentis nostris apposuit, multo nos inanilabore oneravit. Cum enim visoria Instrumentorum Mense Martio præteriti Anni corrigeremus, inuenimus Observationes ante visiorum correctionem institutas, prorsus fuisse incertas & falsas. Quapropter omnes, de nouo iterare coacti sumus. Reliqua quæ de Instrumentis nostris desideras, ex domestico tuo cognoscere poteris. De diuerso ætheris & Aëris diaphano velim etiam atq; etiam cogites. Ipse profectò rem in omnes partes voluens ac reuoluens, nihil tale reperire potui. Sed cum Sententiam ea de re meam in Tractatu de Cometa Capite v satis superque declarauerim, nolo hic actum agere: Tantum peto à te maiorem in modum in salutem & certitudinem Astronomiæ etiam atque etiam, vt ea diligenter examines, atque ad ea mihi respondere non dedigneris. Video enim ob nullam aliam rem magis huic pulcherrimæ Arti detrahi, quàm quòd (vt ij, qui quid Hypotheses Astronomiæ sint, non intelligunt, arbitrantur) futilibus & falsis Hypothesibus sit referta, perque falsas Hypotheses contra naturam, contraque naturæ Leges verum Planetarum motum demonstrat. Vt igitur veterum illum ex animis vulgi eriperem, atq; quid sibi vellent Hypotheses Astronomiæ, ostenderem, luculenter & perspicuè, vt opinor, ex ipsa rei natura, quantum per occupationes licuit, de ijs disserui, præsertim cum diu multumque expertus sim, etiam eos, qui se multum in hac Arte profecisse volunt, in sinistra hac inueniri opinione, seducti, vt arbitror à futilitatibus Aristotelis, qui contra experientiam tantum futilibus coniecturis, de his rebus disputat. Refractionem vsque ad 30 ab Horizonte gradus in Sole reperire non potui, nec etiam in Horizonte dimidij gradus, sed plerunque 15, aut ad summum 20 minutorum. Sed eam maiore in posterum diligentia non tantum in Sole, verum etiam in Stellis fixis obseruabo. Quemadmodum & ex dextro Latere Persei in Altitudine 9 gr. 42 min. inueni Refractionem $2\frac{1}{3}$ minutorum. Ex Cauda Cygni in Altitudine 5 gr. 18. min. inueni Refractionem $5\frac{2}{3}$ minutorum. Inuenio etiam ex Observationibus diligentissimis, Stellas fixas suas mutare Latitudines, contra aliorum traditionem, idque fieri proportionaliter secundum mu-

dum mutationem obliquitatis Zodiaci, ita ut quo magis ad Solstitia accedant, eò magis Latitudines suas mutant, adeò ut Stellæ immotæ videantur; Ecliptica verò pro mutatione obliquitatis hinc inde ad eas accedere & recedere. Quod verò interdum quædam Stellæ huic suppositioni reclamant, id (ut arbitrator) Observationibus veterum tribuendum erit, in quibus Sextantes, aut etiam Trientes graduum non fuerunt apud ipsos magni momenti, vel etiam eiusmodi error in transcribendo interuenire potuit; quanquā videam, dum recentiores Ptolemæum in Stellis fixis emendare voluerunt, in longè maiores errores esse delapsos, ut ex Alanac, Algorab, tit. manifestum est. Motum Solis in Ephemeride tua positum satis exactè cum nostris Observationibus inuenio congruere: à quibus tamen Tabulæ Prutenicæ circa æquinoctium vnum ultra dimidium gradum absunt. Ipse etiam tantam ferè Solis Eccentricitatem reperiò, quantam tu asseris. Altitudo Poli hic Castellis est 51 grad. 20 min: Inueni enim per diligentissimas Observationes Stellam Polarem, in superiori Meridiani parte, Altitudinem obtinere 54 grad. 16 min: in inferiore 48 grad. 24 minut. Pectus Cassiopeæ supernè 87 gr. 3 min. infernè 15 gr. 37 min. In Ascensu medio Cathedræ Cassiopeæ supernè 84 gr. 26½ min. infernè 18 gr. 13½ min. Ad genua Cassiopeæ supernè 83 gr. 16½ min. infernè 19 gr. 23½ min. In tibia Cassiopeæ supernè 79 gr. 44½ minut. infernè 22 grad. 55 min. Quod si Eclipsin illam, quæ Anno 1584, 7 Nouembris apparuit, obseruasti, iam quoque differentiam Longitudinum inter nostra loca habebimus. Obseruauit enim VVITTICHIVS hîc Castellis eius medium incidisse in 13 horam 3 minut. post Meridiem; quanquā video, iustam diligentiam in ea Observatione non esse adhibitam. Ac toties iam dolui, me eo tempore hîc nondum fuisse (octiduo enim post huc veniebam) utinam per distantias ad Stellæ fixas non tantum Eclipsin, verum etiam motum & Parallaxin Lunæ obseruasset. Sin eam Eclipsin obseruare non potuisti, alia nobis via ingredienda erit, ut differentiam inter Meridianos nostrorum locorum nanciscamur; quod commodè per Lunam fieri posse, puto, si eam vnâ & eadem Die aut etiam diebus non multum à se distantibus vterque simul diligenter Obseruauerimus. Ita enim separata Parallaxi, per motum ex Observationibus inuentum facile quæsitum patebit. Sin per calculum malueris (quæ ratio tamen mihi minus certa videtur) poteris calculum Lunæ Meridiano nostro congruentem ad me mittere. Ita enim si Lunam circa nonagesimum grad. obseruauero, ex tuo constituto motu, si is Apparentijs satisfacit, facile quæsitum inueniam. Narrauit quoque mihi PETRVS IACOBI gomellicus tuus, te per Studiosum tuis correctissimis Instrumentis, Eleuationem Polarem & Altitudinem Meridianam Spicæ in Fruenburgi Borussia, ubi COPERNICVS plerasque suas Observationes habuit, obseruasse. Cum igitur perhibenter scirem, quanam fuisset certitudo Instrumentorum, quibus in suis

Observatio-

Observationibus vsus esset Copernicus, Et an ea Fruenburgi esset Poli Eleuatio, quam Copernicus Libro III. Capite 2 asserit, peto à te maiorem in modum, vt eas mecum communicare non dedigneris. Vicissim tibi mea officia polliceor ac defero. Illustrissimus Princeps mittit ad te Observationes suas de Cometis, & Altitudines Solis Meridianas per vetera Organa obseruatas, quas pro tua prudentia ad vsum accommodare, & cum tuis conferre poteris. Mittit item nostras Stellarum fixarum per noua Organa institutas à me Observationes, quas calculo per Studiosos tuos examinabis, deque ijs nos admonebis. D. IOACHIMVS CAMERARIVS tibi salutem; cuius Literas ad te perscriptas inter reliqua reperies. His benè & feliciter vale. Castellis 18 Calend. Maij, Anno Christi 1586.

T. T.

CHRISTOPHORVS ROTHMANNVS
Bernburgensis.

Dem Besten vnserm Lieben Besondern

TYCHONI BRAHE, Herrn zu Knudstrup.

Wilhelm von Gottes Gnaden Landtgraue

zu Hessen / Graue zu Caseneubogen / Dieß /

Ziegenhain vnd Nidda / etc.

Vnsern gütigen Gruß zuvor / Vester Lieber Besonder / Wir machen vns keinen zweiffel / ihr werdet vnser Antwortlich schreiben / so wir den 14. verschienen Monats Aprilis, aus vnserer Bestung allhier an Euch gethan / numehr beneben den vberschickten Observationibus vor lengst empfangen / vnd vnser meining darab vernohmen haben. Diweil vns aber biß noch vnserm gnedigen begeren nach / darauff kein antwort zufommen / Vnd vns dann diese gelegene Bottschafft zu euch vorgestossen / So haben wir nicht vmbgehen können / Euch hiermit voriges vnser schreiben gnediglich zu crinnern / Vnd ist demnach an Euch vnser gnediges begeren / weil Vnsere vnd Ewere Observationes, so viel den negst erschienen Cometam, auch Stellam nouam ad Calsiopeiam antriff / gar nahe zusammen treffen / Ihr wollet vns nicht allein Ewer Iudicium vber vnser Observationes Stellarum fixarum hinwider zuschicken / Sondern auch Ewere Observationes, was ihr so woll dabeuor / als auch darsieder von Stellis fixis obseruirt, communiciren, darmit wir sie gegen den vnsern zu conferiren, Sondernlich aber wollet vns Altitudinem vestri Poli / wie ihr die bey Euch habt / zuschicken / Vnd

werdet

werdet ihr aus beyzugefügten vnfers Mathematici schreiben / vnser meining
weiter vernehmen. Wolten wir Euch also gnediglich nicht verhalten / vnd
seind Euch mit gnedigen guten Willen wollgencigt / Datum in vnser Stadt
vnd Vestung Cassell am 26 Augusti, Anno 1586.

Wilhelm Landtgraff zu Hessen.

Literarum eadem Latinitate donata.

NOBILISSIMO, NOBIS SINGVLARITER
DILECTO, TYCHONI BRAHE DOMINO
DE KNUDSTRVP.

VVILHELMVS DEI GRATIA LANDTGRAVIVS
HASSIAE, COMES DE CATZENELLEBOGEN,
DIETZ, ZIEGENHAINET NIDDA, &c.

ERatia & fauore nostro praemissis. Nobilissime, singulariter dile-
cte. Nullū nobis facimus dubium, quin responsione nostram per
literas, quas 14 elapsi Mensis Aprilis, ex hoc ipso nostro Castro
ad te dedimus, vnā cum transmissis Obseruationibus iampridem
acceperis, atq; ex ipsis Sententiam nostram cognoueris. Quia verò hactenus
flagitante id clementi nostra petitione, ad eam nullam nacti sumus responsi-
onem, commodūq; hic nuncius ad te oblatu sit, praeterire nequiuim⁹, quin
prioras nostras Literas in memoriā tibi reuocaremus; propterea te clementer
rogamus, cum nostrae tuaeque Obseruationes, quod ad Cometam recenter
apparentem, Stellamq; nouam ad Cassiopeiam attinet, admodū propē co-
incidant, velis nobis non modò tuum de nostris Obseruationib⁹ Stellarum Fi-
xarū iudicium, vicissim mittere, sed & proprias tuas Obseruationes, quas tum
prius, tum etiam postea in Stellis Fixis obtinuisti, communicare, vt cum no-
stris conferamus. Praesertim verò velis nobis Alitudinem vestri Poli, vt eam
denotatam habes, transmittere. Ex adiuncta quoq; Mathematici Epistola
nostram Sententiam plenius cognosces. Hæc te clementer celare no-
luimus, sumusque fauorabili & bona voluntate erga
te affecti. Datæ in Vrbe & Arcē nostra
Cassellis 26 Augusti,
Anno 1586.



VVILHELMVS LANDTGRAVIVS HASSIAE.

NOBILISS.

NOBILISSIMO VIRO, DOMINO TYCHONI

BRAHE, EQVITI DANO, DOMINO AKNVSTRVP,

MATHEMATICO NOSTRO SECVLO PRÆSTANTIS-

SIMO, &c. Domino ac fautori suo vnice

colendo, &c. S. P.

NON dubito, Nobilissime Domine, Mathematicorum præstan-
tissime, quin in recenti adhuc habeas memoria, quæ in proximis
nundinis Francofordiensibus mandato Illustrissimi Principis no-
stri transmittendo aliquot Obseruationes ad T. Excell. perscri-
pserim, & vt à T. Excell. etiam atque etiam petierim, vt his nostris Literis re-
spondere dignaretur. At cum nullum adhuc à T. Excell. viderimus respon-
sum, valde dubitat Illustriss. Princeps noster, num eæ ad manus tuas perue-
nerint. Mandauerat enim Illustriss. ipsius Celsitudo, vt non tantum suæ
Celsitudinis clementem salutationem, verum etiam ingens tuæ responsionis
videndæ desiderium per ministrum tuum tibi significarem. Quapropter cum
nullus Dies intercedat, quin de T. Excell. responsione ab Illustrissimo prin-
cipe nostro interroget, eiusque intermissionem semper à disunctione loco-
rum excusare cogar, peto à T. Excell. adhuc maiorem in modum, ne re-
sponsionem in Salutem & promotionem Astronomiæ diutius intermittat. Ipse
quidem, quibuscunque possum rationibus, Astronomiam Illustrissimo Prin-
cipi nostro etiam atque etiam commendare non desino: dummodo T. Excell.
mihi in subsidium veniat, atque currentem & benè admonitum acrioribus
calcaribus instiget. Acer & ad palmæ per se cursurus honores: Si tamen
horteris, fortius ibit equus. De Altitudinibus Stellarum Meridianis à me
per Quadrantem obseruatis, inuenio Quadranti non iuste secundum Hori-
zontis planum à Vittichio & Horologiaro nostro perpendicularia esse applica-
ta, sed ostendi ab eo Altitudines Stellarum iusto & quidem integro minuto
maiores, quàm reuerà sint: Quod licet toties Illustriss. Principi nostro ab eo
tempore, quò hîc Mathematicum ago, dixerim, credere tamen noluit, donec
nuper defectionem tam Horologiaro, quàm Illustriss. ipsius Cels. ad oculum
ostenderem. Nec dubito, quin tu quoque eundem errorem in nostris Obser-
uationibus iamdudum animaduertaris. Iteratis igitur Obseruationibus in-
uenio correctis perpendicularibus Eleuationem Poli huius loci ex Stella Polari
51 grad. 19 min. vno scilicet minuto minorem. Ad summam, non dubito, quin
pro tuo erga Astronomiam singulari Amore Nobilissimam hanc Scientiam
etiam atque etiam apud Illustrissimum Principem nostrum sis commendatu-
rus. Scis hanc Artem omninò Regiam esse, ac Regum ac Principum fauo-
rem desiderare. Plura scriberem, præsertim de impuro illo nebulone Nico-
lao Raymaro Vrsò Dithmarso, qui superiori Hyeme apud T. Excell. Typo-
graphicam Literarum collectionem & ordinationem, vt opinor, exercuit,
E quomodo

quomodo scilicet hic te conuicijs proscindere non desierit, & quomodo te defenderim: nisi angustia temporis me impediret. Cum nuper in praesentia Illustrissimi Principis IOANNIS CASIMIRI Ducis Palatini, &c. Itemq; Inclyti Domini à Donau, tui honorificam, vt par erat, facerem mentionem: dici vix potest, quomodo Dominus à Donau te commendârit, adeo vt me iam pridem tui amore flagrantem iam totum inflammârit. His igitur benè & feliciter vale, optime TYCHO, & de Astronomia benè mereri ne desine. Cassellis 7 Calend, Septembris, Anno 86.

T. T.

CHRISTOPHORVS ROTHMANNVS
Bernburgensis.

Dem Besten vnserm Lieben Besondern

TYCHONI BRAHE, Herrn zu Knudstrup.

Wilhelm von Gottes Gnaden Landtgraue

zu Hessen / Graue zu Eschenbogen / Dieß /
Ziegenhain vnd Nidda / etc.

Vnsern gnedigen Gruss zuuor / Bester lieber besonder / Wir haben euch nun zu zweyen vnderschiedenen mahlen / so wol bey euren Diener / den 14 Aprilis, als auch hernacher den 26 Augusti geschrieben / vnd vnser Obseruationes Stellarum fixarum vberschickt / vnd darneben in gnaden begeret / nicht allein euer Iudicium darauff vns zuzuschreiben / sondern auch eure Obseruationes dargegen zuuberschicken. Wann vns aber bis noch von euch kein antwort einkommen / welches vns gleichwol verwundert / Als haben wir nicht vnderlassen wollen / bey dieser gelegenen Vorschafft / euch nachmahls zuerinnern / Vnd ist an euch vnser gnediges begeren / Ihr wollet vns nicht allein auff solcher vnser schreiben hinwieder beantworten / Sondern auch eure Obseruationes ybersenden / damit wir sie mit den vnsern zu conferiren haben. Das versehen wir vns / vnd seind Euch mit gnaden geneigt / Darum in vnser Stadt vnd Vestung Cassell
am 14 Octob. Anno 86.

Wilhelm Landtgraff zu Hessen.

Eadem

Eadem Litera Latine reddita.

VVILHELMVS DEI GRATIA LANDTGRAVIVS
HASSIAE, COMES IN CATZENELLEBOGEN,
DIETZ, ZIEGENHAIN ET NIDDA, &c.

CRATIA ET FAVORE NOSTRO PRÆMISSIS, NOBILISS. singulariter dilecte. Duabus iam diuersis vicibus, tam per proprium tuum Ministrum die 14 April. quàm postea die 26 Augusti ad te dedimus literas, nostrasque etiam Obseruationes Stellarum Fixarum transmisimus, clementer insuper rogantes, velis non modo iudicium de nostris perscribere, sed & Obseruationes tuas vicissim mittere. Quia verò huc vsque responsum non accepimus, quod etiam miramur, intermittere nolumus, quin per commodum hunc nuntium in animum tibi illa reuocemus. Estque benigna nostra petitio, velis non saltem nostris literis respondere, sed & Obseruationes mittere, quò eas cum nostris conferre liceat. Hoc à te expectamus gratiosa voluntate tibi fauentes. Data in Vrbe & Arce nostra Cassellis die 14 Octobris, Anno 86.

VVILHELMVS LANDTGRAVIVS
HASSIAE

ILLVSTRISSIMO PRINCIPI AC DOMINO
D. GVILHELMO LANDTGRAVIO HASSIAE, COMITI
IN CATZENELLEBOGEN, DIETZ, ZIEGENHAIN
ET NIDDA: Principi ac Domino suo
Clementissimo
S. P.

LITERAS CELSITVDINIS TVÆ PRINCEPS ILLVSTRISS: ad me circa Vernal tempus proximè elapsi Anni datas, quibus meis respondere dignabaris, per eundem quem ad Tuam Cels. ablegaueram mihi domesticum, accepi, pro qua clementi Tuæ Celsitud. erga me beneuolentia, deuisè agò gratias. Quod verò tanto temporis interuallo, nihil ijs responderim, & T. Cels. desiderijs satisfacere tam diu intermiserim, licet etiam interea bis per alias à T. Cels. Literas hoc nomine commonefactus, non est quòd Celsit. T. existimet, vel incuria quadam, vel data opera factum esse, sed locorum potius nimia intercapedo, raràq; illuc mittendi Literas oportunitas, me à scribendo hactenus retardarunt.

E 2

Duobus

Duobus enim saltem Anni temporibus, commodior hinc Cassellas versus scribendi, conceditur occasio, cum videlicet ad utrasque Nundinas Francofordianas nostrates proficiscuntur. Quapropter, cum paulò post nundinas ultimas vernaes, Tuæ Celsitudinis literas acceperim, in eas quæ proximè sequebantur Autumnales, responsum differre necessitas coëgit. Vbi verò circa id temporis, quo ad præteritas proximè elapso Autumno, Francoforti celebratas nundinas Mercatores hinc eò se conferre vellent, cum quodam Bibliopola sedulò egissem, ut paulò ante discessum, me in hac Insula conveniret, secumque Literas T. Celsi Secretario Castellis tradendas asportaret. Quod etiam ille promiserat, & præstare omnino constituerat. Sed accidit præter opinionem, ut ijs ipsis diebus, quibus illi huc accedendum foret, Illustriss. Princeps VDALRICVS Dux Megapolensis, unà cum Illustrissima Principe Domina ELIZABETHA Coniuge (quæ postea in ipso reditu Mechelburgam versus, antequam Mare traiecisset, magno omnium luctu diem obiit) & Fratris Filio Duce SIGISMUNDO, deducente illos ipsa etiam Sereniss. REGINA nostra unà cum magno Nobilium Virorum comitatu, me hic Vraniburgi inuisere sint dignati, partim ut machinas Astronomicas, quibus has ædes refertas sciebant, coram contemplarentur, partim ut Inclytus Dux VDALRICVS, Pyronomicos meos labores (quibus non minorem quàm Astronomicis operam impendo) & his inseruientem apparatus Mechanicum, penitiùs introspeceret, Nam ipsius Celsitudo, multis ab hinc Annis, ijs exercitijs plurimùm delectatur, & non vulgaria in his, propria industria adinuenit, quemadmodum & Serenissima Regina ipsius Filia, hisce Artificijs Spagyricis magnopere afficitur, quo nomine etiam præterito Anno, Mare hoc bis traicere, nostrosque lares subire non grauata est. Cum itaque eo ipso tempore, quo T. Celsi. commodè rescribendum esset, his tam Illustribus Hospitibus excipiendis occuparer, idque Bibliopola ille, qui me ex promisso accedere animum induxerat Haffniæ (eò quod inde nauigia Regia, quibus traiciendum erat procurabantur) cognouisset, propositum mutauit, & ne Nundinarum, diutiùs præstolando, tempus negligeret, me, quem intelligebat impeditum esse, non accedens, itineri se commisit. Hinc itaque factum est, ut hac oportuna occasione Tuæ Celsi. rescribendi, præter omnem expectationem, frustratus sim. Cumque ex eo tempore, nulla eiusmodi commoditas Literas ad T. Celsi. mittendi, mihi oblata fuerit, responsione, quamuis inuitus, supersedere cogebam, idque in hoc usque tempus, quo hic alter nostras Bibliopola Francofurtum ad vernaes nundinas proficiscitur, mihi in perferendis ad T. Celsitud. Literis suam operam polliceretur. Hæc verò eò pluribus T. Celsitud. ob id commemoro, ut intelligat nullatenus mea incuria factum esse, quod in rescribendo iusto tardior fuerim. Tuam itaque Celsi. submissè rogatam volo, ut ob prædictas rationes moram hanc candidè interpretetur,

pretetur, meque clementer hac in parte excusatum habeat, Quod ego sperans me pro eximia Celsitudinis Tuæ æquanimittate omnino impetraturum, nunc utar oblata oportunioris rescribendi occasione, & ad singula capita in T. Celsitud. literis particulariter respondebo. Quod itaque Celsitudo Tua, in prioribus ad me datis literis responsionem ad meas continentibus, ab initio asserat, convenientiam illam inter sui Mathematici Observationes, & meas in Cometa Anni 85. adeò exquisitam, admodum placuisse, & magni ponderis locum meruisse, id sanè & me plurimùm oblectauit. Neque enim similem in aliorum Mathematicorum scriptis de Cometis aliquot præteritis cum ipso cælo, nostrisque Observationibus congruentiam, uspiam fermè inuenio, quod illorum in obseruando & demonstrando negligentia factum non dubito. Diuersitas autem, si qua erat inter Tuæ Cels. Mathematici & nostras in dicto Cometa animaduersiones, potiùs inde eueniebat, quòd Stellarum fixarum loca, quarum usus requirebatur, non præcisè in iisdem scrupulis assumserimus, licet ea ipsa, quæ in his nobis intercessit discrepantia, paucissimorum & nullius penè momenti scrupulorum fuèrit, ut ex collatione cum nostris locis plenius videre licet. Inprimis verò mihi perceptu iucundum fuit, quod Tuæ Celsitud. Mathematicus nullam in eodem Cometa deprehenderit parallaxin, quemadmodum & ego vel nullam, vel penè insensibilem, multiplicibus & accuratis Observationibus inuenire potui. Ideoque planè in eo Rei veritate id ipsum exigente consentimus, non in Elementari orbe, sed in supremo æthere genitum fuisse hunc Cometam, contra quam hætenus Peripatetici, & omnes ferè Philosophi, ipsique adeò Mathematici, pro rato indubitatoque asseuerarant. Quod etiam fieri posse, Noua illa, & miraculosa ad Cassiopeam Stella superioribus annis conspecta, vel ex proprijs Tuæ Celsitudinis Observationibus, quibus meæ apprimè astipulabantur, liquidissimè comprobauit. Imò & nos in 4. alijs Cometis interea conspectis nullum eorum infra Lunam, sed omnes in ipso æthere cursum suum absoluisse, è certissimis Observationibus Geometrica veritate demonstrauius; ut ob id prorsus existimem omnes Cometas in ipso Cælo supra Lunam generari, nullumque eorum vnquam Elementarem exitisse. Nam quòd Regiomontani & Vogelini Observationes in duobus Cometis veteribus, & recentiorum quorundam placita, in his ipsis, quorum nos inuestigationem per Instrumenta debita naçti sumus, diuersum ostendant, nihil moramur; Siquidem, quantum illorum Observationibus fidentum sit, vel in ipsis mundo congenitis sideribus perspectum habeamus. Et longè subtilioris artificij existit parallaxes tam exiguas discernere, præsertim ubi motus proprii vnà sit habenda consideratio, quam hætenus communiter usitata apparentias cælestes scrutandi ratio, suppeditare queat. De toto verò hoc Cometarum argumento nostras Observationes, hisq; innixas demonstrationes Tua Celsitudo vberius & sufficienter sententiam nostram cognos-

cet ubi Opus, quod nunc de hac ipsa materia ad prælum adorno, in publicam utilitatem euulgatum fuerit. Quantum ad Observationes Tuæ Celsitudinis mihi transmissas (quo etiam nomine Tuæ Celsitud. plurimas reuerenter habeo gratias) attinet, contuli eas tum inter se, tum vnâ cum meis diligenter, & quidem in distantijs ipsis nullum reperi alicuius momenti discrimen, quin tuum Instrumentum easdem præbeat, quas mei Sextantes. Id quod vel ex sola inter Regulam & Spicam m intercapedine (eò quòd Observatio hæc fiat iuxta extremos Sextantis limites, vnde etiam exiliores interuallorum Anguli minùs dubij euadunt) manifestum redditur. Hanc enim Tuæ Celsitud. Sextans præbuit part. 54. m . 2; Nos eandem aliquoties vix Sexta parte vnus minuti (discrimine penè insensibili & nullius ponderis) minorem deprehendimus, attestantibus etiam cæteris distantijs Tuæ Celsitudinis cum nostris inuicem collatis, eum Sextantem, quem Tua Cels. in vsu habet, satis exactas, & ipsi cælo congruas præbere intercapedines. Quod tamen vix eius opera factitatum opinor, qui structuram illius ad mei quem hic conspexerat (quod proculdubio silentio præterijt) imitationem primùm Tuæ Celsitudini ordinauit. Nota enim satis mihi est ipse, in his Mechanicis rebus vel inquirendis, vel imitandis, minùs exacta diligentia. Ideòque id potiùs propriæ T. Cels. industriæ, & Mathematici ipsius Rothmanni, artificisque vnâ Mechanici ab ipsa experientia indagatæ solertiæ ascribendum censeo. Quòd ad altitudines Meridianas mihi transmissas attinet, in ijs parum quiddam discriminis à meis inuentis reperi, adeò vt Declinationes Stellarum inde petita, in Borealibus, duobus propemodum ubique scrupulis abundant. In Australibus verò totidem deficient, idque præsupposita æquatoris inclinatione part. 38. m . 40. quæ ex ea Poli eleuatione, quam Rothmannus è Stellarum quarundam non occidentium vtraq; altitudine mihi perscripsit, resultare deprehenditur. Cùm autem satis perspectum haberem, Declinationes Stellarum à me indagatas in nullo minuto vel abundare, vel deficere, eò quòd quinis vel senis variè fabricatis, iustæque magnitudinis Instrumentis, ita vt in quibusdam sexta pars minuti discerni commodè queat, certò exploratæ essent: & satis vnâ mihi constaret, Tuam Celsitud. in Observationibus etiam, præsertim per hæc Neoterica organa reiteratis, summam adhibere curam & diligentiam, vnde hæc binorum scrupulorum inter nos diuersitas contingeret, primò mecum plurimùm admirabar. Deinde cùm eandem penè ubique esse differentiam considerarem, statim in mentem incidit, facile euenisse, vt vel pinna-cidiorum non ritè appositorum vitio bina scrupula iusto altius in Tuæ Celsit. Quadrante perspicerentur, vel etiam perpendiculi in vnico saltem minuto, non ritè ordinati errore, qui vtrinque assumtus, tam in Poli quam Stellarum Meridianarum altitudine declinationem earundem binis variaret scrupulis, aut fortè vtraque ratione. Id quod facile in Quadrante bicubitali euenire posse

posse inde colligebam, quod etiam in duplo vel triplo maioribus, si non exactissima, tam in pinnacidijs, quam perpendiculo adhibeatur applicatio, facile dimidij, vel etiam integri scrupuli error obrepit. Nec enim diuisioni minus certæ, aut Centro deuio hunc errorem imputandum duxi. Habebam itaque in animo Tuam Celsitud. per literas de his commonefacere, vt præcisiorem vel pinnacidiorum, vel perpendiculi, aut vtriusque simul examinationem denuo institueret, quo etiam in Declinationibus Stellarum, non minus quam in distantijs, exacta inter Tuæ Celsitud. obseruationes & meas conuenientia stabiliretur. Verum dum oportuna mittendi literas occasione destitutor, & circa Nundinarum Francofurtensium tempora, causa commemorata a scribendo impediatur, optimè mihi, & ex voto accidit, vt T. Cels. Mathematicus interea indicarit, se deprehendisse Quadrantem T. Cels. ob perpendiculi vitium altitudines priores ostendisse vno scrupulo ubiq; iusto maiores. Quod si est (vti prorsus mihi persuadeo.) Poli sublimitatem vno etiam scrupulo minorem, & æquatoris tantundem maiorem prouenire consentaneum erit, vt ea reuera sit Cassellis part. 38. m. 41. Huic itaq; si applicentur altitudines T. Cels. mihi transmissæ, ita vt singulis ob perpendiculi errorem vnicum adimatur scrupulum, satis exactè cum meis Stellarum declinationibus consentient. Quare plurimum latatus sum, per hoc vnicum scrupulum, in vitio perpendiculi emendatum, alium longè maiorem ob hanc, licet non adeo magnam, quæ Obseruationibus nostris intercedebat differentiam, animo meo inhaerentem scrupulum adeptum esse. Omnes enim cœlestes Obseruationes ad exactam amussim, quatenus in sensus humanos cadant, instituendas cenfeo, adeo, vt si quid in his desideretur vel tantillum, pro irritis habeam. Vt verò Celsitudo Tua collationem vltiorem inter suas & meas Obseruationes, tam quò ad intercapedines, quam quò ad altitudines Meridianas, siue inde petitas Declinationes instituere queat, mitto Tuæ Celsitud. aliquot Stellarum, tum aliarum, tum præsertim insigniorum, quæ iuxta Zodiacum sunt distantias, meis Sextantibus Trigonis (sic enim eos appellare libuit) fideliter exploratas, & præterea sublimitates quasdam Meridianas Quadrantibus diuersis, inuicem tamen consentientibus indagatas, idque tum circa finem Anni 84. & labentem 85. tum etiam circa exitum proximè elapsi 86. & primum initium huius currentis 87. vt Tua Celsitudo eò expeditius, ad debita tempora suas altitudines cum meis conferre possit. Siquidem & his ipsis Annis post denuo redintegrata Instrumenta, Tuam Celsitudinem exactiorem altitudinum Stellarum dimensionem notasse, nullatenus dubitem. Nouit enim apprimè Tua Celsitudo Declinationes Stellarum, & ob id etiam earundem altitudines, quotannis aliquantulum variare, idque præsertim in ijs sideribus, quæ æquinoctialibus locis propiora existunt. Eleuatio vero æquatoris in nostris sublimitatibus Stellarum adhibenda venit part. 34. / 5 $\frac{1}{2}$. eò quod crebris

exp e

experimentis adinuenerim, Polum hinc Vraniburgi, in loco meae Observationis, qui est medius Insulae Huenae in celebri illo Fretto Danico sita, partibus 55. scr. 54 $\frac{2}{3}$. attolli, id quod tam ex ipsa Polari Stella, quam ceteris circum-polaribus non occidentibus, & ob decliuitatem non nimiam sensibilem, refractionem excludentibus sideribus, multoties comprobatum habeo. Longitudines & latitudines Stellarum à Tua Celsitud. mihi communicatas, etiam tum inter se, tum cum meis contuli, deprehendique assignationem illam è Globo Mechanicè institutam, etsi non admodum disconuenientem, tamen non ubique satis scrupulosè annotatis distantijs & altitudinibus correspondere, quamuis perexigua in quibusdam reperiatur differentia. Quemadmodum Celsitudo Tua ex nonnullis, quas in adiuncta charta annotavi collationibus, perspicere potest. Nec sanè mihi vsque adeò mirum videtur, mechanicè in Globo perquisitas è distantijs & Altitudinibus Stellarum longitudes & latitudes non in ipsis scrupulis exactae rationi consentire. Siquidem & ego Globum magnum Orichalcicum apprimè rotundum habeam, qui Sex pedes in diametro contineat, in quo Ecliptica, æquatorque in singula scrupula, per puncta transversalia, more nobis in ceteris Instrumentis vsitato, subtiliter diuiduntur; nihilominus tamen in vno vel sesquialtero scrupulo vbique ratam certitudinem in Stellarum locis per Globum hunc ex Observationibus certis indagandis vix mihi polliceor; Adeò ea, quæ Mechanicè, licet summa diligentia elaborantur, Geometricæ & Arithmeticæ scrupulositati posthabenda veniunt. In ipsis verò Longitudinibus Stellarum à Tua Celsitudine mihi transmissis, quamuis Geometricè, & per numeros Sinuum exactiori trutina expendantur, vt plurimum quina vel sena aut circiter scrupula, nostris Observationibus vltiora ab æquinoctio nume rari animaduerto. In Latitudinibus verò non maior ferè reperitur differentia, quam quæ vel ex Longitudinibus paulò aliter assumtis, vel Obliquitatis Eclipticæ diuersa constitutione, potissimum verò è Declinationibus, duobus minutis perpendiculari vestri vitio à nostris dissidentibus, causari poterat. Est sanè discrimen hoc etiam Longitudinum, nedum Latitudinum, non adeò magni momenti, si veterum & Neotericorum quorundam conferamus annotationes. Nec satis mirari possum Celsitudinem Tuam, tam propè suis Instrumentis Stellarum loca attigisse, præsertim cum colligere queam, Celsitudinem Tuam in Aldebora, vel quacunque alia pro fundamento vsa sit, Ascensionem eius Rectam ex transitu per Meridianum, tempore per Horologium inuento & cum Sole collato, deprehendisse. Quæ sane ratio mihi semper minus tuta videbatur. Licet enim & ego quaterna eiusmodi habeam Horologia diuersæ magnitudinis, exactæque structuræ, quæ non solum singula scrupula prima, sed etiam secunda indicent; in tam subtili tamen negotio eis fidem adhibere frustraneum duxi; cum 4. saltem secunda, quæ in pluribus horis facile excidunt,

vnius

vnus scrupuli primi in longitudine errorem inducant. Adde quòd Horologia ista etiam diligentissimè, vel è rotulis Aurichalcicis elaborata, mutationi aëreæ sensibilibiter obnoxia sint. Taceo pondus non esse æquale, quando sublimius decluiusque pendet, ob ligamenti, quo annectitur, variatam Longitudinem, quæ ponderi aliquid successiue addit, quod licet perexiguum sit, tamen in scrupulis secundis deuiationem non negligendam adfert. Quapropter, cum hac ratione negotium hoc non satis tutò succedere perspectum haberem, nec ignorarem, difficultatem haud exiguam subesse, vt vel vnus Stellæ Fixæ vera ab æquinoctio peruestigaretur remotio, qua cognita ceteræ, vel per distantias ab inuicem, vel per differentias æquatorias, aut etiam per Armillas Hipparchicas Zodiacales, quas vnà in vsu habemus, certiori tamen compendio elaboratas, quàm à veteribus, ceteræ (inquam) quotquot liberet, faciliè constarent. Nec modum illum quo veteres, Hipparchus imprimis & Ptolemæus vsi sunt, superiorèque ætate NICOLAVS COPERNICVS, per Lunam diei & noctis participem, tam Soli, quàm Stellis per Instrumenta applicatam, suis carere difficultatibus, errorique minus obnoxium esse iudicarem. Nam licet concedamus, locum Solis adhibita exquisita diligentia, in vno vel altero scrupulo, quò ad longitudinem scitu possibilem, & intercapedinem eius ad Lunam, huiusque ad Stellas, satis exactè dabilem esse; tamen Parallaxes Lunares, quæ adeò præcisè non cognoscuntur, in vtraque Obseruatione variationem aliquam à vero inducunt. Adde quòd hæc ratio obseruandi non commodè fit, nisi Sole circa Horizontem declui existente, vbi aliud est eius locus apparens, quàm verus, qui iuxta Meridianum patuit, idque non saltem ratione parallaxeos, sed multò potius ob Refractionem, de qua in prioribus literis Tuæ Celsitud. meam sententiam latius indicavi; & intelligo ex Tuæ Celsitudinis responso, eam etiam tam in Sole, quàm ceteris Planetis & Fixis, deprehendissè in decluiori situ Refractionem sensibilem; Quo nomine eius de nostris vtrinque Obseruationibus plurimùm congratulor. Nec enim Veteres, vel Recentiores, quod sciam, hanc in fidèrum collimationibus animaduertunt, vel debite præcauerunt. Hac, inq; ab antecessoribus nostris strata via, cum satis tutò incedere ob prædictas aliasque plures rationes non liceret, commodiori & tutiori semita, quæ ad Stellarum exactas Longitudines perduceret, ingrediendum censui, nullamque apuiorem exactioremque inueni, quàm quæ ex opportunitate nobis, Anno 1582. quo Veneris Stellam Vesperunam existentem interdiu dilucidè apparentem conspeximus, offerebatur. Tunc enim Venerem a Sole in exacta distantia, à 24. Februarij vsque in medium Aprilis, pluribus quàm faciliè credi possit, vicibus, diurno tempore diligentissimè obseruauimus, idque non solum in decluiori Solis situ, sed multoties, cum is vel in Meridiano, vel saltem vnica, aut seiquialtera hora, vltra hunc remoueretur, & q̃ admodum

F

sublimis

sublimis vnâ existeret, adeò, vt & ipsius per Meridianum transitus, Sole adhuc multum eleuato, à nobis, tam quò ad altitudinem, quàm distantiam à Sole, sæpenumerò deprehensus sit. Quare, cum locus Solis, & ex altitudinibus Meridianis, ac per antecedentium annorum à nobis adamussim in motu eius factam restitutionem satis exactè constaret, ex Declinatione Veneris & Solis, data vtriusque per Sextantem exquisita & sibi consentiente distantia, (ita vt Sol vnum pinnacidium illuminaret tota sua quantitate; per alterum verò, Venus vtrinque per rimulas Cylindro superiori parallelas conspiceretur) locus Stellæ Veneris certò patuit. Qui nocturno tempore, quamprimum Affixarum aliqua iuxta Zodiacum aspectui offerebatur, per acceptam eius ab hac intercapedinem pari ratione applicatus, habita prius motus proprii intereà transacti ratione, Stellæ eiusdem locum manifestauit, idque sæpenumerò fiebat in diuersis etiam Stellis, cum Sol, Venus, & Fixæ obseruatae vbique ferè essent in tanta supra Horizontem altitudine, vt Refractionem omnem excluderent. Si qua verò interdum erat perexigua, ea ex alijs Obseruationibus circa hanc factis, præcauebatur. Hac itaque infallibili Methodo in Longitudinis Stellarum exactam notitiam tunc temporis multiplici experimento in idem recurrente, & Stellarum earundem inter se distantijs eandem comprobante, optimè ex voto deueni. Adhibui etiam vbique Parallaxes tam Solis, quàm Veneris, quatenus per horarum interualla variebantur, vt eò exactior ratio constaret. Imò verò & ipsius Veneris Parallaxes peruestigare eodem anno non dubitabam, vt, an circa, vel infra Solem conuolueretur, certius pateret. Quod etiam in Stella Martis in fine prioris, & circa eiusdem anni initia experiri audebam, quando is Acronychus & sublimis in ∞ latitudine etiam Borea cum altius attollente conspiciebatur, vt indagarem an Sole maiorem diuersitatem aspectus induceret, quod necessarium foret, si Copernicana Hypothesis in rei veritate consisteret. Nam tertia ferè parte per hanc Mars in \circ Solis terris redditur propior quàm ipse Sol. Vnde etiam tunc maiorem Parallaxis diuersitatem necessario inducit, & per consequens, Orbes Reuolutionum Martis nequaquam totaliter supra Orbem Solarem, vt ferunt Hypotheses Ptolemaicae, constituuntur. Ideoque vel rotari Terram annuo motu, quo Planetarum excusantur omnes Epicycli; vel aliam celestium Reuolutionum dispositionem, quàm hactenus factitatum, indagandam esse. Verùm hæc nunc extra propositum dicta, aliàs dilucidius & copiosius, Deo volente declarabuntur. Cum itaq; (vt ad rem redeam) prædicta minimè dubia ratione à Sole per Venerem indicato anno, in cognitionem Longitudinis aliquot insigniorum fixarum Stellarum circa Zodiacum, earum latitudine se facillè vnâ ingerente, peruenissem; & ex Obseruationibus quibusdam alijs; Anno 85. circa autumnale æquinoctium acceptis, quo tempore Veneris Stella tunc Matutina, etiam interdum conspiciebatur, idq; in consi-

mili

mili ferè, qua Anno 82. tum distantia à Sole, & Terra, tum etiam altitudine supra Horizontem (quod negotij certitudinem plurimum promouit) omnia viceuersa exploratiùs comprobassem, hinc reliquarum etiam affixarum Stellarum, tam intra quàm extra Zodiacum loca, quò ad longum & latum restituere, vnàq; Planetarum omnium per hæc apparentias peruestigare, nulla temporis sereni opportunitate hæcenus intermissa, elaborauì. Deprehendo autem in quamplurimis Stellis id ipsum, quod T. Celsi mihi perscribit, eas non saltem Longitudines obtinere, quàm Veterum traditiones adiecta quoq; æquinoctij præcessionem correctiore exhibent, sed etiam Latitudines multò aliter, in quibusdam minus, in quibusdam verò plus, ostendere, cum tamen has necessariò inuariatas omni æuo permanere inde à vetustissimis Astronomis, eò quòd motus octauæ Sphæræ circa Polos Eclipticæ contingat, citra omne dubium pro comperto habeatur. Vnde Celsi. T. meritò in eius variationis admirationem perducta, etiam meum de hac re iudicium clementer requirit, an videlicet singulis Fixis aliquem peculiarem motum per se inesse, quo Latitudinem quoque diuersimodè mutant, consentaneum existimem. Qua de re T. Celsi. breuibus meam sententiam nunc exponam. Loca omnium affixarum Stellarum inde à prima mundi Origine in singulis & omnibus, quò ad se inuicem, prorsus inuariata permanere, omni dubio procul iudico. Idque inde facillè comprobatur, quòd omnes fixæ Stellæ, quas recenset Ptolemæus primo capite dictionis 7. ab Abbrachi seu Hipparcho proximè 260. ante se annis in vna extitisse linea recta, easdem etiam suo æuo in eodem situ, quò ad se inuicem, permansisse. Cumq; eadem tum etiam illæ, quas postea addit Ptolemæus, vt Posteris ansam experimentandi relinqueret, etiam hac ætate elapsis ab ipso annis 1400. eundem prorsus, quem idem Ptolemæus recenset, positum exactè retinere animaduertantur (quod nequaquam fieri posset si vna Stella aliter siue Longitudinem siue Latitudinem, quò ad propriam Sphæram mutaret, quàm altera) facillè ratiocinari licebit, omnia affixa Sidera in eodem, quò ad se ipsa situ, citra Latitudinis vel Longitudinis diuersam inordinatamq; mutationem omni æuo consistere. Quòd verò quædam reperiantur Fixæ etiam inter insigniores, quæ multò aliam latitudinem obtineant, quàm Hipparchus & Ptolemæus annotarunt, id partim eorum minùs exacta Obseruatione, partim tot transcriptorum, qui fortè negotij subtilitatem ignorabant, negligentia commissum verisimile est. Etenim vix ante 150. annos artificium Typographicum excogitatum, & priùs tanto temporum interuallo toties rescribendo multa mendose, præsertim in numerorum Characteribus assignari poterant, cum etiam in hac ipsa arte impressoria, nisi diligens adhibeatur correctura, facilis, præsertim in hac materia, lapsus admittatur. Accedit & hoc, quòd certis documentis in quibus plurimis affixis circa Zodiacum præsertim Sideribus, calitus comprobetur per eam, quæ à Timocharis, Hipparchi & Ptolemæi temporibus, hucusq; facta est inclinationis Eclipticæ ad æquatorem immutationem, Latitudines omnium

affixarum Stellarum, pro ea ratione, qua Tropicis locis illarum longitudines magis minusve appropinquant, vna etiam successiue variatas esse. Quod sane mirum videtur, cum alias octauæ Sphæræ motum circa Polos Eclipticæ fieri, ob latitudines Stellarum, non aliter, quam minutula hac obliquitatis Signiferi diuersitate, imminutas certò constet. Quia verò intelligo ex literis Tuæ Celsitud. Mathematici Rothmanni, cum in eadem mecum sententia hac in parte versari, latius ad illum de hoc negotio perscripsi, & per plurimarum Stellarum certiores Observationes, remotis intercidentibus dubijs, in concepta opinione confirmaui. Hinc Tuæ Celsitudò aliqualem in latitudinibus quarundam Stellarum, variationis occasionem intelliget. Si verò quæ maior coincidit, hanc vel ex Veterum minùs certa annotatione, vel Transcriptorum lapsu, vt priùs dixi, euenire necessarium est. Cæterùm vt Tuæ Celsitudo perspectius cognoscat, quo situ Stellarum fixarum loca à me, supradicta ratione indagata sint, descripsi quarundam præcipuarum, præsertim iuxta Zodiacum, Longitudines & latitudines, quas ad principium huius labentis Anni redegei, prout hæ nostris exactioribus Observationibus deprehensæ sunt, vt T. Cels. ea loca cum suis expeditius conferre possit. Plurium Stellarum assignationem addere non duxi operæ precium, cum vel ex paucioribus, imò ex vnica rectè constituta, cæteræ omnes cui Instrumenta comoda & certa ad manus sunt, faciliè innotescant. Interuallum autem motus ab Anno 82. quo aptissimas in his, vt supra indicaui, Observationes nactus sum, non ex Coperniana æquinoctiorum mutatione (quam is è Spica m̄ obseruata, in primam Stellam v, retento interuallo longitudinis Ptolemaico, & Cælo inconsulto, deriuauit) nec ab Alphonsina numeratione mutuatus sum, sed ex ipsa Copernici Observatione in dicta spica m̄ Anno 1525. habita, & cum nostra recentiori collata, negotium hoc absolui. Cum enim Copernicus asserat, eo Anno fuisse Spicæ Altitudinem Meridianam grad. 27. m. 0. & Polus Fruenburgi eleuetur part. 54. m. 22½. velut proprio exquisitoq; Instrumento ante Triennium periculum fieri per Studiosum quendam eò cum Organo à me missum curauit, fuit declinatio Spicæ tunc part. 8. min. 37¾. ideoque assumpta eius latitudine, grad. 1. min. 59½. qualem nos adinuenimus (dimidio saltem scrupulo Copernici positione minorem, quod nihil negotium hoc variat, cum vtrobiq; eandem præsupponam) prouenit Longitudo Spicæ ad id tempus in part. 17. m. 14. ⅔, licet ipse Copernicus hanc 7. scrupulis vltiorem constituat, idque procul dubio, vitio minùs exquisitè cognitæ Eleuationis Polaris, quam credibile est ipsum per Solem ex altitudine maxima & minima, ratione ob refractionem in decliui situ fallaci, inquisiuisse. Cumq; hoc tempore Spica declinet ex nostris Observationibus part. 8. m. 57. præcisè, & assumpta priori latitudine, eius Longitudo incidat in part. 18. m. 4. ⅔ octaua Sphæra & Copernici Observatione hucusq; interuallo Anno-

rum

rum 61. promota est m. 50. Quare Annis 73. (modo non pauciorib⁹) vnum gradum nostro æuo conficit, cum tamen Coperniana anticipatio æquinoctiorum nunc tardissimā ferè Fixarum promotionem exoptuler, ita vt centenis fermè Annis vnicum gradum absoluant. Hinc itaq; patet quantum Copernianis inuentis circa æquinoctiorum præcessionem, vnde octauæ Sphæræ motus excusatur, (vt de Sole & cæteris nunc nihil dicam) inherendum sit, vt vt subtilissimè ab Astronomo incomparabili excogitatis. Sed apparentis mot⁹ octauæ Sphæræ exactam cognitionem vix vlli mortalium absolute perscrutabilem existimo. Siquidem nullam adhuc integram Reuolutionē adimplerat, & particulæ circuitus à Timochare per Hipparchum, Ptolemaum, Albategnium, & Copernicum ad nos diductæ non sufficiunt, nec si id præstarent, satis scrupulosè constant. Cum itaque per Experientiam prædicto modo anticipatio æquinoctiorum circa hæc tempora innotuerit, facilè erat motum proportionalem ab 82. Anno in hunc vel quosuis alios nostra ætate transferre. Non enim vnus hominis æuo aliquam sensibilem inæqualitatem hac in parte contingere consentaneum est. Congruere verò etiamnum hæc loca Stellarum Observationes meæ præterito Anno, & hoc ipso inde à principio Ianuarij factæ, sufficienter declarant. Quod verò in T. Celsitud. longitudinibus Stellarum Geometricè, ex intercapedibus & Declinationibus in numeros redactis, quina vel sena, aut circiter, vltimum abundant scrupula, facilè excusabitur, si constet Celsitud. T. tunc loco Solis, in his limitandis, usam fuisse, cum Sol versaretur circa vernum æquinoctiū, in parte Eclipticæ ascendente. Illic enim ratione illius vnici scrupuli, quod perpendiculi vitio causabatur, Declinatio Solis binis scrupulis sublimior, quam oportuit, reddebatur, ideoque locus eius quinis in longitudinem vltior. Id quod etiam in Stellis fixas ad Solis locum adaptatas, necessariò redundauit, licet circa Autumnale æquinoctium in parte Eclipticæ descendente, res hæc contrario modo se habeat. Vt verò Celsitudo T. etiam in cæteris erraticis Stellis aliquod specimen nostrarum Observationum videat, adiungo omnium vera loca, qualia meis Instrumentis accurata animaduersione intra vnicam primi mobilis reuolutionem, ter hoc ipso Mense Ianuario ab initio noui anni deprehensa sunt. Quod licet alias rariùs contingat, aliquoties tamen superioribus annis à me factitatum est, præsertim Anno præcedenti in Octobri, cum & eòs multis diebus appareret. Solis motum, & Veneris situ, per Stellis fixas inquisito, cum per Declinationes impediende etiā Refractione hoc anni tempore minùs certò haberi queat, comprobau. Interdiu enim Venus etiam ante Meridianum hisce diebus, vel in ipso Meridie & antè, per puriorem serenitatem satis euidenter conspicitur. Refractionis verò parallaxeosq; Solis & Veneris impedimenta priùs in consimili altitudine explorata, remouit. Idem etiam in Mercurio effeci, cum is admodum decliuus vix 5. gradibus altus obseruaretur. In cæteris

hac limitatione opus non erat, sublimiores calitūs capiebantur. Addidi verò ad eadem tempora Observationis nostræ loca Planetarum Alphonsina & Coperniana, vt Tua Cels. vnico intuitu discrepantiam vtriusq; calculi à Cælo ipso facilius conspiceret, quamuis sapenumèrò multò plus, quàm nunc exorbitent. Peto autem à T. Celsitud. quibus possum precibus, vt Observationes has nostras nemini communicare velit, cauereque, ne publicæ fiant, præsertim quantum ad Fixarum longitudines latitudinesque attinet, quas ob id etiam, peculiari charta, seorsim notari curavi. Nouit enim Tua Celsitudo quàm optimè, quantum temporis, laboris, diligentia, & sumtuum requiratur, antequam ad huius rei exactam cognitionem peruenire liceat. Et sanè nulli alteri in tota Germania, vel alibi, cuiuscunq; esset conditionis hæc mea inuenta communicarem, suppressisque ea hætenus, quamuis à multis hoc nomine sollicitatus. Plerique enim cū nihil per se egregij in his præstare velint, aliorum inuentis & laboribus sese ornare, eaque pro suis venditare, non sine graui autoris iniuriâ haud erubescunt. Verū non dubito Celsitud. Tuam hæc sibi soli reseruaturam, quemadmodum etiam Observationum T. Celsit. mihi communicatarum neminem facio participem. In tota verò hac Astronomica tractatione multa plura essent, de quibus copiosius cum Tua Celsit. perlibenter agerem, sed nec charta, nec commoditas id nunc patitur. Habeo multorum præterea annorum accuratas & multiplices Observationes, non saltem in affixis Sideribus, sed etiam in omnibus erraticis, quotiescunq; nobis aspectabiles illuxerunt, quas præclaræ possessionis loco (nec enim paucis Vigilijs, & exiguo labore ac diligentia comparatæ sunt) conseruo. Eas verò cum aliorum inuentis conferre, & tandem, in vsum publicum producere, vt tota Astrorum scientia exactè apparentijs celestibus satisficiat, elaboro. Dedi autem in mandatis huic viro, vt Celsit. T. vel ipsius Mathematico plura, quàm nunc scribere commodum erat, meo nomine exponeret. Hæc verò eò prolixius ad Cels. Tuam nunc perscripsi, partim quòd sciam Celsitud. T. his Astronomicis rebus impensè delectari, partim vt moram in respondendo hætenus admissam ipsa in rescribendo copiâ recompensarem. Nè verò modum in vtroque excedere videar. Tuamq; Celsitud. nimia prolixitate molestem, nunc finem faciam, & cætera, si quæ hic desiderantur, Tuæ Celsitud. Mathematico per literas indicabo. Id saltem Tuam Celsitud. Colophonis loco humiliter & obnixè obtestor, vt omnibus neruis hanc diuinam Astrorum scientiam à mendis, quibus scatet, vindicare, excultio-remq; reddere, quod etiam suapte sponte hætenus egregiè factitauit, in posterum magis magisque conari non intermittat. Hæc enim ratione T. Celsit. apud omnem Posteritatem tam sublimem & diuinam scientiam veneraturam, gratissimam diutissimamq; sui memoriam conseruabit, quæ eò magis perpetua præstantiorq; erit, quòd non è terrenis, & interitui obnoxijis rebus, quas

quas vulgus suspicit, comparata sit. Nouit Celsit. Tua hoc studium non esse tenuioris fortunæ hominum, neque ab illis, etiamsi quàm maximè cuperent, intelligerentq; debito modo excoli posse. Cùmq; nullus sit præter T. Celsit. inter omnes Europæ Principes Viros, quem Deus hoc Heroico ingenio ornarit, vt tam arduam scientiam penitiùs intelligat, eamq; ab erroribus vindicare, & omnibus modis redintegrare nòrit, decet sanè Tuam Celsit. huius Principalis & Principis cognitione dignissimæ scientiæ præ cæteris viris Principibus præcipuam etiam curam gerere, eiusq; instaurationem, & ad Posteritatem conseruationem, omni conatu moliri. Hoc etiam nomine Tua Celsit. suum Mathematicum CHRISTOPHORVM ROTHMANNVM, sibi præ alijs commendatum habeat, eò quòd ipsum hisce exercitijs admodum solertem & fidelem nauare operam, ac exactæ veritatis percupidum esse indagatorem multis indicijs cognoscam. Verùm superuacaneè hæc Tua Celsit. suggero, cum sua sponte animo sit ad res Astronomicas amplificandas propensissimo. In quo proposito Deus admirandæ & pulcherrimæ huius machinæ celestis author, Tuam Celsit. quàm diutissimè, cum felici omnium animi & corporis bonorum successu confirmet. Valeat Tua Celsit. & mecum de hoc ipso æthereo & sublimi negotio vterius conferre, suisq; literis reuifere non dedignetur. Datæ Vraniburgi 18. die Ianuarij, Anno 87.

Tuæ Celsitudini additissimus

T Y C H O B R A H E.

Et si in primo Tomo Recentiorum Ætheræ Regionis Phenomenon, de locis affixarum Stellarum in integrum restituendis, plenius & quasi ex professo tractarim: Nihilominus ea quæ Illustris. Principi GVILIELMO HASSIÆ LANDTGRAVIO, tunc temporis iuxta ipsius petitionem è nostra Officina prodeuntia transmiseram, hic addere placet, ut videant Astronomi Studiosi, eam si qua est, postea repertam correctionem, admodum esse exiguam, penèque insensibilem: nostraq; inuenta sibi ipsis semper apprimè rectè constare, & distantias etiam Stellarum inerrantium hic nonnullas in promptu habeant, priori Tomo non annotatas: Quibus se exerceant, suaq; Instrumenta, si qua fortè habuerint, experiantur: Modò aliqui unquam fuerint, harum rerum curæ intenti. Quos sanè perpaucos adhuc fuisse & scio, & in tanta ambitionis atq; auaritiæ terrestris colluuiæ tam præclara atq; penè præcipua impediende, cum aliter fieri nequeat, emendari enim non posse uideo, ferre uel inuiri cogimur. Addidi quoq; Planetarum omnium cælitus factas denotationes intra paucos eosdemq; continuos dies, eidem Illustris. Principi communicatas, ut & hinc videant Artis huius Alumni, quàm differens sit in Planetarum moribus, è Canonibus hætenus à uarijs Artificibus concessis à cælo ipso discrepantia, quamuis ea sæpenumero reperiat, multo quàm tunc temporis patuit, maior, Noq; enim deuiationes illæ ubiq; pares sunt. Observationes autem quib-

q. 4. m.

dam, quo ad nonnullas inerrantes Stellaras ab Illustriss. prædicto Principe mihi missas non addidi, ipso Principe id uctante, Collationem tamen dimensionis atq; dispositionis in Globo ipsius Mechanicè factam, ad Triangulorum normam expendere, prout ipse Princeps uolebat, atq; hic apponere, non inconcessum duxi: Nulla enim hac in parte ipsius Celsitud. Impensis atq; laboribus sit præuentio, cum ipsemet suis Instrumentis factas Obseruationes maturius fortè quam hæc edantur, ueluti ab ipsius Mathematico cognoui, publici iuris fieri procuret. Ut uerò ordo sequentium, Illustrissimo Principi tunc communicatorum rectius pateat, breui indicatione præmissa, illa intulabo.

I.

Collatio locorum aliquot affixarum Stellarum ex Globo Illustriss. Principis VILHELMI LANDTGRAVII HASSIÆ, &c. desumptarum, cum ijs, quæ calculatio numerorum, iisdem assumtis Datis, præbet.

II.

Enumeratio Distantiarum nonnullarum Fixarum quæ per Sextantes Astronomicos TYCHONIS BRAHE exploratæ sunt.

III.

Altitudo Meridiana quarundam etiam Stellarum ad certorum annorum tempora per Quadrantes eiusdem TYCHONIS BRAHE VRANIBURGI Obseruata.

IIII.

Longitudines & latitudines aliquot Affixarum Stellarum ad initium Anni 1587. ex Obseruationibus accuratis per Instrumenta Astronomica TYCHONIS BRAHE verificatæ, adiunctis Alphonsinis & Copernianis eandem locis.

V.

Loca 7. Planetarum Anno 87. ternis Ianuarij Diebus ad certa horarum momenta Instrumentis TYCHONIS BRAHE ex ipso calo simul inquisita, additis ijs quæ Alphonsinus & Copernianus Calculus exhibent, in longitudine loci terræ part. 36. min. 45.

Collatio

COLLATIO LOCORVM, QVARVNDAM INERRAN-
tium Stellarum, ex Obseruationibus Illustrissimi Principis VVILHELM I
LANDTGRAVII HASSIAE, &c. qualia tum per ipsius Globum, tum
etiam ex Supputatione proueniunt, idq; praesuppositis iisdem vtro-
bique datis, Declinatione part. 23. min. 30, Altitudine Poli
Cassellina P. 51. / 20, & pro fundamento assumpta
Ascensu Recta Aldeb: P. 63. / 10.

NOMINA STELLARVM	Ex Globo Illust: Principis Vv: L: H:					Supputatione e Canone Sinnuum				
	Longitudo			Latitudo		Longitudo			Latitudo	
	S.	G.	M.	G.	M.	S.	G.	M.	G.	M.
Prima V	V	27	31	7	11 S.	V	27	30	7	8½ S.
Caput Androm:	V	8	40	25	46 S.	V	8	39½	25	41½ S.
Tertia V	Y	2	0	10	0 S.	Y	1	58½	9	57 S.
Oculus Y	II	4	9	5	27 M.	II	4	6	5	28 M.
Sinister pes Orionis	II	11	18	31	10 M.	II	11	12	31	9 M.
Dexter Hum: Orion	II	23	7	16	0 M.	II	23	5	16	3½ M.
Canis maior	GG	8	30	39	30 M.	GG	8	28	39	28 M.
Sup: Caput II	GG	14	32	10	10 S.	GG	14	33½	10	6½ S.
Infer: Caput II	GG	17	32	6	41 S.	GG	17	35	6	42 S.
Canis minor	GG	20	10	15	50 M.	GG	20	11	15	52½ M.
Præsepe GG	Q	1	37	1	20 S.	Q	1	37	1	6 S.
Lucid: Hydra	Q	21	35	22	20 M.	Q	21	38	22	20 M.
Cervix Q	Q	23	50	9	0 S.	Q	23	45	8	54 S.
Cor Q	Q	24	8	0	32 S.	Q	24	11	0	32 S.
Dorsum Q	M	5	35	14	25 S.	M	5	36½	14	25 S.
Cauda Q	M	15	55	12	23 S.	M	16	0	12	24½ S.
Spica III	L	18	10	1	50 M.	L	18	9	1	55¾ M.
Arcturus	L	18	30	31	10 S.	L	18	35½	31	7½ S.
For: lanx M	M	13	40	8	46 S.	M	13	41	8	38½ S.
Cor M	X	4	8	4	19 M.	X	4	5	4	25 M.
Caput Ophiuchi	X	16	50	36	6 S.	X	16	46	36	0 S.
Aquila	Z	26	0	29	25 S.	Z	26	3	29	21 S.
Cauda Cygni	W	29	40	59	58 S.	W	29	46	59	54 S.
Scap: Pegasi	X	17	53	19	31 S.	X	17	51	19	24½ S.

G

Distantia

*Distantia nonnullarum Fixarum Stellarum per
Sextantes Astronomicos TYCHONIS
BRAHE calitis ex-
plorata.*

NOMINA STELLARVM.		Distantia	
	P.	M.	
Aldeb.&	Prima √	38	36
	Sec. √	38	21 ² / ₃
	Tertia √	35	32
	Surcau:√	26	45
Aldeb.&	Calx ∏ pr	25	53
	Propus	24	3 ¹ / ₂
	Cap. B. ∏	43	12 ¹ / ₂
	Luc.supra caud. M. ∏	45	5
Aldeb. luc. pes ∏ seq.	29	9	
Mer. cap. ∫	Calx pe.	19	28
∏	Ext. pedis	21	14
Bor. cap. ∏ & cor Ω		40	32
Aldeb. Canis maior		45	57 ¹ / ₂
Merid. cap. ∏, Capella		34	18 ¹ / ₂
Luc. pes Or. Syrius		23	41 ² / ₃
Can. maior, Procyon.		25	41 ¹ / ₂
Luc. pes Or. Procyon.		38	37 ¹ / ₂
Procyon: luc. Hydræ		30	20
Ter. √: & luc. Pleiad.		22	56 ¹ / ₂
Cor Ω: ext. pedis ∏		56	26 ¹ / ₂
Cor Ω: calx ped. ∏		54	35
Cor Ω: Mer. cap. ∏		36	59 ² / ₃
Cor Ω: Canis minor		57	19 ¹ / ₂
Cor Ω: cauda Ω		24	39 ³ / ₄

NOMINA STELLARVM.		Distantia	
	P.	M.	
Coxa & femur Ω	12	44	
Coxa Ω ceruix Ω	8	31	
Coxa & cor Ω	17	51	
Cor Ω Spica m	54	2	
Spica, m, ceruix Ω	55	12	
Spica, m, cauda: Ω	35	1 ³ / ₄	
Spica, 3. Aust. alæ m	14	29	
Spica, m cor m	45	51 ¹ / ₂	
Spica, Chele Austr.	21	22	
Spica, Chele Bor.	27	34	
Chele Bor: C. Oph.	40	41 ¹ / ₂	
B. lanx Aust. lanx Ω	9	8 ¹ / ₂	
Sp. B. in sin. m. Oph.	42	33	
Spica Bor. fron. m	39	26 ¹ / ₂	
Spica, med. fronte m	38	40	
Spica, infima fron. m	39	6 ¹ / ₂	
Sin. h. ∞, inf. cor. ∞	19	37	
Sin. h. ∞, sup. cor. ∞	19	25	
Dext. h. ∞, Vultur	34	55 ¹ / ₂	
Dext. h. ∞, Sin. h. ∞	10	1	
Dext. h. ∞, manus ∞	21	27 ¹ / ₂	
Vult. luc. sup. cor. ∞	22	25	
Vultur infer. cor ∞	24	45	
Vult. lucid. caudæ ∞	38	5	

NOMINA

*Plurium adhuc Stellarum intercapedines ijsdem
Instrumentis diligenter acceptæ.*

NOMINA STELLA- RVM	Distantiæ		NOMINA STELLA- RVM	Distantiæ	
	P.	M.		P.	M.
Vultur, os & Austr.	48	16 $\frac{1}{2}$	B. pes Erich. M. cap. II	36	23 $\frac{1}{2}$
Præc. man. & os Peg.	20	41	Scheat Pegasi, Lyra	55	30 $\frac{2}{3}$
Cap. & Austr. Vultur	51	32	Sch. med. sin. ala. cyg.	46	1 $\frac{1}{2}$
Præc. dorsi & Vultur	53	55	Scheat caput Cygni	46	36 $\frac{2}{3}$
Scheat Peg. lucida √	41	16 $\frac{1}{2}$	Scheat, Pectus Cygni	35	12 $\frac{1}{2}$
Cap. Androm. luc. √	27	7 $\frac{1}{2}$	Polaris, cauda Cygni	44	39 $\frac{1}{2}$
Vultur, cauda Cygni	38	4 $\frac{1}{2}$	Polaris, Lyra	51	34 $\frac{2}{3}$
Vultur, Lyra.	34	9	Polaris, Schedir Cas.	32	47 $\frac{3}{4}$
Vultur, caput Cygni	19	40	Luc. Cath. pes Cas.	13	18
Vultur, caput Herc.	38	32 $\frac{1}{2}$	Luc. Cath. cing. Cas.	5	17 $\frac{1}{2}$
Vult. luc. man ^o Oph.	55	17	Luc. Cath. genu Cas.	9	41
Cap. Ophi B. man. ei ^o	25	46	Genu Cas. Flexura	3	35 $\frac{1}{2}$
Genu Peg: cap. An.	18	28	Lucid. Cath. II. Cas.	4	45
Ald: dext. hum. Or.	21	23	Schedir, Cingulum	1	40
Ter. √: sin. h. Orion.	50	31 $\frac{1}{2}$	Genu, Cingulum	5	19
Vterq; hum: Orion.	7	30 $\frac{2}{3}$	Luc. Cath. Schedir	4	57 $\frac{1}{2}$
L. hu. Or: L. mād. ceti	43	8	Luc. Cath. Flexura	6	10 $\frac{1}{2}$
Ter: √, pri: balth: Or:	55	7 $\frac{2}{3}$	Luc. √, lu. Cath. Cas.	41	19 $\frac{1}{2}$
Dex. hu. Or: M. cap: II	33	16	Luc. √, Flexura	39	10 $\frac{1}{2}$
Sin. pes Or: Can. mi:	38	37 $\frac{1}{2}$	Luc. √, Genu Cas.	37	27
Aldeb. pri. cing. Or:	21	49 $\frac{1}{2}$	Luc. √, Schedir Cas.	36	38 $\frac{3}{4}$
Aldeb. Canis minor	46	22	Aldeb. Genu Cas.	55	23 $\frac{1}{3}$
Aldeb. Bor. pes Erich.	33	3 $\frac{1}{2}$	Polaris, vndec. Cas:	26	42 $\frac{1}{2}$
L. pes Erich. M. ca. II	30	33 $\frac{3}{4}$	Genu Cas: cap: Andr:	33	40

G 2

Alitudi-

*Altitudines Meridiana aliquot Affixarum Stellarum,
iuxta assignatos Annos per Quadrantes TYCHONIS
BRAHE, diligenter observata Uraniburgi, ubi
Polus elevatur, p. 55. 1. 54 $\frac{2}{3}$.*

Ad finem Anni 1584 &			Labentem 1585		
NOMINA STELLA- RVM	Altitudines Meridiana		NOMINA STELLA- RVM.	Altitudines Meridiana	
	P.	M.		P.	M.
Prima \vee	51	19	Inter. in mand. Ceti	36	31
Secunda \vee	52	50	Caput Argol.	73	22 $\frac{1}{2}$
Informis sup. caud. \vee	59	36	Præc. in ant. pla. Perf.	65	0
Penultima Pleiadum	56	50 $\frac{1}{2}$	Sequens in plan. Perf.	64	40
Austr. Chelar: ∞	47	30	Sinister pes Erich.	66	30
Quæ est in sin: ped. Ω	45	50	Dexter pes Bootis	49	59 $\frac{1}{2}$
In Capite Ω inferior	59	44	Præc. in Cane min.	43	8
Quæ est in Ventre Ω	45	30	Lucida Hydræ	27	12
Super: Coxæ Ω	56	52 $\frac{1}{2}$	Lucid. in Claua Boot.	68	59 $\frac{1}{2}$
Genu Ω	46	54 $\frac{2}{3}$	Dext. hum. Herc.	56	32 $\frac{2}{3}$
Femur Ω	51	47	Sin. hum. Herc.	59	30
Cauda Ω	50	59	Caput Herculis.	49	2
Infima frontis m	9	21	Inf. in sin. man. Oph.	30	30
Media frontis m	12	47 $\frac{1}{3}$	Sinist. hum. Oph.	44	11
Suprema frontis m	15	33	Genu dext. Oph.	19	0 $\frac{1}{2}$
Cor m	8	45	Caput Ophiuchi.	47	2
Superius cornu \propto	20	23 $\frac{1}{2}$	Lucida Vulturis	41	56 $\frac{1}{2}$
Inferius cornu \propto	18	7 $\frac{1}{3}$	Scap. Aquilæ	43	46 $\frac{3}{4}$
Præc. in cauda \propto	15	40 $\frac{3}{4}$	Sin. manus Antinoi	32	7 $\frac{2}{3}$
Sequens in cauda \propto	16	11 $\frac{1}{2}$	Os Pegasi	42	7
Sin. humerus \approx	26	46 $\frac{3}{4}$	Scheat Pegasi	59	57 $\frac{1}{2}$
Dext. humerus \approx	31	49	Scapula Pegasi	47	5 $\frac{1}{2}$
Media Vrnæ \approx	32	0	Lucidior pector. Peg.	56	33 $\frac{1}{2}$
mand' b. \times Australis	35	7 $\frac{2}{3}$	Extr. alæ Pegasi	46	58 $\frac{1}{2}$

Plures

*Plures Inerrantes Stella in Meridianis Altitudinibus,
circa finem Anni 1586, & principium 1587
ad eundem Horizontem, pari mo-
do conquisita.*

Ad finem Anni 1586 & Principium 1587.					
NOMINA STELLA- RVM.	Altitudines Meridianæ		NOMINA STELLA- RVM.	Altitudines Meridiana	
	P.	M.		P.	M.
Luc. capitis v	55	34	Austr. Lanx α	19	51 $\frac{1}{2}$
Pectus δ	45	21	Bor. Lanx α	26	19 $\frac{1}{2}$
Prima Sicularum	48	39 $\frac{1}{2}$	Luc. cing. Androm.	67	30
Secund. Sicularum	50	35	Caput Andromeda	60	55
Bor. Oculus δ	52	16 $\frac{1}{2}$	Algonib Persei	82	24
Quarr. Sicularum	48	59 $\frac{1}{2}$	Capella	79	34
Aldeboram	49	42	Sequens hædorum	74	39
Bor. cornu δ	62	16	Extrema Eridani	28	24
Austr. cornu δ	54	54 $\frac{1}{2}$	Sin. pes Orionis	25	21
Planta pedis II	56	38	Sinist. Hum. Orionis	40	59 $\frac{5}{8}$
Calx pedis II	56	44	Prima Balthei Orion.	33	25 $\frac{1}{2}$
Luc. pedum II	50	45 $\frac{2}{3}$	Sec. Balthei Orionis	32	33
Superius caput II	66	48	Ter. Balthei Orionis	31	51 $\frac{2}{3}$
Inferius caput II	63	2	Lucidior cap. Orion.	43	40 $\frac{1}{2}$
Infima colli Ω	52	50	Infima ensis Orionis	27	51
Suprema colli Ω	59	32	Dexter pes Orionis	24	13
Media ceruicis Ω	55	59	Dext. hum. Orionis	41	20 $\frac{1}{2}$
Cor Leonis	48	3	Pes ant. Canis maio.	16	18
Med. Austr. alæ α	34	56	Canis maior	17	54
Cingulum α	39	45	Canis minor	40	18 $\frac{3}{4}$
Vindemiator	47	17 $\frac{3}{4}$	Sura Bootis	54	36
Extr. inf. alæ α	30	47	Arcturus	55	28
Spica Virginis	25	8	Præc. in cor. Gnosia	64	40
Bor. pes Virginis	30	18 $\frac{1}{2}$	Lucida coronæ	62	15

G 3

Longitudo

*Longitudines & Latitudines aliquot Affixarum Stellarum,
ad initium Anni 1587, ex Observationibus accuratis, per
Instrumenta Astronomica TYCHONIS BRAHE veri-
ficata, adiunctis etiam Alphonsinis & Coper-
nianis earundem locis.*

NOMINA STELLA- RVM	Observationes Tychonicæ				Calculus							
	Longitudo		Latitudo		Alphonsinus				Copernianus			
	P. M.		P. M.		Longit.		Latitudo		Longitud.		Latitudo	
	P.	M.	P.	M.	P.	M.	P.	M.	P.	M.	P.	M.
Prima \vee	27	25 \vee	7	8 $\frac{1}{2}$ S.	27	5 \vee	7	20 B.	27	57 $\frac{1}{2}$ \vee	7	20 B.
Secunda \vee	23	11 \vee	8	29 S.	23	1 \vee	8	20 B.	23	57 \vee	8	20 B.
Tertia & Lucida \sim	1	54 δ	9	57 S.	1	5 δ	10	0 B.	1	42 δ	10	0 B.
Lucidior Pleiad:	24	15 δ	4	0 S.	24	5 δ	5	20 B.	24	57 δ	5	20 B.
Os δ prima Sicular:	0	1 Π	5	47 M.	29	25 δ	5	45 M.	29	57 δ	5	45 M.
Secunda Sicularum	1	5 Π	4	3 M.	0	45 Π	4	15 M.	1	37 Π	4	15 M.
Borealis Oculi δ	2	42 Π	2	37 M.	2	15 Π	3	0 M.	3	7 Π	3	0 M.
Quarta Sicularum	2	11 Π	5	53 M.	1	15 Π	5	50 M.	2	7 Π	5	50 M.
Austr: Oculi δ	4	1 Π	5	30 $\frac{1}{2}$ M.	3	5 Π	5	10 M.	3	57 Π	5	10 M.
Boreale cornu δ	16	47 $\frac{1}{2}$ Π	5	21 B.	16	5 Π	5	0 B.	16	57 Π	5	0 B.
Austr: cornu δ	19	0 Π	2	15 M.	17	35 Π	2	30 M.	18	27 Π	2	30 M.
Calx pedis Π	29	31 Π	0	53 M.	28	35 Π	1	15 M.	29	27 Π	1	15 M.
Superius Caput Π	14	29 Ω	10	2 B.	13	45 Ω	9	30 M.	14	37 Ω	9	30 B.
Inferius Caput Π	17	31 Ω	6	38 B.	17	5 Ω	6	15 B.	17	47 Ω	6	15 B.
Chele Bor: Ω	0	34 Ω	10	22 B.	28	45 Ω	11	50 B.	29	37 Ω	11	50 B.
Præsepe Ω	1	34 Ω	1	14 B.	0	45 Ω	0	40 B.	1	37 Ω	0	40 B.
Asellus Bor:	1	49 Ω	3	8 B.	0	45 Ω	2	40 B.	1	37 Ω	2	40 B.
Asellus Austr:	3	0 $\frac{1}{2}$ Ω	0	3 B.	1	45 Ω	0	10 M.	2	37 Ω	0	10 M.
Chele Austr: Ω	7	52 Ω	5	7 $\frac{1}{2}$ M.	6	55 Ω	5	30 M.	7	47 Ω	5	30 M.
Cor Leonis	24	6 Ω	0	27 B.	22	55 Ω	0	10 B.	23	47 Ω	0	10 B.
Media Cervicis Ω	23	47 Ω	8	47 B.	22	35 Ω	8	30 B.	23	27 Ω	8	30 B.
Supr: in Coxa Ω	5	28 Ω	14	18 B.	4	35 Ω	13	40 B.	5	27 Ω	13	40 B.

NOM

NOMINA STELLARVM	Obferuationes Tychonicae				Calculus							
	Longitudo		Latitudo		Alphonfinus				Copernianus			
	P.	M.	P.	M.	P.	M.	P.	M.	P.	M.	P.	M.
Cauda Ω	15	51 $\frac{1}{2}$ M	12	19 B.	14	55 M	11	50 B.	15	47 $\frac{1}{2}$ M	11	50 B.
Spica M	18	4 M	1	59 M.	17	5 M	2	0 M.	17	57 M	2	0 M.
Vindemiator.	4	12 M	16	16 B.	2	35 M	15	10 B.	3	27 M	15	10 B.
Australis lanx ω	9	18 M	0	26 B.	8	25 M	0	40 B.	9	17 M	0	40 B.
Borealis lanx ω	13	36 M	8	36 B.	12	35 M	8	30 B.	13	27 M	8	30 B.
Cor M	4	1 M	4	27 M.	3	5 M	4	0 M.	3	57 M	4	0 M.
Superius Cornu ω	28	51 $\frac{1}{2}$ M	7	3 B.	27	45 M	7	20 B.	28	37 M	7	20 B.
Inferius Cornu ω	28	18 $\frac{1}{2}$ M	4	42 B.	27	45 M	5	0 B.	28	37 M	5	0 B.
Lucidior cauda ω	17	40 M	2	28 M.	16	45 M	2	0 M.	17	37 M	2	0 M.
Sinifter hum: ω	17	39 M	8	41 B.	16	55 M	8	50 S.	17	57 M	8	50 S.
Dexter Humerus ω	27	36 M	10	42 B.	26	45 M	11	0 S.	27	37 M	11	0 S.
Os \times Australis	12	50 M	9	4 B.	12	5 M	9	15 S.	12	57 M	9	15 S.
Mand: \times Austr:	15	37 M	7	18 $\frac{1}{2}$ B.	14	35 M	7	30 B.	15	27 M	7	30 B.
Pectus \times Austr:	17	8 $\frac{1}{2}$ M	4	27 B.	16	25 M	4	30 B.	17	17 M	4	30 B.
Extr: Ala Pegasi	3	25 M	12	35 B.	2	35 M	12	30 S.	3	27 M	12	30 S.
Prima Ala Pegasi	17	43 $\frac{1}{2}$ M	19	25 B.	17	5 M	19	40 S.	17	57 M	19	40 S.
Os Pegasi	26	9 M	22	8 $\frac{1}{2}$ B.	25	45 M	21	30 S.	26	37 M	21	30 S.
Caput Herculis	10	20 M	37	22 B.	8	5 M	37	30 S.	8	57 M	37	30 S.
Caput Ophiuchi	16	37 $\frac{1}{2}$ M	35	7 B.	15	15 M	36	0 S.	16	7 M	36	0 S.
Lucida Vulturis	25	57 M	29	21 B.	24	15 M	29	10 S.	25	7 M	29	10 S.
Manus Antinoi	29	9 $\frac{1}{2}$ M	18	48 B.	29	5 M	19	10 S.	0	17 M	19	10 S.
Pes antec. Canis mai:	1	27 M	41	18 M.	1	25 M	41	20 M.	2	17 M	41	20 M.
Canis maior	8	22 $\frac{1}{2}$ M	39	31 M.	8	5 M	39	10 M.	8	57 M	39	10 M.
Canis minor	20	7 M	15	7 M.	19	35 M	16	10 M.	20	27 M	16	10 M.
Sinifter Pes Orionis	11	5 M	31	11 M.	9	35 M	31	30 M.	10	27 M	31	30 M.
Sinifter Hum: Orion.	15	11 M	16	53 M.	14	45 M	17	30 M.	15	37 M	17	30 M.
Dexter Hum: Orion.	23	1 M	16	6 $\frac{1}{2}$ M.	22	25 M	17	0 M.	23	17 M	17	0 M.
Capella	16	5 M	22	51 B.	15	25 M	22	30 B.	16	17 M	22	30 B.
Lucida Hydrae	21	34 M	22	24 M.	20	25 M	20	30 M.	21	17 M	20	30 M.
Arcturus	18	27 M	31	2 B.	17	25 M	31	30 B.	18	17 M	31	30 B.

*Loca 7 Planetarum Anno 1587 ternis Ianuarij Diebus, ad
certa Horarum momenta, Instrumentis Tychonicis obser-
uata, addito Alphonsino & Copernicano Calculo.*

IANV.	Temp ^s		PLAN:	Obier: Tychon:				Alphonfina				Copernicaea			
				Longitud.		Latitudo		Longitudo		Latitudo		Longitud.		Latitudo	
	D.	H. M.		P.	M.	P.	M.	P.	M.	P.	M.	P.	M.	P.	M.
9		0 0	☉	29	0 7	0	0	29	19 7	0	0	28	31 7	0	0
	4	50	♀	17	48 3	0	1 B	18	29 3	0	24 B	16	41 3	0	6 A
	5	40	♀	13	5 7	1	38 B	13	26 7	0	22 A	13	21 7	0	36 B
	6	58	☾	1	0 1/2 II	4	28 A	2	0 II	3	49 A	1	45 II	3	50 A
	9	45	♂	26	8 V	2	28 A	28	8 V	2	30 A	25	58 V	2	32 A
	15	0	♂	7	52 6	0	9 B	7	35 6	0	6 A	7	32 6	0	32 A
	17	15	♂	3	5 1	3	4 B	0	43 1	2	48 B	4	4 1	2	50 B
14		0 0	☉	4	5 3	0	0	4	25 3	0	0	3	35 1/2 3	0	0
	4	50	♀	16	20 7	2	29 B	16	44 7	0	15 B	16	52 7	1	14 B
	5	15	♀	21	7 3	1	21 B	23	31 3	1	29 B	19	21 3	1	1 B
	5	50	♂	26	21 V	2	26 A	28	21 V	2	28 A	26	12 V	2	30 A
	8	0	♂	7	19 6	0	8 B	7	7 6	0	5 A	7	1 6	0	32 A
	13	40	☾	10	39 9	5	5 A	9	59 9	4	24 A	10	6 9	4	23 1/2 A
	16	40	♂	3	14 1	3	12 B	1	25 1	2	57 B	4	56 1	2	59 1
15		0 0	☉	5	6 3	0	0	5	26 3	0	0	4	36 1/2 3	0	0
	4	40	♀	16	55 7	2	39 B	17	20 7	0	22 B	17	31 7	1	12 B
	5	21	♀	21	20 3	1	40 B	24	18 3	1	41 B	19	33 3	1	39 B
	5	45	♂	26	24 V	2	25 A	28	24 V	2	27 A	26	15 V	2	29 A
	6	10	♂	7	15 6	0	8 B	7	1 6	0	5 A	6	56 6	0	32 A
	15	5	☾	25	38 1/2 9	4	19 A	24	34 9	3	39 A	24	42 9	3	38 A
	15	50	♂	4	2 1	3	13 B	1	32 1	2	58 B	5	5 1	3	1 B

Longitudo Lunæ ubiq; iuxta 90 grad.
ab exoriente Eclipticæ puncto capiebatur.
Quare uisa & uera eadem est: sed Latitu-
do saltem uisa, à qua si auferatur uera, iux-
ta nostram animaduersionem circa Lati-
tudinem Lunæ, elicitur Parallaxis in Cir-
culo Altitud. ut in adiecta Tabella patet.

Die	9	14	15
P. /.	P. /.	P. /.	P. /.
Vifa	4 28	5 5	4 19
Vera	3 59	4 35	3 46
Parallaxis	0 29	0 30	0 33

ERVDI

ERVEDITISSIMO VIRO VARIAQVE DOCTRINA,
IN PRIMIS VERO INSIGNI ASTRONOMIAE PERITIA
EXCELLENTI D. CHRISTOPHORO ROTHMANNO,
Illustris. Principis VVILHELMI LANDTGRAVII
HASSIAE, &c Mathematico aulico,
Amico suo plurimum dilecto.



VAS AD ME SUPERIORI ANNO MENSE APRILI, TVM
Mandato Illustrissimi Principis tui, tum etiam propria erga me,
meaq; studia benevolentia adductus, dedisti literas, Eruditissime
ROTHMANNE, longè mihi erant acceptissimæ, eo præsertim
nomine, quòd reconditiorem circa res Astronomicas mecum collationem
multifariam continerent. Cur verò Illustrissimi Principis literis, & tuis eti-
am, vestra expectatione tardius respondeam, exultationem meam Illustris.
Principi exposui. Nec dubito ipsius Celsitudinem pro Heroico illo animi
sui candore, eam æqui bonique accepturam. De Obseruationibus etiam cæ-
lestibus, tum vestris, tum meis, in trutinam inuicem vocatis, latiùs in literis
meis ad Illustrissimum Principem egi, eiusque Celsitudini nonnullas è nostris,
vt clementi ipsius petitioni inorem gererem, communicavi. De his itaque
copiosius ad te perscribere non duxi operæ pretium, nè eandem cantilenam
tardiose recitare videar. Siquidem ex ijs quæ ad Illustris. Principem à me
transmissa sunt, hæc proculdubio tibi cognoscenda venient. De ijs itaque po-
tissimum, quæ proprijs tuis literis, tam prioribus, quàm secundò missis, con-
tinebantur, nunc vberius tecum agam. Conuenientiam illam propemodum
exactam, inter tuas & nostras in Cometa Anni 85. Obseruationes, Illustris.
Principi tuo, & tibi adeò placuisse, vt admirationem inde iucunditatemque
non exiguum perceperitis, mihi non minùs intellectu volupe erat. Quodque
eam ob causam mihi tuum pereruditum scriptum (licet non ad Colophonem
perductum) de hoc Cometa transmisisti, vt congruentiam nostrarum Obser-
uationum cum meis plenius inde cognoscerem, longè mihi gratissimum fuit,
Perlegi scriptum illud semel atq; iterum, mihiq; mirum in modum placuit.
Optandum sanè foret, vt ea quæ de præteritis aliquot Cometis, superioribus
annis conspectis, plerique Germanorum vestrorum effutierunt potius, quàm
per exquisitas & infallibiles Obseruationes Mathematicè demonstrarunt,
pari diligentia & certitudine elaborata fuissent. Nec enim tantum inter eo-
rum & nostra placita in situ & motu Cometarum discrepantiæ, & ab ipso cæ-
lo veritatique quærendæ nucleo deuiationis, non sine fastidio tum deprehen-
dissem. Cometam illum longè supra Elementarem orbem, in altissimo æthe-
re cursum suum absoluisse, rectissimè mecum statuis, quamuis omnium penè
Philosophorum, tam veterum, quàm recentium refragentur sententiæ. In

H

hoc

hoc saltem perexiguum, & nullius etiam momenti inter nos reperitur discriminis, quod tu planè nullam illi adfuisse parallaxin colligas; ego verò eam vnus circiter ab initio scrupuli, & postea saltem dimidij adinueni. Quamuis, vt verum fatear, & ipse eandem subinde planè nullam, ob tenuitatem eius tam exilem, discernere potuerim. Verùm quia ex motu proprio inferre licuit, eum longè infra octauam Sphæram, vt supra Solem constitutum fuisse, idè aliqualem, licet perexiguam vixque perceptibilem aspectus diuersitatem obtinere consentaneum erat. Quin non Mars saltem, præsertim Acronychus, Parallaxin obseruabilem ingerat, vt nos in Principio Anni 82. experimentum fecimus; sed ipse etiam ψ , vt de β Stella nihil dicam, cum sensibus in tenuissima illic differentia non relinquatur locus. At discrimen hoc inter nos adeò exiguum est, vt frustra de hoc verba facere videar. In Longitudinibus & Latitudinibus Cometæ à te animaduersis, paulò maior licet & ipsa quoque nullius penè momenti, reperitur inter nostras Obseruationes differentia, quæ tantilla est, vt vix quina vel sena scrupula ad summum attingat. Imò etiam multò sæpius planè consentiat. Euenit autem, vt opinor, hæc minutula inter nos discrepantia, eam potissimum ob causam, quod tu loca Fixarum, quarum vtrinque vsus fuit, paulò aliter, quàm ego, assumeris. Tibi enim Aldehora in part. 4. m. 7. II cum Latitudine part. 5. m. 29. Aust. collocatur, quam ego à meis Obseruationibus in part. 4. m. 1. II cum Latitudine 5. 31. Merid. constituo, discrimine saltem in Longitudine 6. scrupulorum, in Latitudine verò duorum inter vtramque positionem incidente. Lucidam verò in capite ν , quam tertiam appellatis, tu in part. 1. min. 58. 8, cum Latitudine part. 9. m. 57. Bor. Ego verò in part. 1. m. 54. 8, cum Latitudine, part. 9. m. 57. Bor. assumebam, differentia in Longitud. saltem 4. in Latitudine prorsus nulla nobis interueniente. Cumque ego ipsdem potissimum Fixis, in peruestigandis huius Cometæ apparentijs vsus fuerim, leuiusculum quod varietatis ex hac licet perexigua diuersitate, inter nos in locis Cometæ constituendis contingere potuit. Quamuis discrimen hoc etiam in ipsis Fixarum locis adeò sit exiguum, vt vix mentionem mereatur. Situm verò harum duarum Fixarum, quod ad longum & latum, exactissimè se habere, vt nostra annotatio præbet ipsa distantia inter vtramque, quam ego eandem penè vobiscum, aliquoties part. 35. scrup. 32½. cælitus accepi, comprobatur. Sin autem ex complementis Latitudinum, & angulo per differentiam longitudinis comprehenso, Triangulorum rationibus intercededinem rimeris, in tua assignatione ferè scrupulum vnum abundat. Hoc verò tantillum, licet per se non magni momenti, tam subtiliter expendi ridebunt meritò vulgares Cæli contemplatores, quibus dena etiam scrupula non reputanda aestimantur. Idque non immeritò, cum ad semisses vel etiam integros gradus (pudet dicere) sæpenuerò cæcutiant. Diuersitas Meridianorum nostrorum quæ quintam horæ partem, meo iudicio,

iudicio, saltem adæquat, ab initio, cum celerior erat Cometæ motus, non nisi vnico scrupulo Obseruationes nostras variare potuit. In fine verò, cum tardior fieret, insensibilis penèq; nulla differentia hanc causabatur. Discrimen inter assumptam vtrinque Declinationem maximam nihil ferè importat. Ego enim præsupposui eam part. 23. m. 31. licet dimidio scrupulo (quod negligendum hoc loco duxeram) maiorem adinuerim, quam tu part. 23. scr. 30. saltem vno scrupulo nostra minorem efficis. Neq; sanè intelligere possum, quomodo hanc, & non potius eandem mecum, vel adhuc maiorem Declinationem maximam, ex Obseruationibus Solis Illustris. Principis, per Quadrantes, licet tunc non adèd correctos, habitis, colligere potueris. Ego enim in Obseruationibus Solaribus mihi transmissis, vbique ferè inuenio Altitudinem maximam Solstitialem part. 62. m. 12. quibus si Parallaxin addideris, prouenit vera part. 62. m. 13. s. 20. Hinc ablata Altitudine æquatoris, qualis tunc præsupponebatur part. 38. m. 42. euadit declinatio Eclipticæ ab æquatore part. 23. m. 31½. à nostra insensibiliter differens. Si verò Altitudinem maximam part. 62. m. 13. vel. 14. quæ etiam alicubi offertur, & veriore Poli Altitudinem in consilium adhibueris, adhuc maior euadet, vt ob id non videam, cur vel ex ipsis Illustris. Principis Obseruationibus tunc cognitis, cum nostra Declinatione maxima standum non foret, cum ea similis, & potius maior, quàm minor collatis singulis, inde eruatur. Sed non dubito, quin per correctiora vestra Instrumenta mecum postea deprehenderitis, Declinationem hanc maximam nunc esse part. 23. m. 31½. quemadmodum & nos tum præterito Anno, tum aliquot præcedentibus plurib⁹ machinis experti sumus. Quamuis Solis Altitudo meridiana, in vtroq; Solstitio adhibita Parallaxi eam præbeat saltem part. 23. m. 27. plus 4. scrupulis minorem, consentientem quidem melius cum Copernici & Coætaneorum annotatione, sed ob Refractionem Solarem, in decliniori situ iuxta Brumam peruenientem, errori adèd sensibili obnoxiam. Sol enim nobis non integrè 11. gradibus, in ipso Meridie iuxta Solstitium Hybernum, eleuatur. Nec multò altior Copernico Fruenburgi extitit. Peto autem peramanter, vt mihi prima quaque occasione, inter alia significes, qualem illic per Neoterica vestra & correctiora Instrumenta Solis Eleuationem maximam & minimam deprehenderitis, tum quoq; eandem circa vtraque æquinoctia, vel potius per totum Anni curriculum, vt collationem cum nostris Obseruationibus eò plenius instituere liceat, & Stellarum etiam, tum Circumpolarium, tum aliarum Altitudines Meridianas exactiores adiungere velis, Vtque integrum tuum scriptum de Cometa vltimo, mecum impertiri non graueris, etiam atque etiam vnà rogo. Nec enim dubito, te nunc illi extremas imposuisse manus. Quòd autem in portione eius mihi transmissa Cælum totum aëreum, nec è solida materia constare, imò nil aliud quàm Aërem ipsum esse asseueras, id facile tibi

H 2

con. esse.

concefferim, modò aërem qui supra Lunam sit, multò subtiliorem quàm hunc Elementarem intelligas, adeò vt ætheris potius liquidissimi & subtilissimi, quàm Aëris elementaris nomen mereatur. Nec enim ego, multis ab hinc annis, in ea fui sententia, orbes aliquos realiter in cælo existere, materiamque cæli duram & imperuiam esse, Stellasque tantum ad motum orbium conuolui. Multa siquidem hinc sequuntur absurda, & si nihil aliud, sanè tot Cometæ in æthere cursum præcedentibus aliquot annis exercere certissimè à nobis animaduersi, qui nullius orbis ductum concomitabantur, id ipsum sufficienter refellunt. Iudicavi itaque semper naturalem motus scientiam singulis Planetis congenitam, vel potius diuinitus inditam esse, qua in liquidissimo & tenuissimo æthere cursus sui normam regularissimè & constantissimè obseruare coguntur, nullius fulciminis vel promotoris indigi, quemadmodum ipsa etiam Terra, in aëre liquido, nullo fulcre stabilita, solo proprio vndiq; innixa centro, firmatur. Vt autem sic reuera statuam, & alia quædā, quàm vel Ptolemaica, vel Coperniana circa Reuolutionum caelestium dispositionem ratiocinatio, multò hic competentior à me, ipsa experientia docente, nouiter explorata, (de qua nunc non est dicendi locus) plurimum confirmat. Quòd autem celeberrimus ille nostri æui Philosophus PETRVS RAMVS existimauit, sine Hypothesibus per Logicas rationes Astronomiam constitui posse, caret fundamento. Proposuit quidem ille mihi ante annos elapsos 16. cum Augustæ Vindelicorum vnà essemus, hanc opinionem, & hortator simul erat, vt postquam per Hypotheses Siderum cursum in exactum ordinem redegissem, idem sine his tentare affectarem. Id enim fieri posse, hanc rationem addidit, quòd legisset ægyptios facillimam olim habuisse Astronomiæ cognitionem; Cumque hypothesium ratio difficilis, & intricata videatur, oportere eos alia compendiosiore, & planiore via siderum cursus cognouisse, ideoq; citra omnes hypotheses. At ego illi resistebam, ostendens sine hypothesibus Phænomena caelestia non posse in scientiam certam redigi, neq; vt intelligantur, excusari. Facilitatem verò illam ægyptiacam saltem in æquatorijs Planetarum, quibus se à supputatione tædiofa liberarunt, cum Ephemeridum expedita ratio nondum in vñ foret, extitisse. Verum cum is, vir aliàs perspicaci ingenio præditus, & veritatis si quis alius, amans, penetralia artis huius non penitus, perspexisse mihi videretur, varietatemque in motu siderum statis anni temporibus nequaquam recurrentem non animaduertisse, quicquam hac in parte obtinere ab ipso nec potui, nec volui. Habet is plerosque adhuc assèclas, qui idem fieri posse sperant, sed qui rem ipsam neque intelligant, neque vnquam in effectum sint deducturi. Cum enim omnia consent numeris, ponderibus, & mensura, sine his etiam, quicquam in mundo visibili explicari nequit. Hypotheses autem nihil aliud, quàm mensuram apparentis motus per circulum aliasque figuras ostendunt, quas Arithmetica in numeros resoluit.

Sine

Sine his si quis Astrorum motus comprehendere velit, fortunam, quod dici solet, inuocet, & supramundanam extra hominum intellectum, planèque incorpoream, & plus quàm angelicam rationem imagnetur, necesse est. Sed hæc de his satis. De Instrumentis & Obseruationibus hinc factis, restat ut nunc plenius tecum colloquar. Non est quod dubites, VVitchium illum Instrumentorum instaurandorum rationem, quam Illustriss. Principi tuo proposuit, hic cum mecum esset, accepisse, quamuis non omnia pari ratione, vel animaduernerit, vel illic satis fideliter exposuerit. Cum enim is Anno, ni fallor, 80. huc accessisset, se in meam familiaritatem facile insinuauit, partim quòd hominem ob ingeniosam in Mathematicis, præsertim quo ad Geometriam attinet, solertiam magnificerem, partim quòd is se perpetuò mecum mansurum, mihi què in studijs Astronomicis fidum Achatem toto vitæ tempore futurum, spontè offerret. Vnde factum est, ut liberaliter illi mea inuenta communicàrim, neque quicquam eorum celàrim, quæ tunc in promptu habebam, vel etiam in posterum elaborare decreueram. Verùm cum is paulò ultra anni quadrantem mecum commoratus esset existimaretq; se iam satis suis desiderijs positum, prætendebat auunculum suum Vratislauij è viuus decessisse, cuius hæreditas lucrum magnum, si maturè adesset, illi adferret. Impetrata itaque facile discedendi copia, intra 7. vel 8. hebdomadas huc se reuersurum spondebat. Verùm ex eo tempore, nec ipsum, nec quicquam literarum ab eo profectum vidi, neque de eo, vbinam esset, audiui, priusquam Illustrissimi Principis tui literas, D. HENRICO RANZOVIO scriptas, perlegerem, ex quibus statim intellexi, eum Instrumentorum formam & rationem, quam hic viderat, magna ex parte illic expressisse. Quod forsàn & alibi ab ipso interea factitatum est. Et sanè hoc pacto mihi rem non ingratam effecit, siquidem percuperem multis in locis quàm plurimos extare, qui exquisitis & minimè fallacibus Instrumentis siderum apparentias mecum scrutarentur. Attamen si mea Inuenta multis annis, & longa Experientia nec paucis sumtib⁹ & laboribus comparata, pro suis venditat, nec fatetur per quem ea habuerit, rem à viro bono & grato, ac sinceritate integritateque Mathematica alienam committit. Intelligo autem partim è tuis literis, partim è relatione mei domestici, qui vobiscum fuit, eum non omnia, prout hic viderat, satis competenter Illustrissimo Principi ordinasse. Diuisionem quidem, qua nos in omnibus ferè Instrumentis similiter vtimur, satis rectè indicasse comperio, & in pinnaculorum rimulis pro nocturnis Stellarum Obseruationibus apprimè oportunis (quod inuentum cum primùm ille hic vidisset, se non frustra in Daniam venisse aiebat, multoque auro præstantius æstimabat) quidem, licet imperfectè, imitatum esse. Dum enim compendium in his quærebat, & per binas rimulas, idem quod nos quaternis efficere præsumebat, veritatis quærendæ dispendum fecit, nostrisquè inuentis detrahendo, sibi ipsi & Obseruationum certitudini

rudini derogauit. Refert quidam meorum, qui tunc temporis, cum hic esset, ab eo audiuerit, ipsum, quando nostrorum Instrumentorum fabricam imitaturus esset, dixisse, se paucioribus rimulis idem effecturum, hocq; compendii sibi ipsi reservaturum. Quàm verò egregiè id præstiterit, vos non sine multarum Observationum dispendio experti estis. Ego ubique, præsertim in Quadrantibus, quaternas in inferioribus pinnacidijs, cum superioris pinnacidijs 4. lateribus vndique parallelas adhibeo rimulas, quas auctiores & latiores interdum efficio, prout Stellarum magnitudo efflagitat. Ahàs enim per binas rimulas lateralem & superiùs sitam, Stellarum transitus & altitudines centraliter exactèque nequaquam discernuntur, quod ipsa faciliè ostendit Experientia. Et nisi vos hac edocti, duplicem rimulam visualem viceversa inferiori pinnacidio applicassetis, etiamnum in obseruandis adamussim fideribus, frustra laboraretis. Diuisionis autem illius per puncta transversalia inuentionem, (quam tute cuiuscunq; sit, ingeniosam prædicas) primùm Lipsiæ ab Homelio habui, ante annos plùs minùs 24. cum annum ætatis agerem 17. verùm saltem in linea recta, vtpote in Radio Astronomico pluribus particulis diuidendo, ipsius imitatione ea tunc utebar. At cum postea per Quadrantes, Altitudines etiam Siderum perscrutari inciperem, & in minoribus Instrumentis vulgarem diuisionem minimis portiunculis non sufficere satis experirer, ad Nonnianam illam, quam Propositione tertia de Crepusculis tradit, subtilitatem me conuertere, eandemq; adhuc exactiorem pluribus subdiviisionibus reddidi, supputatis etiam Tabulis, è quibus cuiuslibet puncti altitudo scrupulosè sine morâ cognosceretur. Cumque res ipsa doceret, nè hoc quidem inuentum Nonnianum id habere in recessu, quod in accessu pollicebatur, capi cogitare, an diuisionis illa prædicta, qua linea recta subtilissimè per puncta transversalia in minores secatur particulas, etiam curuis & circularibus applicari possit. Et quamvis ab initio non par videbatur ratio, ob rectarum & curuarum disconuenientiam, tamen cum in tam paruo interuallo, vt quinquorū vel denorū scrupulorum lineæ curuæ paruo interstitio à se inuicem ductæ, non differant sensibiliter à rectis, negotium hoc satis commodè succedere animaduerti, hacque idcirco diuisione in Quadrantibus, Sextantibus, Armillis ab hinc multis annis felici successu semper vsus sum, eamque vobis communicatam, quacunque tandem occasione, gaudeo, vt pari præcisione mecum Sidera perscrutari eò commodiùs possitis, ita, vt nostræ Observationes simul collatæ eundem veritatis scopum scrupulosè, vt par est, (quod etiam non sine voluptate fieri experior) attingant. Sextantis Instrumentum à me ante annos plùs minùs 18. cum Augustæ Vindelicorum degerem, excogitatum, (quod etiam ibidem PETRO RAMO cum mihi

mihi adesset, vnà cum Quadrante illo permagno 14. Cubitorum, quem extra urbem in horto quodam Consulis HENZELII construi curaueram, ostendi, qui eorum à me descriptionem auidè efflagitabat) ab eo tempore semper in vsu habui, eò quòd certa ratione & multa Experientia per Radium, cuiuscunq̃ tandem foret magnitudinis vel diuisionis, ratas distantias nequaquam inueniri, compertum haberem. Quare per Sextam circuli partem (vt commodior fieret Instrumenti tractatio) regulis applicatam, idem tentare certiore euentu aggrediebar. Atque ob id Instrumento huic Sextantis nomen indidi. Is verò, quem VVitichius hìc vidit, qui chalybeus erat, catenulà illa carebat, qualem vos adhibuistis. Per Cochleam enim transversam distantia in Instrumento arctabantur, dilatabanturq̃. Et licet Cochlea illa in directum porrigebatur, tamen quia clauiculus, vbi affixa erat, conuolubiles habuit, motioni nihilominus circulari sufficiebat. Hanc etiam commoditatem VVitichius, quò minùs eam indicàrit, neglexisse videtur, vt ob id catenulam illam eius loco applicare vobis fuerit necessarium. In pinnacidijs quædam aliter, quàm tunc in isto Sextante habebam, limitàstis, quæ mihi admodum commodè ordinata videntur. Verùm iste Sextans, quo per vnicum Obseruatorem distantia capiebantur, dudum apud me in vsu esse desijt. Eius enim loco binis alijs, quos Trigonicos (ob discrimen eius quem habeo bifurcati) appello, in capiendis Stellarum remotionibus assiduè vtor, qui singuli binos requirunt Obseruatores, & per lineas circa Cylindrum in centro quiescentem parallelas, exactissimè Stellarum sibi inuicem, & cum toto Celi circuitu adamussim consentientia præbent interualla, nulloque penè negotio Obseruationem absoluunt. Ideam verò horum aliquomodo representatam Illustrissimo Principi inspiciendam (ni fallor) vltimò misi. Sed & vester Sextans, licet alia quadam & similiori primo meo fabricatus sit ratione, satis exactas & meis apprimè consentientes exhibet Siderum distantias velut è Catalogo intercapedinum aliquot Stellarum, Illustrissimo Principi tuo nunc transmissò, perspicere potes. De Refractionibus, quæ ad Illustrissimum Principem vltimò perscripsi, non est quòd dubites, rem penitùs ita se habere. Nam & hoc proximè elapso Anno per Armillà 10. pedum in Diametro, qui circa axem Polis mundi correspondentem conuolubilis existit, deprehendi, Solem circa Solstitium æstiuum, Refractionem Declinationis, iuxta 30. gradum altitudinis, tam ante quàm post Meridianum, insinuare maiorem semissè vnus scrupuli; circa Horizontem verò eandem 28. Minutorum efficere, idque cum Sol inferiori limbo Horizontem visibilem stringeret. Si verò hæ Declinationum Refractiones in altitudinem, habita etiam ratione Parallaxeos, quæ veriùs Horizontem

Refractio-

Refractionem ipsam nonnihil inhihet, deriuentur, adhuc maiores euadent. In Stellis tamen fixis non vsque adeò magna videtur hæc diuersitas, quamuis & in his maiorem inueniam, quàm è tua assignatione mihi perscripta colligere licet. Nam læcidiorum in dextro latere Persei, tu in altitudine part. 9. m. 42. vtpotè in Meridiano versus Septentrionem minima, asseueras Refractionem fieri saltem min. $2\frac{1}{2}$. quam tamen esse in eiusdem Stellæ altitudine, etiam in Meridiano ad Boream, humilima, quæ hic est grad. 14. min. 16. inueni esse min. $2\frac{1}{2}$. tua paulò maiorem, cum tamen potius minor esse deberet. Siquidem tibi decluior, plus $4\frac{1}{2}$. gradibus Stella hæc obseruabatur. Sic etiam dextrum humerum Persei in altitudine part. 17. min. $45\frac{1}{2}$. animaduerti Refractionem efficere m. $1\frac{5}{8}$; vt ob id altitudines Stellarum Cassiopeæ, quas infra Polum, pro eiusdem altitudine indaganda accepistis, non exactè respondeant superioribus, ita vt Polus adamussim sit intermedius. Non enim carent omni Refractionis suspitione. Siquidem vix 20. gradum altitudinis apud vos in eò situ contingant, cum tamen in 18. gradu Refractio ferè bina minuta, vt ex præcedente indicatione patet, attingat. Hæc itaque tibi consideratiùs examinanda relinquo. Maximè verò euidentis discrimen in refractionibus, inter tuas & meas animaduersiones, cognoscitur inde, quòd caudam Cygni indices in altitudine grad. 5. min. 18. efficere Refractionem saltem $5\frac{2}{3}$. cum tamen ego diligenti & aliquoties reiterata Obseruatione inuenerim caput Algol in altitudine part. 5. m. $21\frac{1}{2}$. ferè consimili cum tua in cauda Cygni efficere Refractionem m. $9\frac{1}{4}$. tua ferè duplo maiorem. Hæc itaque per occasionem accuratiùs Instrumentis benè correctis peruestiga, & videbis rem totam ita se habere, nisi fortè (quod tamen non facildè crediderim) diuersa Horizontum natura maiorem hic quam apud vos Refractionis insinuationem ingerat. Vnde sequeretur in Borealioribus locis eam ampliorem quàm in Australibus euadere, idque etiamsi àer admodum purus & serenus (quòd necessariò in hac potissimum Obseruatione requiritur) vtrobiq; iuxta finitorem existat. Cuius rei penitiorem cognitionem, tuæ Obseruationes exactius, vt monui, repetitæ successiue præbebunt. Quapropter licet persuasum habeas, Refractionem nullam, nè in Sole quidem fieri in sublimiori situ quam 20. part. eò quæ vapores altiùs non ascendant, vt verisimiliùs comprobare materiam cæli ab aere non differre, repudiata Alhasen & Vitellionis ob diuersa diaphana nimia Refractione, quæ vsque ad verticem aliquatenus sensim pertingeret: tamen cum experientia, vt supra indicaui, testetur in Sole etiam vltra 30. gradum aliquale, licet perexiguum Refractionis vestigium apparere, vt per vapores, cum eòsque non attollantur, vix excusari queat, & affixa etiam sidera in altitudine 18. part. Refractionem penè duorum scrupulorum admittant, (velut priùs per dextrum humerum Persei in minima altitudine Borea comprobauius,) oportebit sanè constituere àerem illum, vt tu vis, calestem

caelestem longè subtiliorem & transparentiore esse hoc Aëre Elementari vel potiùs, propriè magis loquendo, ætheris diaphanitatem, Aëris diaphanitate puriorem & perspicuam magis existere. Cum verò non adeò magna sit inter hæc ambo diaphana differentia, atque inter Aërem & aquam, & successiue, vbi se inuicem contingunt, minuat, ita vt suprema Aëris portio Lunæ Reuolutionibus contigua ferè nihil differat ab ipso æthere (nam Elementum ignis illic existere, vt Aristotelici fingunt, ipsa Experientia vel hac sola ratione improbat, cum longè maior hinc fieret siderum Refractio, si per triplicia diaphana ad nos lumen eorum pertingeret) ideo etiam perexigua causatur Refractio, nisi quatenus à vaporibus in decliuiori situ augeatur, & quando eleuatiore apparent sidera, planè insensibilis redditur, nec in tantum excrescit, quantum prædicta Alhasen & Vitellionis ratiocinatio inducit. Illi enim Cælum è solida diaphana materia constare, longè diuersa ab ipso Aëre, opinabantur. Quòd Stellas fixas, suas mutare latitudines, idque proportionaliter, iuxta obliquitatis Eclipticæ variationem, animaduertisti, admodum mihi placeat. Nam & ego dudum tale quid euenisse mecum colligebam, cum plerasque Stellas in Semicirculo æstiuo & Boreali ad Eclipticam parte, Latitudinem in tantum auxisse, quantum mutatio Obliquitatis requireret; in Meridionali verò eandem tantundem ferè imminuisse, contrarium pari ratione in Semicirculo Hyberno accidisse nostræ Observationes cum Ptolemaica annotatione collatæ, attestarentur. Ideoque ob Eclipticæ ad Stellas ipsas accessum, recessumq; per Declinationis maximæ immutationem id fieri, non obscure iudicabatur. Verùm cum quasdam Stellas, etiam inter Illustriores, præsertim Vulturis lucidam & Aldeboram, Canemque maiorem in numeris Latitudinis Ptolemaicis, huic speculationi reclamitare deprehenderem, capi negotium hoc altiori indagine, vt dubia, quæ inciderent, præsecarentur, examinare. Cumque res hæc magni sit momenti, & à nemine aliàs, quod sciam, te solo excepto, animaduersa, quasdam hac in parte, vt ad veritatis scopum sepositis omnibus dubijs collimare melius liceat, ex meis considerationibus paulò vberius exponam. Cum numeros Longitudinum & latitudinum Stellarum in Abaco Ptolemaico assignatos, eò quòd non ubiq; sibi inuicem & cum Cælo ipso habita intercapedinum Stellarum, quæ inuariatæ permanent, ratione consentiant, non immeritò suspectos haberem, totam rem paulò altiùs scrutatus sum, idque ex Declinationibus quarundam affixarum Stellarum, quas idem Ptolemæus cap. 3. lib. 7. Almagesti, à Timochare, Hipparcho, & se obseruatas recenset, quibus applicui earundem Longitudines, quales singulis illis temporibus eas obtinere conueniebat. Qua etiam in re Ptolemaicis interuallis non admodum confusus, peculiarem adhibui cautionem, Ita vt Spicam m pro fundamento cæterarum constituerem. Eam enim certius obseruatam, eò quòd iuxta æquinoctiale esset, & quia toties à Ptolemæo

repetitur,

repetitur, consentaneum videtur. Cumque hanc tempore suarum Observationum ipse afferat dimidio gradu versus Austrum declinasse, quas Tymochares deprehendit grad. 1. m. 24. Hipparchus verò scrupulis saltem 36. æquatore Borealiorem, sequitur assumpta utrobique Spicæ Latitudine 2. partium Australi, prout per Lunam illo tempore explorata est, & qualis nunc etiam ferè reperitur, fuisse eius Longitudinem Tymochari in grad. 21. min. 53. Hipparcho in part. 23. m. 53. Ptolemæo in part. 26. m. 38. signi α , ideoque à Tymochare ad Hipparchum 2. gradibus, ab Hipparcho ad Ptolemæum par. 2 $\frac{3}{4}$. promouebatur tum hæc tum ceteræ omnes affixæ Stellæ. Quare præsuppositis his Spicæ locis, aliarum quarundam Fixarum, quarum Declinationes ex veteribus constabant, Longitudines ad tempus Observationum authorum eorundem, videlicet Tymocharis, Hipparchi & Ptolemæi applicui, idque ea lege, ut quantam differentiam antè vel retrò, quò ad intervallum Longitudinis à Spicæ nostris Observationibus nunc obtinere deprehenduntur, tantundem etiam in elongatione à Spicæ loco eorum tempori conveniente constituerim, ut vera Stellarum Longitudo respectu huius Stellæ innotesceret, neglecta Ptolemaica annotatione, quæ rariùs omnibus numeris absoluta inuenitur. Neque enim possibile est, Longitudines Fixarum in vna Stella aliter variare, quàm in altera, cum omnes in vno sint orbe, & circa vnum & eundem Polum uniformiter moveantur. Vnde easdem fuisse temporibus Ptolemæi differentias Longitudinum in omnibus Stellis, quæ etiamnum inveniuntur, necessarium erit. Cum itaque hac ratione Longitudines Stellarum adaptassem, hinc, & ex Declinationibus, quas recenset Ptolemæus citato capite, adhibita obliquatione Signiferi maxima, quæ eorum æuo fuit part. 23. m. 51 $\frac{1}{2}$. earundem etiam Latitudines inquisivi, quod non difficulter fieri potuit. Siquidem ex data Stellæ differentia Longitudinis à proximo Tropico vnus Trianguli constat angulus, cuius duo etiam latera dantur, vnum à complemento Declinationis, vel additamento ad Quadrantem, prout negotium exigit, alterum ex differentia Polorum Eclipticæ & æquatoris, ergò tertium per Sphæricorum Triangulorum leges faciliè innotescit, per quod ipsa Latitudo quæsita Stellæ, qualis tunc erat, cognita venit. In hunc, inquam, modum Stellarum Latitudines ex assumptis diuersis Veterum Declinationibus, adhibitis debitis Longitudinibus examinaui. Et licet hoc etiam pacto in omnibus Stellis non eandem, quam sperabam, consonantiam compererim, eò quòd Declinationes earum vel non sint satis scrupulosè à Veteribus obseruatæ, vel quòd mendæ aliquæ in assignatione numerorum nonnullibi subsint, (quas tamen ut quantum in me erat præcauerem, adhibui etiam vetus quoddam exemplar Almagesti, ante annos proximè 70. Venetijs editum, quod Declinationes non in Cyphris numerorum, ut Trapezuntina versio, sed in aliquotis graduum partibus, literis exprimit) nihilominus maiorem his subesse certitudinem quàm

Latitu-

Latitudinibus in Catalogo Ptolemaico assignatis iudicavi, & sicubi dis-
 harentia evidens apparebat, ipsos etiam Ptolemaicos numeros in consilium
 adhibui; Quæ verò ex his in Latitudinibus quarundam Affixarum ab eorum
 temporibus hucusque diductis exploraui, nunc magna ex parte, qua fieri po-
 test breuitate, indicabo, Primum considerando Stellas circa Tropicum æsti-
 uum, inuenio è Declinationibus vtriusque capitis Geminorum, quòd ma-
 iorem nunc obtineant Latitudinem, quam Veterum temporibus, idque se-
 cundum ipsissimam rationem mutata Declinationis Eclipticæ. Nam Bo-
 reale caput Π iuxta tenorem supradictum, inuenitur tempore Tymocha-
 ris habuisse Latitudinem part. 9. min. 43. ferè. Hipparchi part. 9. min. 42.
 Ptolemæi part. 9. min. 45. ferè, vnde colligitur eam fuisse circa illorum
 tempora part. 9. min. 43. proximè, quæ nunc est part. 10. min. 2. Quare
 19. scrupulis aucta, prout recessus Eclipticæ in eo loco requirit. Pari mo-
 do Meridionale caput Π ex Hipparchi Declinatione & cæteris, de qui-
 bus dixi, datis, habuisse Latitudinem inuenitur, part. 6. min. 19½ è Ptole-
 mæi verò part. 6. m. 22½. ferè, quarum medium est part. 6. m. 21. Latitudo
 Stella illorum æquo competens, quæ nunc exacta ratione deprehenditur esse,
 part. 6. m. 38. vt ob id etiam tantundem ferè mutarit Latitudinem, quantum
 obliquatio Signiferi alterata requirit. Sic etiam Capella inuenitur Hippar-
 cho & Ptolemæo Latitudinem è Declinationibus assignatis obtinuisse part.
 22½, licet Ptolemaici numeri hanc constituent part. 22. m. 30. Vnde hæc ali-
 quatenus limitando probabilius fecerimus, si Latitudinem tunc ponamus,
 part. 22½. quæ nunc deprehenditur esse grad. 22. m. 50½. etiam ratione muta-
 ta Eclipticæ debito ferè modo variata. Eiusdem etiam rei documentum ad-
 fert vterque humerus Orionis. Habuit enim dexter Latitudinem è Declina-
 tionibus Tymocharis & Hipparchi part. 16½. quàm proximè, (Ptolemaicæ
 Declinationi hoc in loco aliquis error subest) quæ nunc 16½. obtinere de-
 prehenditur, etiam debito ferè modo minor reddita. Sinister humerus eius-
 dem Orionis ex Hipparchi & Ptolemæi Declinationibus, Latitudinem illo
 æquo obtinuit grad. 17. min. 5. penè, quam nunc habet part. 16. min. 53. etiam
 ratione accedentis Eclipticæ quasi proportionaliter imminutam. Haud ali-
 ter Cor Ω , quam Stellam Ptolemæus paulò diligentius obseruauit, ipsi La-
 titudinem obtinuit, part. 0. m. 10. Boream, licet hoc præcisius cum Hip-
 parchi Declinatione quàm ipsius propria consentiat, hanc nos accuratis
 animaduersionibus inuenimus 26. Minutis Ecliptica Borealiorem, ita vt
 scrupula 16. à Veterum inuentis nunc abundant, quod ob recessum Ec-
 lipticæ effectum intentioni nostræ satis conueniens apparet. Sed ab al-
 tera parte Stella Aldeboram aliquod ingerit impedimentum, siquidem
 eius Latitudinem Ptolemaici numeri prodant part. 5½. Meridionalem,
 quod etiam non adeò ab ipsius Declinatione alienum est. Cuius tamen

Latitudinem non minorem inuenire potui quàm part. 5. m. 30 $\frac{1}{2}$. tertia parte vnus gradus Ptolemaica maiorem, cum tamen potius minorem ex assumpta Hypothesi mutationis Eclipticæ esse conueniebat. Vnde in huius Stellæ Observatione quò ad latum, ipsi etiam declinationi Ptolemaicæ errorem non exiguum subesse autumo, id quod Declinationes eiusdem Timocharis & Hipparchi conuincunt, licet nec hæc suis numeris absolute constent. Nam Declinatio Timocharis dat Stellæ Latitudinem part. 5. m. 56. iusto maiorem, Hipparchi part. 5. m. 33. nonnihil debito minorem, licet vtræque Ptolemaicam (prout res requirit) excedat. Nec video, quomodo possibile fuerit, vt Declinatio huius Stellæ, quæ tunc versabatur circa primam decuriam Dodecatemorij 8, à Timochare ad Ptolemæum mutata sit part. 2 $\frac{1}{2}$. cum tamen circa ipsum æquinoctium Spica π interea eandem non alterârit plus gr. 1. m. 54. Ideoque non leuem errorem circa Latitudinem Aldeboræ Ptolemæo (modo numeri ad nos diducti rectè se habeant) irrepsisse iudico. Et si medium inter Timocharis & Hipparchi Latitudinem, quæ videlicet ex eorum Declinationibus prouenit, tanquam probabilius rem aliàs perplexam limitando, acceperimus, prodit latitudo oculi 8 tunc part. 5 $\frac{3}{4}$. quod à rei, quam intendimus, inquisitione non multum deuiat. Esse autem Ptolemaicam, quam huic Stellæ attribuit Latitudinem, prorsus erroneam, inde patet, quòd Boreali oculo 8 Latitudinem in suo Catalogo assignet part. 3. m. 0. quam nos inuenimus part. 2 $\frac{2}{3}$. ferè, ideoque Ptolemaica assignatione etiam paulò, plus quàm Obliquitas Eclipticæ mutata requirit, minorem, cum tamen Aldeboram contrarium ostendebat. Et distantia quæ est inter has vtrasque Stellas in oculis 8, quam reiterata Observatione deprehendi esse part. 3. m. 10 $\frac{1}{4}$. conuincit Ptolemaicam assignationem in alterutra vel vtræque euidenter desletere. Si enim ex complemento Latitudinis vtriusque Stellæ, quam ille ipsis attribuit & differentia Longitudinum vtpote è notis duobus lateribus cum angulo comprehenso, distantiam inquiramus, proueniet illa part. 2. m. 19. à vera 51. Minutis deficiens. Quare si Borealis oculi latitudo è numeris Ptolemaicis veritati proximior erit, oportet Aldeboram maiorem necessariò habuisse Latitudinem quam ille assignat. Nec enim tunc propiorem fuisse Boreali oculo quàm nunc, possibile. Ex his itaque patet, Latitudinem, quam Ptolemæus Aldeboræ assignat, minus ratam esse, ideoque in hoc, quòd nostræ intentioni refragari videatur, fidem non mereri. Venio nunc ad Stellas ad Hybernum Eclipticæ Semicirculum spectantes, & inprimis iuxta Tropicum Brumalem, vbi (vt rei propositæ demonstratio euidentior euadat) occurrit. Lucida Vulturis volantis, cuius Latitudinem, licet Ptolemæi Catalogus exhibeat part. 29. m. 10. vt ob id prima fronte nostræ sententiæ prius idem refragari videatur, tamen cum è Declinationib⁹ Veterum Latitudinem eius eruo, tantum abest, vt hæc Stella id quòd intendimus inturbet, vt nulla exa^{ct}ius & cer-

& certiùs idipsum stabilire comperiat. Fuit enim hæc circa tempora Priscorū, de quibus loquor, proxima quò ad Longitudinē Tropico Hyberno, ideoq; vel ex sola Declinatione ipsius Latitudo facilè patuit. Nam anno Observationum Timocharis, quando vix Sexta parte vnus gradus ipso Coluro Solstitiali anterior erat, Declinatio eius inueniebatur part. 5. m. 48, ideoque Latitudo (assumpta illius æui Declinatione maxima) part. 29. m. 39 $\frac{1}{2}$. euadit, cui etiam astipulatur Hypparchica annotatio, prodens eandem prorsus Declinationem, eò quòd hæc insensibiliter circa Solstitium variabatur. Inde Latitudo Stellæ etiam permanebat part. 29. m. 39. Et licet Ptolemaica declinatio, quæ erat duobus scrupulis maior, videatur Latitudinem hanc sesquialtero scrupulo arctiorem reddere, eò quòd is fortè non in ipsis scrupulis exactissimam adhibuerit præcisionem; tamen hoc nihil importat, sed sufficienter vnà cum cæteris attestatur Latitudinem lucidæ in Aquila fuisse illa mundi ætate part. 29. m. 39. quàm proximè. Cùmque ea nunc inueniatur part. 29. m. 21, manifestum est eam Latitudinem interea coarctasse scrupulis 18. quantum etiam accessus Eclipticæ vicinior eo in loco efflagitat, vt vel ex hac sola Stella iuxta Tropicum Hybernum, præsertim si capita Geminorum prope Tropicum æstiuum in altera medietate vnà viceuersa adhibeantur, satis comprobari queat, fixas Stellas Latitudines ratione mutatæ obliquitatis Signiferi proportionabiliter variare. Siquidem tam vnanimiter in hac Stella præstantissimorum illorum trium Artificum obseruatæ Declinationes consentiunt, quæ etiam ferè inuariatæ erant, quoniam Stella Tropico, quò ad longitudinē vicina insensibiliter, vt dixi Declinationem mutauit. Vnde etiam si quid dubij in eius Longitudine latere poterit, nullum errorem in ijs quæ intendimus eo in loco insinuat. Sed & Antares in eadem Eclipticæ medietate idem vltèriùs confirmat, quæ tam è Tymocharis quàm Hypparchi Declinationibus inuenitur part. 4. m. 14. (Ptolemaicæ Declinationi euidentem errorem hac in Stella subesse necessarium est, eò quòd hæc Latitudinem eius præbeat part. 4. m. 37. quam tamen ipse in Catalogo Affixarum ponit part. 4. m. 0. à seipso plurimùm dissentiens) cùm nunc eadem sit part. 4. m. 24. Manifestum itaq; est Latitudinem in hac etiam Stella non multum diuersimodè ab eò quod recessus Eclipticæ, eo in loco postulat, adauctam esse. Australis etiam lanx, siquidem Hypparchi Declinationi fides potius adhibenda erit, quia hæc probabilior videtur, Latitudinem illo æuo obtinuit ferè dimidij gradus Boream, quæ nunc 26. scrupulorum esse deprehenditur, arctior ob accessum Eclipticæ reddita. Licet non solum Timocharis Declinatio, sed ipsius etiam Ptolemæi, in hac Stella intolerabiliter deuiet. Nam illa Latitudinem vix præbet 17. Minutorum, hæc verò saltem 2. Cùm tamen ipse Catalogus Ptolemaicus eam exhibeat 40. scrupulorum, quod licet nimium sit, & plus, quàm necesse est, nostræ intentioni astipulatur, vero tamen proximius existit. Borealis quoque

lancis Latitudinem, tam Timocharis quàm Hipparchi Declinatio præbet part. 8. m. 48. proximè, quæ ex nostra Observatione nunc est part. 8. m. 36. ferè, vt ob id ratione accessus Eclipticæ in hac etiam Stella Latitudo coarctata reperiatur. Nam quòd Ptolemaica Declinatio eam exhibeat saltem grad. 8. m. 25. cui ipsius Abacus ferè consentit, indicans eandem grad. 8. m. 30. (vnde id quod proponimus labafactari videtur) nihil moramur. Nam Declinationem & Latitudinem Ptolemaicam minùs certam esse inde facillè patet, quòd ab Hipparcho ad se mutatam Declinationem admittat 1. grad. 24. m. cum tamen Spica π interea eandem non nisi 1. grad. 6. m. variarit. Quare potius Declinationibus Tymocharis & Hipparchi in illa Stella standum censeo. Siquidem secum consentiunt & idem interuallum mutationis præbent, quod ipsis Spica π efficere colligitur. Ex his itaque Stellis, tam circa Borealem quàm Australem Eclipticæ Semicirculum versantibus, satis superq; demonstratum esse arbitror, pro Obliquitatis Eclipticæ variatione alterari vnà proportionabiliter affixarum Stellarum Latitudines. Nec vllus restare videretur hac de re dubitationi locus, modò splendidissima illa in ore Canis maioris non contrarium quiddam innueret. Cuius Latitudo è Declinatione Tymocharis, quæ erat $16\frac{1}{2}$, inuenitur grad. 39. m. 18. ex Hipparchi quæ erat 16. part. provenit eadem part. 39. m. 10. qualem etiam Ptolemæus in suo Abaco ponit. Nam & ipsius Declinatio quarta parte gradus Hipparchiana minor, Latitudinem Stellæ præbet part. 39. m. $7\frac{1}{2}$. quod ad sextam partem gradus vltra integros proximè accedit. Siquidem is duorum vel trium scrupulorum nullam hac in parte rationem habuit, vt ob id tam iuxta Hipparchum quàm Ptolemæum huius Stellæ Latitudo tunc fuisse deprehendatur part. $39\frac{1}{2}$. Austrina, quam tamen nos hoc æuo adinuenimus part. 39. m. 31. quæ Veterum placitis tertia parte vnus gradus maior existit, cum potius nunc tantundem minor, cæteris paribus esse deberet. Cuius sanè nodi resolutio non facillè obuia est. Siquidem in Observationibus Veterum errorem aliquem latere consensus omnium vniformis difficulter admittit; nec in tam Illustri Stella, quæ omnium Affixarum maxima & fulgentissima est, eos adeò sensibilibus hallucinatos esse, credibile videtur. Cumque nostræ etiam Observationes in hac ipsa Stella omni dubio careant, non satis mirari possum, quomodo hæc Latitudinem nunc maiorem quàm olim exhibeat. Neq; enim concedi potest eam non iisdem legibus, quibus reliquæ Affixæ, obnoxiam esse, quin pariter cum illis Latitudinem ad nutum Obliquitatis Eclipticæ variet. Quapropter rem hanc variè ventilando, nihil aliud asstruere possum, quàm Observationes Veterum in Declinatione huius Stellæ, etsi satis forsan benè cælitus habitas, minùs tamen rectè vitio scriptorum ad nos transmissas esse. Poterat siquidem in describendo similis in singulis error committi. Nam quòd annotatio Latitudinis eius in Abaco Ptolemaico Declinationib⁹ subscribat, pa-

bat, parum ad rem facit. Siquidem aliàs Latitudines illic assignatæ, non solum à Declinationibus sed ipso etiam Cælo dissidere, si per distantiam Stellarum in trutinam vocentur, sæpenumerò deprehenduntur. Neq; enim ob hanc unicam Stellam, quamvis cæteris fulgentiorem, ijs quæ in tot alijs rectè se habere pluribus documentis euicimus, assertioni huic de mutatione Latitudinis Stellarum ad Eclipticæ variatam Obliquationem, præiudicium aliquod intentari potest, præsertim cum altera Canis minoris lucidior, nostræ positioni suffragetur, quæ temporibus Ptolemæi fuit proxima Coluro Solstitiorum, habuitque tunc ex ipsius numeris Latitudinem part. 16. m. 10. quam nunc obtinet part. 15. m. 57. ob accessum Eclipticæ minoræ, licet non in tantum, quantum ea à Tropico distantia requirit, eò quòd Ptolemæus quina scrupula quæ desiderantur, non reputarit. Quòd autem Spica m. Veterib⁹ duos gradus in Latitudine obtinere constituebatur, qualem etiam hoc æuo retinere inuenitur, vel si summam præcisionem adhibeamus, dimidio saltem scrupulo minorem, cum potius 3. vel 4. minutis maiorem nunc esse, ex mutata Obliquitate Eclipticæ eueniret, positionem hanc nostram nihilominus labefactare nequit. Siquidem Antiqui illi 3. vel 4. Scrupulorum rationem penè nullam habuerunt, Nam saltem in senis vnus gradus partibus tam Longitudines quàm Latitudines Stellarum, vt in Abaco Ptolemæico videre est, annotarunt. Accedit & hoc quòd ex visibili Lunæ cum hac Stella copulatione, eius Latitudinē vnā cum Longitudine aliquoties rimati sint, cum tamen Parallaxes Lunares adeò certò nequaquam illis constarent, quin pauculis Scrupulis hoc modo hallucinatio insinuari posset, præsertim cum Hypothesi Ptolemæica in Luna vsi sint, nulla enim alia Veteribus cognita erat, quam nostræ etiam Observationes attestantur, nonnuncquam multò maiorem Lunæ ad Terras appropinquationem exhibere, quàm rei veritas exigit, vt ob id Parallaxes hinc deductas minùs ratas esse, consentaneum euadat. Sed hæc forsitan copiosius quàm Epistolæ leges patiuntur, nunc tracto, quare his iactis fundamentis tibi doctissime ROTHMANNE omnia penitus expendenda pluraq; his superaddenda relinquo. Nunc ad cætera progredior. Quòd in Latitudinibus Stellarum inter Illustris, Principis & meas Observationes paucorum scrupulorum discrimen incidat, sit potissimum ob id, quòd Declinationes Stellarum ante eam, quàm vltimis tuis literis mihi significasti, perpendiculi correctionem, duobus Scrupulis minùs rata fuerint, Obliquitate etiam Zodiaci maxima diuersimodè aliquantulum assumpta, nonnihil vnā in his variante. Plurimum verò lætatus sum, cum intelligerem ex posterioribus tuis literis, vos errorem hunc perpendiculi deprehendisse; nam aliàs vestræ Declinationes, vbiq; à meis duobus penè scrupulis dissidebant, eò quòd Altitudo æquatoris vno scrupulo minor vero, & Stellarum vno maior euadebat. Nec dubito, quin si post hanc Quadrantis vestri exactè in libellam restitutionem, admissim Solares Altitudines, adhibita etiam Parallaxi,

CUM

cum mea restitutione in cursu Solis examinaveritis, me scopum ipsum omni possibili subtilitate attingisse, comprobetis, idque potissimum in Borealioribus Signis. Nam in Meridionalibus, præsertim α & m (in α & z ob perexiguam Declinationis mutationem nosti hæc irrita esse) ob Refractionem sensibilem, aliquid inuenietis discriminis, quod tamen per hanc ipsam prius aliunde cognitam præcaueri potest. In deliquio Lunari Anni 1584. quod expertis diligenter, non minus quam circa præcedentium aliquot annorum obscuraciones Lunares, à me accuratè obseruatas deprehendi, quòd primum initium fuerit h. 11. m. 12. à Meridie diei 7. Nouembris, Medium h. 13. m. 8. Finis vltimus h. 15. m. 0. (nec enim hæc tempora semper sunt aequalia, vt hætenus creditum est) quemadmodum ex remotione certarum Stellarum æquatoria à Meridiano infallibili ratione inquisui. Quòd autem V Vitichius medium huius deliquij Cassellis h. 13. m. 3. vt ad me perscripsisti, adinuenerit, caret exquisita præcisione. Vester enim Meridianus ad minimum nostro est quinta horæ parte, vt supra etiam dixi, occidentalior. Oportuit itaque deliquij medium illic fuisse, proximè post mediam noctem, h. 0. m. 56. abundante in V Vitichiana Obseruatione dimidio quadrante horæ. Quàm itaque diligens fuerit hæc temporis annotatio, viderit eius autor, cuius in sideribus cælitus indagandis diligentia dudum mihi perspecta, vel, vt verius loquar, suspecta existit. HENRICVS BRVÆVS, eximius apud Rostochienfes Mathematicus, amicus noster singularis, eandem Eclipsin illic obseruauit, eiusdemque medium inuenit h. 1. m. 4. p. m. n. tempore paulò anteriori nostro, cum potius idem ferè esse deberet. Siquidem insensibilis sit Meridianorum differentia. Verùm is per Quadrantem Orichalcicum quidem, sed minusculum, olim sibi à me concessum, ex Altitudinibus Stellarum, saltem in gradibus acceptis, tempora latiori modo scrutabatur, id quod in Stellis, præsertim ad Meridianum tendentibus, errori euidenti est obnoxium. Nihilominus hinc magis adhuc liquet, V Vitichij Obseruationem minus exactam fuisse, ideòque ad Meridianorum nostrorum intercapedinem rectius cognoscendam, non sufficere. Et quoniam per Lunæ Obseruationem iuxta 90. gradum idem diligenti adhibita cura præstari queat, ego quam plurimas eiusmodi Lunares, cum Parallaxi Longitudinis careret, considerationes, aliquot præcedentibus annis cælitus fideliter acceptas, in promptu habeo. Si itaque scirem, quibus diebus Luna eodem modo à te deprehensa fuerit, utique & meas communicarem, vt collatio mutua institueretur. Imò & ternas eiusmodi Lunæ Obseruationes, in assignatione locorum omnium Planetarum, intra vnam Cæli totius Reuolutionem, ter hic ab initio huius anni, hoc ipso Mense Ianuario, meis Instrumentis ad amussim indagatorum. Illustrissimo Principi tuo transmissa reperiens, si Lunæ locus circa aliquod horum temporum, à te prope Nonagesimum Eclipticæ gradum ab Horizonte peruestigatus est, & temporis mo-

menta

menta exactè constant, habes quod desideras. Per Parallaxes Lunares in alio situ, quàm propè 90. gradum, idem attentare, ea quæ hîc requiritur scrupulositas, ob Parallaxes in Tabularum numeris non omni dubio carentes, nequaquam certò admittit. In temporibus verò his subtilissimè numerandis non nimium fidas Horologio, nisi exactissimè Reuolutionem obseruet, & intermedijs horis ubique æqualiter moueatur, singulaque Minuta vnà etiam cum Secundis discriminatim exhibeat. Qualia non dubito Illustrissimum Principem in promptu habere, cum Automatopæum tam artificiosum & præstantem habeat. Ex Altitudinibus etiam Stellarum hæc subtilis prægmatia non satis commodè succedit, præsertim si Meridiano proximiores eleuentur. Neque iuxta Horizontem, ob Refractionis incommodum, vitio carent. Consultius itaque fuerit, ex ipsis Azimuthis Stellarum hæc temporum momenta rimari, modò Meridiei linea non ex Sole, sed è Stellis, potissimum verò ipsa Polari Stella, cum est vtrinque versus ortum & occasum à Polo, in maxima remotione Azimuthali (quæ ratio nè minimo errori est obnoxia, & com nodè fieri potest) diligenter prius explorata fuerit. Ego momenta temporum exacta per Armillas æquatorias, distantias Solis & Stellarum à Meridiano in ipso æquatore, qui temporum mensura est, in quocunque situ existant, numerantes, citra omnem erroris suspensionem facillimè assequi soleo, Si Eclipsium Lunarium, hoc & futuro Anno instantium, verissima tempora vtrinque, fauente Numine, obseruare nobis contigerit, de Meridianorum intercapedinibus, Lunæque motibus, certiores reddemur. Animaduertendum verò, quod in totali deliquio cum mora, melius discernatur tempus ingressus totius corporis Lunæ in vmbraam terrenam, & primi eiusdem egressus, quàm cætera duo primi initij vltimique finis momenta. Quare illis potius accuratè attendendum. Expedi etiam plures & disinctos ab inuicem adhibere Obseruatores, qui acumine visus polleant. Lunaris motus Calculum nunc non mitto, eò quod eum pluribus Eclipsibus, & Lunæ locis iuxta Quadraturas, prope mediam distantiam Epicycli & alibi etiam, sæpius diutiusque, priusquam mea inuenta hac in parte alijs communicarim, examinare constitui. Volo enim, vt quæ à me in Astronomicis proficiscuntur, vel nulla sint, vel longè exactissima, vt ad maiorem præcisionem sensus humani non pertingant. Præstat enim hæc intacta relinquere, quàm oscitanter & rudiori Minerua tractare. Veneris & Mercurij motus satis scrupulosè, per multiplices Obseruationes exploratos habeo. In tribus altioribus Planetis, plures Acronychias animaduersiones, præsertim in distantioribus ab inuicem Eccentrici locis requiro, quas vbi fauente Deo assecutus fuero, spero me eodem Numine nostros conatus dirigente, Astronomiam vniuersam omnibus suis numeris absolutam, Posteritati multò perfectiùs, quàm ab antecessoribus nostris factitatum est, consecraturum, Quo nomine Deus vires animi

K

& cor-

& corporis largiri dignetur, vt præstantissima & antiquissima omnium, planeque diuina hæc scientia, à mendis & erroribus aliquando repurgata in veritatem Apparentiarum ipsi Cælo congruam restituatur. NICOLAUS COPERNICVS ingens & incomparabilis in hoc opere Athleta, si exquisitis & nulli errori ille obnoxijis Instrumentis non destitutus fuisset, longè certiora nobis reliquisset; Nam scientia & ingenio, si quis alius, eminebat, quæque è Geometria Arithmeticaque ad hanc Artem constituendam requirebantur, perfectissimè callebat. Nec Ptolemæo hac in parte inferior erat, imò in quibusdam, præsertim Hypothesium concinnitate, & compendiosa Harmonia inuenienda, eum longè exuperabat. Neq; obstat absurditas prima fronte apparens in Terræ Reuolutione, cùm, si mot^o circularis circa aliena centra regularis astruatur, vt Ptolemaicæ in omnibus Planetis, excepto Sole, ferunt Hypotheses, longè absurdius & intolerabilius contra ipsa Artis principia, peccetur, quàm Terræ motum aliquem attribuendo; qui quoniam naturalis erit, insensibilis euadit. Nec tot inconuenientia hinc proueniunt, quot plerique arbitrantur; quæq; in Poëmate Sphærico clarissimi illius Poëtæ BUCHANANI SCOTT, mei, cùm in viuis esset, amici eximij, nuper publicata sunt, locum hîc non habent. Is enim non animaduertit, posito motu terreno mare & circumfluum proximumq; Aërem vnâ pari concitatione conuolui, ideoq; nullam violentiam causari, nec absurditatem, quantam in omnibus ijs, quæ in contrarium adducit, prouenire. Sed non est huius loci, copiosius de his disserere. Ea verò aliquando, Deo volente, latius in Opere nostro Astronomico excutiem⁹, & fortè aliam Hypothesium rationem, quæ nec Mathematicè nec Physicè absurda videbitur, & contra ipsa Artis principia non peccet, introducemus. Petis vt Eleuationis Poli, quæ Fruenburgi est, exactam notitiam tecum communicem, ob Copernianas illic habitas Obseruationes, penitus explorandas. Scias itaq; me, ante trienniu, eò nomine quendam meorum Astronomiæ operam nauantium studiosorum, ELIAM OLAI nomine, Fruenburgum nauigio misisse, adiuncto exquisito & minutissimarum diuisionum capaci Instrumento, qui illic commodum apud Canonicos VVarmienses, à quibus etiam benevolè excipiebatur, nactus Obseruandi locum, plus integrò Mense commoratus, quam plurimas exquisitas, & sibi inuicem consentientes nactus est Obseruationes. Ideoq; tam ex Altitudinibus Solis Meridianis in Declinatione eius Boreali, quàm Fixarum Eleuationibus maximis illic deprehensis, & cum ijs, quas idem Instrumentum hîc præbuit collatis, Eleuationem Fruenburgi adinuenimus part. 54. m. 22 $\frac{1}{4}$. excedentem Copernianam annotationem ferè 3. Minutis. Id quod etiam semper suspicabar, ex quo viderem Eccentricitatem Solarem, & Apogæum, totumq; adeò Solis cursum, tam breui annorum interuallo ab illius placitis adeò enormiter discrepare. Eum enim ex Altitudine Solis maxima & minima in vtroq; Solstitio, Poli Altitudinem, & Declinationem

Declinationem maximam indagasse, idq; minus congruè, quòd Refractionis in decliui situ implicationem non euitarit, & fortè etiam Parallaxeos nullam habuerit rationem, probabiliter è scriptis eius colligebam, & ob id terna circiter Poli altitudini deesse scrupula, etiam antequam periculum fieri curauì, consentaneum duxi. Interea verò, dum studiosus meus Fruenburgi Observationibus vacat, ab Illustrissimo Principe GEORGIO FRIDERICO MAR-
CHIONE ANSBACHIANO, misso ad eum M. MÆNIO Professore Ma-
thematicum Regiomonti Prussiae, illuc vocatur, vt Polarem Altitudinem ibi-
dem pari diligentia examinet; quod etiam per aliquot Hebdomadas in horto
principis, loco opportuno concessio, effecit. Atq; ex Altitudinibus Solis Stella-
rumq; illic multoties acquisitis, deprehenditur Regiomonti Prussiae Eleua-
tio Poli part. 54. M. 43. proximè. Quod tibi vnà indicandum duxi, siquidem
REINHOLDVS, PRVTENICVS Tabulas ad eum locum ordinauit, eiusque
Latitudinem gra. 54. M. 17. scrupulis 26. iusto minorem (Appiani erroneum
Catalogum perperam imitatus) constituit. Reuersus ad me studiosus hic
meus, Instrumentum quoddam ab ipso Copernico compositum, diuq; in vsu
habitu à D. IOHANNE HANNOVIO Canonico VVarmiensi mihi dono
missum, secum attulit. Estq; Parallaticum illud, cuius libro 4. cap. 15. con-
structionem explicat, quod communiter Regulas Ptolemaicas vocant, eò
quòd Ptolemæo olim etiam plurimùm in vsu erat. Est autem prorsus ligne-
um & abiegnum, binæque Regulæ pares 4. vnas in Longitudine continent,
diuisionemq; exhibet particularum 1414. modo vulgari institutam, ita vt quæ-
libet minor differentia quinarium numerum præsupponat. Hinc facile est
colligere, qualibus machinis eximius ille Copernicus instructus, cælestes mo-
tus ad nos deriuare tentarit; vt ob id errores, qui irreperunt, non Arti, vel
ipsius industriæ, sed medijs Organorum, quibus minus exquisitis utebatur,
imputandi veniant. Ego etiam bina eiusmodi Regularum Instrumenta du-
dum in promptu habeo, vtiliter per Orichalcum elaborata, & in decuplo plu-
res portiunculas subtilissimè diuisa, quorū vnum ad instar Ptolemæi, columnæ
erectæ innititur, & in ea commode circumvoluitur, attollendo & deprimen-
do longiorem Regulam, in qua diuisiones existunt. In altero eadem longior
Regula ad æquilibrium Horizontis saltem conuoluitur, & vnà in Circulo, cui⁹
diameter est 20. pedum, Azimutha ostendit, cæteris duobus æqualib⁹ lateribus
angulum Altitudinis sua Eleuatione depressioneq; efficientibus. Suntq; am-
bo maiora hoc Coperniano, & diligentissimè elaborata. Nihilominus in Solis
& Stellarum Altitudinibus præcisè indagandis non tantum illis fidei adhibeo,
quantum Quadrantibus & Sextantibus, præsertim maiusculis. Nec possibile
existimo, Regularum fabricam ad exactissimam præcisionem, quæ perpetuò
sibi constet, redigere. Non tamen facile animum induco, Copernicum, in Al-
titudine Spicæ M, quam lib. 3. cap. 2. proponit, multum aberasse, siue per hoc

Parallaticum Instrumentum, siue alia quacunque ratione eam nactus est, eiusque Declinationem hinc prouenientē VVerneriana Obseruatione multo certiore esse, verissimum est. Aliàs enim nimium concitatus foret octaua Sphæræ motus, & Albategnianam celeritatem plus æquo anteuertet. Quo etiam argumento vestras Stellarum Longitudines, paulò vteriores esse, quam huius Sphæræ promotio admittit, comprobatur. Sed video me, dum lubenti⁹ tecum de ijs, quæ ad rem Astronomicam faciunt, colloquor, modum in scribenda Epistola excedere. Idque eò potius admitto, tum quòd hanc prolixitatem tibi non tædiosam futuram, mihi persuadeam, tum etiam vt tarditatem hætenus in rescribendo admissam, copiosiori responso recompensatam habeas. Cùm itaque tuis desiderijs, & ijs quæ per literas mihi significasti, abundè, vt existimo, satisfactum sit, restat, vt nunc vela contraham, teque Deo Opt. Max. commendatum habeam. Vale, & mecum vterius de negotio Astronomico, saltem per Literas, siquidem coràm (quod conuenientius esset) non licet, conferre nullatenus superfede: Quin sidera mecum, scalis minimè fallacibus, ascendere omni temporis sereni opportunitate inceptam operam continuando elabora. Iterum vale. Data Vraniburgi 20 die Ianuarij, Anno 87.

TYCHO BRAHE.

ERVDITIONE EXCELLENTI ET INGENIOSA
PRAESTANTISSIMO VIRO D. CHRISTOPHORO
ROTHMANNO, ILLUSTRISSIMI PRINCIPIS
VILHELMI LANDTGRAVII HASSIÆ, &c
Mathematico eximio, Amico suo
plurimum dilecto.

S. D.

REVERSVS AD NOS IS PER QVEM INSTANTIBVS VLTIMO Francoforti vernalibus Nundinis Illustris. Principi tuo & tibi de rebus Astronomicis copiose perscripseram, vestraque expectationi, vt spero, pro virili satisfeceram, præter omnem meam opinionem nihil prorsus literarum retulit. Cuius causam admiranti sciscitantiq̃ue mihi, Illustrissimum Principem LANDTGRAVIUM eò tempore, quo transactis Nundinis Cassellas redierat, nuptijs quibusdam occupatum fuisse, quò minùs tunc responsioni vacare ipsius Celsitudini commodum foret, & te etiam eadem de causâ varijs auocationibus implicitum fuisse referebat, subiungebatq̃ue ipsum Illustrissimum Principem per te sibi significasse, quod breui misso proprio Tabellario literas, quæ meis responderent, essem

esset recepturus. Huic Relationi haecenus lubens acquieui, & indies ab Illustrissimo Principe, tum etiam à te responsionem cupidè expectavi, quam cum ultra speratum tempus differri videam, non potui non oblata per hunc Bibliopolam HENRICVM, (eidem per quem priores miseram inserui-tem) hac opportuna scribendi occasione, ad te aliquid literarum dare, & rescriptionem haecenus intermissam in memoriam reuocare. Rogo itaq; peramanter, vt velis apud Illustrissimum Principem tuum de responsione mihi remittenda, meo nomine obnixè & reuerenter sollicitare, vtque tu etiam ijs, quas ad te seorsim dedi literis, omnimodè rescribendo satisfacere non diutius superseas. Si per proprium Principis Tabellarium negotium hoc commodè expediri nequeat, idipsum per horum exhibitorum satis opportunè efficietur, modò literas, quàmprimùm is è Nundinis Francofordianis Castellis reuersus fuerit, in promptu paratas inuenerit, nam nè comitum & vehiculi dispendium faciat, moram illuc aliquam necere vix illi commodum fuerit. Retulit idem, qui meas vobis attulit, te impetrata à Principe tuo venia, me coràm inuisere decreuisse, quod vt prima quaque opportunitate exequi non intermittas, te etiam atque etiam rogatum habeo, Erit tuus accessus mihi pergratus, & de multis praesentes oretenus plenius & commodius, quàm absentes per literas, iucundè, nec, vt spero, inutiliter conferemus, Vnaque Instrumentorum nostrorum varia exquisitaque structura, obseruandique per hac infallibilis apprimèq; concinna ratio oculari inspectione omnium optimè tibi patebit. Omninoq; tibi persuadeas, quòd te eius itineris & laboris non peniteat vnquam. Eclipsin Lunarem proximè instantem, non dubitò, quin per serenitatis opportunitatè diligenter sis caelitus animaduersurus. Eius itaque apparentias & temporum momenta, vel potius ipsa Observationum Data mecum communicare non graueris, Ego etiam eandem hinc meis Organis adamussim perscrutari (volente Deo) non intermit- tam, teq; de meis inuentis postmodum certiore reddam. Vale & nostris desiderijs, inprimis verò ijs quæ in literis ad Illustrissimum Principem tuum, & te vltimò datis continebantur, quæque earum exhibitor priuatim meo nomine significauit, vt omni ex parte maturè ante ingruentem hyemem satisfiat, omnem moue lapidem, Iterum feliciter vale,
& absque intermissione Sacris Vranix lita.

Data Vraniburgi 12. Augusti,

Anno 1587.

TICHO BRAHE.

K;

Dem

Dem Besten vnserm Lieben Besondern
TYCHONI BRAHE, Herrn zu Knudstrup.

Wilhelm von Gottes Gnaden Landtgraue
zu Hessen / Graue zu Casselnbogen / Dieß /
Siegenhain vnd Nidda / etc.

Vnsern gnedigen gruß zuuor / Bester lieber besonder. Wir haben ewer schreiben de Dato den 18. Ianuarij beneben den Obseruationibus empfangen. Das ihr vns nun dieselbigen auff vnser begeren so gutwillig zugeschickt / Dessen thum wir vns gegen euch gnediglich bedanken. Mögen euch aber nicht verhalten / das wir dazumahl mit andern geschefften beladen / vnd an andere örter verreyset gewesen / dardurch wir euch zu antworten / verhindert worden. So baldt wir aber wieder anhero gelangt / haben wir ewere Obseruationes mit den vnsern Conferirt, vnd mit sonderlicher verwunderung befunden / das sie in distantijs & Declinationibus, etiam in partibus Minuti mit einander vbereinstimmen / welches zuuor niemals ist erhört worden. Das sie aber in Longitudinibus auff fünff Minuten von einander discrepirt, nympt vns nicht wunder / sintemahl vns wol bewußt / das weder Hipparchus, Ptolemaeus, noch alle andere hiebeuor vera Stellarum loca auff 5. Minuten jemals gewußt / noch propter Armillarum paruitatem haben wissen können. Denn man in den Armillis kaum 10. Minuten hat können mercken / wie das aus den Obseruationibus Stellarum Fixarum augenscheinlich / geschwiegen was sonst propter Circulorum hinc inde distractionem in obseruando hat mangeln können / dann die Circuli in solcher Connection im tractiren sich baldt geben. Von vnsern Obseruationibus können wir noch zur zeit nicht schreiten / dann sie vnser Mathematicus, etiam correcto Quadrantis perpendiculo vielfeltig / nicht allein per Horologium, sondern auch im verschießen Ianuario etzliche mahl per Venerem, die er gleichsals wie ihr / bey tagß / beneben der Sonnen obseruirt, iust befunden. Jedoch haben wir vnsern Mathematicum hierumb ernstlich bespracht / da hat er vns nicht können verhalten / wie er dazumahl per Venerem befunden / das ewer Motus Solis, den ihr vns in ewerer Ephemeride zugeschickt / circa octauum gradum vmb etzliche Minuten zu langsam / denn er in fine Ianuarij, auch durch vnsern Quadranten locum Solis, nicht anders gefunden / ihn auch nicht anders angenommen / dann wie er in ewer Ephemeride (welche er auch auff dieses Jahr iusto modo hat extendiret) stehet: Nichts desto weniger hat doch Venus keinen andern Locum Stellarum Fixarum geben wollen: Vermeynet / ihr tribuiret den Refractionibus etwas zuviel. Auch vermeint er / alldieweil ihr das

das tempus per Armillas æquatorias indagirt, vnd aber die Refractio Solis in Circulo verticali, vnd nicht secundum Longitudinem Eclipticæ geschieht/ könne es leicht sein/ das ihr das tempus etwas zu kurtz angenommen/ welches nicht geschehen könne/ so man das tempus per Azimutha Solis indagire. Jedoch weil ihr es per Venerem circa æquinoctium autumnale des Morgens probiret, hat er nicht eigentlich können wissen/ wo an es mangle. Wie nun dem/ so wissen wir nicht von vnsern Observationibus, die wir nicht minder mit höchstem fleiß/ als ihr die ewerigen angestellet/ abzutreten. Vnd dieweil wir nun viel Jahr her mit den Observationibus vmbgangen/ vnd auch durch vns die Astronomiam gern beförderten/ Als haben wir vnserm Mathematico gnedigklich befohlen/ die Observationes aller zu calculiren, vnd neben den Demonstrationibus & modis obseruandi zu publiciren, damit jederman vnsern fleiß/ vnd arbeit sehen möchte/ wie er dann schon in die 200. Stellas calculiret, vnd noch mehr als 200. zu calculiren hat. Soll aber doch von dieser wichtigen vnd geringen discrepantz, zwischen den vnsern vnd ewerigen/ keine anmeldung thun/ auch die ewerigen nicht spargiren. Was ihr vns aber sonst communiciret, wirdt er wol pro dignitate zu rühmen/ vnd euch cum honorifica nominis mentione zu restituiren wissen. Also werdet ihr als dann desto besser vnd fleissiger in vnseren Observationes können inquiriren, wirdt auch die sache bey andern desto eher glauben finden/ alldieweil ein jeder bey seinen Observationib⁹ bleibt/ vnd nicht in gratiam alterius etwas mutiret. Wir seindt auch nach vollendung des wercks/ inwillens/ vnser Instrumenta auff eine andere art von neuen anstellen zu lassen/ vnd da wir als dann befinden worden/ das wir auff die 5. Minuten geirret/ wollen wir vns gern selbst corrigiren, Wie wol disse discrepantz baldt nicht werth ist/ das man so viel wesens drum mache/ kan auch von denen/ so sich in Observationibus geübt/ nicht gros geachtet werden. Das haben wir euch auff ewer schreiben nicht verhalten wollen/ vnd so etwas weiters darinnen sein wirdt/ darauff sollt euch vnser

Mathematicus beantworten. Vnd seindt euch mit gnedigem gutem willen jeder zeit ganz wol gewogen. Datum
in vnser Stadt vnd Vestung Cassel/

am 11. Septembris,

Anno 87.



Wilhelm Landgraff zu Hessen.

Eadem

Eadem Litera Latinè reddita.

VVILHELMVS DEI GRATIA LANDTGRAVIVS
HASSIAE, COMES IN CATZENELLEBOGEN,
DIETZ, ZIEGENHAIN ET NIDDA, &c.

CLEMENTI NOSTRA SALVTATIONE PRÆMISSA. NOBILISSIME singulariter dilecte. Literas tuas 18. Ianuarij datas, vnā cum Obseruationibus accepim⁹, agimusq; tibi clementer gratias, quòd nobis easdem ad petitionem nostram beneuolè concessisti. Celare autem te non possumus, nos eo tempore alijs negotijs occupatos, aliq; profectos fuisse, & ob id, quo min⁹ responderemus, impeditos. Quāprimū verò huc reuersi fuimus, Obseruationes nostras cum tuis contulimus, atq; cum singulari admiratione inuenimus, eas in Distantijs & Declinationibus, etiam in Minuti particulis concordare, quòd antea nunquam auditum fuit. Quòd autem in Longitudinibus, ad quinq; circiter Minuta, inuicem discrepent, non miramur. Satis enim nobis constat, neq; Hipparchum, Ptolemaeum, aut reliquos omnes hactenus vera Stellarum loca ad quinque Minuta vnquam redegisse; nec propter Armillarum paruitatem discernere potuisse. Nam in Armillis istis vix 10. Minuta animaduertebantur, velut ex Obseruationibus Stellarum Fixarum ad oculum patet, vt taceamus quid alioquin propter Circulorum hinc inde distractionem in obseruando committi potuerit, Circuli enim in tali connexionē inter tractandum facile à plano auertuntur. A nostris Obseruationibus adhuc desistere non possumus, siquidem eas Mathematicus noster etiam correcto Quadrantis perpendiculo multoties non solum per Horologium, sed etiam præterlapso Ianuario aliquoties per Venerem, quā ad tui imitationem, vnā cum Sole interdiu obseruauit, iustas adinuenit. Mathematicum tamen nostrum ea de re serio compellauimus, qui nobis retulit, se tunc temporis per Veneris Stellam deprehendisse, motum Solis in Ephemeride tua nobis transmissa, circa octauum gradum aliquot Minutis tardiorē esse, quā in fine Ianuarij; Per Quadrantem etiam nostrum, Solis motum, non aliter inuenisse atque assumplisse, quā Ephemeris tua, (quā etiam in hunc annum debito modo extendit,) illum exhibet. Nihilominus tamen Venus nullum alium locum Stellarum Fixarum concedit. Existimat itaq; te Refractionibus nimium tribuere, Opinatur quoque, ex quo tempus per Armillas æquatorias indagare soleas; Refractio autem Solis in Circulo verticali, & non secundum Longitudinem Eclipticæ contingat, facile accidisse, vt tempus aliquantò breuius assumpseris, quod fieri nequeat, si id per Azimutha Solis indagetur. At quoniam tu idipsum circa æquinoctium Autumnale per Venerem Manè probasti, certò concludere

derere non potuit, qua in parte vitium lateat. Vt ut autem sit, nequimus à nostris Observationibus, quas non minori diligentia atque tu tuas, instituimus, discedere. Cumq; nunc multis annis Observationes tractauerimus, & Astronomiam lubentissimè per nos promoueremus, Idcirco Mathematico nostro clementer iniunximus huiusmodi Observationum omnium supputationem, earundemq; vnà cum Demonstrationibus & modis obseruandi publicationem, vt labor & sedulitas nostra cuique paterent. Propterea que etiam circiter 200. Stellæ calculo subduxit, & adhuc plures quàm ducentæ supputandæ restant. Faciet tamen huius minimæ & nullius momenti discrepantiæ inter nostra & tua nullam mentionem, nec tua in publicum sparget. Quæ nobis aliàs communicasti, pro dignitate commendabit, & tibi cum honorifica nominis mentione restituere non intermitteret. Atque dehinc tantò meliùs & diligentius in nostras Observationes inquirere poteris, Resque apud alios eò citius fidem merebitur, cum vterque apud suas Observationes maneat, & alter in alterius gratiam nihil mutet. Constituimus his absolutis nostra Instrumenta in alium modum denuò construi curare. Et vbi inuenerimus nos circa 5. illa Minuta aberasse, nos ipsos haud inuitè corrigemus; Licet hæc differentia tanti non sit momenti, vt magnopere de ea controuersia moueatur. Quin & ab Observationum peritis non magni æstimabitur. Hæc tuis respondere non intermittendum duximus, si quæ plura in ijs supersunt, ad ea noster tibi respondebit Mathematicus. Nosque erga te clementi benevolentia semper sumus affecti. Datum in Ciuitate & Arce nostra Cassel, die 11. Septembris, Anno 87.

VVILHELMVS HASSIÆ LANDTGRAVIVS.

NOBILISSIMO ET VIRTUTE SAPIENTIA INGENIOSA ERVDITAQUE DOCTRINA, CLARISSIMO VIRO, DOMINO TYCHONI BRAHE, DOMINO DE KNUDSTRVP, EQVITI DANO, Mathematicorum nostro Seculo omnium præstantissimo, &c. Domino suo cum obseruantia colendo, &c. S. P.

RESPONDISSEM IN SUPERIORIBVS NVNDINIS FRANCOFORDIANIS ad literas tuas, Vir Nobiliss. & Mathematicorum omnium præstantissime, nisi ea, de quibus in posteroribus Literis scribis, mihi fuissent impedimento; aut nisi in Aula vanissimis sæpè rebus tempus vanissimè esset transigendum. Verum moram illam maiori iam copia compensabo. De Cometa igitur vt primo


L

primo

primo loco adhuc paucis tecum agam, non leui tu quidem argumento asse-
 ris, consentaneum fuisse, vt Cometa aliquam, licet vix sensibilem, habuerit
 Parallaxin, cum Iupiter & Saturnus etiam Parallaxin habeant. Scio Hy-
 potheses Coperniceas id omnino flagitare. Verum quomocunque exa-
 minem meas Obseruationes, nullam tamen sensibilem inuenire possum.
 Potuissem eodem insensibilis Parallaxeos argumento vti ad confirmandam
 meam sententiam, qua ipsum Sphaera Saturni attribui; cum Saturni Paral-
 laxis nostros sensus facile effugiat, vixque tertiam Minuti partem attingat.
 Verum nolui incurrere in reprehensionem eorum, qui cum nihil de arte
 Mathematica intelligant, imperite tamen & temerarie plane clamitare non
 desinunt, nos absurdissima quaque asserere. Sed quoniam te mearum Ob-
 seruationum Aristarchum habeo, nihil posthac id genus hominum curabo,
 sed forti & praesenti animo ea in medium producam, quae & per Obseruatio-
 nes & per certissimas Geometriae demonstrationes vera inuenio. Quod au-
 tem miraris, quomodo tunc maximam Solis obliquitatem 23. Grad. 30 Min.
 assumerim, nec eandem tecum 23. Gr. 31½. M. ex Obseruationibus Illustriss.
 Principis nostri colligere potuerim: in eo facile veniam mereor. Vidi enim
 Obseruationes Illustrissimi Principis nostri praebere modò Altitudinem So-
 lis maximam Solstitialem 62. Grad. 10. Min. modò 62. Gr. 12. Min. etiam
 eodem Quadrante: Vnde facile patuit, minori cura eas fuisse institutas,
 quam magnitudo negotij postulabat. Præterea nondum mihi constabat vera
 nostri Poli Eleuatio, quam scis quantis laboribus tandem indagari. Assum-
 si igitur eam Obliquitatem, quam tunc temporis veritati quam proximè con-
 sentaneam esse coniciebam, licet exactam & præcisam ex Obseruationibus
 nescirem. Inuenta autem vera Poli nostri Eleuatione, facile animaduerti, af-
 signatam à te Zodiaci Obliquitatem ad Obseruationes Illustrissimi Principis
 nostri quam proximè accedere. Verum quod tunc temporis à te discere mihi
 necesse fuit, id iam ipse verissimum esse diligentissimis meis Obseruationi-
 bus adinueni. Inueni enim in proximo Solstitio æstiuo maximam Solis Altitu-
 dinem meridianam exactè 62. Gr. 11. M. diligentissimè. Vnde addita Paral-
 laxi Solis & assumpta vera nostra æquatoris Eleuatione part. 38. M. 41. tua
 Zodiaci Obliquitas resultat. In Solstitio hyemali datur hic maxima Solis alti-
 tudo meridianam part 15. M. 14. Verum tunc temporis Aer hic longè densior
 & vaporosior existit, quam alijs anni temporibus, Refractioque Solis circa
 Brumam longè maior est quam Sole circa medium m aut æ versante. Hæc
 de Cometa deque intermixta Zodiaci Obliquitate. Et quoniam video, te re-
 siduum scripti mei de Cometa desiderare, eius adhuc tria capita ad te mitto,
 ex quibus quæ mea sit de Cometis sententia, qualesque Hypotheses Astro-
 nomicas veras esse iudicem, facile intelliges. Egi de ijs rebus aliquo modo
 durius; quoniam duro ligno durus adhibendus est cuneus; nec hoc genus ho-
 minum

minum præ anteceptis authoritatib⁹ & præ stulta Artis Mathematicæ ignorantia à suis nugis ineptissimis facile discedit. Deest adhuc caput de significatione Cometarum, imprimis commendationi Astronomiæ destinatum; quod licet animo conceperim, propter alia tamen negotia ab Illustrissimo Principe nostro mihi demandata, calamo excipere non potui. Accedet tunc, cum scriptum illud ad incudem reuocauero. Nunc de materia Sphærarum cælestium paulò plenius tecum agam, Rectè tu quidem mecum statuis, materiam Sphærarum cælestium, non esse duram aut imperuiam, sed liquidam & subtilem, motuiq; Planetarum facile cedentem. At in eo dissentimus, quod tu propter Refractiones diuersa Ætheris & Aëris Diaphana statuis h. e. in Sphæris cælestibus non contineri Aërem Elementarem sed potius Æthera liquidissimum & subtilissimum ab Aëre Elementari diuersum. At argumentum Refractionis, quod pro te militare existimas, hanc tuam sententiam prorsus expugnat & euerit. Si enim Refractio illa, quam per Observationes inuenimus, est à diuerso Ætheris & Aëris Elementaris Diaphano: fieri non potest, quin duret vsq; ad verticem. Pone enim, circa Horizontem eam Refractionem esse vix trium Minutorum: Erit nihilominus in Altitudine 45. G. circiter $1\frac{1}{2}$ m. cum Triangulorum mutatio & ratio minorem vix admittant. Et si enim pro confirmatione tuæ sententiæ asseras, non adeò magnam esse Diaphanorum Ætheris & Aëris differentiam, sed quæ successiuè, vbi se inuicem contingunt, minuat ita, vt suprema Aëris portio, Lunæ Reuolutionibus contigua, ferè nihil differat ab ipso Æthere: Eo tamen ipso, quo asseris, Refractionem esse ob diuersa Ætheris & Aëris Diaphana prouenientè, eo inquam ipso concedis, Radios Solis aut Stellarum punctum sibi nihilominus in ea diuersorum Diaphanorū successiuā combinatione & assimilatione eligere, in quo refrangantur: idq; necessariò semper eandem à centro Terræ distantiam retinebit, propterea quod successiuā illa diuersorum Diaphanorum combinatio vbiq; æqualiter à Terra absit. Assumpto itaq; hoc Refractionis puncto vbiq; æqualiter à Terra distante, vide num Triangulorum rationes Refractionem illam in Altitudine 50. aut 60. Graduum euanescere permittant. Vides igitur Refractionum euanescentiam diuersa Ætheris & Aëris Diaphana concedere nullo modo posse. Quæ itaq; mea sit de Refractionibus his sententia, quoniam fortassis in Cometa non satis explicatè a me proposita est, explicatius iam tibi aperiam. Inter Terram, vt scis, & inter Sphæram Stellarum Fixarum nihil aliud contineri statuo quàm Aërem septem Errantia sidera ambientem, propterea quod Refractiones non durent vsq; ad verticem, sed vix, vt tu vis, vsq; ad 30. Gradus. Hunc Aërem deinde Natura ipsa me sic docente, distinguo in crassiores, & exhalationibus terrenis obnoxium, & in purum, qui exhalationibus istis non inficiatur. Huiusq; meæ distinctionis fundamentum sunt similiter Principia optica. Notum enim tibi est ex Alhazeno, ex Vitellione, ex Petro

Nonio de Crepusculis, atque etiam oculorum testimonio, esse certum Aëris spatium, quod à radijs Solaribus in Crepusculis illuminetur & albescat; esse item vltra illud spatium Aërem, qui à radijs Solaribus non possit illuminari & albescere; Aliàs enim essent perpetua Crepuscula. Necesse igitur est, vt Aër ille, qui etiam serenissimo Cælo in Crepusculis albescit, sit à terrenis exhalationibus infectus & crassior redditus; aliàs enim radij Solares illum illuminare non possent; ille verò, qui non albescit, sit purus & à terrenis vaporibus non infectus: Quanquàm non negauiro, etiam in purum illum Aërem exhalationes, præsertim puriores posse interdum ascendere. Nec tamen hunc Aërem crassum per se Refractionem causare posse inuenio, sed ob multiplicationem. Quanquàm enim spatium illud Aëris crassioris ferè Semidiametrũ Terræ à superficie Terræ attingat, vt ex dictis Opticis de Crepusculis manifestum est: Radios tamen Solis aut Stellarum vincere crassitiem hanc, nec ob identitatem Diaphanorum Solis aut Stellarum vincere crassitiem posse animaduerto; at circa Horizontem & in situ decliuiori ob duplicationem illius spatij posse. Assumamus enim melioris demonstrationis gratia, superficiem extremam Aëris crassioris distare à superficie Terræ per Semidiametrũ Terræ: denotetq; superficiem Terræ semicirculus B C D interuallo A B descriptus, & interuallo duplo describatur superficies extrema crassioris Aëris E F G. Describatur etiam extremus Circulus ex eodem centro, in quo feratur Stella aliqua, qui sit H I L, tanto interuallo, vt nullam ferè sensibilem proportionem habeat ad A C. Assumatur etiam Stella in æquatore fortè constituta, aut in alio loco, in quo ad Meridianũ perueniens habeat Altitudinem maiorem



part. 30: nullamq; amplius Refractionem sentiat Dico igitur, punctum in quo fit Refractio, longi⁹ à superficie extrema Aëris crassioris EFG distare, quàm distat extrema superficies Aëris crassioris à superficie Terræ, H E quàm est C F vel B E. Oriatur enim Stella in H. Illis igitur qui in B in simili loci Latitudine habitant, Stella erit in Meridiano, aut in tanta Altitudine constituta, vt nullam eius Refractionem sentire possint. Cùm igitur nos in C constituti Refractionem tunc maximam sentiamus, necesse est vt punctum Refractionis

tionis sit inter B & C puncta, ac etiā in longiore distantia ab E F G superficie, quā est E B. Aliās enim illi, qui in B habitarent, Refractionem similiter sentirent. Constat igitur quod propositum erat, nimirum spatium illud Aëris crassioris per se non esse tantum, ut frangere Radios possit, sed vim illam accipere à conduplicatione sua circa Horizontem. Quod ut adhuc magis pateat, ostendam nunc, quantum punctum Refractionis distet ab extrema superficie Aëris crassioris, H E quanto spatio radij Stellarum crassum illum Aërem irrefracti penetrrent: ad quam rem assumam, ut tu vis, Refractionem illam durare vsque ad tricesimum ab Horizonte gradum. Nec enim id, ut arbitraris, meam sententiam euertit. Cogitetur igitur, ut antea dixi, A C nullam ferè sensibilem proportionem, quæ turbare præsens negotium possit, habere ad A H, ita ut cum connectantur H C puncta, angulis F C H perinde ferè rectus sit ac si esset angulus C A H: quomodo Instrumentis in obseruando tanquam in centro mundi uti in Stellis fixis solemus. Iam abscindatur arcus H K, qui sit $r. 30;$ & connectantur puncta K & C per rectā, quæ secet superficiem extremam Aëris crassioris in O puncto: ponaturq; similiter obseruator in S, cui K punctum distet ab Horizonte $29. gr.$ Quoniam igitur is, qui in C, nullam amplius inuenit Refractionem, ex Hypothesi: necesse est, ut nullum etiam Refractionis punctum sit inter K & C. At is, qui in S, sentit adhuc Refractionem puncti K, cum ei K sit in Altitudine $29. graduum$, itidem ex Hypothesi. Cum igitur punctum Refractionis ei, qui in C, iam iam desierit; ei verò, qui in S, adhuc appareat; necesse est ut illud sit in vertice C. Quare manifestum est, lineam O C determinare quā proximè spatium, quo punctum Refractionis distat ab extrema superficie Aëris crassioris, & quā longè Radij crassum illum Aërem absque Refractione penetrare possunt. Dum igitur Stella est in Horizonte in puncto H, erit punctum Refractionis in N: dum in Q, erit punctum illud in R: semperq; magis ac magis ad C accedet: ut ita in Horizonte à C puncto omnium longissimè absit. Ex quo per 14. r. lib. 10. Vitellionis tanquam $\pi\acute{o}\tau\iota\sigma\mu\alpha$ sequitur illud, quod in Obseruationibus verum reperitur: nimirum Refractiones circa Horizontem esse omnium maximas, posteaque semper magis ac magis diminui, donec puncto Refractionis in C constituto prorsus euenescant. Quanquam id etiam esse possit à diuersa Aëris crassitie. Quod enim Aër propius ad Terram accedit, eò crassior & densior à perpetuis fumis & vaporibus redditur. Ex quibus omnibus manifestissimum, nec diuersa ætheris & Aëris Diaphana esse, nec Refractiones aliunde, quā à crasso & vaporoso Aëre causari posse. Quin hoc ipsum, si nihil aliud, certè diuersæ in diuersis locis Refractiones ostenderent. Verissimum enim est, hîc non tantas esse Refractiones, quantæ sunt apud vos. Cum enim tu inueneris Stellarum Fixarum Refractionem in Altitudine $18. grad.$ esse apud vos duorum Minutorum: ipse ex Stellis Vrsæ Ma-

ioris & alijs in eadem Altitudine eam hîc non maiorem inuenio quàm vnus Minuti, adeò vt in Altitudine 23. Grad. vix quarta Minuti pars refrangatur. Solem quoq; Caelo clarissimo & Radio forti inueni in Altitudine trium Graduum, cum abesset à visibili Horizonte nondum vnico Gradu, habere Refractionem vix $9\frac{1}{2}$. Minutorum, seu addita Parallaxi, Minutorum $12\frac{1}{2}$: quam tamen tu 28. Minutorum inuenisti. Quanquàm Refractiones Solis pro diuersa Aëris constitutione manifestè mutantur, adeò vt in Bruma, vbi Aër hîc nunquàm fuliginibus & densa caligine caret, eam in Altitudine 15. Grad. reperim 7. Minutorum, habita scilicet Parallaxeos ratione. Vnde rectè tu asseris, omninò serenum & purum Aërem ad negotium Refractionum ritè tractandum requiri. Vides igitur manifestè, Refractiones eas non aliunde nisi ab Aëre crasso & denso esse, veramque esse Veterum sententiam, qua dixere, Aërem in locis Borealioribus esse densiorem & crassiores, quàm in Australioribus. An verò extrema crassi Aëris superficies in locis Borealioribus longius à Terra absit, quàm in Australioribus; valdè vereor. De quo enim Nonius parte 2. p. 1. de Crepusculis dubitare videtur, nimirum Crepusculum terminari in alijs locis Sole 17. Grad. sub Horizonte latente, in alijs part. 18. in alijs part. 19: de eo mihi dubitandum non videtur, praesertim cum idem quoque Ptolemæus in fine lib. 8. *μεγαλ. συντάξ.* asserat. Sed nostrum est, vt momenta temporum, quàmprimum Aër albescere vesperi desinit aut manè incipiat, diligenter notemus, atque ex nostrarum Obseruationum collatione li- tem hanc dirimamus. Hæc de arduo hoc & sublimi negotio paulò copiosius ad te perferre volui: atque vt ea diligenter examines, deque ijs mecum conferre ne desinas, à te etiam atque etiam vehementissimè peto. Nunc ad alia. De Latitudinibus Stellarum secundum mutationem Obliquitatis Zodiaci proportionaliter mutatis, eruditissimè differis. Nec enim alia via procedi dextrè in eius rei confirmatione potuit, quàm qua tu processisti: Propterea quòd loca Stellarum Fixarum admodum perperam in Tabulis posita sint, & vt autumo, nunquam à Ptolemæo obseruata, sed tantum ex Hipparcho transcripta. Apparet ex multis locis Almagesti, & præcipuè ex adducto cap. 3. lib. 7. Ptolemæum minùs curiose & nimis oscitanter negotium Stellarum Fixarum tractasse. Dum Vitebergæ adhuc versarer, memini me simili modo examinare loca Stellarum in Canone Ptolemaico posita, cumq; assumerem Longitudinem & Declinationem Reguli, prout à Ptolemæo traduntur, prodijt Latitudo Reguli $6\frac{1}{2}$. Min. non Borea, vt in Canone annotatur, sed Australis. Hæc cum manifestè contraria sint, nec ab vilo possint conciliari: necesse est, vt vnum eorum sit falsum. At cum Regulus sit vnica Stella, cuius Obseruationem Ptolemæus recitet, nec nostræ Obseruationes Longitudinem & Latitudinem à Ptolemæo inuentas, admodum respuant: necessariò Declinatio adducta erit falsissima. Sed cum Declinationis Ptolemaicæ

maicæ decrementum videatur nihilominus respondere decremento Declinationum Timocharidos & Hipparchi, ita ut à Timochare usque ad Hipparchum Declinatio decreuerit *m.* 40. ab Hipparcho ad Ptolemaum *m.* 50: oportebat enim ratione temporis decrementum in secundo interuallo esse maius decremento primi interualli: manifestum inde est, Ptolemaum nunquam Declinationes Stellarum Fixarum obseruasse, sed tantum ex Declinationibus Timocharidis & Hipparchi secundum proportionem temporis finxisse, præsertim cum ut plurimum falsæ, nec progressui Stellarum ritè respondere inueniantur, ut ipse calculo tuo reperisti. Nec sanè video, quo Instrumento eas obseruari. Instrumentum enim parallaticum ad Lunam tantum comparatum erat, nec foramina visoriorum erant æqualia, sed superius ad Lunam erat maius, ita ut per id tota Luna perspici posset; inferius autem erat minus. Armillis quoque eas non obseruauit; siquidem Declinatio eius puncti Eclipticæ, in quo tunc hæsit Regulus, maior erat ipsius Reguli Declinatione à Ptolemæo tradita. Nihil igitur nostræ sententiæ de mutata Stellarum Latitudine detrudere potest Latitudo Ptolemaica Sirij, quæ, cum nostra hæc maior esse debebat, minor tamen reperiatur. Licet enim Declinationes Timocharidis, Hipparchi, & ipsius etiam Ptolemæi quodammodo subscribant Latitudini in Abaco Ptolemaico positæ: nihil tamen ijs ob dictas causas tribuendum est. Hoc enim potius casu quam obseruatione & arte accidit. Cum Græcum textum considero, vereor ne vitiosum Hipparchi exemplar ipsi Ptolemæo obrepserit. Potuit enim Declinatio à Timocharide tradita esse *15. 57.* hoc est part. 16. *m.* 50; ab Hipparcho *15. 5.* hoc est part. 16. *m.* 30; ac incuria transcribentium, qui putarunt *55.* frustra geminatum, *5.* potuit omitti: ad quas vitiosas Declinationes Ptolemaus deinde etiam suam fortassis direxit. Latitudo quoque Sirij in Abaco Ptolemaico posita facile transcribentium incuria vitari potuit; cum idem acciderit non tantum in propè posita Lucida Hydræ (cuius Latitudo hoc nostro seculo duobus penè Gradibus maior Ptolemaica reperitur, cum tamen debebat esse minor) verum etiam in multis alijs, quarum Latitudo valdè insigniter vitiosa deprehenditur. Sed quid de hac vnica Stella multa verba facimus, cum huius vnus votum vota reliquarum omnium facile supprimant. Monenda est posteritas, ut posthac hanc rem diligentius tractet. Ac de his fortasse plus quam sat erat. In deliquio Lunari Anni 1584. non iustam esse diligentiam & præcisionem à Vittichio adhibitam, rectè asseris. Assumsit enim is locum Solis longè aliter quam per Obseruationes debuit; Dextri item humeri Orionis, per quem tempus indagauit, & Declinationem & Ascensionem rectam vitiosam. Quod cum viderem, non immeritò de negligentia ipsius in prioribus literis sum conquestus. Sed ut ipse videas, qua diligentia & perspicacitate usus fuerit, totam Obseruationis annotationem, ut eam reliquit, iam subiiciam, estq; ea eiusmodi.

Anno

Anno Christi 1584. D. 7. Nouembris obseruatum est Cassellis plenilunium
Eclipticum, cuius incidit Tempus.

Primæ obscurationis in H. 11. M. 20. P. M.	} Correcto utroque Horologio per Azimutha Dextri Humeri Orionis.
Totalis obscurationis in H. 12. M. 20.	
Primæ emersionis in H. 13. M. 45.	
Totalis emersionis in H. 14. M. 45.	

Sole per part. $25\frac{1}{2}$. in gradiente, ex Obseruatione præcedente.

Hinc media obscuratio H. 13. M. 3. Luna in P. 25. M. 30. & cum Latitudi-
ne P. 0. M. 10. Merid.

Mora in tenebris Horarum 2. M. 25.

Integra duratio Horarum 3. M. 25.

Dextri Humeri Orionis Ascensio recta P. 83. M. 31. Declinatio P. 7. M. 9.

Ex Obseruationibus Anni 1584.

Ex his vides, quàm temerè affirmârît, se assumisse & locum Solis & Ascensionem rectam Dextri Humeri Orionis, Declinationemque ex Obseruationibus: cùm nihil horum per Obseruationes verum reperiatur. Sed nolo in demortuum plura dicere. Si assumeris tuum locum Solis, & veram Dextri Humeri Orionis Ascensionem rectam, veramque Declinationem, prout nostris Obseruationibus inueniuntur; videbis annotata hîc temporum momenta propius ad tua accedere. Eclipsin huius mensis ob pluuias, quæ à 6. Septemb. quatuor integros dies continuè hîc durârunt, obseruare non potui, quanquam me diligenrer præparâssem. Admodum inconstans & pluuiosum Cælum hoc Anno hîc Cassellis fuit, adeò vt paucas admodum Obseruationes instituere potuerim: Percuperem scire, an idem etiam in alijs locis fuisset. Planetas obseruare Illustrissimus Princeps mihi non permittit, cuius mandato tantum Stellaras Fixas obseruare, indeque vera earum loca Calculo indagare cogor. Vult enim ipsius Celsitudo, vt Obseruationes nostras publicas faciam, quotidieque calculum earum vrget. Vult posteritati monumentum sui erga Astronomiam amoris relinquere: cui clementi voluntati mihi parendum est. Cedet opus hoc maximè in tuam laudem, nec sis sollicitus de Instrumentis. Ea enim cum honorifica tui nominis prædicatione tibi restituiam, nec prætergrediar reliqua, de quibus ad nos perscripsisti. Assumsi pro fundamento, vt superioribus quoque literis significauî, Aldeboræ Ascensionem rectam part. 63. M. 10. quam etiam hoc ipso Anno per Venerem diurnam veram inueni. Quod autem ob id quinq; Minutis in Longitudine ubiq; ferè differamus à tuis Obseruationibus, neminem, qui modò subtilitatem huius negotij intelligit, offendet: quin potius eo maiorem fidem apud posteritatem merebimur. Potest Veneris Diameter hanc differentiam introducere. Nihil tamen de hac in Opere nostro agam, vt tibi integra potestas relinquatur, diligenter

diligentiùs & pluribus Obseruationibus hanc rem examinandi. Nec te offendet, quòd licet videamus, te omni humana diligentia in tuis Obseruationibus vsum, nihilominus tamen à nostris, quas oculis nostris vidimus, non discendumus: Nec enim id veritatis amantes decet: nec nosmet alienis plumis ornare volumus. Obseruationes tuas huc transmissas diligentissimè custodimus, nec alijs inspiciendas præbemus: nec publicationem earum metues. Tibi regnum, tibi restaurationem Astronomiæ relinquimus; ac gaudemus, esse, qui ea in re præstare possit id, quod antehac præstitit nemo. Quod si possum tibi quocunq; modo esse adiumento, in eo omne meum studium, diligentiam, industriam, fidem sanctè tibi polliceor ac defero. Motum Solis à te huc transmissum inuenio exactissimè cum nostris Obseruationibus congruere; præterquàm circa primos Gradus \approx , vbi eum aliquantulum iustò tardior per Venerem reperi: quod tamen ipsum te quoque animaduertisse in prioribus literis arguis. Accepi in superioribus Nundinis Francofortensibus à M. IOANNE AALBORG Carmina quædam à te ad Nobilissimos quosque viros perscripta: quæ cum auidissimè perlegerem, incidi tandem in id, quod ad D. FALCHONEM GOYE miseras, atque ab altera paginæ parte inueni binas imagines, alteram Astronomiæ, alteram eius Artis, quam Spagyricam appellas. Quas cum diligenter intuebar, animaduerti ab utroque earum latere literas quasdam, circa Astronomiam quidem, SVSPICIENDO DESPICIO: circa reliquam verò, DESPICIENDO SVSPICIO. Diu hæc cum admiratione etiam atque etiam considerans, cogitavi tandem Hieroglyphica esse, teque ijs fortè annuere, Artem Spagyricam continere totius Naturæ & Mundi contemplationem, & perinde, ac Astronomia, suos habere Planetas, ac quæ Natura agit per Sidera cælestia, ea agere simili efficacia per sua Sidera. Hoc si ita est, perquàm scire cupio, quid in Arte Spagyrica appelletis Solem, quid Lunam, quid Saturnum, Iouem, Martem, Venerem, Mercurium, quid Elementa. Video abstrusissimam esse Artem, Rerumq; Naturam vix sine ea dextrè intelligi posse; simileque quid tenuisse Sacerdotes ægyptiacos. Quo si à te obtinere possem, vt de eo me redderes certior, aliaque huc pertinentia adjiceres, & qui Auctores de hac Arte legendi: gratius mihi accidere nihilominò posset. Quod me tam humaniter inuitas, vt te inuisere non intermittam, gratias tibi quas possum ago. Haud ita dudum aiebat Illustrissimus Princeps noster, sibi placere, vt nostras Stellarum Fixarum Obseruationes dedicarem Serenissimo Daniæ Regi. Si in ea sententia perseverauerit, poterò hac occasione ad te venire: sin minùs, conscripsi Vitebergæ non sine multis vigilijs Organon Mathematicum, quod continet Logisticam Sexagenariam, Doctrinam sinuum, Doctrinam de Compositione rationum seu de Regula sex quantitatum, & Doctrinam Triangulorum tam Sphæricorum quàm Planorum, per-

M

spiciend

spiciuē & breuiter multis & ingeniosis compendijs refertum, mihiq; charissimum: id Regi vestro Serenissimo dedicabo, ne mihi occasio ad te veniendi desit. Conscripsi ibidem etiam Astronomiam, in qua Hypotheses Copernici traduxi ad mobilitatem Solis (quod fieri posse non ignoras) singulaque Theoricarum Schemata calculo Prutenico declarauī. Verū cū per Observationes inuenerim, Tabulas Prutenicas valdē insigniter à veritate Cæli abesse; publicationem eius huc vsque distuli, ne vitiosum calculum pro vero discipulis viderer commendare. Si igitur tibi placeret, sique Canones tuos Astronomicos in Lucem emitteres; Loco calculi Prutenici tuum substituerem, vt tuus calculus discipulis redderetur familiaris. Mira breuitate per leges Logicas dissectis Heterogeneis multo plura in eam conieci, quàm continent vulgares Sphærici & Theorici libelli. Impulsus sum ad eam acerbissimo dolore, quod non sine summa indignatione viderem, in Academicis, vbi in primis florere debebant hæc studia, nihil ferē de hac Arte intelligi: Calculum quidem Prutenicum in omnium esse manibus, at tantū secundum mera Prutenica præcepta tractari, nec inueniri, qui Hypotheses eius intelligant, ne quidem inter eos, qui Astronomiam profiteantur ac se summos Mathematicos putent. Motum præcessionis æquinoctiorum & mutatæ Obliquitatis Zodiaci, cuius Hypotheses neminem adhuc vidi dextrè intelligere, nec te multos vidisse arbitror; summa facilitate & perspicuitate tractauī: qui tamen aliter tractandus iam est, cū Stellæ suas mutassent Latitudines inueniantur. De diebus quoq; tam artificialibus quàm naturalibus, deq; temporis æquatione ex ipso fundamento non vulgaria proposui. Orbes illos reales & tot axes, obscurantes potiùs Astronomiam quàm explicantes, prorsus sustuli. In Theorica Solis & Lunæ vnā & eandem Circulorum suppositionem assumsi, nimirum Eccentricum, cuius centrum in circello supra centrum Mundi in linea Apogæi medijs, & quidē in centro mediæ Eccentricitatis consistente sit mobile: præterquam quod in Sole anomalia simplex in summa circelli parte incipiat, in Luna verò duplata à Sole distantia incipiat contrario modo ab ima circelli parte. Omnino spero discipulos summum inde fructum capere posse. Scriptum meum de Cometa accipiet nobilissimus ille & magnificentissimus Vir, Kaasius tuus, Cancellarius vester dignissimus, qui mihi ex carmine tuo innotuit. Quem enim alium potiùs celebraret Vrania, quàm patronum suum? Amo ea, qua debeo, reuerentia summas summi huius Viri virtutes. Quod in literis ad Illustrissimum Principem nostrum perscriptis existimas, omnes Cometas in ipso Cælo supra Lunam generari, nullumque eorum vnquam Elementarem extitisse; facile tibi concederem, nisi obstarent Observationes Regiomontani & Vogelini. Quanquā enim rectè asseras, longè subtilioris Artificij esse Parallaxes ritè obseruandi, quàm hactenus communiter vsitata ratio suppeditare potuerit: tamen velocitas motus eas

Paral-

Parallaxes non videtur respuere. Nec sanè video, cur non etiam infra Lunam generari possint, cùm Elementum Aëris ubique contineatur, planèque ad replendum omnia præcipuè conditum videatur, vt per præcedentia constat: Quid de magnis illis Cometis, qui tanta Cæli spatia occupârunt, dicemus? Sed tamen non dubito, quin non contemnendas habeas causas, cur ita statuas. Quæ mea sit sententia, ex adiectis tribus capitibus videbis. In capite vltimo reieci motum violentum diurnum. Omnino Terræ eum tribuendum inuenio. Hæc ad te hoc tempore perscribere volui, ad quæ vt respondeas, te etiam atque etiam oro. His Vale feliciter, nobilissime & ingeniosissime TYCHO, meque tui amantissimum esse omnino tibi persuade. Cassellis II. Calend. Octob. Anno Salutis M. D. LXXXVII.

T. T.

CHRISTOPHORVS ROTHMANNVS,
Illustrissimi Principis VVILHELMII
LANDTGRAVII HASSIÆ, &c.
Mathematicus.


NOBILISSIMO ET VIRTUTE SAPIENTIA IN-
GENIOSA ERVDIRAQUE DOCTRINA, CLARISSIMO VIRO,
DOMINO TYCHONI BRAHE, DOMINO DE KNUDSTRUP, EQUI-
TIDANO, Mathematicorum nostro Seculo omnium
præstantissimo, &c. Domino suo cum
obseruantia colendo, &c.

S. P.

PROXIMIS LITERIS, VIR NOBILISSIME AC EXCEL-
lentissime, memoria lapsus scripsi ad te; extremam superficiem
Aëris crassioris ex Demonstratione Opticorum distare à super-
ficie Terræ per Semidiametrum Terræ. Verum dum (de ab-
surditate fortè fortuna cogitans, quòd nimirum eo præsupposito sequerentur
perpetua Crepuscula,) ipsos Authores consulo, inuenio me ea, quæ
ante aliquot Annos in ijs legeram, non ritè meminisse; nec integrum il-
lud, quod putavi, esse Semidiametrum Terræ, sed sexagesimam nondum
Semidiametri Terreni partem. Quapropter peto à te, vt quæ præcipiti
festinatione in Literis meis effutij potius quàm scripsi. ea velis emenda-
re, ac pro Semidiametro Terreno sexagesimam ferè Semidiametri Terreni
partem,

M 2

partem, ac pro duplicatione crassioris Aëris multiplicationem vbique in ea demonstratione ponere. Ita enim omnia constabunt, ac demonstratio mea hac ratione à fortiori confirmabitur. Schema quoque aliter in hunc modum formandum est. Scis enim lineas EAG & HCL ex centro & superficie Terræ ob immensitatem Cæli videri parallelas, vel potiùs vnâ & eandem. Iam facile habes, quanta sit densitas crassioris Aëris circa Horizontem, quanta in Altitudine 30. Graduum. Connecte enim puncta XA & AO, centrum nimirum Terræ cum punctis intersectionum extremæ superficiei crassioris Aëris in Horizonte & in Altitudine 30. Graduum. Iam igitur in Triangulo ACX, quoniam dantur duo latera, latus nimirum AX Partium 60. Min. 48. Secund. 50. & latus AC Partium 60. exactè, ex dictorum Opticorum demonstrationibus, & angulus ACX rectus per Hypothesin: datur itaque & tertium CX latus, densitas nimirum Aëris crassioris, per quam circa Horizontem formæ Stellarum ad nostrum visum perveniunt. Sic & in Altitudine 30. Graduum, quoniam in Triangulo ACO itidem dantur duo latera AO & AC, cum angulo ACO, qui per Hypothesin ultra rectum datur 30. Grad. hoc est, Graduum 120; datur igitur & tertium CO latus, distantia nimirum extremæ superficiei Aëris crassioris in Altitudine 30. Graduum. Ita vides, hoc vnico argumento, quòd nimirum Refractiones non durent vsque ad verticem, firmissimè demonstrari, non esse diuersa Aetheris & Aëris Diaphana. Nec enim ipsi Optici negare possunt, quin præsupposito diuerso Aetheris & Aëris Diaphano necessarium sit, vt Refractio duret vsque ad verticem, vt ex Alhazeno lib. 7. & Vitellione lib. 10. P. 51. manifestum est. Ea quoque, quæ Vitellio lib. 10. P. 55. de scintillatione Stellarum proposuit, si vera essent, pro me facerent. Si enim scintillatio Stellarum fieret propter diuarcationem formæ in loco imaginis, sequeretur inde, formam illam non alibi quàm in crassiore Aëre consistere posse. Nam Ventus vsque ad concavam superficiem Sphæræ Lunaræ non ascendit, nec admodum, vt opinor, ultra crassiozem illum Aërem. Vix enim in puro illo Aëre Ventus existere poterit. Hæc ad te hac vice perscribere volui, ne fortè putares, (quod tamen vix mihi credendum erat,) demonstrationem meam eo infirmari, quòd spatium illud crassioris Aëris iusto maius assumferim. Memorix lapsus esse, facile animaduertes: nec tantum temporis tunc mihi sumere




sumere porui, vt ipsos Autores consulerem. Vale igitur felicissimè & optimè, nobilissime & excellentissime Tycho, & de hoc sublimi negotio mecum conferre ne desine, Cassellis 14. Calend. Nouemb. Anno 87.

T. T.

CHRISTOPHORVS ROTHMANNVS.

ILLVSTRISSIMO PRINCIPI AC DOMINO
D. VVILHELMO HASSIAE LANDTGRAVIO, COMITI
IN CATZENELLEBOGEN, DIETZ, ZIEGENHAIN
ET NIDDA: Principi ac Domino suo
Clementissimo
S. P.

 VOD TARDIVS TAM TVÆ CELSITVDINIS EXPECTATIONE, quàm mea ipsius voluntate ad literas quas circa Autumna-
le æquinoctium antecedentis anni, Tua Celsitudo clementer ad
me dedit, nunc respondeam, Illustriss. Generosissimeq; Princeps,
occasionem præbuerunt occupationes variæ & impedimenta quædam, quæ
circa Veris initium inciderunt, effeceruntq; quò minùs per eos, qui ad proxime
præteritas vernaes Nundinas hinc profecti sunt, has ipsas quas tunc adorna-
ràm Tuæ Celsitud. transmittendas curare licuerit: accessit & hoc quòd in
Martio & Aprili plures in Venere interdiu apparente, & Occidentali à So-
le, animaduersiones obtinere sperabam, vt eas cum prioribus matutinis, præ-
sertim antecedente Anno in Augusto habitis, plenius conferrem, & quino-
rum istorum Scrupulorum, de quibus in Longitudinibus Fixarum constitu-
endis inter nos controuersia est, dijudicationem ratam & vberiore explorationem
instituerem, quod etiam aliquoties diligenter à me præstitum est,
veluti postea T. Cels. quid hinc eruerim adinuenerimq; plenius exponam.
Submissè itaq; tuam Celsitud. rogatam habeo, vt hanc in rescribendo dila-
tionem, præsertim cum iam cum fanore refarciatur, candidè & clementer
excusatam habere dignetur. Scripsi etiam interea Tuæ Cels. Mathematico,
eiq; moræ huius rationes, T. Cels. referendas exposui. Ne itaq; diutius id
quod hæcenus intermissum est differatur, nunc ijs, quæ Celsitud. Tuæ ad me
missæ literæ continebant, ordine respondebo. Obseruationes meas T. Cels.
communicatas perplacuisse, exactamq; illam congruentiam inter Declina-
tiones, & distantias Affixarum Stellarum Tuæ Cels. Instrumentis & meis in-
uestigatas, summam peperisse admirationem, ex ipso frontispicio T. Celsitud.
literarum non sine voluptate percepi. Et sanè, tam exquisita ratio Sidera
M 3 scrutan-

scrutandi, vt in diuersis locis Obseruationes acceptæ tam præcisè consentiant, hætenus insolita prorsusque inaudita mansit; vt rectissimè etiam Tua Celsitudo suam de his sententiam pronunciat. Atque hinc liquidò patet, Instrumenta nostra, quibus Altitudines & Distantiæ Stellarum capiuntur, vtrinque adamussim rectè se habere, adeoque perfectè elaborata esse, vt nulli sensibili vitio sint obnoxia, præsertim postquam perpendiculi deuiatio illa minutula in Tuæ Celsitudinis Quadrante per Mathematicum est redintegrata. Plurimum itaque Astronomiæ instaurationi congratulor, quòd ratio illa Pinnacidiorum & Diuisionis, structuræque exactæ Instrumentorum, quibus Siderum loca in ipso Scrupulo, adeoque eius aliquota parte, cælitus inuestigare licet, (quod tam veteribus quàm modernis Astronomis hætenus insolens visum est) qua ego aliquot ab hinc Annis, non vti spero, sine fructu vsus sum, Tuæ etiam Celsitud. innotuerit, quòdque à Tua Celsitud. approbata in praxin Astronomicam, magno huius laudatissimæ scientiæ emolumento & successu, deducatur; sine qua sanè in Instrumentorum fabrica & Diuisione, ac Dioptrarum applicatione, inter nos conformitate, ad tam exactam Obseruationum conuenientiam, in qua etiam nihil ab ipsius cælestibus apparentijs aberrationis lateat, perueniendi omnis aliàs præclusa fuisset via. Quòd autem nihilominus in Stellarum Longitudinibus quinis proximè Minutis differamus, quibus meæ anteriores inueniuntur, suam apud eos, qui huius subtilis inquisitionis perplexos labyrinthos satis habent perspectos excusatione facile meretur. Ideoque rectè Tua Celsit. asserit, hanc discrepantiam non adeò admiratione dignam; siquidem veteres illi Astronomiæ Principes, vix in sexta parte Gradus, veritatem in his assequuti sunt, neque etiam ad maiorem præcisionem, tanquam id minùs foret possibile arbitrantes, aspirare tentarunt; quòd tamen non tam ob Instrumentorum paruitatem, & Armillarum variam hinc inde inter obseruandum distractionem, illis euenisse iudico, quàm quòd per foramina dioptrica saltem Stellas obseruare didicerant; vbi nisi id quod in remotiori ab oculo Tabella constituitur, maiusculum fuerit; Stellæ etiam clariiores ægerrimè conspiciuntur; & si hoc detur, ob foraminis magnitudinem, quæ aliquotam Diuisionis Graduum partem occupat, in pauculis scrupulis, obseruatio exquisita constare minimè poterit. Armillas verò Astrolabicas eorum iustæ fuisse magnitudinis, inde satis liquet, quòd Hipparchus & Ptolemæus etiam æquinoctiales ingressus per easprehenderint; & ipsemet Ptolemæus quasdam Armillas Alexandriæ constitutas, quæ nimium magnæ erant, tanquam minùs idoneas reijcere videtur. Possunt tamen adhibita peculiari diligentia, Armillæ etiam maiusculæ ita affabrè componi, vt inter obseruandum, per suam Reuolutionem, aut circulorum disunctionem, nihil vitiositatis insinuent; quamuis non exigua in his requiratur circumspectio, quam præcipua ex parte veteres etiam adhibuisse non dubito. Equidem & ego per Ar-

millas

millas Siderum, loca satis commodè & præcisè obseruari, multoties experior. In quaternis enim meis machinis Armillaribus, partim æquinoctialibus, partim Zodiacalibus; quæ tantæ sunt magnitudinis, vt singula Minuta iuxta diuisionem nobis vsitatâ, discriminatim exhibeant (quas tamen aptiori compendio, quàm à veteribus factitatum est, construxi) quacunq; earum vti libuerit, verus Stellæ locus in ipso Minuto exhibetur, prorsus cum eo congruens, qui vel per distantias beneficio Sextantum, vel etiam per Azimutales Quadrantes peculiari solertia reuolutos, ingeritur; præsertim si par vtrobiq; inter obseruandum adhibeatur sedulitas. Alias enim nihil diuersimodè fabrefactis Organis tribuerem, nisi in eundem prorsus veritatis scopum consentirent; Atq; eam etiam ob causam, copiam & varietatem in eorum structura hætenus expetiui, vt non vno modo sed multifariam obseruando, enucleator certitudo, expeditius citra omne dubium comprobetur. In his verò omnibus, quia per Rimulas illas Parallelas, Stellas collineandi, à me aliquot ab hinc annis excogitatam rationem adhibeo, multò promptius, & scrupulosius, ipsarum exquisita loca, quàm veteribus per foramina Tabularum adeò errori, vti dixi, obnoxia, obseruationi indubitata patefcunt. Per has itaq; varias machinas, omni possibili subtilitate, & perfectione affabrè elaboratas, Stellarum Longitudines multiformiter conquisiui, & non vni alicui Instrumento confusus, sed diuersis rem omnem variè examinando, & magna circumspectione singula trutinando, hoc tantum negotiū administraui; idq; non saltem à Solis loco ad amussim prius correcto mediante Luna, vt veteres tentârunt, sed etiam intercedente Veneris Stella multoties à me exploratum est; vt ob id nihil prorsus dubitem, Longitudines à me constitutas omni sensibili carere vitio, & ad tantam præcisionem esse deductas, quantam vilius hominis diligentia & oculorum acies comprehendere poterit. Neq; tamen propterea T. C. obseruationes improbandas iudico, sed multò potius admiror, quòd vel ad eam amussim, & cū nostris admodum propinquam concordantiam, accesserint; præsertim in ea, quæ per Altitudines & transitus Meridianos, cum temporis annotatione adhibita est, Obseruationis praxi, quam sanè maxima diligentia administratam liquet, cum aliàs non paucis difficultatibus, & anfractibus sit exposita. Quòd itaq; T. Celf. à suis inuentis discedere nolit, ob sedulitatem non mediocrem in Obseruationibus adhibitam, rationes proculdubio habet non contemnendas, quibus ego etiam refragari nolo; neq; enim differentia inter nos adeò magna est, vt Astronomicæ certitudini sensibilibiter officiat. Verùm quia Celsitudo Tua existimat suas in Longitudinibus constitutiones ideò tam ratas exactasq; esse, vt ab ijs discedere nequeat, quòd non solum post correctum Quadrantis perpendicularum, per transitus Azimuthales beneficio exquisiti Horologij adinuentæ sint, sed etiam per Veneris Stellam, in Ianuario præcedentis anni aliquoties modo etiam mihi vsitato, diligenter explorata, comprobataq; de his

de his T. Celsi. meam sententiam si paulò liberiùs indicâro, id Tuam Celsi. clementi & benigno animo accepturam non diffido. Quantum ad priorem, per Altitudines & Azimutha, cum tempore Obseruationis simul dato, loca Stellarum obseruandi rationem attinet, licet ea post emendatum Quadrantis perpendiculum, earum Longitudines in eundem prorsus situm, quo antea, reponat, non tamen ob id omnem hæsitandi ansam sublatam existimo. Significaui verò T. Celsi. in vltimis meis literis, quas ob causas, hæc Siderum positus scrutandi via, mihi non satis tuta videatur. Siquidem quacunq; diligentia Quadrans ordinetur, & quàm affabrè Horologia elaborata sint; tamen illic vbi vel minimè putatur, error aliquis sese furtim ingerit, qui faciliè paucorum Scrupulorum præcisionem impediât, siue quòd Horologium singula temporum momenta non perpetuò æquali tenore indicet, siue quòd in ipso Quadrante, quò ad planum eius, non omni ex parte plano verticalium circularum correspondente, aliquid minutuli lateat vitij, siue etiam quacunq; alia non facile visui obuia de causa, id ipsum contingat. Si tamen Tua Celsitud. huic modo, Sidera obseruandi nullatenus diffidit, fiat saltem iuxta vtrunq; æquinoctium, denuò huius rei periculum quàm diligentissimè, ita, vt vtrobique locus Solis per Meridianam Altitudinem diligenter emendatus, vel etiam è nostra restitutione in motu eius depromptus, adhibeatur; adsit etiam in hac praxi Horologiorum exquisitissimorum aliqua varietas, & copia, vtq; inuicem, in Minutorum minimis particulis exactè correspondeant procuretur, quod si tunc (non semel sed aliquoties rem omnem reiterando) Stellarum loca, vtrinq; & viceversa examinando, in idem Minutum (adhibita intercapedinis earum ratione, siquidem diuersis Stellis hic vti oportebit) reciderint, tunc loca earum hac Methodo satis scrupulosè adinuenta, faciliùs concesserim. Verùm quacunq; sedulitate & præcautione tractetur hæc Sidera obseruandi ratio, lubrica nihilominùs, & ad deuiandum, in pauculis præsertim Scrupulis admodum prona mihi censetur. Alteram autem, qua per Veneris Stellam Tuæ Celsi. Mathematicus idem aggressus est, ratiocinationem multò potiùs huic præferrem, eò quòd ad veritatis penitiorem trami-tem tutiùs ducat. Quod tamen per hanc ipsam, in Ianuario præcedentis Anni, easdem Stellarum Longitudines, quas priùs & à meis adhuc quinque Scrupulis dissidentes, adinuenit, nondum satis confirmat, nihil prorsus in vestris Longitudinibus abundare, easq; omnimodè absolutas esse. Nam per Solem & Venerem, quò ad inquisitionem Longitudinis Affixarum Stellarum, debita limitatio tunc temporis fieri nequaquam poterat, eò quòd Sol nimium esset decliuus, ob magnam Declinationem Meridionalem, & ipsa Venus etiam circa æquatorem, non admodum sublimis ferebatur: adeò vt post Occasum Solis, quamprimùm Stellæ conspicuæ essent, tam alta non extitit, quin per Refractionem, quò ad Longitudinem, vltior quàm reuera erat cerne-
retur.

retur. Atq; hinc factum est, vt neutiquam per Venerem & Solem, hoc negotium tunc temporis exacta præcisione in praxin deduci potuerit; imò necessarium erat Stellarum Longitudines talibus adhibitis medijs, debitò vltiores aliquantulum euadere. Obseruabam quidem & ego multoties circa eosdem dies Venerem interdum à Sole, & noctu ad Stellæ, non quòd vllam exquisitam in Fixarum locis comprobationem inde sperarem, satis conscius & diuturna experientia edoctus, frustra id in medietate Zodiaci australi tentari, nisi Refractionum impedimenta, quæ non semper sunt præcisè æqualia, ob Aëris variam dispositionem, præcaueantur, sed saltem vt Veneris & Solis apparentes motus, è prius rectè constitutis Fixarum locis inquirerem, & Refractionum insinuationes plenius expiscarer. Non itaque mirum est, ROMANVM tunc temporis quinquorū illorum Scrupulorum in vestris Longitudinibus abundantiam non animaduertisse; Siquidem tam Sol quàm Venus secundum Zodiaci Longitudinem in pauculis Scrupulis per Refractionem obortis, vltiores necessariò apparebant, quàm reuera in Cælo constituebantur, ideòque Fixarum ab ijs mensurarum loca, etiam vltiora quàm oportuit, exhibuerunt. Siq; meas Obseruationes tunc in Venere & Sole habitas, ad limitanda Fixarum loca examinâro, etiam inde colligetur 4. vel 5. Scrupulorum nimia promotio, neglecto videlicet Refractionum impedimento; si verò hoc per Tabulam ab experientia crebriore, à nobis huic negotio destinatam præcaueatur, loca Fixarum cadent præcisè in eum situm, quo à nobis prius disposita sunt, quin is illis Scrupulis nullatenus deficientibus. Verum enimvero etiam si Refractionum & Parallaxium impedimenta in hac collatione omni diligentia excludantur, & cætera requisita, rectissimè admittrentur: tamen nondum omnis dubitandi occasio prærepta est, nisi etiam idem in Venere matutina, æquè ac vespertina, & in consimili ferè supra Horizontem situ, pariq; à Terris remotione, vel ea quæ vtrobiq; hinc incidit differentia debito modo correctâ paritratina diligenter expendatur & comprobetur, adhibita etiam Solis & Veneris ad vtrâq; tempora, quò ad Parallaxin, si qua fortè inciderit, diuersitate; vt de Refractionibus nunc nihil dicam, quæ sanè etiam limitandæ veniunt, nisi ab vtrâq; parte, in consimili tam Solis quàm Veneris Altitudine, instituatur Obseruatio. Vbi enim viceuersa, eiusdem rei examinatio non fuerit adhibita, omniaq; subtilissimè inuicem collata, ad exactam Longitudinis Fixarum notitiam, etiam hac minùs fallaci viâ procedendo, peruenire vix licebit: adeò in profundo, & interiori nucleo absconditur veritatis vnicum & immotum Centrum. Si itaq; T. Cels. Mathematicus, aliquando per Venerem matutinam, pari adhibita diligentia, rem omnem expertus fuerit, & obstacula sese per Refractionum & Parallaxium, diuersitatem ingerentia semouerit, non dubito, quin hac Methodo in Longitudines Affixarum meis apprimè astipulantes, deueniet; antea verò absolu-

N

tam

tam in his certitudinem statuere, superuacaneum est. Quod autem per meum motum Solis, quem ROTHMANNVS existimauit circa 8. Gradum & pauculis Minutis iusto tardior, defectione quorundam illorum Scrupulorum, quæ meis numeris inesse putatur, excusare laborat, frustraneum videtur; Siquidem locus Solis verus in tam decliui situ per Instrumenta exquisitissima, & adhibita etiam Parallaxi, præcisè cælitus non innotescit. Ideoq; præmonui in primis meis literis, infra tricesimum Gradum Altitudinis, non dari per Observationem, Locum Solis ratum, ob Refractionem in decliuiori situ irrepentem; Et Tuæ Celsi Mathematicum etiam per literas admonui, in Boreali Semicirculo cursum Solis solummodo citra errorem examinandum, non item in Australi, ob Refractionum sæpeditam insinuationem. Atq; hæc fuit non minima occasio, cur summus ille Copernicus in Apogæo, Eccentricitateq; Solis constituendis, tantoperè deuiarit, quod videlicet ad medias partes Scorpii ingressum eius, vnà cum æquinoctialibus transitibus contulerit, Sole tunc ob Refractionem sensibilem non in eo loco apparente, in quo reuera constituebatur. Cum autem Observationibus per T. Celsi Instrumenta factis, locus Solis è nostra Ephemeride depromptus, tum circa ambo æquinoctia, tum etiam in toto Boreali Semicirculo apprimè correspondeat, vt ex literis T. Celsi Mathematici ad me datis liquet; necesse est, & in reliquo Semicirculo Australi, nullam ab ipso Cælo contingere discrepantiam, & si qua illic per Instrumenta diligentius animaduertenti apparuerit, ea citra omne dubium per accidens, ob Refractionis hoc incommodum irrepit; ideoq; cautionem diligentem hac in parte adhibendam antea seriò indicaui. Quod enim in fine Ianuarij T. C. indicat, Locum Solis per T. C. Quadrantem inuentum non discrepasse à mea Ephemeride, ideoq; T. Celsi Mathematicum in examinatione Fixarum, per locum Veneris, eodem vsu fuisse, id, quomodo cum prioribus consistere possit, non satis assequor; vt potius vitium aliquod Observationi illi subesse suspicer. Nam licet Sol circa vltimos dies Ianuarij, quinis proximè Gradibus apud vos sit eleuatiore quàm hic, tamen nondum adeò in sua Altitudine meridiana sublimatur, quin Refractioni adhuc satis sensibili obnoxius sit, ideoq; tunc etiam cum nostra Ephemeride ad amussim quadrare non potuit, nisi Refractionis impedimentum excludatur. Quia verò T. Celsi indicat per suum Mathematicum, Ephemeridem nostram ad elapsum 87. annum conuenienter fuisse extensam; vt igitur eum ab illo labore, ad plures annos hunc calculum continuandi, in posterum leuem, curauim; quinq; proximorū annorum Ephemerides Solis, è nostris Observationibus & Tabulis circa motum eius deriuatas, in adiunctis chartis describi, è quibus ad aliquot antecedentes, & sequentes annos, facilius est reductio, cum quarto quolibet Soli in eundem proximè locum, iisdem Mensium diebus & horis reuertatur. Spero autem locum Solis per accuratam Observationem cælitus quæsitum, cum hac nostra restitutione, collatione

latione facta, nihil discriminis, quod vllō modo in sensus incurrere possit, illaturum, modò in Australi Semicirculo Refractionis, de qua aliquoties sedulò monui, obstacula remoueantur. Porro quòd T. Celsit. Mathematicus ex eo, quòd Longitudines meæ à vestris quinis Scrupulis deficiant, suspicatur me nimium tribuere Refractionibus, id longè aliter se habere, ipsemet confitetur, si, quàm subtili diligentia, quàmq; varijs modis Refractionum dimensionem, per diuersimoda Instrumenta, tam in Sole quàm Stellis, aliquot ab hinc annis scrutatus sum, satis perspectum haberet. Non enim eas ad libitum, sed quales ipsa Experientia calitus suppeditat, assumendas censeo. Quæ res non mediocris studio à me multoties, si quid aliud, elaborata est. Siquidem sine Refractionum exquisita discretione, verorum in Stellis locorum non conceditur omnis erroris expers inquisitio. Licet autem Aëris diuersitas in his nonnihil aliquando alterare possit, tamen si Cælum vndiquaq; fuerit apprimè ferenum, nulliq; crassiores vapores Horizontem obtenebrârint, semper eandem penè adinuenio Refractionum in consimili Altitudine quantitatem, vt citra omne dubium persuasum habeam, illarum aliam, quàm oportuit, assumptionem à nobis non esse commissam, neq; hinc in Stellarum à me redintegratis locis, aliquid vitij obortum. Nec etiam tempus in meis Obseruationibus, siue per Armillas, siue per Horologia, siue etiam per Quadrantem Azimutalem adhibitum, vllam parere potuit in his ipsis ambiguitatem, quemadmodum Tuæ Celsitud. Mathematicus frustra etiam suspicatur. Cùm enim à Sole per Venerem ad Stellas, vel viceversa instituitur obseruatio, duorum vel trium Scrupulorum, aut etiam paulò plurium, non venit necessariò adhibenda in temporis denotatione exacta ratio, siquidem nec Sol nec Venus intervallo decimæ vel octauæ partis vnus horæ, sensibilibiter locum variant. Nihilominus tamen vbique verum temporis momentum in ipso Scrupulo variatione à nobis applicatur. Si per transitus Meridianos vel Azimuthales Siderum situs rimarer, iuxta modum Tuæ Celsitudini vsitatum, vtiq; exactissima temporis, vel in ipsis Scrupulis secundis cognitio requireretur. Verùm tum hanc ipsam ob causam, tum etiam plerasq; alias, eam obseruandi rationem, tanquam hallucinationi facilè obnoxiam, minùs probo. Refractionem Solis tantummodo in circulo verticali exhiberi non equidem ignoro, sed eam nihilominus, tum ad Eclipticam, tum etiam æquatorem, prout opus fuerit, applicare didici, adeò, vt Tabulas in eum vsum è Triangulorum fontibus deriuatas, & votis meis hac in parte abundè satisfacièntes, in promptu habeam; vt inde in tempore etiam per Armillas æquatorias præcisè inueniendo, si quando ijs ad hoc officium vti libuerit, nulla incidere possit, vel minima deuiatio; Quamuis in temporum Minutis per Armillas hæc exactiùs scrutandis, libentiùs vtar Stellis iuxta Meridianum, potissimùm verò circa ipsam æquatoris Altitudinem

versantibus, eò, quòd eo in loco Refractioni nihil dispendij inferat, & tali in situ ocysimè motu primo reuoluantur, temporisq; minutissimas differentias commodissimè discernant. Verùm ne pluribus opus sit, his circa nostras Observationes dubitationibus obuiare, vnicum saltem addam, quod circa omnem controuersiam est irrefragabile. Si aliquis in meis Fixarum locis, vel minimus lapsus subesset, quibuscunque tandem occasionibus ille siue his, siue alijs incidisset, certe in reciproca Observatione, tam ad Venerem vespertinam, quàm matutinam accurata diligentia à nobis instituta, is qualiscunque esset, sese apertè manifestasset; Quemadmodum in vltimis literis T. Cellit. significauì, me non solum Anno 82. multoties per Venerem occidentalem à Sole, & interdiu admodum altè euidenterq; apparentem, sed etiam Anno 85. per eandem orientalem, iuxta medietatem Septembris, loca Stellarum Fixarum diligentissimè, mediante loco Solis vtrobiq; exactè comperto, restituisse, & examine accurato, ea circa omne sensibile vitium rectè se habere deprehendisse. Ob id etiam Cels. Tua non abs re asseuerat; si per Venerem matutinam omnia viceuersa comprobata habeam, non facillè constare, quia in parte discrepantiæ istius inter nos occasio lateat. Reuera enim cetera omnia, quæ prius in dubium vocata sunt, soluantur, irritaq; euadunt, vbi circa Orientem idem quod in Occasu prius fiebat, alternatim exploratum fuerit. Si qua enim furtim, vel in Refractione, vel Parallaxi, aut etiam in loco Solis sese insinuaret vitiositas, eam reciproca Observatio latere non finit, tunc enim omnis ad errandum procliuitas facillè præcauetur. Quapropter nullum prorsus apud me relinquitur dubium, Longitudines Stellarum meis Instrumentis, instauratas, ipsi Cælo exquisitissimè congruere, & quina illa Scrupula, in quibus inter nos differimus, nullatenus in ijs desiderari. Quinetiam euidetioris certitudinis comprobandæ gratia, feci Mense Augusto præcedentis Anni denuò huius rei periculum, idque duobus diebus videlicet 17. & 18. quibus circa Veneris cum Ioue coniunctionem fermè partilem, serenitatem nactus admodum puram, & opportunâ, Veneris Stellam manè à quibusdam fixis Sideribus, præsertim vtroq; Geminorum capite, diligentissimè obseruauì, posteaq; ad Solem supra Horizontè sufficiente Altitudine eleuatum, omnia direxi, & deinde non solum, cum animaduersionibus Anno 82. in iisdem quoq; Stellis, beneficio Veneris vespertinæ habitis, accuratè contuli, habita etiam ratione in Sole & Venere circa Parallaxeos aliqualem diuersitatem incidentis discrepantiæ, sed etiam cum Observationibus Veneris, ad eas ipsas aliasq; propinquas Stellâs, hoc ipso Anno, Mense Martio, & Aprili, cum Venus interdiu occidentalis à Sole satis appareret, multoties diligentissimè exploratis, denuò expendi. Cumq; omnia admodum præcisa trutinâ in his vbiq; librâssem, tantum abest, vt Longitudines Fixarum prius à me constitutas, vltèriùs producendas adinuenerim, vt si quid in illis alterandum esset,

set, potius dimidium Scrupulum redundans auferendum foret, quæ tamen præcisio otiosa est, peneq; inperceptibilis. Cum itaq; bis viceuersa manè & vesperi comprobârim, per Venerem & Solem, Stellarum Fixarum restitutionem præcisam, vtpote Anno 82. vesperi & 83. manè, & nunc etiam denudè proximè elapso 87. manè, & hoc eodem labente 88. vesperi, ita vt collatis, inuicemque viceuersa ponderatis singulis, in idem prorsus Scrupulum earum loca, quo à me prius ordinata sunt, recidant, nihilq; sensibilis varietatis vllò modo suggerant, non possum non tam crebrò, varijs Organis examinata & diuersimodè atq; reciprochè comprobata verificationi acquiescere, præsertim cum vltimæ binæ viceuersa habitæ Observationes, tam probè prioribus suffragium tulerint, & insuper hoc habuerint commoditatis, quòd Venus utrobq; æqualiter ferè à Terra distiterit, & ob id Parallaxium differentias in consimili proximè Altitudine insensibiles obtulerit; Refractionum etiam obstaculo in pari circitèr eleuatione (ita enim Observationes ordino, vt quæ in iisdem circitèr Altitudinibus accepta sunt, inuicem conferantur) nihil vitiositatis ingerente. Testimonium etiam non obscurum præbet huic nostræ emendationi Stella ea, quæ in Virginis Spica collocatur; Hæc enim ex sola Declinatione vnà cum Latitudine, per distantiam à Stellula quadam Dracconis vicina Polo Eclipticæ, peculiari ratione prius sedulò à me inquisita, præfinitis nostris Sellarum Longitudinibus, citra aliorum mediorum cognitionem, apprimè astipulatur, & in idem Scrupulum; (velut hæc & pleraq; alia huc facientia, breui, fauente Deo, locupletius è certis Observationibus & Demonstrationib; manifesta comprobataq; reddam,) consentit. An autem ad tam exactam præcisionem vlli Antiquorum inde ab Astronomiæ excultæ primordio, vel Recentiorum aliqui, vsq; ad hæc tempora, peruenerint, & quantum industriæ, laboris & temporis (vt de sumtibus Instrumentorum non dicam, qui omni æstimatione maiores sunt) in his enucleatiùs indagandis impenderim, aliorum, rem omnem fundamentaliter intelligentium, esto iudicium; inter quos Tua Celsi, vt maiorum illustri profapia Princeps natus generosissimus: ita etiam ingenij acumine, & iudicij grauitate, ipsaq; adeò experientia verè principem locum non minori Eruditionis quàm generis claritudine, meretur. Hæc licet ita se habeant, quòd in Longitudinibus Fixarum à me constitutis, nihil prorsus sensibilis deuiationis, aut dubij committatur, consultè tamen facit Tua Celsi, quòd Observationibus, proprijs Instrumentis conquisitis, constanter inhæret, donec exactiorem aliquam inquisitionem in his institui curarit. Nec enim decet in ijs, quæ sensibus exponuntur & Mechanicè adhibita competenti diligentia peruestigari, indeq; per Geometricam certitudinem in numeros resolui queunt, aliorum inuentis contentos esse; nisi etiam per propriam, & minimè dubiam experientiam eadem comprobata fuerint. Intellego præterea Tuam Celsitudinem de publicatione lo-

corum Affixarum Stellarum hæcenus per sua Instrumenta instauratorum cogitare, suoq; Mathematico hanc eximiam prouinciam demandasse, id equidem omni laude dignissimum censeo; ne tot laboribus & vigilijs, tantaq; industria & sedulitate multorum annorum decursu comparata cælestes Observationes, suo frustrentur usufructu. Quare vel hac sola ratione Celsitudo Tua de tota Posteritate optimè merebitur, & ab ea nunquam intermorturam famam, cum grata nominis celebratione; reportabit, quæ apud eruditos & intelligentes, non minùs quàm Illustris prosapia, & Gubernationis dignitas, claritatem, & reuerentiam eximiam perpetuabit. Optarem verò plurimùm, vt Celsit. Tua pari sedulitate Planetarum etiam apparentes motus, cælitus indagari curaret, id quòd per restituta Affixarum loca, non difficulter præstatur. Et si non alibi, saltem iuxta Acronychias trium superiorum Planetarum fulsiones, & in Venere atq; Mercurio prope extremas eorum à Sole digressiones; nonnunquam verò in his omnibus, circa loca intermedia, apparentias eorum exquisitè inuestigari, plurimùm conduceret, vt de Apogæorum & Eccentricitatum, proportionisq; circularium motuum ad iniciem, ratione, præcisior quàm hæcenus cognitio inquiri posset. In quibus omnibus ego quoq; multis ab hinc annis non inutillem, vti spero, nauau operam, veluti suo tempore fauente Numine patebit; quando ea quæ in his magna, & diuturna sedulitate adinueni, Astronomiæ cultoribus communicandi dabitur occasio, vbi plures in Saturno præsertim extremæ noctis fulsiones, in remotioribus Eccentrici locis, quòd tardius in eo perficitur, per accuratas Observationes examinauero. Quòd Tua Celsit. tam clementer & benignè pollicetur se non passuram, vt meæ Observationes, & verificationes in Affixarum locis, hinc inde spargantur, mihi ex voto maximè cedit. Ipsemet enim per opportunam commoditatem, mea in restitutione Affixarum Stellarum inuenta publicare, & ad posteros transmittere decreui. Discrimen autem quod inter nos hac in parte incidit, etiamsi intereà fortè non concilietur, nihil ferè quod reputandum veniat, importat; & rectè Tua Celsitudo asseuerat, totam rem melius apud alios fidem promerituram, vbi nihil in gratiam per mutuum consensum citra Observationis certæ experientiam, admissum fuerit. Vbi verò Celsitudo Tua sua Instrumenta, alia ratione (prout se in animo habere scribit) instaurarit, non dubito, quin certo certius experietur, quinq; illa Scrupula, de quibus inter nos agitur, in præcedenti Tuæ Celsit. Fixarum restitutione abundare; præsertim si per Veneris potissimùm Stellam, tam matutinam quàm vespertinam duplici ratione Observationem accuratam institui, debitoq; modo examinari curarit; & tum demum propria experientia persuadente hunc excessum lubentiùs corrigit, & inuentioni accuratiori volens manus porriget. Rectissimè interim Tua Celsitudo concludit tantillam inter nos discrepantiam non eius esse momenti, vt magnoperè in mentionem veniat.

veniat. Quàm enim in tam perplexo negotio circa Longitudines Stellarum ritè profiniendas, quina senaue Scrupula facilimè excidant, non ignorant illi, qui Astronomicarum Obseruationum fundamentalem aliquam cognitionem diutina tractatione assequuti sunt. Vtinam verò in duodecima illa gradûs portiuncula caelestes apparentiæ, præsertim quò ad Planetarum cursus, certò nobis constarent, quàm benè & feliciter toti Astronomiæ consultum foret, quantoq; labore, in ea denuò instauranda, supersedere nobis liceret. Sed nolo Tuam Celsitudinem pluribus nunc detinere, & si quæ hic ad totam rem plenius facientia prætermissa sunt, de ijs in alijs literis cum Tuæ Celsit. Mathematico copiosius agam. Tuam verò Cels. demissè rogatam cupio, vt de hac sublimi materia Astronomica mecum per literas vltèrius agere, conferre; non intermittat, mihiq; suas circa Fixarum Stellarum loca, quàm primum absolutæ fuerint, redintegratas calculationes, & si quid præterea, ad rem Astronomicam quod impensè faciat, elaboratum habeat, clementer communicare dignetur. Ego vicissim me meaq; studia T. Cels. voluntati & desiderijs deuoueo. Valeat T. Cels. quàm diutissimè & felicissimè. Datæ Vrani-
burgi, Die 16. Augusti, Anno 1588.

T. C. addit.

TYCHO BRAHE.

CLARISSIMO VIRO, DOCTRINA ET VIR-
TVTII PRAESTANTI, D. CHRISTOPHORO
ROTHMANNO, ILLVSTRISSIMI PRINCIPIS
VVILHELMI LANDTGRAVII HASSIÆ, &c
Mathematico eximio, Amico suo
plurimum dilecto.

S. D.

STATVERAM QVIDEM HOC TEMPORE DOCTISSIME ET
charissime ROTHMANNE, plenius copiosiusque ad proximas
Illustrissimi Principis tuasque literas respondere, sed cum plu-
rimæ, tum publicæ, tum priuatæ curæ inciderint, & minùs eti-
am firma vtar valetudine, à proposito desistere vel inuitus cogor. Accedit &
hoc, quòd plures in Veneris Stella, nunc quoq; interdiu apparente, Obserua-
tiones vespertinas expectem, quas cum matutinis, Anno præsertim antece-
dente in Augusto habitis, denuò conferam, vt quinquorū illorū Minutorū,
quibus in Fixarum Longitudinib⁹ discrepamus, vberior examinatio institua-
tur. Quamprimum verò opportunius otium, commoditatemque exopta-
tam

tam nactus fuero, & illas, quas dixi, in Venere Observationes perfecero, non intermittam, quin abundè & ex voto, tum ad Illustrissimi Principis, tum etiam tuas literas respondeam. Quòd te rogo, vt tuo Principi meo nomine indicare velis, & responsionis moram ob causas antedictas excusare. Interim mitto tibi exemplar secundi libri Operis mei de Mundi ætherei recentioribus Phænomenis, quem diligenter per otium velis euoluere, & de eo tuam ad me sententiam perscribere. Tractat de Cometa anni 77; Primus enim est de Stella Noua ad Cassiopeam: Tertius & vltimus de tribus alijs minoribus Cometis. Poteris autem vel ex hoc vnico, quid de Cometarum negotio penitiùs introspecto sentiam, non obscurè colligere. Inuenies etiam ibidem circa initium capitis octauæ, nouam à me non ita dudum adinuentam cælestium Reuolutionum Hypothesin, quam veteri illa Ptolemaica & recentiore Copernicea multas ob causas veriorē esse non dubito, eamque apparentijs apprimè consentaneam deprehendo. Tute diligenter omnia in hac circumspecto, nihilque concinnius, aut veritati conuenientius adferri posse, non ambigo quin vltro concessurus sis. Cuperem etiam, vt eam Illustriss. Principi tuo exponeres, eiusque C. de hac iudicium mihi significares. Constitui super hanc, emendationem motuum cælestium fundare, sicque totam Artem Astronomicam è certis Observationibus, quasi ad prima incunabula reuocare, redintegrareque; modò Numen diuinum conatibus nostris aspirauerit, & vires ac commoditatem tanto labori exequendo supeditarit. Recensui etiam in hoc libro, Illustrissimi tui Principis de eodem Cometa Observationes mihi transmissas, easque sub incudem numerorum diligenter reuocaui, & à meis Inuentis non admodum dissimilaneas adinueni: Neque enim vlla perceptibilis Parallaxis istius Cometæ inde colligi potest, sed omnia in contrarium potius deueniunt, vt ex ipso scripto videre licet. Spero Illustrissimo Principi tuo hanc suarum in Cometa hoc Observationum euulgationem, accuratamque considerationem non futuram ingratam; siquidem ad rei inquirendæ veritatem confirmandam plurimum conducatur. Quamprimum reliqui duo Tomi absoluti fuerint, ipsique Typographus extremam manum imposuerit, te eorum etiam reddam participem. Hunc etiam præsentium exhibitorē, GELLIVM SASCHERIDEM nomine, qui annis aliquot, tum in Astronomicis, tum etiam Pyronomicis exercitijs egregiam apud me nauauit operam, velis tuo Illustrissimo Principi commendare: cui etiam priuatim quædam significauit, tibi exponenda, vt ea ad Illustrissimum Principem tuum per occasionem referas, quod vt diligenter exequaris, te etiam atque etiam rogatum habeo. Sperabamus nos antea, si successissent Comitæ Hamburgensia, neque tantus nostræ patriæ luctus (proh dolor) ex inopinato incidisset, Illustrissimum Principem tuum Hamburgum venturum. Quòd si contigisset, istuc conueniendi eius Celsitudinem gratiā me contulisset, si propius

pius huc non accessisset, quò de Astronomicis rebus coràm plenius perfecti-
usque cum eius Celsitudine conferendo ex voto agerem. Sed quoniam ista
nobis occasio nimitum lugubri obstaculo (quodque animus meminisse horret
luctuque refugit) prærepta est, ad literas recurrendum esse video, quas etiam
prima quaq; opportunitate, ijs quas vltimò ab Illustrissimo Principe & te ac-
cepi, affatim respondentes, (vt supra etiam pollicitus sum) breui mittam.
Interim moram hanc non ægrè feras, eamq; apud Illustris. Principem tuum
diligenter excuses. Vale. Datum Vraniburgi circa Solstitium æstiuum,
Anno 1588.

T Y C H O B R A H E.

DOCTRINA ET VIRTUTE ORNATISSIMO
VIRO D. CHRISTOPHORO ROTHMANNO,
ILLVSTRISSIMI PRINCIPIS VVILHELMI
LANDTGRAVII HASSIÆ, &c. Mathe-
matico eximio, Amico suo mul-
tùm dilecto.
S. D.

CVR SERIVS ILLVSTRIS. PRINCIPIS ET TVIS RESPON-
deam literis Eruditissime exoptatissimeq; mi ROTHMANNE,
excusationem tibi perscripsi in ijs quas interea per GELLIVM
SASCERIDEM meum ad te dedi; nec enim dubito eas vnà cum
libro nostro secundo, de ætherei Mundi recentioribus Phænomenis, qui ijs-
dem adiunctus erat, dudum tibi esse traditas. Librum verò illum te etiam
interim diligenter euoluissè existimo, vt itaq; tuam mihi de ijs, quæ continet,
sententiam aperias, & ingenuè mentem tuam de his exponas, plurimùm de-
fidero, ego vicissim tibi, quid veritati consentaneum videatur, tum in his, tum
etiam alijs, libenter & liberaliter, quantum in me est, declarare non intermit-
tam. Nunc itaq; tuis literis erudita in Astronomicis rerum cognitione lu-
culenter refertis, vt paulò etiam vberius respondeam, non diutius superse-
dendum ducò. Per commodum verò accidit, quòd posteriores tuas literas,
quibus ipsemet nimiam vaporum terrestrium elevationem, in prioribus per
incuriam aliquam commissam, opportunè emendas, satis maturè acceperim.
Aliàs enim hac de re te commonefacere in animum induxeram, Summi enim
halitus iuxta Opticorum demonstrationem ad 12. Milliaria Germanica vix
ascendunt, quæ Terræ Semidiameter (cui tu eorum remotionem antea ad-
æqualti) plus septuagies continet. Verùm hæc ab Opticorum traditionibus
disconuenientia, facile inter alias occupationes per festinantiam obrepere
potuit,

O

potuit,

potuit. Nunc itaq; ad priores tuas literas, admissa sublimitatis vaporosa in posterioribus emendatione, ordine respondebo. De Comético vero negotio Anni 86. iam non plura addam, satis enim in hoc conuenimus, nec dimidij, vel integri Minuti, quoad Parallaxin, discrepantia alicuius est momenti, imò porsus insensibilis; sic neq; de Declinatione maxima ulterius verba faciam: Eam enim à vobis nunc per rectificatum Quadrantis perpendicularum, meis inuentis apprimè consentientem, comprobata esse perlibenter intelligo. De Materia Cæli & Refractionibus, quoniam hæc res nondum videtur satis inter nos decisa, operapretium erit, vt ulterius tecum agam, tuarq; hac in parte petitioni morem geram. Materiam Sphærarum cælestium tu non aliam quàm elementarem Aërem esse, & Refractiones nullas ob Diaphanorum Aetheris & Aëris diuersitatem fieri contendis, omnemq; Refractionum occasionem in solos vapores Horizonti obuersantes reijcis; At ego Cælum quidem non è dura imperuiaque materia in formam membranarum pellucidarum extensa, constare, vel vt hætenus, etiam à præcipuis Philosophis, creditum est, vel ex ipsis Cometarum moribus edoctus sum; Aëreum tamen vel vllius elementaris naturæ particeps esse nequaquam admifero. Absit enim vt purissimæ perfectissimæq; & nullis mutationibus obnoxia cælesti naturæ elementare, corruptibile & variabile atque huic inferiori caducæ Regioni conforme aliquid assuatur; nam ne id vnquam vllus saniorum Physicorum admittere ausus est. Omnes siquidem vnanimiter Cælum è numero & natura quatuor Elementorum prorsus exemptum & præstantiorem quandam naturam præ se ferre, rectissimè statuunt, ideoque illud quintam quandam essentiam à quatuor illis elementaribus prorsus diuersam longeque excellentiorem nuncuparunt. Quòd igitur Physici abhorrent non admittatur, vt ipsi Mathematici tanta Cælum labe aspergant, vt ex Aëre elementari illud constare asseuerantes simplicissimæ & purissimæ adeoque perfectæ ipsius substantiæ & naturæ plurimùm derogant. Et quæ, quæso, fieret Elementorum proportio, si solum Aërem à Terris vsque ad octauam Sphæram tam immensam vastitatem complere concesserimus? Sanè ambo Elementa Terræ & Aquæ, nullam, quæ sensibus concipi posset, ad vnicum Aërem habebunt Symmetriam. Præterea si Aër elementaris orbibus cælestibus includeretur, consentaneum foret, è concitatissimo Syderum motu sonum ingentem cieri, qui proculdubio auditum etiam nostrum percelleret. Officeret etiam Aër perpetuitati Reuolutionis cælestium corporum, & puritati eorum longo vsu temporeque detraheret, imò quasi atterendo, constantissimam harmoniam labefacteret. Scio quidem Paracelsum totum Cælum, quantum & igneum Elementum appellare; quod si de viuifico calore Solis & Siderum intelligatur, locum fortasse mereri poterit; Nam Elementum Ignis infra Lunam esse, vt Peripatetici somniant, si nihil aliud, vel ipsa Refractionum subili-


subtilitas, quæ hac ratione per tot Diaphana maior redderetur, sufficienter refellit. Omnem itaque calorem in corporibus mixtis, quem Physici Elemento Ignis attribuunt, cælitus prouenire consentaneum est. Quod si aliter Paracelsus sentiebat, absurda est opinio. Neque etiam ignoro quosdam Theologos è Mose, proculdubio minùs rectè intellecto, asseuerare Cælum ex Aquea materia constare; quam tamen interpretationem Philo Iudæus non admittit, sed ipsum nullatenus ex vllis Elementis compositum contendit, videtur etiam hæc sententia omni naturali ratiocinationi plurimùm aduersari. Qui verò Cælum aëreum statueret, neminem ante Iohannem Penam Gallum percepi, cuius tu sententiæ suffragari videris, & nuper etiam Iordanus Nullanus in quodam scripto de Mundo contra Peripateticos idem asserere ausus est, fortè etiam quidam alij eadem sunt imbuti opinione. Sin verò per Aërem, qui inter cælestes circuitus continetur, aliam & subtiliorem purioremque substantiam, quàm est Aër hic elementaris, intelligere velitis, non vsque adeò refragabor, nisi quòd nomen Elementi Aëris in tam sublimi negotio per se nimis vile & suspectum sit, si is Cælo assignatur; oportebitque hac ratione distinguere inter Aërem æthereum & elementarem, sicque nihilominus res eodem redibit, non esse videlicet eiusdem exquisitè puritatis & perspicuitatis, multumque adhuc suberit dubij, quod ne hac quidem distinctione satis enodatum appareat. Verùm licet nulli mortalium de ipsissima Cæli materia (si modo è materia aliqua constare propriè dici potest) certi quid proferri in promptu esse credam. Est enim Cælum abstractum quid, & immateriali simile, nostrum captum effugiens, nihilominus satis concludere licet, ipsum de nulla elementari natura participare. Cùm hæc sit longè præstantius & diuinius quiddam adeoque incorruptibile & supra omnem elementarem qualitatem exaltatum è purissima, simplici & pellucida rarissimaque substantia, admiranda Dei sapientia & nobis imperscrutabili modo plasmatum. Vndecunque igitur Cæli substantia fuerit, quæ sanè potiùs, quæ non sit, quàm quæ sit, percipitur, eam ipso Aëre liquidiorem, puriorem & subtiliorem esse necesse est, vt ob id non immerito statuam Diaphanum ætheris Diaphano Aëris perfectius puriusque esse. Licet enim non admodum sensibilis Siderum Refractio in aliquanta super Horizontem Altitudine ingeratur, neque tanta, quantam veteres optici, qui Cælum è duro & adamantino Diaphano constare opinabantur, suspicati sunt, tamen id non propterea accidit, quia nihil aliud sit inter octauam Sphæram & Terram quàm Aër elementaris. Nam, vt in prioribus etiam literis testatus sum, non est admodum magna differentia inter ætheris & Aëris transparentiam, neque sicut Aëris & Aquæ Diaphana sensibilibus discrepant, sed cùm ambo tenuissima sint & liquidissima, plurimum habent affinitatis, imò aliqualis

O 2

ea quæ

ea quæ intercedit diuersitas, successiue imminuitur, prout Aër à Terris sublimior & Lunæ circuitibus vicinior redditur; illic enim cum æthere quasi in vnum coalescit, cælestemq; naturam successiue imbuat, atq; propterea Refractionem sensibilem non causatur. Non enim datur certus aliquis locus in definita à Terra distantia, in quo Refractio illa procreetur, sed paulatim Diaphanum aëreum in æthereum transformatur, ideoque non contingit aliqua repugnantia, qualem inter Aërem & Aquam fieri videmus, sed potius identitas quædam conciliatur, quæ Refractioni admodum perceptibili, præsertim in sublimiori Stellarum situ, quando magis directè earum Lumen ad nos vibratur, occasionem præcludit. Proptereaq; ego minimam partem Refractionum diuersitati Diaphanorum ætheris & Aëris attribuo, sed potissimam earum causam vapores, Terræ obuersantes esse statuo, ita vt duplici ratione Refractiones contingant, partim ob vaporosos halitus, Aërem Terris propinquum condensantes. Atq; illæ sunt maximæ admodumq; perceptibiles, ideoq; earum animaduersio plurimis in propatulo est: Partim vero ob Diaphanorum Cæli & Aëris aliqualem varietatem. Hæc autem, quia in ipso etiam Horizonte non admodum magna est, neq; etiam ultra 30. Gradum Altitudinis, in Stellis præsertim, percipitur, minus hætenus est considerata, ideoque de ea potissimum verba feci, alteram aliàs satis perspectam præsupponens. Neq; etiam negârim hanc ipsam, de qua loquor, vsq; ad verticem quodammodo prorogari, sed ultra 30. Gradum Eleuationis ita successiue magis atq; magis attenuari iudico, vt nullatenus deinde in sensus cadat, ob Siderum radios directiores, neque adeò magnam aut repugnantem Diaphanorum diuersitatem. Asseris ipsemet in tuo mihi transmissio scripto de Cometa ultimo, Refractiones non ultra illud spatium, quo vapores ascendentes multiplicari solent, perdurare, hocq; ad summum esse 20. Partium, & ob id nullam aliam quàm per solos vapores fieri Refractionem; at cum ego Refractiones in Sole, circa 30. Gradum perceptibiles esse animaduertissem, inferebam eas aliunde etiam, quàm per vapores procreari, ideoq; ex diuersitate Diaphanorum ætheris & Aëris. Nec video quomodo hæc meam expugnent sententiam, & pro te faciant; neq; enim dixi in 30. Gradu Altitudinis prorsus nullam fieri Refractionem, imò dum accuratiùs meas Observationes examino, adhibita Parallaxeos differentia, inuenio in Sole Refractionem fieri iuxta Altitudinem 30. Partium ferè $1\frac{1}{2}$. Min. quod vix per vapores solos excusari poterit, siquidem ipsorum impedimentum subito circa Horizontem alteretur, inq; tanta Altitudine perexiguum sit, vt postea è tua ipsius demonstratione patebit. Ast illud, quod fit ratione Diaphanorum, non quidem ita magnum est, sed diutius durat, quamuis in Stellis fixis hætenus animaduertere non potuerim, Refractionem sensibilem tam altè, atq; in Sole insinuari, vt in antecedentibus literis etiam indicaui, idq;, vt exultimo, ob luminis & quanti-

quantitatis, atq; etiam distantiae maximam differentiam. Neq; si Refractio circa Horizontem esset 3. Minut. statim consequitur, vt ob id ea in Altitudine 45. Graduum fieret 1½. Minut. vt tu vis. Non enim proportionabiliter & æqualiter decrescunt Refractionum quantitates, sed in decliuioribus Altitudinibus, multò plus illis decedit quàm in sublimioribus, idq; proculdubio vtraq; de causa, tam ratione vaporum Terræ obuolitantium, quàm etiam diuersitatis Diaphanorum Cæli & Aëris, principaliter tamen & maximè ob ipsos halitus terrestres, quando per obliquum Stellarum lumen recipiunt; id enim ipsa testatur experientia, subito circa Horizontem alterari Refractiones, in sublimiori verò situ sensim & tardius id fieri. Sic in Sole animaduerti à primo in secundum Gradum Altitudinis variari Refractionem sex Scrupulis primis, à secundo verò in tertium saltem quaternis, in sublimiori verò situ ultra 20. Gradum Altitudinis mutatio illa vix est dimidij Minuti, & licet hoc per vapores solos non inconuenienter excusari poterit, tamen aliquid etiam ex Diaphanorum discrepantia clàm sibi habet admixtum. Quòd autem non vsq; ad verticem sensibilibiter durare appareant, per Diaphanorum discrimen obortæ Refractiones, in causa est, quòd non admodum magna sit eorundem discrepantia, & sensim, vt priùs dixi, sibi inuicem assimilentur, adeò vt lumen Stellarum, quando sublimiores fuerint, facile irrefractè vtraq; penetrare queat, siquidem tunc non adeò obliquè, sed quasi per directum lumen ad nos vibrent, nam si concedi potest id quod tu inferis, Refractiones non tam fieri ob vapores istos, quàm propter eorum circa Horizontem multiplicationem, radios enim Stellarum & Solis vincere illam crassitiem, nec ob identitatem Diaphanorum in ea punctum aliquod Refractionis in paulò sublimiori situ inuenire, certè ratione Diaphanorum ætheris & Aëris idem multò potius admittendum venit, vt in sublimiori situ, sine perceptibili Refractione Stellæ nobis illucescant: Longè enim maior hic est Diaphanorum identitas & similitudo, quia non tantum inter se discrepare conuenit æthera & Aërem superiorem, quantum Aërem purum & vaporosum. Quod ex tua propria Demonstratione rectius percipietur, præsertim ea quam secundò misis literis addidisti, quæ priore multò est conuenientior; illic enim si assumatur ex Demonstrationibus Alhasen & Vitellionis, in summa vaporum Elevatione FE par. 48. m. 50. qualium EA Semidiameter Terræ part. 60. erit his duobus æqualis XA par. 60. m. 48. S. 50. Cumq; Angul. AEX, fit rectus & EA latus datum, prouenit per operationem trigonicam latus XE part. 9. m. 55. qualium vi-



O ;

delicet

delicet $E A$ est 60. Atque tanta erit vaporum densitas iuxta Horizontem, quæ milliaria Germanica 142. adæquabit, prout $E A$ Semidiameter Terræ est eorundem 860. proximè. In altero verò Triangulo $A E O$, ex notis duobus lateribus $A O$ etiam part. 60. m. 48. s. 50. & $E A$, vt prius 60. Anguloq; intercepto $O E A$ part. 120. adiecto videlicet Ang: $O E X$ part. 30. ad rectum $X E A$, prodibit etiam tertium latus $O E$ part. 1. m. 36. ferè, vastitatem vaporum in Altitudine 30. part. mensurans, quòd si in milliaria vt antea, resolutio fiat, 23. Germanica profiliunt. Patet itaq; quòd vapores sint quidem sexduplò proximè densiores circa Horizontem, quàm in Altitudine 30. partium; neque tamen ob id necessariò consequitur, prorsus nullam, ratione vaporum in tali Altitudine fieri oportere Refractionem, siquidem interstitium vaporum 23. milliaria sua capacitate adæquans, non videtur prorsus insufficiens ad refringendum aliquantulum Stellarum radios, aut si id concedi poterit, quantò magis in diuersitate Diaphanorum \AA theris & Aeris non idem admittatur, ex quo hæc in tali Altitudine multò adhuc minorem ob causas supra indicatas ingerat differentiam. Præterea etiam si concedatur nullam prorsus fieri ex occasione diuersitatis Aeris & \AA theris Refractionem, sed omnem è solis vaporibus originem trahere, tamen non necessariò ob id sequeretur, Cælum ipsum ex Aère elementari & animali, vt tibi placet, constare; potest enim tanta esse Diaphanorum similitudo & vicinitas, mutuaque connexio, vt Refractionem nullam, quæ à nobis percipitur, pariat, lumine Stellarum fortiter vtrumq; Diaphanum penetrante. Neque enim statuimus Cælum è dura & imperuia perspicuitate constare, vt Alhasen & Vitellio, qui maximam ob id accidere Refractionem frustra crediderunt, sed liquidissimum esse ipsum \AA thera & rarissimum, nullisq; realibus orbibus contextum, quemadmodum tu etiam mecum optimè sentis, & licet ipso Aère perfectius quiddam sit, tamen circa Reuolutiones, præsertim lunares, Aër hic elementaris adeò exaltatur, vt quasi in \AA theream transmigret substantiam, ideoque Diaphanorum imperceptibilis efficitur diuersitas, vt prius etiam indicatum est. Quòd verò Aër Terræ magis appropinquat, eò minùs de \AA therea natura participat, plusque habet elementaris qualitatis, & nihilominus admodum subtilis & rarus est, vt lumen Stellarum facile & irrefractè transmittat, nisi Terræ vicinior fuerit, vbi per vapores condensatur, turbidiorq; redditur. Sed de Refractionibus vnde eueniant, an saltem intermediantibus vaporibus, vt tibi videtur, an verò non solum ab his, sed etiam aliquatenus ex Diaphanorum \AA theris & Aeris discrepantia, mixta quadam ratione, vt mihi placet, frustra tantopere disputamus, siquidem de motu cælestium corporum restituendo, ipsaque Astronomia à mendis repurganda instaurandaque principalis agitur quaestio, & licet huic intentioni Refractionum cognitio necessaria adfert suppetias, quòd sine harum præcautione, ipsissima Stellarum loca cælitùs deduci nequeant.

nequeant, tamen quia sufficit Astronomum scire quàm altè Refractionum impedimenta ascendant, & quanta in certis Altitudinibus fuerint, ubi præsertim Aëris similis & inconfusa affulserit serenitas, idcirco vnde Refractiones hæc proueniant, an duplici vel etiam vnica de causa, non multum interest subtiliter & ambiguoſe diſceptare: Quemadmodum ipsa etiam de materia Cæli quæſtio, non propriè ad Astronomi decisionem pertinet; Is enim non quid sit Cælum, & vnde ipsius splendida corpora constent, sed saltem quomodo omnia hæc moueantur, ex Obseruationib⁹ certis peruestigare laborat. Alterum enim Theologis & Physicis discutiendum relinquit, apud quos etiam hæctenus id ipsum non satis explanatum permansit. Tanta enim est humani ingenij imbecillitas, vt opera vniuersa Creatoris, ne quidem terrestria & sensibus externis obuia, nobisq; adeò vt palpentur propinqua, penitus haurire queat: nedum vt sublimem illam & remotissimam ætheris naturam & substantiam satis peruestigare explicareq; sustineat. De Cæli itaq; materia, quæ est imperſcrutabilis, non est vt anxie diſceptem⁹, nisi quòd id necessariò statuendum censeam, eam qualiscunq; sit, nihil cum elementari natura commune habere, ideoq; nequaquam esse aëream, sed diuiniorē & longè perfectiorem in se continere naturam, quàm quæ ullis elementaribus rebus assimilanda meritò veniat. Sufficit autem in principaliori scopo inter nos conuenire, Cælum videlicet nullis realibus & duris atque imperuijs orbibus, quibus Sidera affixa circumgyrantur, esse contextum, sed è liquidissima, rarissima, & subtilissima substantia constare, quæ septem Planetarum cursus liberos, quocunq; fert naturalis imperus & congenita scientia, absq; vlla retardatione, admittat. Id inquam à Veteribus & maxima etiam parte Recentiorum hæctenus non perspectum, neque pro indubitato concessum, satis est ad Astronomiæ redintegrationem pro rato compertoq; admittere: Sic enim Hypothesibus conuenientiùs ordinandis, quemadmodum etiam à nobis iam pridem factitatum est, compendiosior & planior sterneretur via. Quare, vt dixi, circa Cæli materiam, & Refractionum occasionem, pluribus vt occupemur, non est operæpretium; saltem si quid in Refractionibus per certam experientiam vltiùs innotuerit, vt inuicem comunicemus, ad præcisionem Astronomicam constituendam conducere videtur. Vnicum itaq; solummodo de his addam, postea ad alia transiturus. Refractiones in Sole non inueniuntur hîc circa Horizontem multoperè maiores quàm apud vos; siquidem & ego iuxta Altitudinem trium Graduum deprehendi in Solstitio æstiuo, non contingere Refractionem maiorem 12. Scrupulis, nam quòd me eam tunc 28. esse Scrupulorum, asserere existimas, videris non satis attendisse, quod de Sole in ipso occasu, sese abscondente locutus sim, quando videlicet eius dimidia pars solummodo supra Horizontem cernitur, quòd in hac Insula satis animaduertitur, præsertim in loco meæ habitationis, qui adeò altus est, vt vndique liberum præbeat Finitorem visibilem.

Pluri-

Plurimum etenim variantur circa ipsum Occasum Refractiones, adeò, ut tri-
um Graduum differentia per quartam circiter vnus partem, illas alteret.
Sic etiam in Altitudine vestra Brumali 15. partium, quando apud vos in Me-
ridiano efficitur Refractio $7\frac{1}{2}$. Minut. nobis in consimili Altitudine, Sole iux-
ta 5. Gradum \approx vel 25 m., versante, Refractionem non maiorem vnquam in-
uenire potui Scrupulis $7\frac{1}{2}$. quod cum vestra satis concordat, cum tu tamen
existimes Refractiones hic sensibilibiter maiores, quàm illic insinuari. Et in
Solstitio hyberno, quando Sol in Meridie nobis tantummodo Grad. $10\frac{2}{3}$. at-
tollitur, Refractio euadit $9\frac{1}{2}$. saltem Scrupulorum, adhibita in omnibus Pa-
rallaxeos ratione. Vides itaque Refractiones Solares insensibilibiter maiores
hic, quàm apud vos, modò satis diligenter in consimili Altitudine expendan-
tur, cælitus apparere. Suspicionem itaque, in Stellis Fixis circa Refractionis inquiri-
tionem, tuis inuentis aliquid subesse vitij, in eo, quòd aliquantulum nostris
minus habeant, vel fortè, quia mare vastum è loco meæ Observationis versus
Boream patens, Refractiones in Septentrionali Horizontis parte ob vapores
inde continuè magis exhalantes, paululùm auctiores quàm alibi efficiat, in
cæteris Horizontis locis non video sensibilem à tua annotatione differenti-
am, ideoque nihil ferè importat, quòd iuxta Veterum sententiam Aër in his bo-
realibus locis densior crassiorque statuitur, nam $4\frac{1}{2}$. Gradus, quibus in Lat-
titudine differimus, parùm Aëris naturam immutant; quin & Augustæ Vinde-
licorum sub Eleuatione $48\frac{1}{3}$. aliquot Hyemes expertus sum multò frigidio-
res ijs, quæ apud nos communiter fiunt, & æstates minùs etiam calidas.
Quia verò per Crepusculorum obseruationem discerni posse existimas,
vtrum Aëris crassi superficies altiùs hic attollatur, quàm in vestro Hori-
zonte: Scias me diligenter animaduertisse, iuxta tempora æquinoctialia,
Crepusculum matutinum hic incipere Sole saltem Grad. $16\frac{1}{3}$. infra Hori-
zontem depresso, adeò, ut arcus Crepusculi tunc sit tantummodo 25. præcisè
Graduum, quem tamen Nonniana & communiter recepta ratio Partium
proximè 28. efficeret: Si quando idem illic diligenter exploraueris, non du-
bito quin inuenies arcum Crepusculi, nihilò apud nos maiorem esse, quàm
Castellis, & ob id nostri Horizontis vapores non altiùs ascendere, quàm vo-
bis, vnde etiam consequitur Aërem inferiorem non esse sensibilibiter crassio-
rem in hac boreali plaga, quàm in locis paulò meridionalioribus. Ex his
etiam omnibus satis colligitur, ea, quæ circa vaporum naturam, & hinc so-
lummodo deductam Refractionum rationem, adeoque de totius Cæli postmo-
dum ex his Aërea & Elementari prònuntiata materia à te in medium profere-
runtur, non ita certis niti fundamentis, atque ingeniosè & luculenter persua-
dere conaris. His itaque relictis ad cætera pergamus. Latitudinum in Fixis
Stellis variationem, mutationi Declinationis Eclipticæ obnoxiam esse, satis
inter nos conuenit, & abundè è quàm plurimis Stellis, in posterioribus meis
literis

literis comprobatum est, nec solius Syrii dissentanea latitudo huic assertioni quidpiam derogat, ut tute etiam mihi rectè suffragaris, causasq; lapsus Vetterum in Declinatione & Latitudine eius annotanda, apprimè verisimiles adducis, quare hac de re nihil attinet nunc plura dicere. Deliquium Lunæ Anni 84. equidem satis sciebam minùs diligenter à VVitichio obseruatum, neque ipsius proprijs annotationibus correspondere, siquidem eius in his tractandis minùs peritam exercitationem, dudum cognitam habebam. In Geometricis & Triangulorum ac numerorum tractatione expeditior ac felicior erat; ignorabam cum posteriores scriberem, eum satis concessisse, aliàs parcius de ipso egissem. Eclipsin Lunæ, quæ in Septemb. antecedentis Anni incidit, ego hinc aliquo modo obseruavi, ita ut de tempore eius intra 2. vel 3. Scrupula satis certus sim; Nam licet saltem per interualla momentanea quædam serenitas nobis hinc, ea durante, inter recurrentes nubes illuxerit, tamen non usque adeo obscurum hinc fuit & pluuiosum Cælum, atq; apud vos. In occidentaliori Terrarum tractu, per totam eius durationem, constans & clara affulsit serenitas, Relatum enim mihi est in Anglia optimè fuisse animaduersam à principio usq; ad finem, imò & in Cymbrica Chersoneso, quæ est occidentalior Daniæ pars, distans hinc 30. saltem milliaribus, & vestro Meridiano paululùm Occasui propior, toto tempore quo durauit hæc Eclipsis, Cælum apprimè serenum & vndiquaq; nubium expers fuit, ut quidam meorum Studiosorum, cui illuc in Patriam abeundi venia tunc concessa erat, huc reuersus retulit. Hinc manifestum euadit, quàm friuolo & incerto fundamento Astrologorum vulgariū Meteorologicæ prædictiones nitantur, cum in tam vicinis Horizontibus Aëris constitutio toto Cælo sæpenumerò discrepet, sed hæc extra propositum. Eclipsin Lunæ huius labentis Anni, quæ in initium Martij incidit, diligentius obseruavi, erat enim mediocris serenitas, quamdiu in vmbra laborauit, deprehendiq; tempora eius Prutenicum calculum per Horæ semissem excessisse; Alphonsinum verò Hora 1. cum triente, & Puerbachianum per quincuncem horæ anteuertisse; A Mæsthlini insuper neoterica, quàm in suis Ephemeridibus præposuit, restitutione paulò plùs integra hora defecisse. Quantum itaq; hætenus ab eo constitutæ in his redintegrationi fidendum sit, satis apparet. Sic in ea Eclipsi quæ fiebat Anno 80. die 15. Iulij manè in aurora, ipsius correctio per vnā horam cum triente ab Obseruatione abundauit, refert etiam in eadem, suam ponens rectificationem, quòd Luna tres digitos defecisse debuit, per quartam videlicet sui corporis partem, quando in Horizonte Tubingenli occideret, cum tamen in hoc nostro, qui semissem horæ adhuc est orientior, dimidia Luna, antequam Horizontem subiret, vmbra Terræ ingressa sit, ut ob id apud illos totam quasi in vmbra delituisse ante suum occasum, consentaneum euadat. Sic etiam in quibusdam alijs Eclipsibus notabilem differentiam restitutionis Mæsthlinianæ

P

ab

ab ipso Cælo aliquoties animaduerti, ut hinc satis pateat, cursum amborum luminarium, illi nondum ea, qua existimat præcisione, perspectum esse, imò etiam in rectificatione Fixarum Stellarum plurimum hætenus à scopo deflexit, ut ex libello eius de Cometa Anni 80. liquidò constat. Video illum Instrumentis idoneis, non ingenio & scientia destitutum esse. Hæc de Eclipsibus sic dixisse satis. Quòd Planetarum cursus non æquè ac Fixarum loca obseruetis diligentius, alienum quid videtur ab hac tota exercitatione; nam potissimum Fixarum loca eam ob causam verificantur, ut Planetarum per hæc, cursus & apparentiæ rectius innotescant. Ego in tribus remotioribus Planetis, præsertim verò Saturno & Ioue, quasdam adhuc requiro acronychias Observationes, ut circuitus eorum Cælo exactè congruos aliquando, fauente diuina clementia, restituam; in cæteris Planetis satis ad id perficiendum subsidij suppetit. Da operam, ut posthac in Errantium etiam Stellarum Observationibus fidelem naues operam, quò collatione aliquando facta, consensus inter nos & in his explorari queat. Quòd Illustriss. Princeps tuus Observationum vestrarum & rectificationum, in locis Affixarum Stellarum publicationem meditetur, eamq; ut per te fiat vrgeat, admodum laudabile & ipsius Cels. nomini perpetuò honorificum mihi censetur, elabora itaq; ut breui eam habeamus, nec est quod vos moueat quinquorū Scrupulorum in Longitudinibus omnium Fixarum inter nos differentia, ea enim per exigua est, & faciliè apud negotij intricatam profunditatem intelligentes, excusationem meretur. Quòd autem in meis de his constitutionibus, nequaquam quina illa Scrupula deficiant, quodq; in his ea præcisione, ad quam sensus nostri pertingere possint, omnia enuclearim, luculenter ad Illustriss. tuum Principem perscripsi, rationesq; addidi, quæ me in proposito confirment, neq; quicquam plus vel minus iustò in his admisisse satis euidenter persuadeant. Veneris sanè diameter etsi maiuscula sit, hanc tamen inter nos discrepantiam non excusabit; Mihi enim per rimulas prioris pinnacidij paululùm arctiores (ut in maioribus Stellis fieri oportet) Veneris sidus obseruanti semper in idem Minutum eius distantia à fixis Sideribus, etiam aliquoties reiterata, incidit, ut nihil hinc prorsus sit periculi, quin Fixarum loca per hanc, tam matutinam quàm vespertinam, semel atq; iterum adamussim à me sint restituta, neq; quidpiam eorum, quæ in literis Illustrissimi Principis ad me perscripta sunt, nostris inuentis vllò modo derogare poterit. Nihilominus vos rectè facere iudico, quòd vestris etiam Observationibus & Restitutionibus confisi, nihil in his mutare decreueritis: Sic enim minùs suspicabuntur posteri, nos data opera, & communicatis consilijs, has Stellarum Longitudines vnanimi consensu ordinasse. Non tamen dubito quin aliquando, ubi per renouata Organa beneficio Veneris non solum Occidentalis sed etiam Eoæ, negotium hoc viceuerla, & diligenti consideratione, sub incudem reuocaueritis, quin ipsimet sitis liquidissimè deprehensuri.

hensuri, quinque illa Scrupula in vestra denotatione à caelesti amulsi abundare, in mea verò nequaquam deficere, tuncque propria experientia edoctos, exactiori verificationi, manus sponte porrecturos spero: Antequam enim per reciprocam Veneris ad Solem observationem Stellis applicatam, res hæc diligentissime examinata fuerit, frustra aliquid certi denuntiatur; Nam quod per Venerem vespertinam tantummodo à te observatam, plausibilis cum prioribus inuentis apparuit consensus, ob Refractionis in Venere, & Sole declinationem, potius eveniebat, quam quod reuera in Cælo ita consonum fuerit, velut hæc latius ad Illustrissimum Principem tuum scribens, declaravi. Miror te affirmare motum Solis à me vobis transmissum, iuxta primos Gradus esse aliquantulum iusto tardiolem, cum ipsemet non diffitearis eum aliàs in toto Boreali Semicirculo, & iuxta utraq; æquinoctia Observationibus vestris idipsum attestantibus exactissime congruere. Meminisse enim oportuit, quod in prioribus literis satis aperte indicârim, Observationem motus Solis saltem in Boreali Semicirculo ipsi Cælo congruere; in Australi verò ob Refractionum impedimenta, non item. Et Sol in principio æ apud vos Meridianus existens, attollitur saltem part. 18½. vbi admodum sensibilem Refractionem inducit, & necessariò ulterior per Observationem apparet, quam reuera est, quod etiam mihi idipsum tentanti, sæpius innotuit. Tolle itaque in Australi Semicirculo Refractionis impedimenta, & patebit nostram restitutionem in motu Solis, illic etiam non minus, quam in Boreali, normæ caelestis apprimè correspondere. Misi autem ad Illustrissimum Principem tuum adhuc 5. annorum Ephemerides Solis, è nostro Calculo deductas, ut in sequentibus Annis, huius rei periculum, adhibita modo dicta cautione, vestris Instrumentis, fieri possit. Transis postea à Cælestibus ad Poëtica, vel potius quasdam Hieroglyphicas connexionis superiorum & inferiorum figuras, quas in Carmine quodam, ad Nobiliss. pariterque in Latinis & Græcis literis Eruditissimum Virum FALCONEM GOYE, amicum & affinem meum dilectum, ante quadriennium animi gratiâ exarato, forte fortuna perspexisti; Curque apud depictum Philosophum, qui caelestia scrutatur, hinc inde ascribatur SVSPICIENDO DESPICIO, & circa reliquum, qui terrestria DESPICIENDO SVSPICIO, sollicitè à me requiris. Ut autem votis tuis hæc etiam in parte, non prorsus desim, sic habere. Hieroglyphica hæc esse rectè coniecasti; Nam non saltem utramque Astronomiam caelestem illam superiorem, & inferiorem terrestrem respiciunt, sed etiam ipsam diuiniorum minusque vulgariter usitatam Theologiam, adeoque totius Ethices cognitionem, videlicet virtutum & vitiorum discretionem. Prima verò fronte Physicam rerum creaturarum considerationem præ se fert, in qua superiora inferioribus per admirandam analogiam, ita connexa sunt, ut neutrum sine altero rectè percipi,

P a

penitusq;

penitusq; indagari queat; Nam vt rectè colligis, ars ea quàm Spagyricam vocamus, totius naturæ peruestigationem, adeoque contrectationem quandam interiorem continet, & Astronomiæ cuiusdam terrestris (vt prius appellauimus) exercitationem iucundam, nec inutilem exhibet. Vtq; aliqua ex parte eorum quæ expetis, conscius reddaris, scire conuenit, id esse septem Planetas in Cælo, quod sunt septem Metalla in Terra, quodq; in homine ad vtriusq; ideam fabricato, qui ob id Microcosmus rectè appellatur, septem principalia membra, atq; hæc omnia tam pulcra, & concinna similitudine inuicem colligata sunt, vt paria ferè videantur habere officia easdemq; proprietates & naturas. Sic duo principalia luminaria in Cælo Sol & Luna, duobus præstantioribus Metallis, Auro & Argento, in homine verò duobus præcipuis vitalibus membris cordi & cerebro æquiparentur. Duo benefici Planetæ Iupiter & Venus inter Metalla terrena, Stannum & Cuprum, post priora secundæ dignitatis, sibi locum asciscunt, in corporibus verò nostris iecur officinam sanguinis, & Renes generationis ministros; Duo verò Planetæ, quos maleficos appellant, Saturnus & Mars, Metallis abiectionibus, Plumbo videlicet & Ferro correspondent, atq; in corporibus hominum duo minùs necessaria & vilia membra sortiuntur, Splenem & Fel, quæ sunt receptacula atræ flauæque bilis exuberantis. Mercurius cælestis vt est natura sua indifferens, & Protheo mutabilior, sic etiam Mercurium terrestrem siue Argentum viuum sibi analogum habet, quod etiam in varias transmutatur formas & omnium reliquorum Metallorum naturam æmulatur, mirabilesque induit Metamorphoses; In corpore autem Microcosmico, huic inter septem membra principalia rectè assimilatur Pulmo, cuius officium est Spiritum trahere, corque & reliqua membra sua anhelatione refocillare; inseruit etiam loquelæ plurimum, velut & Mercurius ille cælestis, huic præesse creditur. Multa sunt præterea in his septem admiranda similitudine, quæ paucis explicari nequit, sibi inuicem colligata; Sic etiam reliqua Terræ Mineralia, Gemmæ, Marchasitæ & Salia cum diuersis Planetis certa lege consentiunt, & naturæ imprimis Affixarum Stellarum associantur, quæ Planetarum vires in se licet obscuriùs contineant, quem admodum etiam herbæ & vegetabilia è certo quodam ordine, non solum Planetis sed etiam fixis Sideribus in terrestri Astronomia assignantur, eorundemq; naturam, quantum in se est, æmulantur. Hæc & plura eiusmodi penitiùs intelligere, non docet vulgaris Physica, neq; Academiæ, Peripateticorum sophismatibus & fucis dementatæ, incrustatæq; , latentem in his realem & ipsissimum veritatis nucleum, introspicere vel didicerunt, vel docent. Pyronomica Schola adeunda est quæ non ea quæ plausibiliter differuntur, sed quæ veraciter manibus palpantur, oculis videntur & sensibus exterioribus interioribusq; percipiuntur, manifestat. Doctores in hoc Gymnasio aliquos habuit Antiquitas, & nostrum etiam Seculum non prorsus ijs destitutum

stitutum fuit, licet pomposi & formales Academiarum Professores eos vel per incuriam negligent, vel per incitiam repudient, aut etiam ex odio & præoccupato iudicio detestentur; Semper enim veritas sincerior, non solum in diuinis rebus, sed etiam Mundana Philosophia, tam à vulgo hominum, quod ferendum esset, quam ab ijs, qui eam ipsam maximè profitentur (quod dolendum est) exosa & fuit, & imposterum erit, nisi Deus peculiarem & mirabilem mundi Methamorphosin aliquando instituerit. Authores in hac secretiore Philosophia sunt plurimi, inter quos præcipuum locum tenent, quoad Veteres, Hermes ille Trismegistus, Author tabulæ Smaragdinae, Geber, Rupescissa, Arnoldus de villa noua, Raymundus Lullius, Thomas Aquinates, Rogerius Bacho, Turba Philosophorum, Albertus Magnus; Superiori verò æuo Isaacus Hollandus & Theophrastus Paracelsus, quem plures oppugnant quam intelligunt. Verùm etsi hi, & quidam insuper alij in hac occultiori arte scriptores, magnum discantibus subsidium, remq; omnem per causas naturales expendendi peruestigandiq; occasionem subministrant, tamen nisi accedat diligens & diuturna tractatio per exercitium Pyronomicum, frustra nudis chartis insudatur: Rectissimè enim inquit Paracelsus, neminem plus scire in hac Arte, quam ipsemet per ignem expertus sit. Hæc etenim alijs, quam dignis & idoneis penitus concedere discipulis, silentium verat plus quam pythagoricum. Si aliquando mecum fueris, forsàn quædam in his spectabis prius desiderata, nec ubiq; obuia. Non enim minori conamine & sumtu Astronomiam hanc terrestrem excolo, quam illam cælestem, ordinatis ad eam ritè tractandam, oportunis structuris, & fornacum magna varietate, copiasq; quæ omnia calamus referre non sustinet. Redis deinde ab hac inferiori Philosophia ad superiorem illam & ætheream, deq; scriptis tuis, quæ hæcenus absoluiisti in re Astronomica, & ijs quæ ad hanc, ex Triangulorum & numerorum cognitione spectant, me certiores reddis. Optarem autem hæc omnia à te edi, videntur enim plurimum lucis his Artibus allatura. Si verò id breui fiat, commodum tibi non fuerit, saltem vt manuscripta, descriptaque exemplaria mihi inspicienda breui tempore, communicentur, mox tibi bona, & inuiolata fide, restituenda, modò id tibi integrum foret, te rogatum haberem. Licet verò calculus Prutenicus sensibilibus sapenumèrò, ab ipso Cælo deflectat, poteris nihilominus, Hypotheses Copernianas, ad immobilitatem Terræ reductas, illi applicare, laboremq; illum pereximium publicare, vt discantes calculi & Hypothesium congruentiam rectius, & maiori cum voluptate fructuque fundamentaliter percipiant, id enim ab alijs, qui id tentare aggressi sunt, non satis fideliter factitatum est, dum Ptolomaicas & Alphontinas hypotheses Copernianis numeris, violenter citra exactam correspondentiam obtrudunt. Ego meas restitutiones in cursu Planetarum omnium, propriæ, non ita dudum adinuentæ hypothesi, adaptare elaborabo, calculique

cum his, adeoque ipso Caelo consensum ostendere, & peculiari Opere, fauente Numine diuino, ipsemet declarare decreui. Hypotheseos verò huius generaliore delineationem habes, in secundo nostro Tomo de nouis *Ætherei Mundi Generationibus* nuper tibi transmissò, quam quò diligentius perspexeris, eò magis arridebit; Tollit enim omnia tam Mathematica quàm Physica absurda, quæ in veteri Ptolemaica, & recenti Copernicea assumptione, delitescunt, & particularioribus apparentijs, vndiquaque aptissimè satisfacit, quod neutra aliarum omnimodè præstat, vt alibi ex ipsis Obseruationibus demonstrabimus. De dierum *Æquationibus* siquidem inter alia mentionem facis, scias me diuersa quædam in his, ab antecessorum placitis statuere, neque eam tantam esse, quanta vel ab ipso Copernico assumitur, non solum certis rationibus, sed ipsa etiam experientia edoctum, qua de re suo loco dabitur commodior differendi occasio. Si scriptum tuum de Cometa, amplissimo & nobilissimo D. NICOLAO KAASTIO Cancellario, viro de Patria nostra & omnibus bonis artibus, præclare meritò, dedicaueris, velut te facturum scribis, non dubitò quin illi sit futurum pergratum, licet nihil cum ipso hactenus ea de re priuatim sim loquutus. Subiungis postea te facillè mihi concessurum, omnes Cometas in *Æthere* generari, nisi obstarent Regiomontani, & Vogelini Obseruationes, at ego quo loco hæ habendæ sint, in Epilogo totius Operis nostri de hoc toto negotio luculenter, & minimè dubijs rationibus ostendam. Regiomontani annotationes, sibiipsis non consentiunt, neque ad Spicam in Cometa tam velocis Parallaxis, vllò modo indagari potuit; Iis itaque cum Aristotelis assertionibus nimium confideret, si quam coniecturam de Parallaxi aliqua, quæ eum sublunarem redderet, per incuriam aliquam adeptus est, eam mordicus pro veriori retinuit, videtur enim in hoc plurimum laborasse, vt quàm maximam erueret. Vogelini Obseruationes admodum erroneæ sunt, nec consentiunt in eodem Cometa cum ijs quæ à Petro Apiano & Fracastorio prodita inueniuntur, vt alibi latius ostendam. Et motus insuper diurnus, qui ab ipso saltem part. 23. constituitur, renuere videtur, Cometam hunc tam propinquum Terris fuisse, vt Parallaxin 35. Partium induxerit, adeò, vt non sesquialtera Terræ Semidiametro ab eius superficie abfuerit, vel vt idem author incompetenter altruere non dubitat. Quamuis, vt ipsum quòd res est dicam, velocitas & tarditas motus non sufficienter remotionem, vel appropinquationem Cometarum discernunt, vnde nihil obstat, id quod tu nobis opponere videris, videlicet celeritatem motus in Regiomontano Cometa, quæ statuitur 40. partium Circuli maximi, in vna die, arguere ipsum sublunarem fuisse, tantamque habuisse Parallaxin, quantam is illi attribuit. Nam si Cometam Anni 1585. fas erat in altissimo orbe Saturni, vel te ipso iudice versari, & nihilominus ab initio motum diurnum absolueret trium Graduum, cum ipsa Saturni Stella, vel concitatissima
saltem

saltem 8. Minuta vno die conficiat, adeò, vt Cometa, tunc fuerit plùs quàm vicies ipso Saturno, vel celerrimo, velocior: Qui quæso, non etiam concedi poterit, Cometam illum à Regiomontano descriptum fuisse supra Lunam, licet eius motu diurno triplo circiter fuerit concitator; Cùm enim ipsa realitas orbium, Cælo non competat (qua de re inuicem consentimus) possunt utiq; hæ secundariæ & ascititiæ Stellæ, fortiri quemcunq; motum innata fert scientia, in quocunq; tandem Cæli loco vel altiori vel decliuiori, obuoluuntur, Non enim sunt Planetarum & Siderum Mundo coætaneorum legibus omni ex parte obnoxia, sic etiam magnitudo quorundam Cometarum, eorum vicinitatem non satis probat; Possunt enim in ipso Cælo, & in quacunq; vltra Lunam sublimitate, quantamcunq; Plasmatori libuerit, acquirere magnitudinem. Nec Aer sublunaris, quem tu eundem cum cælesti reputas, aptus est ad generationem talium, & tam excellentium Phænomenon. De his & similibus in conclusione generali Operis nostri, de extraordinarijs ætherei Mundi generationibus, plenius meam sum expositurus sententiam, tibi & alijs, vti spero, hac in parte satisfacturus. De motu vel quiete Terræ aut ipsius Cæli, quantū ad quotidianam Reuolutionem attinet, aliàs quid sentiam referabo. Cuperem autem quàm maximè vt prima quaq; occasione, impetrata venia ab Illustriss. Principe tuo, me hîc inuisere non intermitteres; Sic enim & de his & de alijs ad diuinam Astronomiæ artem, & absconditam à vulgo eruditorum, Philosophiam, coràm commodius & plenius conferemus, efficiamq; vt te eius itineris non pæniteat. Interim & semper quàm felicissimè vale mi amantissime ROTHMANNE, tempus enim est, vt Epistolam nunc claudam, siquidem tuis literis, in omnibus, quæ continebant, nunc copiose pro virili nostra, & temporis occasione satisfactum est. Tuum erit omni sedulitate operam dare, vt mihi responsum ab Illustriss. Principe tuo, & à te maturè adornetur, vtque hoc perficiatur intereà, dum harum exhibitor in Nundinis abest, quò ad vos rediens, certò id apud te absolutum, & conscriptum inueniat. Non enim socij itineris & curruum commoditates, eum illic moram aliquam trahere patientur. Plurimum enim exoptarem, ante hyemem à vobis ad has meas literas responsionem obtinere, vt eò opportuniùs ad instantes postmodum vernaes Nundinas rescribere liceat. Tu itaq; omnem moue lapidem, ne procrastinetur negotium. Iterum quàm felicissimè vale,

meq; tui amantissimum redamare perge. Data

Vraniburgi die 17. Augulti,


Anno 1588.

TYCHO BRAHE.

NOBI-

NOBILISSIMO ET VIRTUTE SAPIENTIA IN-
GENIOSA ERVDITAQUE DOCTRINA, CLARISSIMO VIRO,
DOMINO TYCHONI BRAHE, DOMINO DE KNVDSTRVP, EQVI-
TIDANO, Mathematicorum nostro Seculo omnium
præstantissimo, &c. Domino suo cum
obseruantia colendo, &c.

S. P.

CCEPTATISSIMÆ MIHI FVERVNT VTRÆQUE TVÆ
literæ, Nobilissime ac Præstantissime D. TYCHO, animoque
meo longè gratissimæ, & priores cum Tomo secundo Phænomé-
non Cæli recentiorum, quas II. Iulij à Gellio Sasceride accepi,
& posteriores, quas iam. Verùm ad has tibi prius respondebo, ad priores in-
ferius. De materia igitur Cæli vt adhuc paucis tecum agam, peto mihi con-
cedas. Ab ea enim diuelli non possum. Et nisi hæc quæstio à nobis decisa fue-
rit, à nullo vnquam, siue Theologo siue Physico decidetur. Non enim Deus
in verbo suo quicquàm de hac reuelauit, cum nihil ad salutem nostram perti-
neat, nec eiusmodi disputationes, quas pauci admodum etiam inter Doctos in-
telligunt, immiscere voluit sacris literis, quæ omnibus omninò hominibus,
Indoctis pariter ac Doctis, Rudibus pariter ac Ingeniosis scriptæ sunt, vt &
ipse Christus Ioan. 3. ad Nicodemum testatur. Physici quoq; quomodo de hac
quicquàm certi scire poterunt? Tantum enim de eiusmodi sublimibus & tam
procul à nobis disitis rebus scimus ac intelligimus, quantum per Doctrinam
Triangulorum & Mathematicas demonstrationes inuenimus. Sine his qui
de eiusmodi rebus differit, vanissimus est prorsusq; delirat. Nec ego Aëris
materiæ vnquam introduxissem, nisi defectus Refractionum & Demon-
strationes opticae me ad id impulissent. Quousq; enim verum erit, quòd diuersa
Diaphana efficiant Refractionem, eousq; etiam mea assertio vera erit. Nec
huic quicquàm derogant ea quæ à te afferuntur. Quòd enim à Physicis tra-
ditur, in Cælo esse nihil elementare, nihil corruptibile, nihil variabile, sed
æterna omnia: tam faciliè negatur quàm asseritur. Probandum enim est, cur
ita sit & vnde illud sciatur, non pro hypothese & axiomate concessio assumen-
dum. Quod si cum Aristotele idè id esse dixeris, quoniam nulla mutatio vn-
quam in corporibus cælestibus vel potius in magnitudine & claritate Siderum
deprehensa sit, nihil dixeris. Nam nec magnitudo Terræ vnquam mutata est,
& tamen in Terra & circa Terram sunt corruptibilia omnia. Nihil igitur
magnitudinis perseverantia in Stellis probat. Nec tamen interim nego, ipsa
corpora cælestia esse perfectissima, simplicissima, nulliq; prorsus corruptioni
aut generationi obnoxia; sed tantum de circumfusa materia loquor, quem
non impurum sed purissimum dico esse Aërem, qui tamen ab Aëre puro infra
Lunam

Lunam nihil differat. Nam & hic nihil claritati Stellarum detrahit. Nec inde sequitur, si ipsa corpora sint perfectissima & ab Elementis diuersa, etiam circumfusam materiam perfectam esse oportere: sed potius, cum Cometa in ea generentur, crescant, decrescant, & tandem etiam euanescant ac dissipentur, tantæque interdum sint magnitudinis, ut etiam quinquaginta Gradus occupare possint; non usque adeo à mutatione & corruptione erit immunis, nec tam æterna, diuina & imperscrutabilis ut fingitur. Nec si huic rationi & superiori principio Optico innitor, Cælum (si modò circumfusa illa materia Cælum appellanda est; quanquam non ignorem, Aërem quoque interdum Cælum appellari.) Non inquam Cælum ideò aliqua labe asperfero, sed potius illud à vana & præter omnem causam & experientiam otiose afficta substantia liberauero, veramque sententiam substituero. Nec sonitus ullus è concitato Siderum motu in Aëre illo puro ciebitur. Quòd enim Aër illisus & impulsus sonitum edat, id in hoc crasso à vento experti sumus (sonitum enim qui ratione vacui sit, huc non quadrare manifestum est) nec id caret ratione. Quoniam enim Aër hic crassus semper aliquid aqueum in se continet, Aqua verò sit eiusmodi res, quæ penetrationem subitam non admittat: non immerito Aër quoque crassus in impulsione & illusione resistet quodammodò & sonitum edet. At idem in puro quoque Aëre accidere, nemo facile probauerit. Eum enim esse tenuissimum ac rarissimum, satis inde liquet, quòd hic crassus, licet tenuissimus putetur, tamen radios Solis etiam serenissimo tempore non irreflexos & sine lumine transmittat, Illum autem purum radij Solis absque vllò lumine & reflexione penetrant, ut ex Crepusculis manifestum est. Ideo ob tenuitatem & raritatem purus ille Aër illidi & impelli non poterit, sed absque vllò obstaculo cedit, adeoque perpetuitati reuolutionis caelestium corporum & puritati eorum longo vsu temporeque non detrahet, multò minùs atterendo constantissimam harmoniam labefactabit. Quòd si purissimus ille Aër hoc posset, vereretur ut à vehementissimis ventorum flatibus in hoc crasso Aëre iamdudum tota Terra esset attrita & absunta, ac etiam de suo loco mora. Si item tantus sonus à puro illo Aëre excitari posset, ut nostrum auditum percelleret; omnes Superos præ nimio metu iamdudum suffocatos putarem. Multò enim magis sonitus crassi huius Aëris à vehementissimis ventis excitatus à Superis perciperetur, quàm ille à nobis. Sed tamen memini, fuisse aliquando in loco quinque miliaribus hinc sito vehementissimum ventum, adeò ut ædificia & arbores euerteret; de cuius tamen sono ego hic nihil audiebam. Adeò, quæ vera sunt, coniecturis eueri non possunt. De proportione quoque Elementorum scis quomodo PHILIPPVS MELANCHTHON in sua Physica Peripateticos reprehendat, veramque Aristotelis sententiam doceat. Et sanè cum concedis, usque ad Lunam Aërem elementarem esse, eò ipso proportionem Elementorum tollis. Cum enim usque ad infimam Lunam, ut te inuenisse in se-

Q

cundo

cundo Tomo mihi transmissio testaris, sint Semidiametri Terræ 52. plus centies millies Aër maior erit ipso Terræ & Aquæ globo simul. Quæ autem proportio est 1. ad 100000. vel potius 1. ad 140608. ut interim de Terra ab Aqua separata taceam? Non igitur proportio Elementorum obstat. Sed nec mea ipsius demonstratio, ut obijcis. Non enim volui, in Altitudine 30. Grad. nullam amplius fieri posse Refractionem, sed hoc tantum tanquam petitum seu postulatam ex primis tuis literis ad Illustrissimum Principem nostrum missis assumpsi, ut demonstrare possem, si detur altitudo, in qua Refractiones desinant, dari etiam quanto spatio radij Solis Aërem crassum irrefracti penetrant: Eademq; demonstratio permanebit, licet Refractiones vix in 40. Altitudinis Gradu desinant. Cumq; ex ea proveniat, vapores circa Horizontem sextuplo proximè densiores esse quàm in Altitudine 30. partium, sequitur inde, minorem proportionem Refractiones efficere non posse in ea Altitudine; multò minùs spatium eiusdem medij circa Horizontem, irrefractè penetratum maius esse eo quod refractè penetratur. Vide igitur an diuerso Aëtheris & Aëris Diaphano ea demonstratio applicari possit. Quæ enim multiplicatio diuersi Diaphani aut potius Aëris hic esse potest? Pone enim combinationem illam mutuam Aëtheris & Aëris fieri in distantia 30. Semidiam. Terrenarum à superficie Terræ, in Horizonte quæ erit multiplicatio? Nondum enim in Horizonte 31. Semidiam. erunt. Scilicet radij tot Semidiametros Terrenas diuersi Diaphani irrefracti penetrare poterunt, unicam autem Semidiametrum non possint? Quod verò existimas, etiamsi concedatur, quod nulla fiat Refractio in loco proximè sublunari, non tamen inde sequi, ut Cælum (si modò circumfusa illa materia, ut antea quoque dixi, Cælum appellanda est: de ea enim loquimur,) ut inquam Cælum ex Aëre Elementari constet: Illud longè aliter se habet. Quandocunq; enim dantur diuersa Diaphana, datur etiam Refractio extra perpendicularem, & quandocunq; Refractio extra perpendicularem tollitur, tollitur etiam diuersitas Diaphanorum, ut manifestum est ex capit. 2. & 4. Alhazeni lib. 7. & ex Vitellion. lib. 10. 1. 3. & passim ex tota Optica. Diuersa enim media diuersimodè transmittunt imagines rei visæ ad oculum, & cum primum medium fuerit subtilius & rarius quàm secundum, imago facilius & velocius transmittitur per primum medium quàm per secundum, & cum ad secundum peruenit, retardatur quasi, ut ex dictis Opticis notum est. Vnde quoque hic locum habere non potest ea excusatio, quòd media illa diuersa in mutua connexionione sibi inuicem, ut sine causa fingis, assimilentur, & successiue alterum in alterum mutetur. Erit enim nihilominus in ea mutua combinatione & assimilatione punctum, in quo imago Stellarum quali retardetur, quod est punctum Refractionis. Sæpius hyeme expertus sum, cum aperta fenestra stare in medio Obseruatorij in calido Aere, rem vi-

lana

fam in frigido Aëre consistentem refractè videri. Hic certè nec similitu-
 do, nec successiua combinatio & assimilatio Refractionem tollere potue-
 runt. Si verò media illa per se tam similia sunt, vt inter illa nulla sit diffe-
 rentia, cur diuersa appellas? cur non etiam sublunarem illum purum Aë-
 rem Æthera, seu, vt Plinius loquitur, Æthereum spiritum appellas? Ita enim
 tecum non pugnarem. Tantum enim id contendo, non esse diuersa Æthe-
 ris & Aëris puri Diaphana, cum nulla ab ijs generetur Refractio. Sed
 nescio quomodo adedò inhæreas tuæ sententiæ, vt etiam præter omnem ex-
 perientiam concedas, Refractionem Ætheris & Aëris durare vsque ad ver-
 ticem, cum tamen eam nunquam Instrumentis senseris. Certè hac ratione
 quiduis confingere licet. Sed tamen sequeretur inde, nullam Stellam præ-
 ter eas, quæ verticem transeunt & in vertice sunt, vero lumine videri, ve-
 rum confuso & debilitato. Omnis enim Refractio debilitat lucem & colo-
 rem rei visæ, vt demonstrat Alhazen lib. 7. capit. 7. & Vitellio. lib. 10. p. 10.
 Cum igitur diuersitas ea ex collatione Stellæ verticalis ad reliquas à vapo-
 ribus liberis non depræhendatur, nec Refractio concedi poterit. Verum
 tu hic potius in omnia diuersa. Ais enim, has Ætheris & Aëris Refractio-
 nes infra 30. Gradum esse sensibiles, in altiori verò situ insensibiles, & ta-
 men postea addis, Refractionem Solis, quam in Altitudine 30. Grad. inue-
 nisti 1½. Minutorum, per solos vapores vix excusari posse. Vtinam diceres,
 eam totam esse à diuerso Ætheris & Aëris Diaphano, demonstrarem utiq;,
 in Altitudine 45. Grad. eam adhuc debere esse vnus proximè Minuti. Ipso
 enim vero verius est, si infra 30. Gradum sensibilis aliqua Refractio Ætheris
 & Aëris concedatur, eam in altiori situ non tam subito insensibilem fieri
 posse. Nam iisdem medijs permanentibus non tam subito mutari possunt
 Refractiones ipsæ, cum earum Anguli non tam subito decrescant, quin-
 imò siue ab Aëre ad Aquam, siue ab Aëre ad vitrum, siue ab Aqua ad vi-
 trum, siue contrà fiant, eandem ferè in crescendo & decrescendo reti-
 neant proportionem, vt ex Tabula in 8. p. 10. Vitellion. posita videre est.
 Ad quàm etiam respiciens scripsi in superioribus literis, si circa Hori-
 zontem detur Refractio Solis 3. Minut. à diuerso Ætheris & Aëris Diapha-
 no proueniens, dari eam in Altitudine 45. Graduum 1½. Minuti. Et si enim
 aliqua, tamen non admodum dissimili proportionem decrescant Refractio-
 nes ipsæ & Refractionum Anguli; Quòd, si mihi tempus non deesset,
 facile Calculo examinarem. Quòd autem circa Horizontem tam subi-
 tò decrescunt Refractiones, id à meris vaporibus est, qui circa Terram
 & crassiores sunt, &, vt demonstraui, multiplicantur, & etiam à radijs
 à latere petuntur. Aliàs si eadem media manerent, eadem quantitate
 eodemque modo disposita, tam subita mutatio Refractionum accidere non
 posset, vt demonstrari potest. Sed restat adhuc demonstratio, quam nemo
 vnquam

Q₂

vnquam

vnquam infringere poterit. Si enim est Refractio à diuerso *Ætheris* & *Aëris* Diaphano proueniens, ea necessariò maior erit in *Stellis Fixis*, quæ longius distant, quàm in *Sole*, qui propior est, vt interim de *Luna* taceam. Nam in *Triangulo* manente vnico *Angulo* & vnico *Latere*, reliquis lateribus productis, *Angulus* reliquus ad manens latus maior redditur, per 21. p. 1. *Euclid.* Necessariò enim idem *Refractionis Angulus* in eadem *Altitudine* manebit, cum maneant eadem media, nec alius poterit esse *Refractionis Angulus* in *Sole* aut *Luna*, quàm in *Fixis*. Ex quo manifestissimum est, si ponas, *Refractionem* in *Sole* in certa aliqua *Altitudine* insensibilem fieri, eam in *Stellis Fixis* in eadem *Altitudine* adhuc sensibilem esse oportere. Cum igitur per *Observationes* non hoc sed potiùs contrarium te ipso teste reperiatur: *Refractio* à diuerso *Ætheris* & *Aëris* Diaphano generari non poterit: Et propterea, vt sapius iam ex *Opticis* probaui, *Diaphana* *Ætheris* & *Aëris* diuersa esse non possunt sed eadem. Si igitur tu purum illum *Aërem Cælum* appellare volueris, nihil pugno, tantum ne purus *Aër* à cælesti differre statuatur, adeoq; diuersa *Diaphana* introducantur, cum vt alterum altero subtilius sit, defectus *Refractionis* non permittat. Quòd autem ex *Chymicis* affers, latere in terrenis rebus quintam quandam essentiam, quam tu cælestem appellas, illud & credo & iucundissimè cogito. Verumtamen inde non sequitur, quòd hæc quinta essentia eadem sit cum illa materia quæ *Planetis* est circumfusa, sed potiùs eam à *Sole* generari. Quemadmodum enim *Sol Microcosmi*, vt iucundissimè doces, ex sanguine & attracto *Aëre* (ex quo propter respirationem videtur ingenta sua natura subtiliorem partem retinere, reliquam respuere.) Quemadmodum inquàm *Sol Microcosmi* ex *Aëre* & sanguine in dextro thalamo preparato spiritum vitalem in sinistro thalamo generat; Ita & *Sol* totius vniuersi ex *Terra*, *Aqua* & *Aëre* quintam illam essentiam in rebus naturalibus generare videtur. Aut si hæc essentia eadem est cum illa *Planetis* circumfusa materia, eadem erit & cum puro *Aëre*, propter adductas demonstrationes. Hæc paulò fusiùs, quàm initio proposueram, de hac adhuc materia ad te perscribere volui, non quidem studio contradicendi, sed ex mera *Φιλαληθεία*. Nec quicquàm certi de generatione & materia *Cometarum* afferri poterit, nisi hæc quæstio fuerit decisa. Sed de hac pluribus, *Deo* dante, in nostris *Stellarum Fixarum* *Observationibus* agam, omitta tamen huius nostræ dissensionis mentionem, ne hæc veritati rei fortè quid detrahat. Nec etiam tui, nisi sine reprehensione possim, mentionem facio, sed tunc potiùs omisso nomine res ipsas tracto. Nunc ad *Philosophica* illa. Sed priùs adhuc vnum. Satis mirari non possum, quòd initium *Crepusculi* matutini circa *Æquinoctia* inueneris *Sole* vix 16½. *Grad.* infra *Horizontem* in circulo verticali depresso, cum ego finem *Crepusculi* vespertini circa *Æquinoctium* vernum hîc inuenerim *Sole* 24. *Grad.* infra *Horizontem* depresso, ita tamen, vt nullum
amplius

amplius albedinis vestigium appareret. Tu igitur idem quoq; tenta in vespertinis Crepusculis, vbi has Obseruationes exactiores esse arbitror propterea quod facilius animaduerti possit, quando vestigium albicantis Aeris desinat, quam quando incipiat, dubitante semper Obseruatore, an vestigium illud albedinis pertineat ad Crepusculum matutinum. Ego quoque in matutinis idem experiar. Ad dulcissima igitur illa ex intima & profunda Philosophia hausta nunc venio. Reliqua enim responsione non indigere videntur, nec de Eclipsibus quicquam hic propter Cælum pluuiosum obseruare potui. Gratiarum igitur ago tibi quas possum maximas, quod me in secretioribus istis tam luculenter erudire dignatus es, atq; vt id in posterum quoq; facias, à te etiam atq; etiam maiorem in modum peto. Cum ea legerem, penè exclamaui gaudio. Quàm longè veriora sunt & pulchriora, quàm quæ in Aristotele traduntur. Sed tu fac vt plura intelligam. Scripsisti in superioribus literis cum Rami mentionem faceres, omnia constare numeris, ponderibus, & mensura. Hoc igitur quid sit, etiam atq; etiam velim mihi explices: addasq; si placet, de spiritibus Sulphure, Sole, & Mercurio, quomodo hi conueniant non solum alijs rebus naturalibus, verum etiam corporibus humanis; qui ex his vegetet, nutriat & augmentet corpus nostrum, qui sentire faciat, qui moueat; seu, vt vulgariter loquuntur, qui sit naturalis, qui vitalis, qui animalis. Admodum enim placet mihi vestra Medicina. Item de Fixatione spirituum, quomodo spiritus spiritum figere possit, & alter alterius anima sit, & cur à vobis anima dicatur medium quod spiritum & corpus vnit, cum in nostro corpore non anima sit vinculum spirituum, sed potius spiritus sint vinculum animæ. Item vnde calculus in homine generetur, & vnde Podagra existat. Si enim de his me certiores feceris, nihil iucundius aut gratius quicquàm mihi accidere poterit. Sed fortassis nimis impudenter te onero, nimiumq; multus sum in responsione ad posteriores literas. Quapropter ad priores iam accedo. Quod igitur in vtrisque, tam posterioribus quàm prioribus literis iudicium meum de ijs, quæ in secundo Cometarum Tomo mihi transmissis continentur, requiris; id equidem eiusmodi agnosco esse, facile vt negligi possit. Per te enim tanquàm summus artifex ipse intelligis, quid esse possit, quid non possit. Sed tamen vt habeas quod expetis, ita rem deduxisti, Cometaq; illum in æthere cursum suum absoluisse ita demonstrasti, vt nemo hominum artem saltem Mathematicam non ignorans, tibi contradicere possit: idque tam luculenter & perspicue, vt nemo luculentius aut enucleatius. Quapropter vide vt quamprimum reliquos quoq; Tomos habeamus. Ita enim non tantum negotium Cometarum verum etiam Artem nostram summè promouebis. In tertio Capite facis mentionem maximæ Latitudinis Lunæ, quam & ipse tecum eandem ferè inueni: sed Caput Draconis abest à Tabulis plus quatuor Gradibus, vt per distantias & Globum reperi, nec arbitror calculum minorem differentiam produ-

Q3
ducendum,

ducturum, quod facile examinarem si tempus mihi non deesset. De materia Cometarum & quomodo generentur, nihil in eo reperire potui, nisi cap. 9. de generatione caudæ, de qua tamen an à Sole an verò à Venere, in cuius oppositas partes ad amussim, vt cap. 7. doces, toto apparitionis tempore porrecta fuit, generetur dubitas, sed tamen in Solis partes tandem inclinas, idq; latente ac incomperta adhuc Optica ratione fieri posse putas. Verum me de tota caudæ generatione, an ea per transmissos radios fiat, dubitare non ignoras ex cap. 7. scripti mei ad te transmissi. Cum enim Cardani, Scaligeri, & Apiani sententiam de generatione caudæ recitasset, tandem subiunxi me, vt ingenuè faterer, in hac de generatione caudæ sententia potius aliorum iudicium quàm meum sequi. Hærebat enim tunc temporis semper in animo, caudam eiusdem materiæ quamuis rarioris cum ipso Cometæ corpore esse oportere, propterea quod radij Solis etiam si corpus Cometæ transcant, tamen post transitum sine materia, in qua similiter reflectantur, in puro illo Aëre apparere non possint: cum nec post Crystallum aut eiusmodi corpora lux Solis condensata appareat, nisi materiata res subiiciatur, in quam Pyramis illa impingat: Item quòd cauda illa sit dispersa, nec radij eius continuentur, sed interdum longè post caput abruptè apparere incipiant, & propter alias causas. Cum tamen eiusmodi caudatas Stellas nunquàm obseruassèm, nec dum formam & habitum caudæ diligenter in vlla considerassèm, videremq; opinionem illam à nullo esse repræhensam: tantis & tam summis Viris celsi, quod tamen sine protestatione, vt scis, facere non potui. Fuisse verò iudicium illud meum de cauda contra summos illos viros verum, superiore hyeme cognoui. Cum enim fortè fortuna inciderem in illas Cypriani Ephemeridas, quas deauratas vnà cum sacris Biblijs & Globo seipsum mouente paruoq; Quadrante semper secum vehere solet Illustrissimus Princeps noster; in principio earum ita scriptum reperi. Anno post exhibitam toti Terrarum orbi salutem supra millesimum quingentesimum quinquagesimo octauo comparuit Cometa, qui 13. Calend. Septemb. obseruatus est ab Illustrissimo Principe ac Domino, D. GUILHELMO LANDTGRAVIO HASSIÆ per Torquetum horam circiter nonam in 21. Grad. m, Latitudine 31. Grad. ab Ecliptica remotus, comam versus extremam caudæ Vrsæ Maioris protendens, cum ipse esset in Alterissimo Comæ Berenices, vbi sunt Stellæ Veneræ & Lunares. Inde 12. Calend. progressus est in Gra. 23. m, in Latitudinem aut parum aut nihil promouit. Postremò 10. Calend. in 28. Grad. m progressus in Latitudinis 35. cum semisse Gradum. Et cum esset admodum obscurus, ab Illustrissimo Principe obseruari desijt. Longitudinem caudæ non facile visu assequi potuit. Constat Polos motus Cometæ fuisse non procul ab Alrucaba versus caput Vrsæ Maioris. Ita erat tota annotatio. Ex qua manifestissimum est, caudam illius Cometæ neque ad Solem neque ad alium quendam

quendam Planetam respexisse, sed per sese suo ductu apparuisse. Quapropter nunc statuo, caudas eiusdem materiae esse cum capite, eodemque modo quo caput, per illuminationem apparere: id quod inde quoque manifestum est, quod caput Cometæ in disparitione eodem modo dispersum appareat atque cauda. Nec curuatura illa caudæ, ut arbitror, à te rectè excusatur, cum nihil tale in Stellis & Planetis similiter in recta linea existentibus appareat, præsertim in tam paruo interstitio, ut ea cauda fuit. Tu vide, num hæc mea sententia vera esse possit. Ita enim illi magni Cometæ apud Senecam & Pontanum, quorum alter totam viam lacteam æquauit, alter occupauit quinquaginta Gradus, faciliè explicari poterunt, incuruationesque caudarum nulla excusatione indigebunt. Etsi autem non asseras, qualem Cometarum materiam statuas, tamen in fine Operis de Gramineo agens videris meam sententiam rejicere Aristotelisque opinionem esse astruere. Verùm multum ab Aristotelis opinione differt. Ille enim tenacem, lentam, crassam & viscosam eam statuit, ego tenuem, leuam & à radijs perpurgatam ac excoctam: Ille comburi eam vult & propter ardorem apparere; ego eam non comburi sed à radijs Stellarum absumi & dispergi, & per illuminationem apparere. Ille sub Luna, ego verò non tantum sub Luna, verumetiam in Sphæris Planetarum eam esse statuo. Quæ tua sententia sit, ignoro. Dauus enim sum, non Oedipus. Ex Titulo tamen, De nouis ætherei Mundi generationibus, quem in literis & ad Illustrissimum Principem nostrum & etiam proximis ad me missis, sic esse voluisti, conijcio te eam secundum tuam opinionem facere cælestem, generationemque in Cælum introducere. An igitur putes, eam ex Planetarum corporibus exhalari, an verò aliàs ab ijs generari, scire non possum. Id opinor certum est, cum generationem in Cælum introducas, te etiam corruptionem introducere. Nam secundum Artem vestram generatio non existit nisi ex corruptione. Sed nequeo de hac re plus agere, cum tuam sententiam ignorem. De Hypothesibus quoque tuis nouis, quarum 8. capit. facis mentionem, te non per omnia assequor. Ipse equidem, cum Elementa mea Astronomica conscriberem, eodem modo Lunam deinde Solem circa Terram constituebam, sed in Homocentrepicyclepicyclis, in centro verò maioris & primi Epicycli Solis rursus Homocentrepicyclepicyclos reliquorum Planetarum, ita ut centrum Homocentricorum in reliquis Planetis idem semper esset cum centro maioris Epicycli Solis, vnaque per medium Solis motum in Homocentrico Solis circumduceretur. Sed id non noua ratione faciebam, sed prorsus secundum Copernicum, nec ut conuersim per omnia Hypotheses Copernici ad mobilitatem Solis transferrem aliter facere poteram: videbamque eam rationem & Rheticum & Reinholdum intellexisse. Ac secundum hunc modum curauit quoque Illustrissimus Princeps nolter superiori Anno *avlium tot* *construi*

construi miræ quidem paruitatis, sed tamen omnium Planetarum motus exhibens. Est enim orbiculus vtrinque planus in diametro vix 6. pollices continens, in cuius altera planitie Theorica Lunæ cum suis Epicyclis & Capite Draconis continetur; in altera verò Solis & reliquorum Planetarum omnium Theorica, exhibenturque omnes motus non solum tam Anomaliarum & centrorum quam veri in Longitudinem, verumetiam in tribus superioribus in Latitudinem. An verò tuæ Hypotheses cum his eadem sint & consentiant, certò scire non possum. Etsi enim generalem quidem Hypotyposin & ordinem Sphærarum ipsosque Planetarum circulos siue Homocentricos siue Eccentricos eosdem esse satis apertè videam: tamen cum tuas nouas appelles, & in literis proximis scribas, eas particularibus apparentijs vndiquaque aptissimè satisfacere, quòd tamen neutra aliarum omnimodè præstet, videntur diuersæ à Copernicanis inuersis esse. Si enim eadem essent, non magis satisfacerent apparentijs, quam Copernicanæ ipsæ, siquidem quæcunque apparentiæ ex Copernicanis ipsis proueniunt, eæ etiam prorsus per omnia ex inuersis absque vlla differentia proueniant. Deinde videris centra homocentricorum reliquorum Planetarum non in homocentrico aut centro maioris Epicycli, sed in ipso Eccentrico Solis circumducere, cum idem quoque in Cometa facias. Quòd si ita esset, nouæ & diuersæ meritò essent, cum hac ratione Eccentricitas Solis sese omnibus Planetis necessariò immisceret, aliasque apparentias introduceret. Verum Observationes huic suppositioni respondere, vix crediderim. Scio equidem Copernicum demonstrare, mutationem Eccentricitatis Solis etiam in reliquis Planetis animaduerti, quòd tamen in Tabulis tanquam minus sensibile neglexit. (Vnde ego quoque Epicyclum illud Solis in maiorem Epicyclum transposui, quòd alias ad Terram reponendum fuisset, ita ut infima sui parte per centrum Terræ transijssset.) Veruntamen id omninò ex ipsius Hypothesi necessarium est, siquidem per Eccentricum Solis intelligit Eccentricum Terræ, cuius centrum, si mutatum fuerit, necessariò Eccentricitates reliquorum Planetarum mutabit, cum eæ omnes hoc centrum respiciant & ab hoc centro earum magnitudines numerentur. An itaque, ut dixi, tuæ cum Copernicanis inuersis prorsus eadem sint, certò scire non possum. Quòd tamen existimas, generalem illam Sphærarum dispositionem quò diligentius perspexero, eo magis mihi placituram; scias iamdudum mihi prorsus contrarium accidisse, de quo etiam cum Eruditissimo Viro Gellio Saceride. Quò enim diutius eam considero, eò minus mihi placet. Etsi enim ostendit, quomodo secundum medium motum Solis Planetæ superiores directi stationarij aut retrogradi reddantur: tamen (quòd etiam Ptolemaica facit,) tantum ostendit quòd sic fiant, non quare sic fiant, Planetarumque regressiones macula aspergit. At Copernicea, non tantum, quòd fiant regressiones & stationes illæ, ostendit, sed etiam quare sic fiant, non quòd
tanta

tanta sit motus inconstantia in ipsis Planetis, qui semper suum proprium motum aspiciant, sed quod regressiones illæ ita nobis propter motum Terræ appareant, Planetisq; putentur inesse, cum tamen reuera Terræ insint. Ita pulcherrimè nullus motus relinquitur nisi proprius, primus in Reuolutione diurna Terræ, alter in motu ipsius annuo, tertius in Luna, quartus in Venere, quintus in Mercurio, sextus in Marte, septimus in Ioue, & octauus tandem in Saturno, absq; vlla violentiæ aut regressions labe. Deinde quis credet vnam, Centrum maioris Epicycli Solis tanta efficacia præditum esse, vt trahere post se Planetas omnes, quinimò è suis Sphæris detrahare rursumq; attollere possit, cum nulla corporali & tenaci materia connectantur? Qua de causa quoque cum Illustrissimo Principi nostro ostenderem in Tomo tuo secundo Cometarum, Hypothesin illam tuam, quam mox, vt aspexit, agnouit, vtpote cui ea ex Automato satis nota erat: Dij boni, per iocum aiebat, oportet circulum illum Solis æneo longè esse fortiorem, cum tot Planetas trahere secum possit. Scilicet hærebat in animo, quod Illustrissimæ ipsius Celsitud. toties ad aurem decantâram, Tractionis motum è Cælo tollendum esse. Nec vt arbitror facilè concedi poterit Soli, vt reliquorum Planetarum motus proprios sua hac tractione turbet. Præterea introducit hæc inuersa Copernici ratio confusionem in Sphæras Planetarum. Etsi enim nulla corporum cælestium illisio inde sequi potest, vt excusare niteris; Tamen nulla Sphærarum vera aut determinata distinctio manet, sed omnes inter se confunduntur. At Copernicea Hypothesis suum unicuique Planetæ & determinatum spatium attribuit, è quo motu suo egredi non possit. Scis autem Deum non confusionis sed ordinis authorem esse, naturamq; ita condidisse, vt à confusione abhorreat; Nedum vt pulcherrimum hoc & sapientiæ inexhaustæ ædificium tanta labe aspergere voluerit. Accedit & hoc, quod Natura non agat per plura, cum per pauciora possit. Item quod mutatio Eccentricitatis Solis etiam in reliquis Planetis sentiat: quæ etsi transpositione minoris Epicycli Solis ad Terram, vt dixi, quoquo modo excusari potest; Tamen nihilominus omnia per tractionem fieri hac ratione finguntur. Hæc igitur & alia multa etiam atq; etiam considerans, aliud inuenire non possum, quàm nullam præter vnicam Copernici Hypothesin veram esse. Nec peccat hæc contra Physica principia, nec cum Terra grossum corpus sit, propterea ad mouendum inhabilis erit. Quid enim putas reliqua Sidera esse? Non enim errare Copernicum arbitror, cum ait, grauitatem nihil aliud esse, quàm appetentiam quandam naturalem partibus inditam à diuina providentia Opificis vniuersorum, vt in vnitatem integritatemque suam sese conferant in formam globi coeuntes: hancq; affectionem etiam Soli, Lunæ cæterisq; Errantium fulgoribus inesse, vt eius efficacia in ea, qua se representant, rotunditate permanent: quæ nihilominus multis modis suos efficiant circuitus. Et sanè cum

R

Terra,

Terra, ut reliqui Planetæ, rotunda figura prædita sit, similiterq; libera in Aëre pendeat, cur eam ad mouendum inhabilem esse dicamus. Videmus si globum in Polis & Axi exactissimè & subtiliter aut erigamus aut suspendamus, atque ita liberè pendentem in gyrum impellamus, eum satis diu hunc motum retinere, nec subito cohibere posse. Si igitur artificialis motus etiam impeditus hoc possit; quantò magis naturalis non impeditus? Sed absurditates Physicas satis superq; refutauit Copernicus. Nec etiam obstat autoritas sacrarum literarum. Hæ enim non mihi & tibi solummodo, verum omnibus omnino hominibus scriptæ sunt, ad quorum captum etiam loquuntur, ut etiam omnes Theologi in explicatione capitis 1. Genes. facientur. Aliàs Luna contra Geometricas demonstrationes esset maior reliquis Stellis. Sed & illud ex hoc manifestum est. Putârunt Hebræi, nubes in sublimi pendere non posse, nisi subesset materia aliqua dura & imperuia, quæ Aquam sustineret. Ad horum igitur captum sese accomodans Deus ait, faciam Cælum ferreum ne pluat, &c. Item aperuit fenestras Cælis, in Diluui, &c. Item Moyses, cum ait, primo die Firmamentum conditum esse, ut diceretur Aquas supra nos ab Aquis infra nos. Quo nihil aliud intelligi posse arbitror, quàm vim illam, quæ nubes ita in sublimi pendet, primo die conditam esse. Sic & cum nos Opticis de causis putemus, Cælum esse tanquàm expansum tentorium, idèd sacræ literæ hanc vulgi opinionem sequentes Cælum vocant expansum, & Prophetæ Deum expandere Cælum tanquàm tentorium aiunt. Nec enim hi plus de hac materia intellexerunt, quàm alij vulgares homines aut etiam Lactantius, nec Spiritus sanctus sapientiam, quam in Naturam Deus transfudit, ijs reuelare voluit, verum eam quæ in stupendo illo & supernaturali, de Redemptione generis humani mysterio continetur. Et cur Salomon ad eò ad miraculum usque sapiens habitus est, nisi quòd longè excellentiorem totius Naturæ cognitionem haberet, quàm ante eum quisquam alius. Paulus quoque cum Roman: 1. ait, Deum ex visibilibus hisce agnosci, non obscure arguit, longè maiorem sapientiam Dei latere in Natura, quàm in sacris literis sit reuelata. In Natura dico: De mysterio enim Redemptionis, quod propriè tractant sacræ literæ, & de agnitione veri Dei, iam non loquor. Ita autoritas sacrarum literarum, quanquàm admodum plausibiliter proferatur, tamen reuera in hac materia obitare nihil omnino poterit, sed tantum sciemus, quantum per Demonstrationes Mathematicas inuenimus. Etsi autem Gellius Sacerides aiebat, te habere tuæ assertionis Demonstrationes Geometricas: Tamen hoc ego certa de causa vix crediderim. Non tamen propterea Hypotheses Copernicæas discipulis proponendas esse iudico, cum eæ vix ab Artificibus percipiantur, ut nec Mæthlinus quidem motum librationis in Latitudinibus & obliquitate Zodiaci rectè intelligit: Sed eas, quæ sint omnium facilimæ, ut pederentim accessus ad Coper-

Copernicum aperiatur. Quapropter ipse quoque in Elementis meis Astronomicis superiorem illam inuersionem expunxi, & Eccentricos in centro mobili substitui, ut discentes Apogaeorum motus & loca eo facilius intelligere possent, & addito in Planetis Epicyclo directiones, stationes & regressiones eo fierent manifestiores, nec etiam Latitudinum ratio adeo esset obscura & intricata. Ne tamen deessem ingeniosis & ijs, qui iam communes motuum singulorum formas intelligerent aut Automata fabricare vellent: Ad finem pro Corollario eam, de qua supra dixi, Copernici Inuersionem subieci, ut ita discerent ad Copernici lectionem & faciliorem intelligentiam praepararem, Sed fortassis plus de hac materia quam sat erat: ad alia igitur. Quod sub finem Roeslinianae refutationis arbitraris, minimam Eccentricitatem Solis transiisse, idem & ego statuo. Refero enim minimam Eccentricitatem & obliquitatem Solis ad Purbachium. Nec Rhericus quoque audiendus est, qui cum Albategnium nimis liberè abuti mysterijs Astrologiae scribat, in idem vitium hic ipse incurrit. Quomodo enim mutatio Eccentricitatis Solis mutationem imperiorum efficere potest? Nec id quoque iniuste reprehendis, quod PHILIPPVS MELANCHTHON primus introduxit, nimirum Solem iam Terrae factum esse propiorem, licet etiam Cardanus lib. 3. subtilitatum idem erroneè statuatur. Nec enim Copernici mentem in hac re sunt assecuti. Te quoque longè exactiorem Hypothesin motus Cometarum inuenire potuisse non dubito, cum proportionale decrementum ipsius motus satis arguat, ex circularibus ipsum compositum fuisse. Veruntamen Hypotheses Cometarum constituere prorsus superuacaneum iudico, cum nullus Periodum absoluat, nec etiam vlla utilitas inde redundare possit. Quapropter & in meo scripto Hypotheses constitutione omisi. Ipse illum Cometam, de quo in illo Tomo agis, conspexi Bernburgi 10. Nouemb. vna cum Ioanne Trolde niro Arci Bernburgicae tunc temporis praefecto, a quo ad conuiuium Martinale eram inuitatus, omnibus Bernburgi habitantibus eo die apparuit. Erat enim ibi serenum Caelum. Cum Tomum illum tuum secundum Illustris. Principi nostro ostenderem, plus tribus integris horis in eo diligenter euoluendo occupatus erat, placebatque ipsius C. mirum in modum, adeo ut etiam astantibus eum praedicare non intermitteret: contendebatque ibi mecum, sibi à te transmissum esse librum illum, ego verò ex inscriptione meum arguebam, subiungebamque, te integrum illud Opus, si absolutum esset, ad Illustris. ipsius C. missurum. Vide igitur ut fidem meam reddimas. Quod si idem etiam ad Filium Mauritium, quanquam non in hac doctrina, tamen in Latinis, Graecis & Hebraicis praeclare institutum & praeter aetatem eruditum; Itemque ad Bernhardum Principem Anhaltinum hic in Aula nostra cum Mauritio versantem, quem parens Ioachimus Ernestus felicissima recordationis vna cum fratribus per Casparum Godtschalkum virum Mathematicos non imperitum, etiam in his Artibus institui curauit: si inquam ad hos quoque

quoque duos Opus illud tuum absolutum huc miseris, non dubito, quin rem gratissimam ipsis sis factururus, hac eos ratione ad harum iucundissimarum Artium amorem & cultum pro ætatis captu tacite incitando. Opera illa Mathematica, de quibus superioribus literis scripsi, propediem diuina fauente clementia sum editurus, ubi ea ad te transmittam. Sed tempus iam esset, ut nimis prolixam hanc Epistolam tandem clauderem, nisi mihi Illustriss. Princeps noster aliud in mandatis dedisset. Cum enim Illustriss. ipse Celsitud. in elocatione Filie adeo sit occupata, ut respondere nequeat: mandauit mihi, ut ipse ad ea, quæ continet Epistola tua, respondeam. Verum nihil in ea reperio, quod responsione admodum indigeat, aut in superioribus Illustrissimi ipsius Celsitudinis literis ad te missis non satis superque sit deductum: præterquam quod in Observationibus per Venerem institutis nos erroris arguere videris, vitiumque in Refractiones conferre. Verum Refractiones mihi obstare non potuerunt, cum & per Azimutha Observationes instituerim, & post occasum Solis distantia Veneris à Tertia & ac alijs accepta propter Refractiones (quas tamen separavi) iusto minor necessario inuenta fuisset, adeoque Stellarum loca in antecedentia contra signorum ordinem fuissent retracta. Sed nolo de his plura agere. Rationem enim Observationum nostrarum videbis in Opere nostro Deo volente breui edendo. Nihil igitur iam amplius restare video, quam ut tandem hanc Epistolam finiam. Quapropter optime & felicissime vale, Nobilissime Excellentissimeque D. T Y C H O, mihi que longe charissime, candoremque meum in optimam partem accipe, mihi que quamprimum rescribe. Iterum vale. Castellis 13. Calendas Octobris, Anno salutis M. D. LXXXIIX.

T. T.

CHRISTOPHORVS ROTHMANNVS.

ILLVSTRISSIMO PRINCIPI AC DOMINO

D. VVILHELMO HASSIÆ LANDTGRAVIO, COMITI

IN CATZENELLEBOGEN, DIETZ, ZIEGENHAIN

NIDDA: Principi ac Domino suo

Clementissimo

S. P.



TSI A TUA CELSITVDINE NIHIL RESPONSI AD POSTERIORES literas circa Nundinas Autumnales receperim, nihilominus quod subinde Celsit. tuæ scribam, & de negotio Astronomico conferam, minimè ingratum esse, satis mihi persuadeo, possunt

sunt enim in tanta rerum politicarum administratione, multa incidere, quæ tuam Celsitudinem etiam si quàm maximè velit, à respondendo auocent; Nam & T. Cels. Mathematicus, vir in his artibus apprime industrius mihi per literas significauit, T. Cels. in elocatione illustris suæ Filix, nuptiarumq; magnifico apparatu, tunc temporis occupatam fuisse, quominus hæc curare tempestiuum fuerit, vnaq; sibi iniunctum refert, vt is T. Cels. nomine meis responderet, Quod & breuibus fecit: Siquidem ad singula rescribere non duxit necessarium. In primis autem discrepantiam, quæ nobis in verificatione Fixarum intercedit aliquantula, attingit, existimatque Refractionum vitio minimè factum esse, quod Anno 87. è Sole intermediente Veneris Stella, Longitudines Fixarum quinque adhuc proximè Scrupulis nostra inuentione anteriores expertus sit, verum id mihi vix persuadebit. Nam & ego eodem tempore simili ratione, Fixarum limites explorare non destiti, & pluribus vicibus diligenti adhibita examinatione deprehendi, si Parallaxium & Refractionum non satis circumspicte præcauerentur impedimenta, quinq; vel sex Minutis vltius, quàm oporteat, recidere. Sed & in Decembri proximè elapsi Anni, cum Venus rursus Eoà interdiu cerneretur, viceversa rem omnem exploravi, & tantundem illic Fixarum loca iusto antèius cadere, eodem modo comperi. Nec dubito, si T. Cels. Mathematicus etiam in fine præteriti Anni, & huius labentis principio, quando Venus multo tempore diurna cernebatur, ad ipsam matutinam hæc rursus expenderit, idem mecum adinuenisse, quodq; iam sententia mutata, in nostras Longitudines consenserit. Fuere autem circa vtraq; tempora Declinationes Solis & Veneris, atq; huius à Terra distantia non admodum dispares, quod multum facit ad rei inquirendæ certitudinem penitus peruestigandam, præsertim si consimiles, vt oportet, adhibeantur Altitudines. Vt verò T. Cels. exemplum aliquod è nostris Observationibus in promptu habeat, vnicum hoc subiungam. Anno itaque, vt dixi 87. die 24. Ianuarij, Hor. o. m. 15. p. m. cum Sol haberet Altitudinem part. 17½. Observabatur hic per Sextantem Trigonicum quadricubitalem distantia q̄ à centro ☉ partium 37. min. 5¾. Declinatione eius vnà reperta p. o. m. 25. B. idque per Armillam decem pedum in Diametro, Axi in Mundi Polos tendenti incumbentem, & vnà cum hoc circumvolubilem. Hinc & ex data Declinatione atq; Ascensione recta Solis per suum locum in p. 14. m. 18½. cognitis, elicitur Triangulorum beneficio differentia Ascens. Rect. inter Solem & Venerem p. 33. m. 26. quæ addita Ascens. Rectæ ☉ promitt. q̄ Ascensionem rectam, p. 350. m. 12½. Deinde postquam Sol Horizontem subierat, Horam existente 5¼. inueniebatur distantia q̄ & Lucidioris in cap. v p. 40. m. 46. Venerisq; Declinatio p. o. m. 29½. Borea. Ideò cum lucidæ v Declinatio nota sit part. 21. m. 29. prouenit ambarum differentia in æquatore p. 35. m. 50¾. & per consequens habita ratione eius quæ intereà in Venere fiebat promotio-

R 3

nis

nis Ascensio recta Lucidæ \vee ad hoc tempus, resultat p. 26. m. $7\frac{1}{2}$. cui adhibita modò dicta Declinatione prouenit Longitudo Stellæ in parte 1. m. 59. 8, quod à vestra inuentione huc redacta, quàm minimum discrepat. Abundat tamen à vero quinis proximè Scrupulis; ob Refractionum & Parallaxium in Sole & Venere neglectas implicationes. At rursus Anno mox præterito 88. die 26. Octobris, Hora 11. min. 48. A. M. cum Sol eleuaretur partibus fermè 18. distabat à φ Orientali p. 37. m. $1\frac{3}{4}$. & Declinatio Veneris simul reperta est part. 8. m. $36\frac{1}{4}$. Meridional. Cumque locus Solis detur in part. 13. m. $9\frac{1}{2}$. m, ex eius Declinatione cum Declinatione Veneris & distantia cognitis datur differentia Ascensionalis part. 35. min. 33. Inde ex Ascensione recta Solis cognita constabit Ascensio recta Veneris part. 185. min. $8\frac{1}{2}$. Die verò proxime sequente Hora 6. min. 38. capiebatur Veneris & cordis Ω distantia part. 42. min. $24\frac{3}{4}$. Venere tunc infra æquatorem posita partib. 3. m. $34\frac{1}{2}$. Hinc & per datam Declinationem cordis Ω , part. 13. minut. $57\frac{1}{2}$. inuenitur discrimen Ascensionale part. 38. minut. $56\frac{1}{2}$. quod sublatum ab Ascensione recta Veneris (quæ ex præmissa ad Solem facta obseruatione, applicato tamen motu intereà temporis contingente, innotescit) pandit Ascensionem rectam cordis Ω part. 146. min. $28\frac{5}{8}$. Ideoque euadit Ascensio recta Lucidæ \vee part. 25. minut. $56\frac{1}{2}$. Est enim differentia Ascensionalis Reguli & huius Stellæ in \vee ex alijs Obseruationibus conquisita part. 120. min. $32\frac{1}{2}$. Ex ista autem Lucidæ \vee Ascensione recta, applicata Declinatione, quæ tunc erat part. 21. min. $29\frac{1}{2}$. prouenit eius Longitudo in part. 1. min. 50. 8, quod tantundem verum Scopum anteuertit quinis videlicet Scrupulis, quantum antea excessit, eò quòd Parallaxes & Refractiones hic etiam non adhibita rem omnem in antecedentia protrudant, sicque à vestra annotatione adhuc duplò plus receditur. Verùm si obseruatio Anni 87. huc redigatur per eum qui intereà Stellis Fixis inest motum, & vtriusque loci capiatur dimidium; Ita enim vtrinque Refractionum & Parallaxium obstacula, quæ paria sunt, excluduntur, ostendetur Longitudo Stellæ in part. 1. minut. 55. 8; cum Latitudine part. 9. minut. $57\frac{1}{2}$. quæ duo in ipso Scrupulo rectè constare nullum apud me est dubium: Licet vestra positio in Grad. 2. min. 1. 8, eandem Stellam ad finem Anni 88. reponat: Ita vt excessus committatur minut. $5\frac{1}{2}$. quoad Longitudinem: Circa Latitudinem enim in dimidio Scrupulo consentimus. Pari ratione non solum ad hos duos Annos in Venere, tam occidua quàm Orientali, huius indagationis periculum feci, sed etiam in quibusdam alijs, potissimum videlicet collatione facta Obseruationum Anni 82. cum 85. & 86. quoque, cum præterito 88. multisque & varijs animaduersionibus in singulis diligenter expensis, atque iusto modo adinuicem comparatis ubique terminos Longitudinis Affixarum Stellarum planè eodem modo figendos cognoui, prout antea à me constituti erant. Imò ne in Solari tra-

mitte

mite aliquid minutuli lateret dubij quod hanc Pragmatiam, quò minùs ad exactam præcisionem perduceretur, impediret, Observationes integri proximè antecedentis quinquennij circa ipsum quatuor vel quinque affabrè elaboratis Instrumentis, tantæque magnitudinis, vt de sexta vel quarta ad minimum Strupuli parte singula nos certificarent, sub incudem Demonstrationum & numerorum reuocaui. Et licet in Apogæo solari modicum quid à priori nostra inuentione adimendum repererim & Eccentricitatem etiam aliquantulò minorem, quàm antea constituendam; Tamen hæ differentiæ ad eò exiles sunt, vt vix alicuius momenti æstimandæ veniant: Absidem enim Solis vix dimidio Gradu anteriorem, & Eccentricitatem tertia solummodò vnius Minuti parte de sexagesimis integris Semidiametri Eccentrici portionibus arctiorem efficiunt. At in ipsa Solis Longitudine hæc eadem longè minus ingerunt discriminis, adeò vt solummodò vnius Minuti circa Brumam, vbi maxima est à priori differentia subrepat, quod prorsus est eo præsertim in loco insensibile. Nec dubito hanc posteriolem in itinere Solari limitationem è plurium Annorum diligentiori examinatione institutam nobis ipsius curriculum cælesti ea præcisione Analogum manifestasse, vt ad maiorem subtilitatem vlla Organa, sensusque oculorum pertingere non sustineant. Nihilominus tamen adhibendo hanc, de qua loquor, denuò rectificaram Solaris motus correctionem, loca Inerrantium Stellarum non aliter se habere percipiebam, atque antea è priori in Solis cursu emendatione exploratum erat, vt nihil prorsus hæsitent, ne vnicum quidem Scrupulum in nostra Fixarum rectificatione vel deficere vel abundare; Alijs etiam rationibus huius peruestigationis praxin instituendo & rem ipsam variè hincinde comprobando. Indicat præterea ROTHMANNVS, me breui vestrarum Observationum processum, & quàmobrem in quinis illis Scrupulis à me dissentiat, rationes visurum, quod equidem magna auiditate desidero. Quin & mea ratiocinia, cur non aliter in his statuendum sentiam, quàm pridem à me indicatum est, etiam Tuæ Celsitudini propediem fauente diuino auxilio è secundo capite prioris Tomi nostri De recentioribus ætherei Mundi Phænomenis, quem nunc sub prælis habeo, perspiciet. Postquam enim in primo capite, Solaris motus exquisitam normam è minimè dubijs aliquot præteritorum Annorum Observationibus per competentes Demonstrationes Geometricas in præcisam numerationem hisce seculis competentem deduxi. In altero Affixarum, vt dixi, Stellarum restitutionem ex ipsis Fundamentis molior, & pluribus selectis Observationibus per Solem & Veneris Stellam, in vtroque situ tam matutino, quàm vespertino, vnà cum alijs quibusdam circa idem experimentationibus ratam minimeque dubiam statuo; Nec diffido, vbi Tua Celsitudo meas quoque rationes illic perlustrarit, & cum suis contulerit, quin concedat, nihil meæ inuestigationi subesse vitij, meque

ca

ea diligentia & subtilitate ad veritatis interiorum nucleum contendisse, ut maiorem adhibere vix cuiquam liceat. Hæc verò propterea eò latius commemoro, ut T. C. cognoscat me de priori transmissa, quoad Fixarum dispositionem, Sententia ne minimum quid dubitare, quin Cælo ipsi apprimè consona sit, & quia quàm maximè optarem aliquando in Longitudinibus Stellarum non minùs quàm Declinationibus atq; distantijs consensum inter nos vniformem iniri posse. Quoniam verò paulò antea in Solaris semitæ iterum redintegratæ mentionem incido, mitto T. C. binorum annorum, utpote huius labentis & proximè instantis Ephemerides, ex hoc ipso neoterico calculo supputatas, ut & hæc loca, per T. C. Instrumenta explorentur, & cum prius transmissis conferantur, vtrū discrimen quod intercidit, sit perexiguum. Sciendum verò has ipsas Solis Ephemerides ad nostri loci Meridianum, quem ab occasu part. 36. min. 45. remoueri præsuppono, directas esse, vnde Meridianus vester, qualis Cassellis est, vnum proximè Minutum in Solis motu ubiq; addit. Sumus enim hic vobis quasi per Horæ quincuncem (ut existimo) orientiores. Addidi quoq; Refractionum Tabellam, quæ in Sole ad singulos Altitudinis Gradus contingentem Refractionem, qua altior apparet, quàm reuera est, manifestat, id quod hæctenus desideratum est; ut Cels. T. non saltem in Borealibus signis per applicatam Altitudini obseruatæ Parallaxin (cuius etiam numerationem in altera Tabella, prout nobis in vsu est, ad triplicem Solis à Terra remotionem subiunxi) locum examinare possit; sed etiam in Australioribus, quàmuis Refractioni euidenti obnoxij, hanc ipsam per dictam Tabellam præcauere, sicq; per totum Annum, præsertim quando Sol in ijs Signis moratur, quæ diurno spatio, aliquantulam Declinationis variationem admittunt: Eius curriculi metam ex Obseruationibus Meridianis cum nostro calculo conferre, comprobareq; dabitur. Etsi enim Refractiones non adeò præcisè ad quasvis Altitudines præfiniri possint, quin aliquando dimidij Scrupuli vel ad summum integri in illis discrimen, ob non eandem Aëris ubiq; puritatem cis vel vltra oriantur; tamen hanc quam definiui, illarum quantitatem è plurimis aliquot elapsorum annorum sedulò factis animaduersionibus concinnatam, non debito ijs Refractionibus, quæ medio modo & ut plurimum proueniunt, vtiliter satisque benè responsuram, cuius etiam periculum à vobis pluribus inuicem collatis aduersionibus institui potest. Sed ne T. Cels. & nunc fortè alijs negotijs intentam nimium remorer, sinem Epistolæ imponam. Deumq; oro, ut T. Cels. diutissime incolumem & prosperam gubernet. Iamq; T. Cels. quàm optimè valeat. Datæ Vraniburgi 21. Februarij, Anno 1589.

T. C. addit.

TYCHO BRAHE.
CLA

CLARISSIMO ET ERVDITISSIMO VIRO,
 D. DOCTORI CHRISTOPHORO ROTHMANNO,
 ILLVSTRISSIMI PRINCIPIS VVILHELMI
 LANDTGRAVII HASSIÆ, &c. Mathe-
 matico eximio, Amico suo plu-
 rimùm dilecto.
 S. D.

QUONIAM NVLLA INTEREA, EX QVO TVAS VLTIMÒ
 accepi literas, Eruditissime & amantissime ROTHMANNE, ti-
 bi rescribendi ob internuntiorum defectum, oblata est occasio, in
 hoc vsq; tempus responsionem differre coactus sum; Cùm verò
 quidam eorum, qui quotannis ad Nundinas Francofurtianas proficiscuntur,
 mihi hisce diebus indicari curasset, se breui illuc abiturum, non intermitten-
 dum duxi, quin aliqua saltem tuis responderem; vt hoc præsertim tempo-
 re plurimis distrahar occupationibus, adeò vt ad rescribendum vix aliquid
 suppetat otij. Quantum verò ad priorem Epistolæ tuæ partem attinet, in
 qua copiosè & perseveranter materiam Cæli esse Aërem elementarem con-
 tendis, nec à semel arrepta sententia, te vllis ratiocinijs dimoueri sinis, eaque
 quæ in contrarium meritò dicuntur, speciosis subterfugijs eludere conaris,
 hisce non constitui sigillatim multa respondere. Quin per me tibi liberum
 sit, Elementum Aëris Cælo miscere, siquidem non aliter vis. Imò si quis Cæ-
 lum Aqueum esse, vt Hebræi: vel Igneum, vt Paracelsistæ; Aut etiam Ter-
 reum (modo cui sic lubeat) aut quiddam ex his quatuor compositum, vt nu-
 per Franciscus Vallesius affirmare præsumperit, mea etiam non intererit,
 modò & mihi quod sentiam, libere proferre liceat; Cæli videlicet, substanti-
 am esse Ætheream & liquidissimam, purissimamq; quandam materiam, supra
 omnem Elementorum naturam exaltatam, & ad singularem quandam per-
 fectionem deductam, velut quintam quandam Essentiam, nulli mutationi aut
 alterationi obnoxiam, quæque peregrinas impressiones naturaliter non reci-
 piat. Sin autem alicuius Elementi naturam Cæto affingere non admodum
 absurdum videretur, ego potius illud Igneum, quàm Aereum esse concede-
 rem, prout à Paracelso traditum est, qui illud quartum & Igneum Elemen-
 tum nuncupat. Ex quo enim Stellæ & lumina cælestia Ignea flammantiaque
 appareant; convenientiq; sit, qualibet corpora in Iliado suæ naturæ Analogo
 versari; quemadmodum videmus in hac inferiori rerum natura: Animantia,
 quæ de Mumia Terræ constant in Terris degere: Volucres de Mumia Aë-
 ria in Aëre; Pisces de Mumia Aquea, in Aquis versari, & sic de cæteris, vt
 ob id verisimilius appareat, Solem & Stellas, quæ Ignis cuiusdam incombusti-
 bilis speciem repræsentant, in Æthere Igneo & incombustibili, (vnde etiam
 S
 Ætheris

ætheris nomen apud Græcos illi attributum quasi Ardens seu Igneum, idq;
 perpetuo cum sit inconsummabilis) suas Reuolutiones exercere. Attamen
 mihi ne hæc quidem sententia, vtvt Aëris assumptione rationabilior sit, satis
 probatur. Existimo enim Cælum eam habere ad Elementarem Mundum
 rationem, quæ est animæ ad corpus. Qui itaque plenè exprimere poterit,
 quid sit anima in corporibus, & quomodo à corpore ipso differat, is etiam
 cælestis & Elementaris Mundi naturas & discrimina rectè enodabit. Di-
 cat insuper mihi aliquis, ex qua materia Sol, Luna & reliqua omnia Sidera
 existant, tum demum illi de Cæli substantia, in quo hæc versantur, differenti
 faciliùs aurem præbebo. Quòd si Contenti naturam & compositionem ex-
 plicare non dabitur, vtique Continentis multò minùs. Existimo autem, o-
 mnia quæ in Cælo voluntur corpora, è cælesti, & ætherea constare ma-
 teria, quæ qualis sit, vix exprimi potest. Supra tamen omnem Elementa-
 rem qualitatem graduatam necesse est, quemadmodum ea, quæ ex Ele-
 mentis componuntur, in Mundo Elementari continentur. Quòd si omnia,
 & quæ in Cælo & Terra, cæterisque Elementis sunt corpora, ex tribus
 illis principijs constare, quæ Paracelsus superiori æuo in lucem reuocauit,
 ab antiquissimis Philosophis, tam ante Aristotelem, quàm post, non minùs
 animaduersa & approbata, Trinitatis in opifice DEO mysterium, quasi in
 imagine quadam per singulas Creaturas, representantia, satis ab omnibus
 receptum foret; Oportebit nihilominùs hic longè aliam in cælestibus intel-
 ligere depurationem, & ad præcipuam perfectionem summamque Diapha-
 nitatem & subtilitatem, exaltationem, quàm in his sublunaribus; adeò vt o-
 mnis labis & defectus expers repèriatur, inperscrutabili Opificis sapientia,
 omnia sic disponente & perpetuò conseruante. Verùm ego de hac intrica-
 ta, & quæ vix in caduca hac vita sufficienter enodari potest, quæstione, quæ
 etiam ad Astronomiæ redintegrationem minùs est necessaria, nolo vterius
 disceptationem aliquam mouere, neque tuis obiectionibus speciatim respon-
 dere, quod per se non foret difficile: Idque si vterius instas, alias non gra-
 uatim sum facturus. Nunc breuitati studens alijsque implicitus, pleraque
 volens dissimulo, præsertim cum videam me tibi non persuasurum, rem ali-
 ter se habere, quàm præoccupata fert opinio. Vnicum saltem opponam
 præcipuo tuo Argumento, quo Cælum & Aërem Elementarem prorsus
 vnum & idem esse, ex eo, quòd Refractiones non ad verticem pertingant,
 sed vltra dimidium Altitudinis Quadrantem insensibiles euadant, astruere
 conaris; Siquidem id probet non esse diuersa Aëris atque ætheris Diapha-
 na, & per consequens eandem vtrumque obtinere materiam & substanti-
 am. Hic mihi videris plura inducere, quàm Assumptio ista sustineat; Nam
 licet concedatur, nullam animaduerti Refractionem in Sole vel Stellis in
 data aliqua sublimitate, inde quidem satis sequitur, Diaphanorum vel nul-
 lam

lam vel inperceptibilem esse discrepantiam, Sed non ob id necessario infer-
tur, vtriusque Diaphani eandem prorsus qualitatem & substantiam existe-
re; Possunt enim diuersæ substantiæ & qualitates eidem Diaphanitati pa-
tere. Dabo Exemplum è rebus inferioribus, quæ manibus tractari & visu
discerni possunt. Si Aquam pluuiam vel niualem præsertim, aut etiam com-
munem fontanam per sæpius reiteratam eleuationem, defecatissimam red-
diderimus, idemque in vino quouis generoso fiat, donec ab omni Phlegma-
te & impuritate liberetur, amboque hi liquores consimili Chrystallino exci-
piantur, utique Diaphanitas vnius non discrepabit ab altera, quantum vllis
sensibus dignoscere liceat, ideoque Refractionum, si quæ forte hinc fierent,
nulla erit differentia, attamen substantia & natura vnius liquoris atque cor-
poris, diuersissima ab altera inuenietur. Id enim quod è vino elicitum est,
Igneam & Sulphuream redolebit qualitatem, adeò vt incensum totum flam-
mis absorbeatur, nullo post se relicto vestigio; Quod verò ex Aqua constat,
Aqueum permanebit, & tantum abest, vt ardeat, vt Ignem etiam citius,
quam antea extinguat, illique vi contraria resistet. Sic quoque Cæli & Aë-
ris Diaphanitates, si vel prorsus eadem forent, quod tamen nondum satis
obtentum est, nihilominus diuersam substantiam atque materiam habere
nihil impedit. Plura nunc de his aggregare nolo, non enim hæc quæstio
ad Astronomum propriè spectat, vt antea quoque monui, neque Cometarum
generationi atque explicationi vllum, vt tu existimas, fert subsidium, si Cæ-
lum Aëreum statuatur: Imò hoc potius quadraret, si Paracelfo Igneum id
esse concederemus: Nam Cometæ non Aëream, sed Igneam potius quan-
dam naturam præ se ferunt. Quòd enim tu è fumositatibus Terrenis eti-
am in Aërem altissimum, quem intra ipsas Reuolutiones Siderum conti-
neri vis, sublatis & illic illuminatis, Cometarum procreationem saluari
posse existimes, ex vna absurditate & incongrua assumptione, alteram sta-
bilire incausum elaboras, vt alibi, cum ex professo de his agam, adeò eui-
denter, vt nemo iuste refragari queat, ostendere decreui. Quantum
ad Crepuscula attinet, refers te vespertinum illic animaduertisse iuxta
æquinoctia, Sole infra Horizontem depresso 24. Partibus, vnde valde mi-
raris, quod ego vix 17. Partium idem in Crepusculo matutino expertus
sim. Reiteraui itaque his ipsis diebus eius rei experientiam, vt tuis dubijs
satisficeret, idque Sole quidem nondum ad æquinoctium vernum progres-
so, sed iuxta Principia piscium, adhuc versante. Ratio tamen est eadem,
neque magna hoc loco, ab Arietis primordijs incidit differentia. Adin-
ueni autem die 10. Februarij proximè elapso, Crepusculi vespertini extre-
mum limitem fuisse, quando media Balthei Orionis Meridianum obine-
bat. Ideoque Sol, qui tunc erat in part. 24. & ad summum 17. Gradibus infra
S 2 Hori-

Horizontem, versus Nadir, delapsus erat. Postea die 12. manè, Obseruabatur hic primùm diluculum, cùm Spica α abesset à Meridiano versus Occidentem $p. 35\frac{1}{2}$. de Δ equatore. Ergo Sole tunc existente in $p. 3\frac{2}{3}$. \times , non poterat is sub Finitore in eo circulo, qui versus Nadir tendit, depressior esse part. $16\frac{1}{2}$. Eodem die Crepusculum etiã vespertinum denuò diligenter notauit, eo ipso temporis articulo, cùm Humerus dexter Orionis ante Meridianum cerneretur versus Ortum part. 1. min. 55. Ergo Arcus Crepusculi, vt antea acceptus, euadit part. $16\frac{5}{8}$. erat enim Sol in part. $4\frac{1}{4}$. \times . Haud aliter die 15. Februarij, vltimum vestigium diei apparuit, quando eadem lucidior Stella Humeri Orionis Meridianum prætergressa erat part. $1\frac{1}{2}$. Ideoque Sol, qui partem $7\frac{1}{4}$. \times occupabat, infra Horizontem, permodicũ vltra 16. Gradus delituit. Vides itaq; Crepusculi siue matutini, siue vespertini mensuram in Circulo verticali, nusquã 17. Gradus excedere, quod nimis magno intervallo tuam animaduersionem anteuerit. Atq; hinc liquet, quã parũ valida sint, non saltem quæ de Crepusculis, sed etiã Refractionibus, quas apud Vos aliter, quã hic se habere existimas, proponis. Quæ de veriore & secretiore Philosophia, quã ea quæ hætenus in Scholis vulgariter docetur, breuiter in posterioribus literis attingi, & aliquatenus tantũ indicauit, tibi placere video; plura itaq; tum eorum quæ desideras, tum etiã alia his longè præstantiora in scriptis eorum Philosophorum, quos recensui, diligenti adhibita intentione inuenies, præsertim verò ipsa Experientia rerum magistra omnia explorante, præmissa tamen caussarum secundum naturam ipsam sedula inquisitione. Mihi nunc pluribus de ijs Philosophari non vacat. Neq; enim est id huius loci, nec satis tutò literis committitur. Secundum Tomum Operis nostri, De Cæli recentioribus Phænomenis, tibi gratum fuisse lubens audio. Et Latitudinem Lunæ maximam à te eandem ferè, quam illic capit. 3. indico, adinuentam, mihi acceptum est. Scripsit non ita dudum ad me Clarissimus & Eruditissimus vir D. HENRICVS BRVCAVS, apud Rostochiensis Medicinæ Galenicæ & Philosophiæ Aristotelicæ Professor inprimis celebris, Mathematicarum etiã rerum, præsertim Geometricarum apprimè peritus, & in dubium vocauit hanc meam de mutata Latitudine Lunæ assertionem, auctoritatemq; Regiomontani, Copernici, VVerneri & similium præstantium Mathematicorum opposuit, quod ij nihil tale vnquam deprehendissent: & quia id Eclipsium magnitudini, aliàs satis benè calculo correspondenti, officeret. Verũ ego illi respondi, Auctoritates horum excellentium Astronomorum, nihil derogare meis inuentis; siquidem illi constitutioni Ptolemaicæ, hac in parte prorsus acquieuerunt. Neq; ipsimet certam aliquam experimentationem instituerunt; an res ita ad vnguem se haberet, nec ne. Quamuis auctoritates per se in Mathematicis, sicubi aliàs, quamminimũ habeant ponderis, nisi accedat, certis Obseruationibus fundata, euidens demonstratio:

stratio. In Eclipsibus verò hanc differentiam esse vix perceptibilem, ob propinquitatem Nodorum, indicavi. Deinde illi vicissim tuas quoque animadversiones obieci, quibus idem proximè mecum deprehendisse asseueras. Cupio itaque ex te ulterius cognoscere, quo pacto hanc explorationem institueris, & quid, quantumque in Latitudine Lunæ mutatum animaduverteris, ut illi atque alijs, inuentis vnus non acquiescentibus, alterius etiam suffragium, qui Cælum diligenter vnà inspicit (quod nimis securè ab istis negligitur, cum tamen Astronomi haberi velint) pro me facere, ulterius ostendere queam. Licet ego nihil ex meis Observationibus depromere, atque in lucem edere decreui, quod non per se satis ratum exploratumque sit, nulloque alterius indigeat suffragio. Id verò quod ais, Caput Draconis abesse à Tabulis plus quatuor Gradibus, teque per distantias & Globum id inuenisse, cuperem ut plenius indicares, quomodo collegeris; hoc enim videtur mihi salua Eclipsium apparente magnitudine, vnà cum earundem tempore minimè consentaneum. Siquidem quatuor Graduum differentia à Nodis Latitudinem Lunæ immutat 21. Minut. per duas videlicet tertias proximè Lunaris corporis partes; quod sanè in Eclipsium apparentijs admodum perceptibilem induceret discrepantiam: Qualem tamen in multis deliquijs non saltem Lunaribus, sed etiam Solaribus, quæ sedulò pluribus ab hinc Annis denotaui, animaduvertere non potui; Nam licet tempora Eclipsium, ex calculo quocumque hætenus in vsu habito, cum Cælo ipso non ritè conuenerint, sed sensibili differentia interdum maiori, nonnunquam verò minori anticiparint, vel tardius sese exhibuerint; tamen quò ad magnitudinum formam, nequaquam adeò euidentem diuersitatem vnquam adinueni, quantam tuæ Nodorum alterationes exigunt. Neque enim multò plus discriminis hac in parte cognoscere licuit, quam quantum aberratio in motu Luminarium, adeoque in tempore Zyzigiarum suggerere valebat, Nodis ipsis in loco suo, quo Tabulæ Alphonsinæ & Copernianæ (quæ per modicum in his discrepant) eas reponunt, quamproximè permanentibus. Rogo itaque ut ulterius, cur ita statuas, examinatione diligentiore facta, declares. Neque enim adeò euidentem, in Eclipticæ & viæ Lunaris intersectionibus, errorem Tabulis sine causa obijcere decet. Refers præterea, te in libro transmissò, quid de Cometarum materia sentiam, eorundemque generatione nihil reperisse, & rectè quidem id asseris. Nam nusquam ex professo, hac de re illic tracto: Sed ad Epilogum totius Operis, hanc & pleraque similes quæstiones, tum multa alia in loca, tum etiam in vltimam libri clausulam reijcio. Interim tamen pag. 254. vbi quartum caput Mæthliniani scripti de hoc Cometa expendo, hæc verba inuenies. Ego materiam omnium Cometarum prorsus cælestem esse iudico; siquidem omnes etiam in ipso Cælo generentur. Vnde verò hæc materia illis in ætherea Regione suppetat, & quomodo illic procreentur, suo loco in Conclusionem totius Operis meam expositurus

sententiam. Ex his aliquo modo colligere potuisses, quid de eorum materia, quod non sit elementaris, & è vaporibus terrestribus, ut tu sentis, conflata, iudicem. Vbi verò, Deo volente, totum Opus ad Colophonem deductum fuerit, tum veterum Philosophorum, tum quoque recentium, inter quos etiam tuam de Cometarum materia & generatione sententiam discutiam, & minimè reipsa constare posse, luculentis certisque rationibus fidem faciam. Intereà quæ de motu & Apparentijs talium Phænomenon trado & demonstro, sufficiant; Neque enim Physicam considerationem, quæ inde maxima ex parte deriuanda venit, confusè admiscendam duxi, ut Methodus debita seruaretur. At postquam non solum nouam Stellam (quæ etiam non minimum adfert subsidij huic negotio penitus disquirendo) sed omnes Cometas, à me diligenter obseruatos, adhibitis etiam quibusdam alijs antea inspectis, sicubi res postulat, sub incudem veritatis per suas Apparentias reuocauero, tum demum consequens erit, Physicam & Astrologicam considerationem, generali quadam indicatione subiungere; Neque enim res hæc est parui momenti, sed à paucissimis, ne dicam prorsus nullis, antea rite pertractata. Ideoque non perfunctoriè aut promiscuè, sed decenti ordine, debitaque diligentia obeunda venit. Quantum ad caudæ educationem attinet, ostendi eam in Cometa Anni 1577. Veneris Stellam perpetuò respexisse, quamuis ad Solis partes postmodum potius inclinârim, ob opticam aliquam latentem rationem, cum vix credi possit, Veneris Sidus tam fortes eiaculari radios: Licet nunc demum aliquatenus persentiscere queam, id non adeò alienum à Veneris Sidere, velut tunc suspicabar, ex quo non longè ab eius Reuolutionibus Cometa iter suum direxerit. Veneris enim Stella, visa est mihi aliquando eam partem Lunæ, quæ à Sole auersa erat, & ipsi obiecta, satis sensibilibus illuminare, vtv Luna longè remotius à Veneris circuitibus distiterit, quàm Cometa. Simile quid etiam IOANNEM BAPTISTAM Benedictum, Patricium Venetum Philosophum & Mathematicum inprimis excellentem, animaduertisse reperio, in erudito illo Opere, quod de Mathematicis & Physicis speculationibus inscripsit. Sic enim in fine Epistolæ, ad Baronem quendam Sabaudum Philibertum scribens, ait: Manifestè videtur, dum Luna reperitur secundum Longitudinem inter Solem & Venerem, quod pars Lunæ lumine Solis destituta, a lumine Veneris aliquantulum illustratur, quod ego sæpè vidi, & multis ostendi. Hæc ille. Ut tamen verum fatear, neque hæc ratiocinatio mihi ita satisfacit, ut Veneri tantam radiorum potentiam, quæ Cometæ caudam procreare potuerit, attribuere aulam. Verum sit, quoad caudæ rationem, quicquid velit, & siue lateat in his Opticum quid, cur Solem perpetuò non ad amussim respiciant siue non, certè id nullatenus subsistere poterit, quod

tu in-

tu intendis, caudam esse partem corporis Cometæ, & eiusdem cum capite substantiæ, eodemque modo per illuminationem apparere. Id enim si omnimodè ita se haberet, non tot Cometæ à Regiomontano, Fracastorio, Apiano, Gemma Frisio, & alijs animaduersi, perpetuò Comam in oppositas ferè Soli partes obuertissent, vt ex eorum scriptis colligere licet: Id quod etiam in ijs, qui à nobis obseruati sunt, quàm proximè locum habuit. Nulla etenim ratio subest, cur protractio corporis Cometæ in longum, si eiusdem esset cum ipso capite substantiæ, semper à Sole propemodum auerteretur. Et nos vidimus in crinita Anni 77. cuius cauda, præsertim ab initio valdè erat notabilis, eam admodum raram fuisse, & instar radorum tenuium apparuisse, adeò quòd Stellæ quædam, quas prætergrediebatur, aliquoties per illam transparuerint. Neque etiam erat eiusdem cum capite coloris, sed & hunc subinde alterabat, quod tamen ob Aëris interpositi diuersam qualitatem, præsertim prope Horizontem euenisse censeo; Sed & caput ipsum erat solidè compactum, multoque cauda lucidius, & exactè rotundum conspiciebatur, adeò vt paruam Lunam ab initio diceres. Ipsi etiam crines capiti acuminatim copulabantur, & postea in latum longumque diffundebantur: Vnde facillè colligere licuit, per penetrationem luminis cuiusdam externi, quocunquè id modo contingeret, & vndecunquè proveniret, caudam illam fuisse procreatam. Idem quoque in alijs Cometis animaduerrere licuit, & eò euidentius, quo maiores illustrioresque fuissent. Præterea illi qui ad oppositum Solis tendere visi sunt, caudam vel nullam, vel perexiguam ostendebant, eam potius versus supèriora auercentes. Huic autem proximiores barbam magis magisque exerere cernebantur, quod in Cometa Anni 80. & 82. discretè apparuit, vt de eo, qui Anno 85. omnis caudæ expers putabatur, quem vterque nostrum, & nullus, quod sciam alius, diligenter obseruauit, multa non dicam. Hunc, caudam ob id nullam ostendisse censeo, quòd perpetuò iuxta Solis oppositum moueretur, nimia etiam à nobis remotione huc aliquid faciente. Si igitur cauda eorum pars aliqua corporis esset, & de eadem materia constaret, nequaquam eiusmodi relationem ad Solem conseruaret. Nec enim, quæ de transitu radorum in puro Aëre sine materia obijcis, satis adhuc perspecta sunt. Etsi enim Cælum tenuissimum sit, tamen non prorsus est immateriale vel incorporeum. Quid diceres ad hoc, quod Aristoteles refert capite 6. libro 1. Meteorologicorum, nonnullas ex vagis Stellis crinem aliquando nancisci, quod ægyptios tradidisse inuinit, quibus etiam fidem adhibendam censet, siquidem ipsemet viderit Stellam quandam in Caniculæ femore, crinem licet obscurum habuisse, ita vt qui in eam oculorum aciem intendebant, obscurum lumen cerne-

rent,

rent, si verò qui leuiter intuerentur, clariùs. Ego verò existimo rem ita se habere, & sæpius hoc etiam in pluribus Stellis in ægypto, vel alio consimili loco, vbi Aër minimis vaporibus est obnoxius, quando præsertim purissimus existit, conspici: Nobis autem in crassiore Aëre habitantibus non item. Sunt enim Radij illi admodum tenues, nec oculis patent, si Diaphanum intermedium minùs defæcatum fuerit. Vt tamen tuam sententiam ex aliqua caelesti animaduersione comprobes, obijcis nobis Illustrissimi Principis tui Observationem, per Torquetum factam, in Cometa Anni 1558. ex qua manifestè colligi asseueras, caudam illius, neque Solem neq; alium quempiam Planetarum respexisse, sed per sese suo ductu apparuisse. Fateor quidem, si ea denotatio, quæ 13. Calendarum Septembris habita est, (quo solo die caudæ ductus assignatur) tanquam rata assumenda sit, tunc Arcum circuli magni à Sole in part. 6. min. 36. m. iuxta nostras rationes posito, per Cometæ caput educum versus extremam in cauda Vrsæ Maioris, non appropinquare illi intra partes 10 $\frac{1}{2}$; Sed tantundem ab hac versus Booten deflectere, adeò vt oportuissèt Solem 21. Gradum m. emensum fuisse, si is, & caput caudæque Cometæ, cum dicta Stella, in eodem Arcu constituerentur. Licet verò ne hic quidem adeò extra omnem modum difformis deuatio contingat, pro eo, quòd ex solo intuitu prima fronte discernere licuit, vt ob id planè diuersum à plurimorum in alijs Cometis animaduersione hinc concludere sufficiens præbeatur occasio; tamen quia hæc differentia tibi nimia videtur, vt est per se admodum ampla, aliud quid de hoc eodem Cometa ex Observationibus Claris. & Doctis. viri D. CORNELII GEMMÆ in contrarium adducam, qui libro secundo de diuinis naturæ Characteris, capit. primo, vbi de hoc ipso nonnulla proponit, præter id, quòd ait eum in Occasu stetisse, & caudam versus Orientalem Plagam (ideoque in Solis, qui iam occubuerat, partes oppositas) porrexisse, hanc præcipuè Observationem commemorat, quòd die 20. Augusti, qui planè idem est cum eo, quo Illustriss. Princeps Cometam vnà cum caudæ ductu versus extremam Vrsæ Maioris designauit, Vesperis eius distantiam ab Arcturo dimensus sit part. 30. min. 32; Ab ea verò ipsa, quæ est in fine caudæ Vrsæ Maioris part. 28. min. 33. Cumq; ad illum Annum fuerit Arcturi Longitud. in part. 18. min. 4. ☐ Latitud. part. 31. min. 2. Bor. & eius quæ in cauda Vrsæ part. 20. min. 44. m. Latitud. part. 54. m. 25. Bor. iuxta nostram in Fixarum locis restitutionem, competens erit ex assignatis intercapedinibus, Cometæ locum incidisse, quoad Longitudinem, in part. 13. m. 36. m., cum Latitudine part. 26. minut. 23. Borea, quod admodum sensibilibiter ab ea quam adducis, annotatione discrepat. Sin autem per hunc locum, à Sole in part. 6. min. 36. m., vt dixi, versante educatur arcus magnus versus vltimam caudæ Vrsæ, satis propè ad Stellam illam accedet, ita vt intra part. 3 $\frac{1}{2}$. huic reuera appropinquet, tantillulum saltem versus Booten digrediens, adeò vt si Solis locus

locus assumatur ternis tantummodò Gradibus vltior, vt pote in $9\frac{2}{3}$. m , exquisitè in vnum Arcum Circuli magni Sol, caput Cometæ,eductio caudæ, & postrema in Vrsa maiore coincidant. Hæc verò non adeò magna discrepantia apud intelligentes in isto negotio facilè excusationem meretur. Siquidem ductus caudæ saltem ad intuitum denotatus est, qui facilè in tanta distantia per ternos Gradus, aberrationem insinuare potuit. Neq; enim summa præcisio hoc pacto elicitur, & verisimile est Illustriss. Principem, cum nulla alia clara Stella tam prope occurreret, per quam caudæ extensio designaretur, hanc tanquam proximam arripuisse, à qua etiam insensibiliter caudæ indicatio differre, quoad aspectum dignoscebatur. Apparet itaq; quàm parum subsidij hinc obtineas ad stabiliendam tuam de barbis Cometarum sententiam, aliorumq; euertendam, quæ multis exemplis comprobata est, cum potitis contrarium tuæ inductioni hinc sequatur. Nam huius etiam Cometæ caudam Solis partes oppositas satis partiliter obseruasse, rem omnem circumspectè absque præiudicio perpendentes non inuitè concedent. Fac saltem ipsemet in Globo periculum & locum Cometæ denota iuxta distantias à Cornelio Gemma à dictis Fixis monstratas, caudamq; eius nonnihil à corpore protrahere in Solis ad $6\frac{2}{3}$. m , collocati partes contrarias, facieq; Cæli disposita, qualis erat iuxta Horam nonam eius diei, ita vt 21. Gradus m , Meridianum occupet, sicq; firmato Globo aspice, quorsum cauda primo intuitu dirigatur, vtiq; videbis illam quasi in verticem tendere, & si producta intelligeretur nulli propius insigniori Stellæ occurrere, quàm ei, quæ vltimum locum caudæ Vrsæ Maioris tenet. Licet enim quædam sit minutula in sinistro lacerato Bootis, quam propius respexit, tamen cum hæc sit saltem quintæ magnitudinis, discerni non poterat. Cumq; nulla alia in isto tractu oculis euidenter pateret, ad quam proximius caudæ protensio dirigeretur, quàm hæc ipsa sapredicta Vrsæ Maioris Stella, meritò hanc tanquam à cauda indicatam, quod etiam ocularis intuitus satis probat, Illustriss. Princeps arripuit, neglecta illa perexigua, quæ etiam soli visui non adeò promptè patebat differentia. Esse autem potius standum cum loco Cometæ, qui ex Cornelianis Obseruationibus deriuatur, nullum meretur dubium. Nam is in ipsis Scrupulis per Radium Astronomicum (Instrumentum à Patre suo diligenter excultum) distantias Cometæ à duobus illustrioribus Fixis, quæ cum ipso Triangulum fermè æquilaterum (quod non parum ad loci certitudinem hinc inquirendam facit) constituerint, subtiliter demensus est. Et licet Radius per se in pauculis Minutis non ubiq; satis præcisas præbeat distantias, præsertim in maioribus intercapedinibus, tamen tanta non est eius aberratio, vt ultra quartam Gradus partem Cometam aliter quàm oporteat hîc disponat, quæ variatio id quod intendimus, nullatenus improbat. At longè aliter se res habet in Torqueto, per quod Instrumentum Illustriss. Principis Obseruationes

T

acceptæ

acceptæ sunt. Nam etiamsi illud iustæ magnitudinis foret, tamen è nimis multis & diuersis partibus intricatè componitur, multaquæ requiruntur ad singularum dispositionem, quæ inter obseruandum difficulter simul administrantur, adedò vt dum vnum cauetur, alterum facillè negligatur, quodlibet verò per se aliquid erroris sensibilis suggerere potest. Taceo quòd ipsum etiam Instrumentum sua mole sese nimium aggrauet, cum non secundum æquilibrium eius dispositiones conuolutioni adaptentur. Ita vt nullum sit inter omnia Astronomica Organa à veteribus excogitata, quod minùs expeditam & ratam certitudinem Obseruatori exhibeat, vtriusque ingeniosæ eius structura, qua Armillas ab Hipparcho & Ptolemæo usurpatis in planam quandam Circulorum compagem compendiosius & minori sumtu redigere, Arabes huius primi (vt existimo) inuentores, conati sint. Taceo nunc, quòd Illustrissimi Principis Torquetum, quo Obseruationes istæ peractæ sunt, etsi è solido constabat Orichalco, ni nis tamen erat exiguum, prout vidi, cum ante annos 15. Castellis præsens apud Illustrissimum Principem per dies aliquot morarer. Habebat enim tunc bina eiusmodi Torqueta, quorum neutrum satis capacem magnitudinem præ se ferebat, vtrumque verò iam pridem ab ipsius Celsitudine antiquatum erat, edò quòd certas Siderum denotationes, vel ipso Principe id innuente, nequaquam exhiberent. Facillè itaque contingebat, per Torquetum non adedò magnum obseruando, aliquot Graduum à Scopo deuiationem committi, quod beneficio radij, è distantijs Stellarum petita peruestigatione, satis tutò præcaueri poterat, & cauda quæ per se tenuiter apparuit, vt ex ipsis Illustrissimi Principis animaduersionibus colligere licet, in sua productione non difficulter, quòd ad longum interuallum, aspectui nonnullam frustrationem suggererat. Quapropter si ex Obseruationibus Cometarum probare labores caudam eorum esse de ipsa substantia corporis, & per se ferri, Solemque non semper respicere, aliunde auxilium implores necesse erit: Hic enim, quem allegas, Cometa multò potius contrà quàm pro te facit, vt iam satis superque ostensum est. Nunc ad alia. Quæ circa curuaturam caudæ, nostris ratiocinijs opponis, parum ad rem faciunt, Si aptiorem inflexionis crinium occasionem, quàm ex Opticis, inuenire potes, eam prome. Quod tamen cauda sit ipsa Cometæ portio, de eadem existens materia, vt ob id varias formas per se exhibere possit, nequaquam tibi concessero. Non aliter quæ de Graminæo in fine Operis scripsi, minùs competenter applicas. Neque enim dixi eum, quòd ad situm Cometarum Aristoteleæ opinioni adherere, sed saltem quoad materiam è fumositatibus terrestribus, vt ille vult, constantem, inque sublimem æthera attractam. Quoniam verò ipsemet fateris hanc tuam quoque esse opinionem, in easdem sanè absurditates prolaberis, quas alias affatim ostendam: Nihil enim refert, siue dicas vapores istos lentos & tenaces,

ces,

ees, siue tenues & leues, aut ardentes vel illuminatos, modò terrestres & sublunares esse, inq; altissimum Cælum quocunq; modo eleuatos admiseris. Prætereà quia ex verbis quibusdam ad Illustriss. Principem scriptis, quibus Opus meum edendum de nouis ætherei Mundi generationibus appellauit, colligis me generationem in Cælum introducere, & per consequens etiam corruptionem. Videris hîc mea verba nimis stricte captare; Sumsi enim ego illic generationis vocabulum latiori modo, pro eo quod nouiter existit vel apparet, antea non visum, nec Grammatici partes in proprietate eius dictionis sustinui. Sed cur non potius ipsum titulum libri impressum arripuisti, quem magis circumspectè, quàm in Epistola aliqua requiritur, de nouis ætherei Mundi Phænomenis inscripsi, consultò generationis vocabulum deuitans, ne vllus esset cauillationi locus. Alibi te longè adhuc à mea abesse sententia videbis. De Hypothesum caelestium à me adinuenta constitutione nolo in præsentiarum multa defensionis & comprobationis causa in medium adferre: Id enim nimis prolixum foret, neq; absq; multiplici ex Observationibus certis petita demonstratione sufficienter perficeretur. Dabo potius operam, vt aliàs, cum de restitutione caelestium motuum ex professo fauente Cæli Autore acturus sum, re ipsa cognoscatur, has nostras Hypotheses Apparentijs caelestibus ad amussim satisfacere, & tam Ptolemaicas, quàm Copernianas longè antecellere, ipsique veritati magis correspondere. At si illæ tibi adeò displicent, vt malis cum Copernico Terram & maria in Cælo annuatim vnà cum contermina Luna conuoluere, adeoque triplici motu, cum sit corpus vnum & simplex, vltra Stellarum sortem, qua tamen longè inferior & ad mouendum ineptior est, extollere, per me etiam id tibi integrum erit: Neque iam difficilis via est, ex quo Aërem Elementarem Cælo & Astrorum reuolutionibus miscuisti; Cur non etiam Terras & maria? Anne hoc est inferos superis confundere, omnemque naturæ rerum ordinem inuerrere? Ne tamen fallaris, Non est, quòd tibi persuadeas, absurditates Physicas, quæ Copernianam Hypothesin comitantur, satis ab ipso esse refutatas; Neque quæ à te huc adferuntur, rem omnem indubitanter confirmant, vt alibi hæc & plura eiusmodi discutiens ostendam. Multò minùs, quæ in excusandis ijs, quibus sacra scriptura contrarium asseuerat, à te prætenduntur, locum mereri poterint. Maior enim & est & esse debet diuinarum literarum autoritas ac reuerentia, quàm vt sic in modum Cothurni eas trahi deceat. Licet enim ipsæ in rebus Physicis & alijs quibusdam vt plurimum ad captum vulgi sese attemperent, absit tamen vt ob id statuamus eas ita vulgariter loqui, quin etiam vera proponere credamus. Sic Moses etsi in primo capite Geneseos de Mundi creatione agens, Astronomiæ penetralia non referet, vt pote rudi populo scribens, nihil tamen in medium profert, quod non etiam ab ipsis Astronomis concedi queat. Nam quòd tu putas ex

T 2

ipso

ipso sequi Lunam contra Geometricas demonstrationes reliquis Stellis fore maiorem, ipse Textus non admittit. Sic enim habet: Fecitq; DEVS duo luminaria magna, maius ad diei, minus ad noctis moderationem, tum etiam Stellas, easque in liquido Cælo collocavit ad collustrandas Terras. Hic saltem de magnitudine lucis, qua Sol & Luna præ cæteris Stellis Terras illuminant, loquitur Mosès, non de quantitate corporum. Ideoq; Lunam vocat luminare minus, quia non tantum Terram collustrat nocturno tempore, atq; Sol diurno. Si enim de magnitudine corporis hæc intellexisset, & saltem ad vulgi aspectum sese accommodasset, Lunam non minorem Sole appellasset; siquidem eius visibilis Diameter Sole certè vix minor cernitur, si non potius ut plurimum nonnihil maior. Nemo verò Astronomorum negarit Lunam post Solem esse Luminare magnum ante alia Sidera, quodq; multò plus cæteris Terram noctu illuminet, tenebrasq; pellat. Sic ipsi Astrologi Solem & Lunam appellant, hanc Luminare noctis, illum diei, quod cum Mose apprimè consentit. De cæteris Stellis nunc non disputo, an circum circa iuxta suos terminos plus claritatis effundant, quàm ipsa Luna, licet ob nimiam distantiam lux illa Terras non percellat. Nam & Mosès eo loco de hoc saltem lumine agebat quod Terras contingit atq; Animantium vsui inseruit. Sic etiam nimium Prophetis derogas, dum vis ipsos non plus intellexisse de rerum natura, quàm alios vulgares homines. Licet enim ex professio Physica non tractarint, id enim non erat muneris eorum, tamen multa suis oraculis è Physicis desumpta immiscent, quæ nemo etiam, quàm maximè naturali Philosophia imbutus ire poterit inficias, Neque ob id sequitur eos Astronomica & Physica, quæ vel à primis Patriarchis ad eos promanarunt, ignorasse, quoniam parcius de his agunt. Non enim decuit Philosophica & Mundana Theologicis mysterijs, quæ præcipuè tractabant, nimium immiscere. Stat itaq; adhuc immota Autoritas sacrarum literarum, ut suo loco plenius videbimus. Nec Copernici positio ab hac se vlla tua opera vindicabit. Quod autem meæ Hypothesium inuentioni obijcis tractionem quandam violentam, & ordinis confusionem, retrogradationisq; in quinque Planetis labem, nihil moramur. Non enim esse tractionem quandam inuoluntariam, sed naturalem & diuinitus insitam concomitantiam, obseruantiamq; qua quinque Planetæ Solem, quocunq; eat, semper in Meditullio suarum Revolutionum respiciunt, consentaneum est. Et quanam quæso corporali tenaciq; materia copulantur Magnes & Ferrum, ita ut vnum alterum appetat, etiam interposito alio corpore? Si hoc in terrestribus inanimatis fieri potest naturaliter absque violentia, quid in cælestibus, quæ animata esse & scientiam diuinitus innatam mirabilem & præstantiorem quàm putatur habere, Platonici, sapientioresq; Philosophantium non negarint? Perpende diligentius ea, quæ in fine 16. capituli libro 2. Plinij ab eo adducuntur, de ratione stationum atque regressuum

trium

trium superiorum Planetarum, quæ licet ambigua obscuraq; vel prorsus absurda videantur, tamen non omnia sunt planè de nihilo. Satisq; hinc colligitur, vetustissimos Mathematicos, qui etiam Terram in medio Mundi quiescentem constituere, Epicyclos prorsus ignorasse, & alia quadam occultiore ratione istas Apparentias, quæ inde saluantur, ad Solem retulisse, neque inconueniens duxisse, Planetas Soli ita obnoxios esse, licet nulla intercederet materialis colligatio. Sed ipse Textus te de pluribus admonebit. Nec villa confusio in meis Hypothesibus committitur; Cælum enim est vnicum & sibi simile à Luna ad octauam Sphæram, in quo liberè ascendunt & descendunt Planetæ, prout Solem pulcherrima Harmonia in medio ambulantem circum-eunt. Non enim credo te rursus distinctionem aliquam realem orbium Cælestium introducere velle, contra quam inter nos dudum conuenit. Retrogradatio Planetarum, quæ respectu nostri & octauæ Sphære cernitur, nullo eos vitio afficit, siquidem quò ad semetipsos, Solem semper eodem modo intueantur, cursui destinato vniformiter intenti. Sed hæc & plura alia quæ fortè ab aliquibus plausibiliter contra nostram motuum rationem inferri possunt, suo tempore, Deo conatibus nostris aspirante, sufficienter discutiam. Occasionem verò has Hypotheses construendi non desumsi ex inuersis Copernianis, etsi tu tale quidpiam vnquam cogitasti, mihi id, vt satis nosti, non innotuit, neq; simile quid vnquam ex Rhetico vel Reinholdo colligere licuit. Verùm cum animaduertissem subtili & accurata Obseruatione, præsertim Anno 82. habita, Martem Acronychum Terris propiorem fieri ipso Sole, & ob id Ptolemaicas diu receptas Hypotheses constare non posse: Cometæ insuper cælitus conspectos & in Solis opposito versantes, motui Terræ annuo non reddi obnoxios, quamuis haud in tantum distent, vt planè is euanescat, sicut in Fixis fit Sideribus: Copernianam quoq; assumptionem in motu Terræ collabascere; Non restabat alia via saluandi Apparentias cælestes, quàm hæc ipsa, quæ nuper à me generali indicatione prolata est. Si itaq; ista duo demonstrauero ita se habere, utiq; nec Ptolemaicam, nec Copernianam Hypothesin rei veritati congruere, sed solam hanc nostram, sufficienter comprobatum erit, vt de multis alijs, quæ huc non parum faciant, nunc non dicam. Neq; enim hoc loco singula & particularia referre commodum videtur. Mirabar valdè ab initio, cum legerem in tuis literis, Illustrissimo Principi hasce meas Hypotheses prius cognitæ fuisse, vtpote qui eas in Automate quodam expressas haberet. Neque satis cogitare potui, quid id fieri posset, siquidem optimè mihi conscius essem, me à nullo mortalium has cognouisse, priusquam ipsemet ex Obseruationibus eò perducebar, quodq; interea mecum latuerint antea non publicatæ. Verùm postquam libellus istius Vrsi Dithmarsici, quem aliquando in quibusdam ad me datis literis digno elogio ornasti, impurum appellans Nebulonem, mihi transmissus esset (idq; à Doctissimo

viro D. GEORGIO ROLLENHAGIO Magdeburgi degenti, qui etiam dum antea indicarat, has nostras Hypotheses sibi ante biennium à quodam meo fugituo ministro communicatas esse. Ideoq; sciens à me primùm inuentas, dolensq; Vrsū istum sibi immeritò eas attribuere, librum illum mihi innotescere voluit, vt Furtum illud cognoscerem, & ab alijs foras eliminata mihi denuò assererem. Ex isto satis perspexi, vnde hæc ad vos peruenerit Reuolutionum caelestium ordinatio, siquidem iste Plagiarius referat, se ante triennium ferè, postquam hanc in angulo quodam Regni Poloniæ excogitasset, (intellige potius in Insula Regni Daniæ Huena, quando Anno 84. in Septembri cum Nobilissimo & Doctissimo viro D. ERICO LANGE, amico meo singulari, cui tunc inseruiebat, hinc adfuisset, apud me clam exceptas, vt quædam etiam alia) Illustrissimo Principi Hassiæ obtulisse, atq; ab ipsius Celsit. Artifice Iusto Byrgio in Orichalcicum Automatum redactas esse. Sed satis prodit Furtum suum iste impostor, vnaque ignorantiam rei, quam venditat. Dum enim orbem Martis totaliter Solarem ambientem delineat, imitatur falsam quandam designationem, quæ nescio, qua incuria hinc ita depicta erat, atq; ob id tanquam inepta alicubi inter chartas meas proiecta, quam etiamnum ad manus habeo, eodem nomine requisitam, vt certò id ipsum pateret. Cumq; vitium istud in Schemate depingendo commissum emendare nequiuisset, sufficienter intelligentibus notum reddit, se eam inuentionem non intelligere, multò minùs eius Autorem esse, vtut hic conquistam sibi impudenter arrogare & Illustrissimo Principi VILHELMO, tanquam propriam excogitationem dedicare non erubuerit. Multa insuper alia habet in isto libello, quæ licet non omnia hinc abstulerit, tamen partim à vobis, partim ab alijs Mathematicis in Germania, siue clam siue palam corrasit, adeò vt si aliena demantur, nihil ferè restet, quod suum erit. Sed facessat iste cum suo Plagio, tibi & alijs Eruditis, apud quos aliquando fuit, quis sit, & quàm perfricta frontis, arrogantiq; nugator, satis perspectus. Hæc de Hypothesibus meis breuiter respondere volui, plura conuenientiore loco & tempore intelliges, quæ proculdubio (nisi nimium pertinaciter in verba & sententiam Copernici iurasti) tibi satisfacient. Quod per omnia conuenientiore Hypothesin in Cometa Anni 77. præfinire potuissèm, è pluribus videlicet compositis circularibus motibus, equidem satis ipsemet cognitum habui, idq; in ipso libro sufficienter indicatum est, causaq; addita, cur id præstare supersederim: vnde ista replicatione non opus erat. Hanc autem ipsam, quam illic indicaui, proposuisse Hypothesin, non caret vt opinaris, certa utilitate; Sic enim magis confirmatur reuera caelestes esse Cometas, & motus eorum non tumultuariè cieri. Rectè excusasti apud Illustriss. Principem secundum illum Tomum non illius Cels. sed tibi esse transmissum, & veluti meo nomine pollicebaris, me vbi totum Opus absolutum fuerit, ipsius C. esse integrum communicaturum: Id enim

antea

antea mecum constitui, & tuam fidem hac in parte redimendam, non est quod dubites. Habebunt etiam reliqui duo Principes, ut mones, Exemplaria. Illustrissimus MAVRITIVS, LANDTGRAVII Filius, quem gaudeo in literis & linguis tantum profecisse, utinam & Astronomica degustasset, ut in his laudabiliter exercitato Parenti sic quoque succedere posset: Item Illustrissimus BERNHARDVS ANHALTINVS non prætereundus erit, cum Sacris Mathematicum imbutus sit. Quod autem primus Tomus huiusce Nundinis non prodit, impedimento fuit, quod in ultimis Papyrum impressoriam, pro qua miseram, non adeptus sim, nimia copia Aquarum nuntium retardante, & propter alia quædam obstacula, quæ non attinet referre. At illa quæ de Observatione vestra in ☿ & ☊ ob Fixarum verificationem facta pro te facere iudicas, & quid de hac re sentiã in literis ad Illustriss. Principem breuiter datis respondi; Quare ea hic repetere non est operæ pretium, nec etiam opportunitas mihi conceditur, plura nunc scribendis, imò hæc ipsa confestim, non saltem inter alias plurimas occupationes prout obiter in mentem venerunt, exaravi, sed insuper graui frontis & Hemicrani dolore ob Coryzam, quam paucis antè diebus ex frigore nocturno inter obseruandum contraxeram, immaturè constipatam, laborans, ita ut ægerrimè hæc ipsa conceperim. Neq; enim tantum superest otij, ut medicationi vacare liceat. Tuum itaq; erit in his difficultatibus minus emunctè congesta candidè interpretari, & si non ad omnia nunc particulatim respondere otium atque valerudo patiebantur, hæc ipsa generaliter rescripta boni consulere, meq; uti facis, amare non intermittere, & sæpius per oblatam occasionem literis reuifere. Vale. Datæ Vraniburgi 21. Feb. Anno 1589.

T Y C H O B R A H E.

NOBILISSIMO ET VIRTUTE SAPIENTIA IN-
GENIOSA ERVDITAQUE DOCTRINA, CLARISSIMO VIRO,
DOMINO TYCHONI BRAHE, DOMINO DE KNVDSTRVP, EQUI-
TIDANO, Mathematicorum nostro Seculo omnium
præstantissimo, &c. Domino suo cum
obseruantia colendo, &c.
S. P.

LITERAS TVAS, NOBILISSIME EXCELLENTISSIMEQUE
D. TYCHO, quas tu 21. Februarij dederas, vix 17. Augusti
accepimus, hoc est, sex diebus post, cum alteras ad me datas
scripseras. Quanquam autem varijs iam distrahar occupationi-
bus, tamen paucis tibi respondendum duxi: Præsertim cum videam, te
literas meas superiores, fortè ob varias occupationes atque etiam ob mor-
bum, longè aliter intellexisse, atque ego scripseram. Obijcis enim ea
mihi,

mihi, quæ nec vnquam ex verbis illius Epistolæ colligi poterunt, nec etiam mihi vnquam in mentem venerunt. Vbi enim quicquam detraxi authoritati sacrarum literarum? An ea, quæ dixi, non etiam tu ipse & Theologi omnes sacras literas interpretantes dicunt? Nisi fortè existimas, duo cum dicant idem, non esse idem: Ideoq; in me id reprehendendum esse, quod alijs facile possit concedi. Si Augustinum legeris, multò liberius de sacris literis loquentem inuenies. Eandem nuper sententiam cum exhibuissem Illustrissimo Principi nostro & nostris Theologis viris summis, ne litem hanc meam facerem (Nam in nostris Observationibus ei peculiare caput attribui, vbi ostendi, sacras literas non obstare nostræ de liquiditate materiæ cælestis sententiæ) nec Princeps nec Theologi eam improbârunt, aut quid reprehendendum in ea inueniunt. Et tibi idem faciendum erit, si modò quintam tuam Essentiam defendere volueris. Mihi solius DEI gloria in omnibus meis actionibus proposita est: ne quid impium de me cogites. De Crepusculis quoq; ne me prorsus cæcum effice. Nec enim tam temerarius sum, vt in his rebus quicquam scribam, quod expertus non sim. Scio desinere Crepusculum Sole 17. Gradibus sub Horizontem depresso, si vulgariter Crepusculum pro luce dubia accipias, At ego desinui ex illis literis Crepusculum edusq; donec nullum amplius vestigium albicantis Aëris appareat, quod omninò necessarium est, si extremam superficiem Aëris crassi, qui illuminari potest, determinare exactius volueris. Considera igitur Aërem circa locum occubitus Solis, desinente vulgari Crepusculo, eumq; cum alijs locis Horizontis circumcirca, vt ad Ortum, ad Meridiem, ad Septentrionem confer, diuersitatem coloris & vestigia illa albicantis Aëris omninò reperiēs. Sed & Refractionibus meis nescio cur detrahas. Quomodo enim alias inuenire possum aut etiam eruere, quàm ipsa Instrumenta præbent? An in tuam gratiam hoc faciam? Iniqua certè à me postulas, si hæc postulas. Sed nec titulum Tomorum tuorum de nouis Mundi ætherei generationibus repræhendi, nec etiam repræhendendus est, nec tua excusatione indiget: Siquidem quæ fiunt, etiam generari dicuntur; & reuera Cometæ in Cælo generantur. Proposui eā non assertiuè, sed dubitanter & interrogatiuè potius, præcipuè vt explicares mihi sententiam de vestra generatione & corruptione. Quæ etiam de Cometarum cauda scripsi, potius tuo iudicio subieci, quàm vt vera vrserim. Et Illustrissimus Princeps noster facile excusationem meretur, quoniam tunc temporis vix incipiebat tractare Observationes, necdum Stellarum Fixarum loca correxerat, nec erat in Observationibus exercitatus, nec velim Observationem illam publices. Sed & nec meam de Cometarum generatione sententiam scriptis tuis immisce. Si enim publicandam censuissem, ipse iamdudum publicasset. Pugnares ea ratione etiam cum muto, siquidem nemo meam istam sententiam adhuc nouit. Postquam mea scripta publica facta fuerint, poteris ea in tuis scriptis examinare
pro

prohibitu, siquidem tunc publici iuris erunt: At de nondum editis non est præiudicium introducendum. Superiore ætate cum de materia Stellarum & viæ lacteæ cogitavi, in aliam sententiam incidi: Inveni etiam, quæ de trabibus discurrentibus cap. 7. proposueram, prorsus falsa esse. Quapropter totum illud caput de materia Cometarum eorumque illuminatione sum mutaturus, longeq; alia ratione tractaturus, si alium insuper adhuc Cometam observauero, omniq; diligentia inspexero & considerauero. De eo, quod Planetæ in subtilissimo & purissimo Aëre pendeant, ulterius tecum non agam. Traetaui hanc meam sententiam in opere nostro Stellarum Fixarum, nec te immiscui, sed rem ipsam tractavi. Idem & tibi faciendum erit, ut quibuscunque possis modis sententiam tuam defendas. Iudicabunt postea Doctissimi Mathematici, cuius sententia vera sit. Nec enim nos ipsi in hac materia & Actoris & Rei & Iudicis personam sustinere possumus, sed requiritur ad sententiam pronunciandam persona tertia, *Φιλαληθης* & nullo prorsus præiudicio fascinata. Reuera Mysterium Trinitatis à Deo creaturis inditum est, & reperiuntur omnia Terrena in hoc inferiore Mundo ex Terra, Aqua & Aëre, ut superioribus quoq; literis scripsi, seu potius ex Terrena materia, Aqueo glutine & Aëreo spiritu constare; Quam materiam sic dispositam deinde Calor caelestis vel Sol accedens specifica & ingenita sua virtute, luce perfundit, excitat & vivificat. Sed hæc alibi tractavi. Video me tandem apud te obtinuisse, quod Diaphanitas Aëris puri nihil differat à Diaphanitate materiæ Planetis circumfusæ: Reliquam etiam sententiam sine dubio veram, te docebit veritas temporis filia. De Hypothesibus Ptolemæi & Copernici, utra vera sit, peculiari olim scripto discutiemus, nec ulteriorem hic disputationem instituemus. Scriberem etiam de Virso illo Dithmarso, deq; systemate illo Mundi tibi surrepro: sed Tabellarius properat, unde illud in aliud tempus differam. Habebat in animo Illustriss. Princeps noster tibi ad literas tuas respondere; Verum subita festinatione iter ingrediens Smalcaldiam petijt, ut hac ratione responsio sit impedita. Quemadmodum & eò circa hoc tempus maximè impeditur, quod iam operam det ceruis, qui rem Veneream sectantur, figendis. Nihilominus tamen Illustriss. ipsius Celsitudinem à te literas expectare & de te sæpè cogitare, ex iniecta literarum copia poteris intelligere, quas præterito mense Julio ex comitatu Hombergico Illustriss. ipsius Celsitud. ad me dedit: Secundum quarum tenorem & Mandatum Frischlino quoque literas ad te perferendas tradidi. Quæ proximis literis ad me scripsisti de structuris & occupationibus tuis æstivalibus, quod nimirum Molendinam ad conficiendam chartam construxeris, Illustrissimo Principi meo indicaui, cui res perplacebat. Literas illas, quas ad Gellium Sasceridem scripseras, nuper tradidi Præceptori Nobiliss. ROSENCRANTZII, qui me & ex te & ex Nobiliss. D. IOANNE DEE, amico meo singulari, perquam humaniter salutabat, seq;

V

cum

cum alijs ad eundem Gellium literis has quoque missurum aut laturum spon-
debat. Nuper D. VICTORINVS SCHONFELDT, Professor Marpurgen-
sis, per CHRISTOPHORVM HARSACHIVM, Illustrissimi Principis nostri
Consiliarium à me petijt, vt Filium suum tibi commendarem, atque ex te co-
gnoscerem, num posses illum inter studiosos tuos aliquamdiu recipere & in
his artibus erudire; Siq; hoc tibi videretur, se eum sequente ætate ad te mis-
surum. Est vt audio promotus liberalium Artium magister. Si igitur tibi
hoc commodum est, poteris voluntatem tuam ad proximas Nundinas mihi
declarare, vt sciat quid sibi agendum sit. Hæc iam summa festinatione va-
rijs distractus occupationibus breuiter respondere volui, quæ vt in optimam
partem accipias etiam atque etiam oro. Plura scribam, cum occasionem &
otium nactus fuero. Vale igitur Nobilissime Excellentissimeq; D. TYCHO,
meq; quod facis ama. Castellis 22. Augusti, Anno 89.

T. T.

CHRISTOPHORVS ROTHMANNVS.

Unserm Mathematico vnd lieben Getrewen

CHRISTOPHORO ROTHMANNO.

Wilhelm von Gottes Gnaden Landtgraue

zu Hessen / Graue zu Casselubogen / Dieck /
Ziegenhain vnd Nidda / etc.

Wieber Getreuer / Wir mögen dir in gnaden nicht verhalten / das
Zeiger dieses D. Nicodemus Frischlinus vorhabens ist / eine Rey-
se in Daniam zuthun. Dieweil er dann sonder zweiffel zu dem
TYCHONI de BRAHE kommen wirdet / Als ist an dich vnser be-
felich in gnaden / das du etwa ein fein schreiben an ihnem thuest / vnd von ihm
zuwissen begerest / was er jzo gutes vorhabe / vnd wann er seine vorgehabte Ar-
beit dermahls eins werde aufgehen lassen / Dann vns verlange sehr darnach
solchs zusehen. Das thun wir vns zu dir mit gnaden versehen. Datum Hono-
berg am 26. Iulij, Anno 89.

Wilhelm Landtgraff zu Hessen.

Eadem

Eadem Litera Latine reddita.

MATHEMATICO NOSTRO DILECTO,
FIDELI, CHRISTOPHORO ROTHMANNO.
VVILHELMVS DEI GRATIA LANDTGRAVIVS
HASSIÆ, COMES IN CATZENELLEBOGEN,
DIETZ, ZIEGENHAIN ET NIDDA, &c

DILECTE FIDELIS. CLEMENTER TIBI SIGNIFICANDVM duximus, præsentium exhibitorum, D. NICODEMV M FRISCHLINVM in Daniam iter sibi proposuisse. Cum igitur TYCHONEM BRAHE procul dubio inuisset, clementer mandamus, vt scitum aliquod scriptum ad ipsum matures, & certior ab eo fieri expetas, quid nam egregij nunc præ manibus habeat, & quando ex propositis laboribus aliquid rursus editurus sit, illa enim inspicere plurimum desideramus. Quod & à te factum iri clementer expectamus. Datum Hombergi 26. Iulij, Anno 89.

VVILHELMVS HASSIÆ LANDTGRAVIVS.

CLARISSIMO ET ERVDITISSIMO VIRO,
D. CHRISTOPHORO ROTHMANNO,
ILLVSTRISSIMI PRINCIPIS VVILHELMI
LANDTGRAVII HASSIÆ, &c. Mathemati-
co eximio, Amico suo plurimum dilecto.
S. D.

QUID ID EST MI ROTHMANNE, QVOD TAM INVITO animo accipias, adeoque sinistrè interpreteris meas ultimò ad te datas literas, nimisq; rhapsodicè ad eas respondeas, cum amicæ inter nos collationis, atq; veritatis in abscondito latentis penitiùs eruendæ gratiâ, bona intentione scriptæ sint: Neq; enim ego te vspiam in illis impietatis accusavi. De pietate vel impietate cuiusvis, nullum mihi arrogo iudicium, Id scrutatori cordium omnium, vti par est, relinquens. Nec etiam te authoritati sacrarum literarum, quasi data opera, aliquid detrahare absolutè dixi, saltem quòd Moïsis verba de Luna, luminari minore, incompetenter ad corporis, ipsis plarisq; Stellis reuera minoris, magnitudinem transfuleris, cum potius de lucis Terras contingente præminentia accipienda veniant, te admonui. Rationibus quoq; vt existimo non incongruis adiectis. Quod etiam Prophetis nimium deroges, eos non plusquam vulgus imperitum in Astronomicis & Phycis intellexisse asseuerando, vt diuinitus, immeditate instructi fuerint,

fuerint, & præterea antiquis. Patrum visibilibus à Deo conditarum rerum excolentium traditiones non paucas, nostris procul dubio ab Ethnicis acceptis certiores & meliores in promptu habuerint, non approbandum duxi, in qua etiamnum persisto sententia. Neque enim unquam leuiter de his decernendum censui. Multa quidem & non posthabenda, de ijs quæ Physicè in sacris literis continentur, nuper etiam secundum vulgarium Philosophorum ratiocinationes, explicuit Franciscus Vallesius, neque absque solerti, quod ad ea principia, labore; Licet & multò plura in his longè aliter secundum veriorum Physicam, fortè quoque ex his ipsis non minima de parte potius petendâ, enucleanda deliteant. Quin & Lambertus Danaus, vir sanè apprime eruditus, & de instituendis alijs optimè meritis, Physicam suam Theologicam, tam ex veteri quam nouo Codice non inuiti labore extruxit. Possentque fortasse multa de his aliàs dici, quæ peculiare & reuera Metaphysicum, non quale nobis Stagyrta iste Græcus obtrusit, requirerent volumen. Literas tuas quin satis caperem, nec morbus, licet & ille grauis erat, corporis tamen non ingenij, nec occupationum, quamuis & hæ non paucæ implicationes, adeò ut putas, impediunt. Nulla enim in illis irresolubilia latebant ænigmata, re omni dudum satis perspecta; Nec quicquam tibi obijcio, quod ex literis illis colligi non possit, imò fortè plusquam opus est, parco. Conferantur saltem tuæ & meæ, diiudicentque alijs, affectibus non indulgentes, neque sibiipsis nimium placentes. Quatenus sacris literis contraria induxeris, & antea & iam aliquo modo indicaui, te ubique studiosè id facere non dixi. Nec ego licet Theologiam non profitear, neque quispiam eorum qui eam solidè & sincerè exercent, tuis assertionibus è Deo domenis sacrarum literarum assentiri possumus: Frustra itaque prætendis hoc diuerticulum, Cum duo dicunt vnum, non tibi concedi ut sint vnum, Neque enim alijs concedendum duco, quod hic reprehendo. Augustinum satis liberè de sacris nonnunquam pronuntiasse, interdum non incompòsitè, interdum verò frigidiusculè pro eâ temporibus Apostolorum viciniore ætate, non equidem Dei gratiâ sum ignarus. Sed quid ista omnia huc conferunt, aut ad rem de qua agitur, faciunt. Quæstio mouebatur, an mobilitas Terreni Globi, eademque triplex à Copernico asserta reuera constare possit, anque illa inuentioni nostræ præferenda foret, & utrùm sacræ literæ illius imaginationi contrariarentur, necne: Si quid igitur habes è sacris Oraculis, aut horum Interpretibus, utpote Augustino vel alijs Patribus, pro hac Copernicea assertionem, tuamque stipulationem faciens, ex eorum scriptis id cita. Modò iustæ fuerint rationes, ijs non refragabor. Id satis scio, Augustinum, quem solum nominas, motum Terræ, neque annum neque diurnum usquam concessisse, ex quo rotunditati eius tanquam minus Mathematicus, Antipodas denegando, detraxerit. Quod tamen illi condonandum est. Quare cum rotundam esse non perceperit, motum etiam rotunditati competentem longè minus admittere potuit.

potuit. Theologorum vestrarum opinionationes, & de his censuras, etsi extra eorum fortè Professionem, minusque deliberatas, non equidem contemno. Sed cum videam illos tantum hoc nomine accersitos atque interrogatos, an liquiditas Cæli è sacris literis, siue orbium realitate astrui possit (prout tua clausula innuit) cumque scias me etiam longè antequàm de his somniâris id ipsum concessisse, atque pronuntiasse, miror, cur hæc nihil huc facientia obijcias. Neque enim existimo vestris Theologis de terna Terræ volubilitate propositam esse quæstionem, cum paucissimi ex illis, eam etsi quàm maximè vellet, caperent, vtv̄ Terrenis, quemadmodum & alibi fit, non parum fortè addicti. Cum igitur de mobilitate Terræ ex Aristarcho & quibusdam alijs veteribus per Copernicum renouata introducta; controuersia solummodò inter nos mouebatur, qua quæso coherentia impulsus eam cum limpiditate Cæli confudisti, quam ego nunquàm denegavi, sed primus fortè omnium id ita se habere non saltem asseuerare, sed è certissimis demonstrationibus probare elaboravi. An hoc est Mathematicum, disparia coniungere atque implicare. Quod ne quidem Dialectici, siue Artificiales, siue naturales in diuersis terminis admiserint. Liquidissimam & ubiq; peruiam esse ætheri Mundi substantiam è sacris literis probari posse, vel ipsis silentibus Theologiæ Professoribus, iam dudum compertum habeo. Multaque in eius rei testimonium consignavi diuinitus patefacta Oracula. Quin & Clarissimus ille, deq; Doctrina publica egregie meritus vir D. CASPARVS PEVCERVS literis ad me hoc præsertim nomine datis, plurima sacrarum literarum dicta, huc facientia collegit, meaque sententiæ circa tenuissimam, limpidissimam & nihilominus superelementarem Cæli materiam eruditè atque egregie subscripsit. Idque potissimum, vt Hypothesium mearum inuentionem minimè absurdam esse inde quoq; comprobaret. Quando ego meas de Cæli materia ubiq; peruiam nullisq; orbibus solidis conferta, vt in gratiam veterum hætenus creditum est, & nihilominus Aëre Elementari atque animali velut Ioannes Pena Gallus, tu & quidam alij promulgare audetis, non coinquinatas ratiocinationes plenius, quàm adhuc factum est, in publicum edidero, alijsq; dijudicandas concessero, vtiq; sacrarum literarum, quæ primas in omni sapientia stabilienda, atque scientia condenda obtinere merentur, auctoritatem citare, vel te non mouente, nequaquam intermissurus sum. Dei enim solius gloriam in omnibus spectandam semper censui, id quod & tu rectè approbas, cum veritas absque ipsius patefactione & dono introspicinequeat; Omne enim donum perfectum à Deo. Meam quintam Essentiam, quam ætheri, apud Chymicos locutione non ignota, neque veteribus etiam Philosophis, adeoque ne ipsi Aristoteli (licet in his non ubiq; satis perspicaci) improbata, tribuo, falsè mihi exprobare videris; Sal verò dulce, limpidum, omniq; terrestreitate defæcatum, exaltatum, nulla; ex parte insipidum, aut graueolens, sed perpetuitati Circulari analogum,

gum, nondum degustasti; vbi olfeceris, aut saporem eius perceperis, tum primum de his sententiam profer; Interea satius est immaturo superfedere præiudicio. Rogas, ne de Crepusculis te cæcum efficiam, neq; temeritatis accusẽm, quasi illa scribas, quæ non expertus sis. At ego nec te occæcare, nec temerarium pronuntiare vnquam præsumsi; Vtinam & me & te atq; alios à caligine mentis, qua plusquàm credimus offuscati sumus, temeritateq; Mundana liberari liceret, æquẽ atq; oculorum externam imbecillitatem, vel Chymicis præsertim medijs emendare non vñq; adeò difficile est, sanè in eò, quo ad fieri posset, quamplurimùm elaborandum censerem. Neq; enim opera illa inutiliter collocata foret. Scire te ais Crepusculum desinere, Sole p. 17. sub Horizonte depressò, vulgariter Crepusculum pro luce dubia accipiendo. Existimas itaq; me vulgo saltem approbatam & hætenus in Astronomorum libris contentam opinionẽ venditare, nihilq; è proprijs aduersionibus huc contulisse; At quæ hæc est insimulatio. Tamdiu ne tecum per literas egi, vt adhuc me veritatis esse studiosum, neq; aliunde quàm vel iusta ratiocinatione atq; experientia, vel quod potissimùm est, patefactione diuina eam conquirere, neq; data opera falsum pro vero alstruere, incompertum habeas. SuffICIENTER colligere potuisti, me ne in maioribus quidem, & ad rem Astronomicam plus facientibus cæcutire velle, nedum vt in Crepusculis, facilimo negotio animaduertibilibus, irrita & Antiquorum saltem sententiæ vulgari colludendo quippiam citra propriam animaduersionẽ pronuntiarem. Crepusculum cùm nulla Aëris pars vndiquaq; circa Horizontem vel minimum albescat, determinandum, satis sciebam, quod etiam tum à me ipso, tum à mihi septenis vel octonis ad minimum in rebus Astronomicis inseruientibus studiosis, quàm diligentissime aliquoties factitatum est, ita vt nullum, ne quidem minimum vestigium Aëris à Sole illuminati in vlla citima Horizontis superficie dignosci potuerit, quando tempora Crepusculorum denotata sunt; Adhibitis Stellarum æquatorijs à Meridiano remotionibus, Solisq; exacto loco, & omnibus per trutinam Geometricam diligenter expensis, tibi que si oculos aperire velles, eandem ob causam, ne pro libito aut vulgari opinione constituta, persentisceres, liberaliter communicatis. Si itaq; tu duobus oculis, & binis quoq; saltem Organis acris hæc discernere potes, quam nos omnes sedecim ad minimum luminibus, totidemq; & pluribus sicubi opus fuerit, Instrumentis, equidem hanc linæritatem atque mediorum modicam requisitionem tibi non inuideo, miror magis. Imò maius adhuc acumen pleniorẽq; sufficientiam congratularer. Tu itaq; de Crepusculis, tuo sensu abundando tibi quicquid libuerit, persuade, Ego ea quæ indicavi, & pluribus etiam experimentis satis rata esse, nulliq; veræ refractioni obnoxia, minimè hæsito. Vide saltem ne aliorum non indubias animaduersiones eleuando, vt tuis assertionibus de Aëris atq; ætheris consimili existentia (quam magna ex parte ob vaporum in diuersis Horizontibus discrepantiam,

pantiam, & in Borealioribus magis quàm Australibus increffatam sublimatamq; probare conaris) patrocineris, pluribus vaporibus, obscuritatibus atq; nebulis veritatem ipsam, ad quam tendere deberemus, inuoluas, quàm omnes circa Horizontem terrestrem, quouis in loco, siue Australi siue Boreo densæ & fusæ vaporositates. Proinde, cur Refractionib⁹ non ad amussim subscribam, nescire vis, cum alias per Instrumenta eruere non potueris, ideoq; nihil hîc in mei gratiam faciendum & propterea iniqua me postulare hoc postulando, asseueras. At quando ego à te vnquam petij, vt posthabita veritate, quidpiam in mei gratiam proferres, aut adeò iniqua vrsi? id enim reuera iniquum foret, si hoc fecissem. Imò multò potius de veritate ipsa penitus enucleanda semper admonui, cum hæc sit virtutum omnium penè pulcherrima præstantissimaq; Refractiones à te assertas, cur omni ex parte approbare nequeam, & mea me docent Instrumenta: Si in vno atq; altero, iisdemq; saltem bicubitalibus, vtut ex mea inuentione profectis, & per V Vittichium vobis propalatis, neq; etiam tunc satis maturis, hæc & alia quàm ego plusquàm vicens Organis, plerisque eorū quadricubitalibus & quincubitalibus, pluribus quoq; adhibitis Obseruationibus visus acumine satis valentibus, accuratius collimare solus potes, est quòd tibi & hanc prærogatiuam non inuideam; Quin & sic erit, cur mihi gratias agas, quòd te per à me excogitata Instrumenta (neq; enim id iam ignoras) tam perspicacem reddiderim. Id saltem tibi persuade, quemadmodum in palestrica Arte fieri solet, nullum Athletam Progymnastis suis, ea confestim indicare, quæ sibi ipsi in exercitio isto defectu aliquo vnquam obessent; Sic etiam nec V Vittichium nec vllos alios omnia mea, quæ veritati peruestigandæ ad amussim sunt necessaria ita diuulgasse, quin adhuc poriori ex parte apud suum Autorem facta tecta maneant. Frustra itaq; de tuis Instrumentis atque Obseruationib⁹ nimium gloriaris: Forte si hîc esses omniaq; ipsemet per longè plura minimeq; dubia Organa, vel tuis solius oculis, me præsentem intuereris, aliud diceres. Sed & Refractiones tuas nimium modicas esse & Crepuscula nimis lata, non satis inter se conueniunt. Oportet itaq; in alterutris vel vtrisque errorem non modicum latere, aut sanè Aërem in hoc parum Borealiore loco, quantum ad Crepuscula attinet, aliquantò defæcatiorem, quàm illic esse, quo ad Refractiones verò turbidiorem, id quod vel te ipso iudice simul consistere nequit. Attende igitur his diligentius, vel si minus lubet, aut in procinctu non est, acquiesce saltem aliorum minimè dubiæ decisionis, neq; hîc tibi quidpiam immaturè decernendum præsume. Titulum libri mei aliàs in dubium vocatum, aut etiam attentatum, nunc approbas, nec amplius reprehensione dignum æstimas; Licet illum quem allegasti, non publicè ediderim, aut vlli libro præfixerim, sed saltem in literis quibusdam ad Illustriss. Principem tuum datis illum obiter annotârim. Gratulor itaq; & tibi & mihi, quòd tam pulchrè resipueris, antea enim obiecisti, me corruptionem Cælo in-

rodu-

troducere, cum generationis illic circa Cometam vocabulo vterer, nimis rigide verba mea urgendo. At vide potius, ne de industria nunc asserendo, Cometas in Cælo generari, alicubi præter opinionem pecces, non tam Grammaticè quàm Physicè, modò vocabuli proprietatem retinere deceat. Quod non assertiuè sed dubitanter atq; interrogatiuè ista proposuisti, vt meam sententiam plenius explicarem, id nihil apud me noui est; Nam & V Vittichius & pleriq; alij sic mecum egerunt, obijciendo ea quæ nullum mererentur dubium, vt alia quædam expiscarentur. Verùm postquam ego in eo, tum etiam alijs id ipsum maturè experirer, cautior factus sum, vt vt non pauca in Germania hincinde meis sumptibus & laboribus comparata, idq; Dei solius gratiâ ab alijs pro suis etiamnum venditentur, dictitenturq;: Quod parui facio. Neq; ægrè fero aliquos riuulos ad Exteros deriuari, ipso fonte penes suum Dominum adhuc Dei beneficio scaturiente. Non tamen sunt falsa proponenda, vt cognoscantur vera; Vera enim & falsa sunt dissentanea, nisi quis, vt apud Geometras fit, cum assertiuè nihil probari possit, per negationem, rem in absurdum deducat. Sic etiam quæ de Cometarum cauda proposuisti, tum in scripto illo tuo de Cometa Anni 85. tum literis ad me datis nunc reuocas, neq; te illa tantquam vera vrsisse, sed tantum, vt meo iudicio subijceres, asseris. Licet verò & scriptum illud & literæ tuæ quiddam aliud præ se ferant, attamen quòd & hîc in viam redieris benè me habet. Placet enim, quòd ratiocinationes tuas & quæ ex Illustrissimi Principis Obseruatione de Cometa Anni 58. comprobationis loco adduxisti, quàm parùm valida sint (ex quo ista tibi in superioribus literis ob oculos posuerim) iam satis videas, adedò vt te ista non scripsisse, ipsemet, vt apparet, malles. Quæ excusandæ istius Obseruationis causâ ultra ea quæ ego produxi, adfers, apud me facile merentur locum, qui non tam Obseruationi aliquantulum deuia, sed potius, quòd tu hanc non satis circumspectè nimium vrseris, omniumque aliorum in plurimis Cometis inuenta hinc eludere conatus sis, imputem. Rogas vt ego hæc non publicem, vtq; tuam de Cometarum generatione sententiam scriptis meis non immisceam. Atqui te hîc celare non possum, me per literas rogatum à Nobilissimo viro D. HENRICO RANZOVIO, Vicario Regio in Holsatia, tum etiam Clarissimo & Eruditissimo D. CASPARO PEVCERO, Philosopho eximio, atq; quibusdam alijs non ineruditis viris id expetentibus approbantibusque, peculiari Tomo vno vel altero Epistolas Astronomicas mihi à varijs hincinde perscriptas, vnâ cum mea ad singulas responsione publicem. Quod & illis non denegandum duxi. Cumq; dictus RANZOVIVS principaliter Illustrissimi Principis tui, atq; tuas Typis consignari expetisset, & per se mererentur, vt priorem & principaliorem voluminis partem occuparent, iamq; liber ille sub Prælo sit, ea quæ alijs addixi, rursus in tuam gratiam detrectare & facta infecta reddere nequeo. Nec video cur id à me expetendum fuerat, curque id

conce-

concederem, cum nihil hac in re, tuo Illustrissimo Principi, quod obsit, aut vlla ex parte derogat, sed saltem quæ in ipsius Celsitud. prædicationem, vti par est, potius cedant, admittatur. Nec etiam tibi quicquam hinc creatur periculi aut detrimenti, cum honorificè semper de te loquar & sentiam. Quod si tu quædam in prioribus scriptis & literis proposita, postea mutas, & re rectius deliberata corrigis, tuæ existimationi hinc nihil decedit, etiamsi priora publicentur. Imò præstat alios cognoscere, quàm difficilè sit, etiam ingeniosis & industrijs viris veritatis latebras extricare, & quod non omnia quæ prima fronte rectè se habere putantur, vndiquaq; ritè constent. Quodq; dies diem doceat, & posteriores cogitationes, vt plurimùm, licet non semper, priores antecellant. Reuocârunt alij admodum eximij viri multa à se prius minus consideratè pro veris habita, etiam in ijs materijs, vbi non adeò difficilis erat atq; hic veritatis peruestigatio. Quando ex professo circa totius Operis Epilogum, quod de Ascititijs Cæli Phænomenis præ manibus habeo, Cometarum naturam & procreationem, iuxta omnium quotquot mihi innotuerunt opiniones disquiro, hanc etiam tuam, cum alijs quibusdam communem præmittere, vt quàm incongrua sit, quod & aliàs tibi scripsi, ne indicem, haud possum. Attamen cum videam te in his teipsum corrigere atq; priores conceptiones antiquare, faciam eius quoq; illic mentionem, idq; conuenienter excusabo. Ego tuum scriptum de Cometa publici iuris non faciam: Nihilominus nonnulla hinc citare atq; expendere in laudabilem tui mentionem potius cedet, quàm quod reprehensioni erit. Dicis quidem me pugnaturum cum muto, si id agam. At non mutus eras cum hæc scriberes, literisq; ad me datis consignares; Sunt enim notæ scriptæ, præsertim tua propria manu exaratæ, pro ipsis verbis & loquela, imò & plus merentur ponderis. Sic etiam quantum ad meas literas attinet, quas publici iuris reddere, nisi rogatus ab amicis, vt dixi, nunquam constitueram, cum saltem obiter, prout in buccam venerat, inter plurima negotia exaratæ erant, scias me non adeò earum penitere, quin tibi liberum relinquam, siue priuatim, siue publicè, quocunq; libuerit modo, quæ in his contenta sunt, discutere, probare vel improbare. Si quid iustis rationibus, vel tu vel quispiam alius non ritè in his alijsue meis constare sufficenter demonstrarit, ego illa corrigere non erubesco. Neq; ego cum præ iudicio vllò, quippiam in tuis disquirendis aggrediar. Vide vt eodem candore circa mea quoq; utaris, nec iuuenili quodam feruore sententiam immaturam pronunties. Gratulor tibi, quòd ex cogitatione materiæ Stellarum & viæ lacteæ ad aliam opinionem diuerteris circa Cometarum conformationem, quam ea erat, qua antea imbutus parùm Physica, longèq; minus Mathematica: Es enim hic in bona via, si eam ingredi callueris, omniaq; hospitia noueris. Nec enim satis mirari poteram, qua iudicij nebula tantas absurditates astruere, vt corpus Cometarum, vel teipso fatente, prope Reuolutiones Saturninas

turninas à Terris distans (vt de eo qui Anno 85. apparuit, consignasti) ideoq; necessariò & Terra & Mari omnibusq; circumfluis vaporib⁹ multis parasangis maius existens, prout ferunt Geometricæ demonstrationes, nihilominus hinc in supremū æthera ascendisse, nescio quo incognito raptu, & partem esse suo toto multo maiorem, pronuntiare ausus sis; idq; prorsus contra rationes Mathematicas. Si Physicis ita sentire lubet, coniungant has nenas cæteris. Benè igitur superinducis, quod ea, quæ de Trabibus discurrentibus, quarum fortè occasione in tam absona prolapsus es, cum reuera huc nihil conferant, tantuq; hæc inuicem distent, quantum Cælum & Terra, prorsus falsa esse deprehenderis. Habebā in animo, te vltimis literis & de his admonere, quod quomodo neglexerim, non recorder. Nam in scripto tuo de Cometa Anni 85. vbi talia asseuerare conaris, ad marginem memoriæ causa hæc annotāram, quæ vel tunc vel aliàs per opportunitatem commonefacienda duxi. Halius isti siue Chasmata longè sunt nobis propiora, quàm quod hyberno tempore à Sole nimium infra Horizontem depresso, illuminari queant, veluti ratio docet Geometrica & Optica. Quin & Anno 1588. eius rei euident feci periculū die 6. Decemb. circa octauam vespertinā. Animaduerti enim tunc accurata inspectione Chasmata quamplurima hincinde versus Septentrionem volantia albicantiaq;, ita vt lumen quoddam vmbra etiam Terræ illustrans præ se ferrent, longè nobis viciniora esse, quibusdam densioribus nubibus circa Horizontem Boreum segregatim dispersis, adeò vt Chasmata illa inter nos & nubes, discurrere euidenter apparent, ita vt & alij ex meis, quibus monstrabam, id satis perspicuè discernent. A Sole igitur versus Antipodas submerso, ista vaporum illuminatio fieri nequibat; cum ne nubes quidem longè à Terra remotiores ipsius lumen percellere potuerit, quod facillè Geometricè hæc mensurando patebit. Nubes autem illæ, de quibus loquor, non fuerunt continuæ, sed circa Horizontem sparsim dispositæ, ad Altitudinem, quo ad visibilem Horizontem, circiter graduū 10. Cum igitur Radij Solares partem vmbra Terræ nobis adeò propinquā in ista eius sub Horizontem demersione non contingant, frustra asseritur, per illuminationem ab hoc quippiam eiusmodi contingere. Simile quid sæpius consideraui, præsertim hoc ipso Anno die 2. Ianuarij, cum quoq; circa octauam vespertinam, quando plurima ad Septentrionem hic spectabantur Chasmata, quæ nubibus longè propiora cernebantur. Quapropter frustra hinc aliquid subsidij petijsti, pro innaturali illa Cometarum generatione stabilienda. Atq; si scire cupis, quid ego de his Chasmatis sentiam. Sulphureitatem quandam Terrestrem in propinquo Aere ardentem, discurrentemq; & nonnunquam vsq; ad verticem ascendendo totum Cælum complementem, in modica tamen à visu nostro distantia, esse iudico, ventorum aur liccitatis & frigoris breui subsequentiū prænuntia; interdum etiam, si sæpius contingant, nimisq; diu durent, Aëris ad contagium Epidemicæ luis propensi indicia. Habet

bet enim morbus iste cum Sulphurea natura non parum commune, vnde etiam per Sulphur terrestre excellenter depuratum exaltatumq; præsertim si in liquorem gratum reclinetur, expeditius soluitur, tanquã simile suo simili. Neq; enim id Galenicorum semper verum est: Contraria contrarijs curari. Hæc de his te nunc commonere placuit. Rectissimè itaq; feceris, si totum illud caput, de materia Cometarũ, eorumq; illuminatione, vti spondes, mutaueris, & consideratius tractaris. Nec opus est, vt alius adhuc expectetur Cometa. Nam illi qui vel nostro æuo proximè præterierunt, priorem tuam opinionem nequam consistere posse affatum conuincunt; id quod te nostræ in his animaduersiones faciliè edocebunt, modo aliquid fidei mereri poterint. Sin autem nostras decisiones, licet ea, qua fieri potuit diligentia conquisitas, nec vti spero citra rem prolatas, non tales esse, vt ijs tuto nitendũ exillimes; agendum expecta adhuc alium Cometam si quis interea occurrerit, & eum diligentius, modo id tibi concessum fuerit, demetiendo perscrutare. Si tunc aliquid diuersi à nostris conclusionibus adinueneris, satis erit temporis, id quicquid erit in medium proferre; interea si iudicium suspenderis, modo nostris acquiescere displiceat, non inconsultum erit. Planetas in subtilissimo purissimoq; Aëre pendere (licet id admodum improprie dicatur, cùm reuera non pendeant) quòd vltèrius mecum disceptare nolis, libenter accipio: beneq; facis, Cæli materiam non amplius animalem & elementarem vocando. Nihil enim hîc vnquam apud me obtinebis. Si meæ rationes, partim prolata, partim alibi vltèrius declaranda, & vel ex inferioribus palpabilibusq; rebus, superioribus tamen analogis, allata, tibi non sufficient, vt quicquid velis sentias, satis per me licet. Tracta hanc quæstionem vbicunq; libuerit, & siue me immiscueris siue non, idem erit. Ego meam sententiam satis probabiliter tueri, quando hac de re agendi occasio dabitur, non supersedebo. Iudicium doctissimorum virorum & rem ipsam intelligentium nullatenus subterfugio; Neq; enim ego ipsemet mihi tantum arrogo, vt solus litem hanc dirimere præsumam. Philalithiam semper in pretio habui, maiori fortè meo incommodo (quòd tamen non ægrè fero) quàm emolumento. Neq; præiudicij fascino, vt imputare videris, vnquã me offuscari, data opera, permisi: Quantum enim mihi diuinitus concessum est, verum à falso discernere, perpetuò annixus sum. Si tertiam aliquam personam appellas (video enim te Iuridicè mecum in re Mathematica agere, nam & Frater tuus retulit te ad Iuris prudentiam inclinare, fortè quòd hæc magis lucrosa & Mundo spectabilior sit) & ego conditionem accipio, lubenterq; prouoco ad quosuis in Germania vel alibi Philosophos, harũ rerum capaces. Vtq; denominetur aliquis; ad Clariss. Excellentissimumq; virum D. CASPARVM PEVCERVM, si ita lubet, rem omnem defero, cùm is & Philosophiæ & Mathematicarũ disciplinarũ in primis sit gnarus, Theologiæq; studio, vnde hæc quæstio magna ex parte decidi poterit, non segniter addictus, & simul iudicio ætateq; graui præualeat;

ualeat: Nec, tanquam meis partibus nimis fauorabilis Iudex sit futurus (scis enim, si Iurisperitus esse vis, fauorem Iudicis plus valere, quam decem leges scriptas in Codice) tibi suspicandum venit, nunquam enim is mihi notus est: At cum tuo Illustriss. Principe, quem suum optimum benefactorem, in literis ad me datis, nec immerito vocat, & tecum etiam praesens non ingratam contraxit amicitiam. Si qui sunt alij inter vestrates, vel etiam alibi, ad quos appellationem instituere vis, & ego eosdem appello, modò rem de qua agitur, penitus introspexerint, atq; tam superiora quàm inferiora intelligere, hæc q; inuicem tanquàm vnum ex altero cognoscentes conciliare didicerint. Quicquid enim est suprà, id etiam infrà, vt inquiebat Hermes ille verè inter Mortales Trismegistus. Trinitatis absconditum latere in omnibus rebus creatis mysterium rectè mihi astipularis, quàmuis tua de his Philosophia quàm adducis, magis sit exterior, quàm interna, nimisq; sensibus obuia; Cum id quod potissimum est, & in quo rei nucle⁹ versatur, prima fronte non appareat, Non enim satis est dictum, ex Terra, Aqua & Aëre omnia inferiora constare, cum & hæ ipsæ matres alia quædam terna habeant principia, Philosophis vulgarib⁹ nondum satis perspecta, de quibus nunc non est disputandi locus. Subiungis deinde te videre, quòd iam tandem obtinueris, me Diaphanitatem Aëris puri, nihil differre à Diaphanitate materiæ Planetis circumfusæ, tibi concessisse, nec ob id dubitas, quin veritas temporis filia me reliquam etiam tuam sententiam suo tempore sit edoctura. At quibus vnquam perspicillis hæc ita acutè vidisti? Aut quibus modis è scriptis meis id vnquàm colligere potuisti? Miratus sum ista legens, cur astruere velis, me mihi ipsi contraria hac in parte proponere; Inspexi itaque denuò Exemplar literarum tibi vltimò inscriptarum, è quibus procul dubio hæc colligere volebas. At ego nihil eiusmodi in illis inuenio, imò potius tuæ assertioni planè contrarium. Dedi illic primo Exemplum è rebus inferioribus quæ beneficio Artis Spagyricæ in tantam subtilitatem exaltari queant, vt Diaphanitatem, quantum sensibus discernatur, consimilem repræsentent, & nihilominus diuersæ esse substantiæ ostendi, Ideoq; non sequi id, quod tu intendeabas, etiamsi concederetur, ob Refractiones ad verticem non tendentes Cæli & Aëris purioris quo ad Diaphanitatem inperceptibilem esse discrepantiã, propterea ex vna & eadem constare materia. In hunc modum tecum ratiocinatus sum, neq; ob id concessi Aëris & ætheris Diaphanitatem omninò eandem esse: Imò hæc verba aliud indicantia subiunxi. Sic quoq; Cæli & Aëris Diaphanitatem, si vel prorsus eadem forent, quod tamen nondum satis obtentum est, nihilominus diuersam substantiam atq; materiam habere nihil impedit. Cur igitur quæso gloriaris, te à me id obtinuissè quod ego apertis verbis dixi nondum satis obtentum esse? Cur adeò iniuriose mea inuertis? Curq; iudicium de his Placitis tam inconsideratè præcipitas? Si veritas Temporis filia me vnquàm melius informarit, utiq; veritatem acceptare non ter-
giuer-

giuerfabor; idq; quacunq; tandem occasione concessum fuerit. Necdum tamen video, cur vllis tuis opinionibus, de quibus inter nos cotrouersum est, assentiar: Neq; euidenter demonstrabis, me quippiam eorum, quæ ad te hætenus vel obiter scripsi, aut aliàs emisi, quod vllius sit momenti, retractasse, Quemadmodum tu non pauca vel in his ipsis literis, antea acriter defensa, non saltem in dubium vocas, sed prorsus irrita esse cupis. Vt te non asseruisse Prophetas in Physica nihilo plus calluisse, quam vulgus iners: Et Mosén de duobus magnis luminaribus loquentem contra Geometricas Demonstrationes fecisse, quasi hoc non esset detrudere sacris literis: Quæstionem de motu Terræ Copernicæ motam, cum materia Cæli implicare, atque hanc ex Augustino atq; alijs Neotericis Theologis, confundendo Cælum & Terram niti probare: Te titulum Tomorum meorum de Cometarum cælesti generatione non reprehendere, cum antea obieceris me corruptionem in Cælum introducere, si generationem astruam. Cometarum caudas tot verbis, tum etiam ex Observatione aliqua, antea tanquam partes corporis essent, ex eadem materia constantes asseuerasse, & iam non amplius ea pro veris habere, imò ipsam Observationem perscriptam infectam cupere: Totam de Cometarum generatione sententiam, prius adeò vel propter Graminæum quendam, mihi obtrusam, nunc ita posthabere, vt integrum caput ea de causâ in scripto tuo mutandum, aliterq; tractandum censeas: Trabes discurrentes, antea à Sole illuminatas, nunc lumine eius orbare, & si quæ sunt alia Corollaria. Nolo enim omnia nimis scrupulosè eruere. Hæc tamen non ideò recenséo, quod te deuiationes tuas agnoscere atq; emendare exprobare velim. Id enim laudo, & vtinam sæpius sic feceris, teq; à veritate Temporis filia, vt rectè dixisti, instrui permiseris. Sic centrum Circuli quod est vnicum, collineatius attigeris. Si ostenderis vnquam me aliqua scripsisse quæ reuocatione indigeant, gratias habebó; Me quicquam meorum adhuc retractasse nec dum sum conscius; non quòd id fieri nequeat, vt sumus homines, sed quia quod tu in nostris scriptis te videre dicas, nondum meis patuerit oculis, neq; id adhuc agnoscam. Comparatio illa, quam proposui, tibiq; aliquatenus explicui, inter liquorem Aquæ & Vini, vtroq; depurato, respectu materiæ Aëris & Cæli, fortè maiorem merebatur acceptionem, quàm vt ita exciperetur. Reuera enim Cælum ita se habet ad Aërem Elementarem, sicut Spiritus aliquis Vini vel alterius generosi liquoris ad Aquam defæcatam. Et licet Diaphana penè eadem sint, tamen substantia longè diuersa. Neq; scio an melior comparatio è rebus terrestribus deduci possit. Hinc est, quòd quidam Philosophantium Vini præsertim Spiritum aliquoties modè exaltatum depuratumq;, ac tandem circulatione continua atq; diutina ab Elementari intemperantia liberatum, æther appellare, vel Cælum Philosophicum non dubitârint, quàmuis an id ea ratione fieri queat, qua illi proponunt, vt quædam alia non desiderentur nunc dicere nolim. Id

saltem apertè affirmare ausim, in singulis terrestribus substantijs aliquid latere celesti naturæ analogum, in quibusdam plus, aliquibus verò minus, quod nec Aërem, nec Aquam, aut Terram, aut etiam Ignis Elementum (si id in rerum natura foret) propriè sapiat, quamvis & hæc Elementaria singulis vnà insint grossiori quadam compagine: Neq; existimandum venit, à Sole saltem vel reliquis Sideribus, hanc vim superelementarem elementaribus inesse, licet & hoc aliqua ex parte non negârim. Sunt enim quædam his, quædam alijs Sideribus magis conformia, Interim tamen & vniuersalem Cæli essentiam in qua hæc Astrales virtutes habitant, non aliter quàm Sidera ipsa in Cælo suæ naturæ competenti voluntur, quælibet inferiora, quo ad magis vel min⁹ æmulantur. Sed hæc de his nunc sit disseruisse satis, cum ad vulgò receptam Philosophiam non pertineant, atq; illic fortè vix recipiantur. Hypotheses Ptolemaicas vel Cöpernianas, vtram harum approbaueris, per me tibi liberum erit. Suaderem saltem, vt de Cælo è Cælo ipso, non ex Chartis & ingeniosis Demonstrationib⁹, ipsi Cælo fortè non vbiq; consonis, iudicium formares. Liceat itaq; & mihi, quid me Cælum in his edocuerit, liberè pronuntiare. De Surreptore mei Systematis nolo hic verbum addere, neq; enim dignus est. Respondi tibi breuiter in vltimis, ad ea quæ huic nostræ Hypothesium innouationi obiecisti; plenior resolutionem eiusmodi & aliorum dubiorum obtinebis, quando ex professo de motu Secundorū Mobilium egero, eundemq; quo ad numerationem ipsi Cælo ad amussim conformem reddere elaborârô, & vt (fauente Cælorum opifice) confido, ad optatū finem rem omnem deduxero. Si quæ plura interea excogitâris, quæ in contrarium adferri posse existimes, liberè illa proferendo, rem non ingratam feceris. Nonnunquam enim contradicendo Veritas illustrior redditur. Occasiones quæ me ad talem Cælestium Reuolutionum ordinationem impulerunt, tibi etiam breuiter indicaui. Neq; enim temerè, aut leui de causa huc perductus sum, sed ipsum me Cælum ita de se sentire docuit, nullo alio Præceptore aut vllis libris, vel Tabularum Farraginibus quippiam huc conferentibus. Contuli etiam cum quibusdam alijs in Germania eruditjs Mathematicis de hac nostra Neoterica inuentione, quæ licet quibusdam Aristoteleis præsertim Orbium realitatibus nimium addictis, non admodum arrideat, attamen cordatiorib⁹ & qui sine præoccupata sententia rem ponderant, rectiusq; introspiciunt, admodum concinna censetur. Quamvis vt dicam id quod res est, aliorum iudicia licet non contemnem, tamen siue pro vel contrâ faciant, non multum moror, modo ipsa cælitis deducta experientia rem ita se habere euidenter conuincat. Scio quam abstrusa semper fuerint Naturæ penetralia, quamq; ea quæ in Physicis nos ritè perspecta habere arbitramur, longissime sæpenuero à scopo aberrant. Idcirco non tam aliorum Autoritati atq; applausui, acquiescendum existimo, quin nos ipsos an res ita se habeat, vel secus, periculum facere, & Obseruationum ac Demonstrationum trutinâ omnia

omnia expendere; atq; comprobare deceat. Sed de his nunc non est locus pluribus differere. At quoniam video Copernicæ circa Triplicem Terræ motum sententiâ tibi admodum arridere; proponam in quolibet horum vnicum saltem, licet multò plura dari queant, non adeò operosum dubium. Primo quantum ad Diurnum circa suum axem motum, quo Terra 24. Horis conuolui fingitur, sicq; vniuersalis cursus ab ortu in occasum excusatur, attinet; Dic mihi, qui fieri possit, vt globus plumbeus ex altissima turri iusto modo demissus, punctum Terræ infra se positum perpendiculariter ad amussim contingat; id enim circumducta interea Terra, cum cursus eius sit velocissim⁹, fieri nequaquam posse, te supputatio docebit Geometrica: Siquidem in vno Scrupulo secundo temporis Terra reuolui debeat etiam in his Borealioribus plagis sesquicentum passus maiores proximè. Hinc cætera ratiocinare. Neq; enim casus plumbi Aërem concomitatur, sed violenter illum transit. Circa alterum motum Terræ Annuum, qui octauam Sphæram tantopere remoueret vt orbis quem hæc designaret respectu eius euanescat, Edissere, ane hic tibi verisimile videatur, spacium quod est à Sole, tunc centro vniuersi, ad Saturnum plusquam 700 vicibus contineri intra hunc & Affixarum Sphæram, idque totum nullis Sideribus refertum. Atqui id fieri necesse est, si saltem Orbis Annuus Terræ instar vnius minuti apparebit. Imò tunc quoq; Stellæ Fixæ Tertiæ magnitudinis, quæ vnum minutum in Diametro habent, necessariò erunt æquales toti huic Orbi Annuo, id est comprehendent in Diametro 2284. Semidiametros Terræ. Distabunt enim 7830000 iisdem Semidiametris proximè. Quid dicemus de Stellis primæ magnitudinis; quarum aliquæ bina, quædam ferè terna minuta in Diametro visibili occupant; Et quid si adhuc alti⁹ remoueat octaua Sphæra, vt motus Terræ annuus illic prorsus euanescat? Deduc si lubet, hæc Geometricè, & videbis quanta absurda, vel sic inferendo (vt de alijs non dicam) assumptionem hanc concomitentur. Tertius, sublato Annuo, per se ruit; vel si vnâ cum illo tibi constare posse videatur, qui quæso fieri poterit, vt Axis Terræ in contrarium motui centri annuatim adeò correspondenter gyretur, vt quiescere nihilominus appareat? Quomodo etiam Axin & Centrum duplici diuersoq; motu agitari datur, in corpore vnico & simplici? Vt de tertio illo circa Axem diurno superueniente, nihil replicem. Taceo quoq; librationum intricaciones, nec promotioni Fixarum cui destinantur vbiq; correspondentes, valde absonas esse. Hæc & similia tute tecum perpende, atq; si dabitur, per oculum resoluere. Plura habebis aliàs. Si igitur Copernicæ ratiocinatio constare non poterit, vt sane non potest, Ptolemaica, quam Copernic⁹ (vt alia taceam) satis refutauit, nihil impedit quo minus nostra inuentio locum mereatur. Exponis demum causas cur Illustris. Princeps tuus meis non responderit, quas & libenter accipio. Scriberem nunc ipsius Celsi, sed nihil occurrit, præter ea quæ vltimis consignauim. Simulq; vereor ne ipsius C. Reipublicæ administratione alijsq; curis occupatam meis ieiunis literis molestem. F. A. S. C. H. L. I. N. V. S. de quo scribis,

scribis,

scribis, huc non venit, neq; literas vllas à te misit, aliàs non inhumaniter à me excipiendus. Audini enim virum esse variæ literaturæ & facundum. Facis insuper mentionem Molendini Papyro conficiendæ idonei, quod me extructurum indicaui, ne toties & tam diu charta impressoria pro meis lucubrationib⁹ excudendis, è Germania afferenda frustrer, idq; principi tuo placuisse ais, quod faciliè credo. Nam & in his confluentiam quandam inuicem habemus. Quemadmodum enim ipsius Cels. Architecturâ, Aggeribus, Fossis, Aquæductibus, Piscinis, Hortis & Molendinis similibusq; Mechanicis structuris conficiendis delectatur, sic & ego pro meo modulo, præsertim æstiuo tempore, quando altioribus vacare non licet, hæc q; commodius tractantur. Nam & illa Geometricum quid redolent, si modo debita Symmetria conficienda sint. Molendinum illud iam paratum est, aggere altissimo latissimoq; sufficientem Aquam tam æstiuo quàm Hyberno tempore cohibente, Rotaq; 12. vlnarum in Diametro minima Aqua impulsâ, & duplex præter Papyraceum opus peragente. Piscinis etiâ quàmplurimis hinc inde ordine dispositis, vt quando necesse fuerit, hæc quoq; Moletrinæ Aquas suppetitare queant. Hæc q; omnia ante paucos annos sicca erant. Quin & alterû Molendinum pro Rusticis meis & opificibus, in vicinia circumhabitantibus hic molior, vbi etiâ nulla penè Aqua in promptu nunc putatur. Nolo enim, vt alij Chartaceas operas & quæ ad propria mea domestica pertinent, perlustrent atq; intempestiu⁹ inturbent. Si Victorinus Schonfeldt huc filium suum miserit me inuisendi causa, per me illi id licet: Quamprimum illi vel mihi ita videbitur, vt ad suos remeet, vtriq; satis liberum erit. An promotus sit in Magistrum liberalium Artium nec ne, apud me perinde est, Mallem tamen illum talem esse, quàm appellari. Sed hoc non tam leui pretio prostat; sufficeret harum discipulum esse. Sed video mi Rothmanne me in respondendo tuis strictioribus & festinanti calamo, vt apparet, exaratis literis fuisse nimis copiosum, quod eò promptius admisi, ne tuam paucitatem (tanquam retaliationi nimium indulgendo) vel prorsus nulla, vel etiâ breuiore rescriptione vlcisci velle viderer. Licet enim ego & plurib⁹ nunc, quàm tu istas scribendo vel fortè vnquam aliàs implicer negotijs, tamen hæc tuis quin responderem adeoq; luculenter, nullis alijs impediti volui occupationibus; quod & in vltimò datis præter morbum quem significabam, reuera ita se habuit, vt tanto interlapso tempore tibi procul dubio & commodius minusq; aduersum rescribendi suppetierit otium. Si tamen quid in his liberioris admonitionis scriptum est, in meliorem partem accipe & communium studiorum Amori tribue. Vale & si vacat, iam statim rescribe, vt ad Nundinas proximè instantes Deo volente responsum denuò nanciscaris. Has interea festinanti quoq; calamo exaratas boni consule. Iterum feliciter vale. Data Vraniburgi 24. Nouemb. Anno 1589.

TYCHO BRAHE.

Post

POSTSCRIPTA.

QVONIAM EX LITERIS VESTRIS, TVM ETIAM ALIVNDE
percepi, ILLVSTRISSIMVM PRINCIPEM LANDGRAVIVM,
suas aliquot Annonum in affixis Stellis obseruationes publici iuris face-
re decreuisse, tuaq; operâ in hoc negotio exsequendo vti: Rogo, per
Astronomiæ honorem & commodum, vt labores hos, Herculeis fortè non
minores, maturare non pigeat, ne nimium procrastinando, aut prorsus
intercidant, aut vix tandem in commune Artis huius promouendæ emo-
lumentum, lucem publicam videant. Hinc enim, tam illi, qui modò sunt
superstitēs, quàm posterī, quostam sublimium cura rerum tangit, facile de-
cernent, quàm erroneis inerrantium Stellarum locis, cœloq; minus congruis,
totiam seculis ob Artificum siue penuriam, siue incuriam, hætenus vli si-
mus, cum certiora in promptu non fuerint: vtq; simul constare queat,
Quanta molis erat Stellarum inquirere normas: Et, vt collatis vestris ani-
maduersionibus cum meis, quas propediem (fauente Stellarum opifice) pu-
blicare constitui, quanta accuratōe & laborum constantia res hæc vtrinq;
exantlata sit, dignoscatur. Nam quod vestræ restitutiones penè in omnibus
Stellis, quasi vnciola vnius gradus, à nostris abundando, differant, id suam
apud eos, qui rei perplexam difficultatem intelligunt, facile excusationem
merebitur. Neq; etiam aliter fieri poterat, quin Stellarum à vobis præfiniti
limites, nonnihil distantiam genuinam ab æquinoctij puncto excederent, cum
solummodo per Stellam Veneris vespertinam (nec item Eoam) haudetiā
satis crebrò, id ipsam exsecuti sitis, refractione Venerem tunc in longitudi-
ne, paululū iusto vterius oculis insinuante. Vnde confectarium est, Stel-
las ab hac per intercapedinem deriuatas, etiam longitudinibus, magis quā
opus erat, accrescere: vt nihil dicam de lubrica illa obseruandi via per Asi-
mutha & Altitudines, vnā cum temporū ex horologijs minus tutò obtentis
denotationibus, quibus omnibus vos, vt non frustra suspicor, nimis securè
confiditis. Verū, quia in primo nostro Tomo Progymnasmatum Astro-
nomicorum, capite secundo, vbi de Stellarum fixarum exacta verificatione,
ex professō ago, quomodo non solum è Venere occidentali à Sole, sed etiam
eadem orientali, Stellarum termini in vnum & eundem locum tandem ada-
muissim recidentes, & sibiipsis apprimè analogi à nobis constituti sint, abun-
dè exponam: simulq; post octingentarum circiter, canonicam in certa loca,
quoad longum & latum distribuionem, Landgrauianæ quoq; in his rectifi-
cationis, & cur illa propemodum 5. vt indicauī, minutis, nostram ferè vbiq;
exsuperet, mentionem nonnullam interferam. Nolo nunc pluribus id ipsum
hic inculcare. Tu saltem da operam, vt vestris hac quoq; in parte Atlanticis
laboribus, eorum cupidi propediem fruatur. Iamq; iterum vale.

Y

Avtor

Post

AVTOR AD LECTOREM.

Cum ad has ipsas ROTHMANNO respondendum fuisset. paulò diutius id procrastinatum est, tandemq; in Augusto sequentis Anni ipsemet huc in Daniam venit, meq; ex voluntate etiam sui Principis, ut Instrumenta nostra Astronomica perspicere, & de ijs, quæ ad Artis huius penetralia peruestiganda facerent, assatim mecum conferret, inuasisit. Is tunc non solum literas, quibus superiori Aprili nostris ultimis se respondisse aiebat, secum attulit, sed etiam à Principe suo quasdam ipsum mihi commendantes. Licet uerò conuenisset eas ipsas literas his subiungi, tamen quia interea temporis & alias quasdam ad ipsum Dominum LANDGRAVIUM de Cometa Anni nonagesimi, perscripserint, adiuncta eiusdem crinitæ succinctæ declaratione, lubet eas hic præmittere, interposita tamen prius breui quadam Epistola, quæ ROTHMANNVS, nomine sui Principis, mea ab illo auidè expectari, lubenterq; acceptari, (ut uel hinc pateat quanto desiderio celestium rerum Astronomicarq; instaurationis Optimus ille Princeps & Phœnice hoc seculo rarior absq; intermissione flagaruit) præter alia quadam, innuit. Quæ quidem inter eas, quæ ad annum octuagesimum nonum superius referuntur, merito disponenda fuisset: At quoniam serius mihi, utpote triennio ferè post (ubicunq; tandem interea delituerit) reddita sit, & priores iam antea excusæ fuerint, illam hoc loco primum inseram. Postea nostras ad Dominum LANDGRAVIUM de eo Cometa, uti dixi, & tandem illas, quas secum attulit me inuisens ROTHMANNVS, unâ cum meis responsionibus apponam. Ut autem de ordine hoc nonnihil interrupto admonitus esses, sincere Lector, te hæc præscire uolui. Nunc igitur ad ea, de quibus indicauim.

LITERAE CHRISTOPHORI ROTHMANNI

AD TYCHONEM BRAHE, AD ANNUM
octuagesimum nonum potius
pertinentes.

S. I.

QUID SUPERIORIBVS TIBI LITERIS SCRIPSERIM, ET qua ratione syncerè voluntati tuæ morem gesserim, tibiq; meum qualecunq; nec fortassis usq; adeò magni momenti iudicium candidè explicarim, Nobilissime Excellentissimeq; Dn. TYCHONIS mihiq; longè charissimè, tibi est notissimum. Et si autem in proximè præteritis Nundinis Francofurdenibus responsum non sine desiderio expectaremus, tamen nihil prorsus, quod à te esset, nobis exhibitum est. Cuius rei causam, cum à me impensè requireret Illustrissimus Princeps noster, nihil aliud responderè potui, quàm aut te non habuisse cui rectè literas ad nos committere posses, aut alijs negotijs impeditum fuisse. Hoc uerò tempore, de nouo, ab Illustrissimo Principe meo, iam extra munitionem Cassellanam, in Comitatu Hombergico, venationibus vacante, literas mihi attulit Dn. D. NICOLAUS FRISCHLINVS, vir ex eruditis suis scriptis tibi fortè notissimus, & Com. Palat. ac Poët. Laure. quibus iubeor, ut à te simul & responsum flagitem.

flagitem, ac te insuper admoneam, ne Opustuum de Recentioribus mundi ætherei Phenomenis absolutum, Illustris. ipsius Celsitudini mittere, vltius differas. Sè enim maximo eius videndi desiderio teneri, vt ipsa verba, quæ in dictis Illustris. ipsius Celsitudinis literis continentur, referam. Scis me superioribus tibi literis significasse, quod spem fecerim Illustris. ipsius Celsit. de Opere illo tuo à te huc mittendo. Id itaq; iam Illustrissimus Heros ad eò vrger. Quod igitur superioribus feci literis, illud adhuc à te vehementer etiam atq; etiam maiorem in modum peto contendoq; , vt fidem meam redimas. Deinde etsi Illustris. Princeps noster superiori Autumnò nihil literarum ad te dedit, varijs modis impeditus, tamen nihilominus aliquas iam à te expectat, præsertim de statu tuo quid agas, & quid iam tibi sit de Astronomicis laboribus præ manibus: Nec ipsi gratior vlla est, quàm sibi quæ BRAHÆ præscripsit pagina nomen. Sed non dubito, quin in his omnibus Illustris. ipsius Celsit. sis cumulatissimè satisfactorius. Cum item Illustris. & Clementiss. Princeps meus mihi mandarit, vt per hunc doctissimum sanè virum tibi scriberem, facilè per te intelligere poteris, Illustris. ipsius Celsit. hoc suo ad me mandato hunc tibi eò commendatiorem reddere voluisse. Sed tamen id per te propter studia Philosophica facturuses, vt non ignoro. Cognoui etiam ex literis fratris mei Iohannis, quod disputationes nostras ad Dn. D. PEVCE RVM miseris, quodq; Dn. PEVCE RV S alia consilia proferat, nec mihi aut tibi suffragari velit. Sed hæc quo sint habenda loco tu intelligis. Nihil consilium hic, nihil humana valet autoritas. Doctrinam Triangulorum qui intelligit, sua sponte in veram pedibus ibit sententiam. Tu fac responsione tua, vt ad dulcissimas nostras Philosophicas disputationes redeamus. Sed fortassè plus quàm sat erat. Tu igitur Nobiliss. & Excellentiss. Dn. TYCHO quàm optimè vale, quæq; scripsi in optimam partem accipe. Cassellis, 6. Calendas Augusti, Anno 1589.

T. T.

CHRISTOPHORVS ROTHMANNVS.

AVTOR LECTORI.

Acepi uerò tandem hæc ROTHMANNI literas ex Holsatia, si rectè memini, quibus adiunctæ erant aliæ quedam è diuersis locis à præstantibus et doctissimis Viris mihi inscriptæ, tunc quoq; quedam à Nobiliss. et eximie eruditionis Viro Domino HENRICO RANZOVIO, Produce Holsatiæ, amico et affine meo imprimis dilecto, quibus hæc, ni fallor, inserta erat scheda, descriptum partis literarum huius ROTHMANNI, nomine sui Principis, continens, quæ quoniam ab eodem ROTHMANNO iussu Principis exarata refertur, et me meaq; exercitia concernat, lubet eius contenta hic adiungere, præsertim quia eodem anno quo antecedens Epistola, scripta sit, et quadam similia admoneat.

T 2

Quia

Quedam ex Literis

CHRISTOPHORI ROTHMANNI, IVSSV SVI
PRINCIPIS, AD DN. HENRICVM
RANZOVIVM.

ABSOLVTIS PENE LITERIS, INCIDIT HOC, QVOD ADHVC
subijciendum venit: Superiori anno Mense Septembri misimus
ad Nobilissimum Dominum TYCHONEM BRAHE literas, Illu-
strissimus quidem Princeps noster vnas, ego verò binas, plenas
variarum de rebus Astronomicis disputationum, ad quas Mathematicus ille
Mathematicorum omnium longè præstantissimus nondum respondit. Cum
itaq; mihi mandaret Illustrissimus Princeps noster, vt eum de responsione ad-
monerem, peto à tua Excell. vt oblata occasione, clemens hoc Illustrissimi
Principis nostri desiderium ipsi velis significare, ne responsionem diutius
suspendat: qua quidem re T. Excell. officium longè gratissimum præstabit
Illustrissimo Principi nostro. Coram, Illustrissimus Princeps, & ego in eius
comitatu, inuisuriamus Dn. TYCHONEM, eiusq; Instrumenta Astrono-
mica coram visuri, nisi immatura Serenissimi & optimi Regis mors, iter no-
strum auertisset, proq; tanto & tam læto visendi desiderio, luctum & moesti-
tiam Illustrissimo Principi nostro substituisset. Sed sunt omnia in manu præ-
potentis DEI. Iterum vale.

ALIA TYCHONIS BRAHE AD CHRISTO-
PHORVM ROTHMANNVM.

S. P.

SUPERIORIBVS MEIS LITERIS, DOCTISSIME ROTH-
MANNE, tuis vltimis luculenter respondi, idq; quamprimùm
cas accepissem, atq; te, vt denuò rescriberes mature, quo iterum
hisce instantibus Nundinis Francofurdianis responsionem vicis-
sim adornarem, rogabam. Sed video te in respondendo segniorem, tar-
dumq; nimis, semperq; occupationes alias prætere. Licet verò ego non
paucioribus fortè detinear; nihilominus tamen scriptionem non intermitto.
Cum itaq; nostrates, Nundinas Francofurdenſes petitori, iter accelerent,
breues hæc, ne omnino sine meis isthac tranſeant, mittere volui, quibus te
de responſo admonerem, vtut, quæ scribam, multa nunc non occurrant.
Hoc tamen te ſcire volui, Tomum meum primum iam penè Typographica
opera abſolutum; Nam in tertia, eaq; vltima parte labor nunc virgetur.
Diſtinctione autem prima, non ſaltem curriculum Solis & Lunæ, noſtris ſecu-
lis adamuſſim correfpondens, denotatur, atq; demonſtratiuè in numeros re-
ſoluitur: Sed & poſtea plurimarum Affixarum, præſertim Zodaico obuer-
ſanti-

SVI
 DHVC
 nissimus
 as, Illu-
 plenas
 icus ille
 Cum
 one ad-
 trissimi
 diutius
 æstabit
 in eius
 strono-
 ter no-
 mæsti-
 u præ-
 OTH-
 rimùm
 iterum
 n vicif-
 , tar-
 go non
 imitto.
 erent,
 bus re-
 rrant.
 aphica
 getur.
 s secu-
 ros re-
 buer-
 santi-

santium, accuratè loca verificantur, rationesq; cur sic & non aliter constituenda veniant, adduntur. Vbi hæc cum vestris contuleritis, facillè ipsimet de discrepantiola nobis intercedente, vtrius nostrum potius sit assentiendum, censuram proferetis. Neq; etiam dubito vestros circa Fixarum loca corrigenda vtilis labores, propediem publicam lucem visuros. Quin & aliud quippiam occurrit hic addendum. Postquam literæ eadem, quas ad te vltimò dedi, emittebantur, reperit Amanuensis meus integram pagellam, nescio, quâ incuriâ prius omissam & alicubi sepositam, nonnulla continentem, quæ inter transcribendum neglexerat. Quod etiam nuper reuidentem exemplar, cognoui. Iussit itaq; ut quæ tunc prætermissa erant, seorsim in charta describerentur, atq; hisce adiungerentur, loco vnâ denotato, vbi interserenda forent. Tuum igitur erit, hanc præteritionem candidè accipere, & ad has quoq; quæstionculas, vbi rescripseris, respondere. Vale. Vraniburgo, die 23. Februarij, Anno 1590.

T. TYCHO BRAHE.

POSTSCRIPTA.

INTERIM DV M HÆ EXARANTVR, COMETES QVIDAM HOC IPSO die 23. Februarij vesperi, inter obseruandum Venerem, prope maximam suam à Sole digressionem, circa occasuram cœli plagam nobis conspiciebatur, ad Piscis Borei Asterismum situs. Longitudo eius erat hora 8. M. 5. in P. 18. M. 5. & lat. P. 18. M. 20. Borea. Caudam tenuem, sed decem circiter gradus longam adamsissim in Solis oppositum, atq; versus Zenit dirigit; tunc temporis eam in lucidiorem pedis Andromedæ, licet non tam altè, sed saltem ad stellulam in capite Piscis Borei, eiaculando. Motum habet concitiorum, quàm priores à me obseruati: videtur enim intrâ vnâ reuolutionem diurnam, octo penè gradus, in suo ductu absoluere. Tendit in signorum consequentia, sed latitudinem versus Boream vnâ sensibilibiter adauget. Tu quoq; si vobis conspectus fuerit, hunc diligenter obserua, & Paralaxes sollicite enuclea, quòd & ego, fauente Numine, præstare non intermittam. Ecce tibi occasio oblata, tuæ dubia in Cometis, quo ad caudam, & alia resoluendi, videbis vtiq; quæ à nobis in his tradita sunt, non incongrua esse, & caudas nequaquam partem corporis, sed defluuium quoddam radiorum solarium, illud penetrantium, reuerà existere. Si Mercatores duas vel tres dies Hafniæ adhuc moram traxerint, antequam ad Nundinas abeant, & se renum interea fuerit, ego huius crinitæ apparentias plenius denotabo, & Illustrissimo Principi tuo, quæ interea deprehendero, statim per literas significabo.

Y;

ILLV-

ILLVSTRISSIMO PRINCIPI AC DOMINO, DO-
MINO VVILHELMO, HASSIA LANDGRAVIO, Co-
miti in Catzenelnbogen, Dietz, Ziegenhain &
Nidda: Principi ac Domino suo
Clementissimo.

8. 7.



VA AD T. CELSIT. HOC TEMPORE PERSCRIBE-
REM, Princeps Illustrissime. Etsi non multa occurrerent, si-
mulq; vereretur, ne meis importunis literis T. Celsit. Reipub.
negotijs occupatiorem molestarem (nam & semel atq; ite-
rum iamdudum literas, quibus nihil responsum est, trans-
misi, vnde T. Celsit. alijs curis auocari, neq; his vacare col-
legi.) Attamen, quoniam nouum quoddam Phœnomenon sese proximè an-
tecedentibus diebus, coelitus conspiciendum exhibuit: Cometes videlicet
aspectu non adeò magnus, sed pallido & subobsuro vultu lucens. Sciens T.
Celsit. huius apparentias cognoscendi cupidam esse (ex quo in vltimo, ante
quinquennium viso, simile quid à me expetitur sit) non supersedendum duxi,
quin aliquid literarum, vel hoc saltem nomine ad T. Celsit. mitterem, veluti
paulò ante T. Celsit. Mathematico scribens, quando nonnullas in eodem
Cometa obseruationes continuassem, me facturum spondi. Circa illud
ipsum enim tempus Cometa apparere cœpit, & expectandum erat, donec
ratas aliquot in eo animaduersiones nancisci licuit. Ne igitur res diutius
differatur, quæ hætenus sedulâ denotatione explorata habeo, T. Celsit.
communicanda duxi, vt cum sui Mathematici in eodem Cometa obseruatis
(nec enim dubito eundem etiam à vobis animaduersum esse) conferre
queat. Occasio autem qua illum primum conspeximus, erat huiusmodi. Die
23. Februarij, cum Veneris Scella terris descendendo appropinquans, circa
maximam à Sole remotionem versaretur, nactus post quatrduanas aëris
obscuritates, exoptatam aliquam serenitatem, illius obseruationi sedulò at-
tendendum censui. Siquidem ex dato ipsius loco, in remotissima, respectu
Solis, tam Vespertina, quàm Eoa dispositione, ad Apogæi atq; Eccentricita-
tis cognitionem perueniri posse, prout quoq; à Ptolemæo & Copernico fa-
ctitatum est, T. Celsit. non ignorat. Non paucas igitur eiusmodi à Sole di-
gressiones maximas, matutinas atq; vespertinas, iam antea aliquoties explora-
ui, quibus & hanc adiungere satagebam; vixq; bis vel ter Venus iam Instru-
mentis denotata erat, vbi ex improviso Stellam quandam subobscuram, inter
Andromedæ atq; Arietis Asterismos, iuxta Piscem Borealem sese præter soli-
tum ostendentem, cum nullam eiusmodi illic esse oportere satis perspectum
haberem, animaduertimus, quæ etiam subinde radiolos quosdam ad ver-
ticem

ticem exerere cernebatur. Neq; enim Crepusculum vespertinum iam satis præterierat, vt Stellæ minùs conspicuæ euidenter discernerentur. Coepi itaq; statim cum meis Studiosis hoc insolitum Phœnomenon per Instrumenta demetiri, & vix elapso horæ quadrante, deprehendi ex motu eius, quem vel tantillo tempore sensibilibiter alterabat, tam Declinatione, quàm Distantia à Fixis nonnihil variata, non genuinum, sed ascititium quoddam è Cometarum numero Sidus existere, vtut cauda illa tenuior, quam post Crepusculi finem promptius monstrabat, tunc vix oculis perciperetur. Mitto autem T. Celsit. seorsim in adiecta charta breuem quandam eiusdem Cometæ descriptionem, è meis obseruationibus, quas adeptus sum, ex tempore & festinanter concinnatam, quam tum vestris aduersionibus conferre licebit. Rogoq; vt T. Celsit. hanc nostram voluntatem boni consulat. Veneris Stella toto Februario & Martio interdiu, etiam in ipso Meridie apparuit, quod in posterum quoq; pro maiori Aprilis parte futurum iudico. Si itaq; T. Celsit. Mathematicus illi obseruandæ, tam interdiu, quàm noctu operam sedulam nauauit, admodum oportunam, de quinis illis Minutis, quibus in Longitudinibus Stellarum differimus, decernendi arripuit ansam. Ex quo tam Venus quàm Sol adeò sublimes obseruationi patuerint, vt Refractionum impedimentis vix implicarentur. Nec dubito, quin vel inde, adhibita solerti circumspèctione colligere detur, me Longitudinem Fixarum nequaquam iustò plus anticipasse. Constitueram T. Celsit. de his omnibus prius scribere, per Mercatores nostrates Francofurdum euntes; sed accidit, vt circa eosdem dies, quibus illi itineri se committebant, Serenissimus Scotorum Rex, cum suis Consiliarijs reliquoq; Nobilium Comitatu, me in hac Insula inuisere dignatus sit, & exinde quasi quotidianos hospites habuerim. Hincq; factum est, quòd tardius atq; constitueram, hæc mittere cogar. Quæ tamen mora non sine fenore accidit, nam eò plùs temporis concedebatur, per interualla, ea, quæ in dicto Cometa prius subito exararam, plenius, & enucleatius recognoscendi, vt non dubitem, hæc ipsa, quæ mitto, vtut pauca & breuia, omnimodè rectè sibi constare, atq; apparentijs istius Cometæ apprimè esse analoga. Sed cum non ignorem T. Celsit. pro sua clementiæ & candida erga nos affectione, hanc dilatiunculam equi boniq; accipere, nolo in eà excusandà plùs occupari, quàm fortè opus sit, sed me meaq; omnia T. Celsit. commendata cupio. Vale. Vraniburgo, Calendis Aprilis, Anno 1590.

T. Celsit.

Additissimus

TYCHO BRAHE

COME

COMETAE ANNI M. D. XC. IN FINE FEBRVARII

ET INITIO MARTII CONSPECTI, AD ILLUSTRIS-
simum Principem VVILHELMVM, Hassiae
Landgraviū, brevis descriptio
TYCHONIS BRAHE.

CONSERVATVS EST HIC COMETES NOSTRIS INSTRV-
mentis summa cura & diligentia per integros 12. quibus eum
cernere licuit, dies: nempe à 23. Februarij, vsq; in 6. Martij, ita
vt singulis noctibus eius apparens motus ad aliquot continuas
horas, à sublimiore vsq; in decliuorem situm, sedulò denotatus fuerit, ex-
ceptis solummodo duabus, videlicet 27. Februarij & 5. Martij, quando nulla
hic adfuit serenitas. Omnium autem obseruationum, quas interea nactus
sum; catalogum, cum de hoc ipso Cometa ex professo, fauente Numine, actus-
sum, eiusq; descriptionem prioribus nonnullis subiuncturus, exhibebo:
Nimis enim longum foret, hic singula recensere.

Collatis verò inuicem & diligenter expensis ijs, quas interea obtinui
animaduersionibus, comperio, Cometam hunc motu suo proprio arcum cir-
culi maximi adamussim designasse, ita vt nihil prorsus ab hoc, eis vel ultra,
toto durationis tempore deuiarit. Idq; ea lege, vt si arcus ille æquatorem
attigisset, in parte eius 339. M. 45. illum transisset, inclinatione ad eundem
existente r. 42. M. O. quæ sibi semper similis erat, prorsusq; eadem mansit.
Distitit verò à puncto intersectionis dictæ cum æquatore, quando à nobis
primum animaduersus est, partibus paulò plus 37. Vbi verò ultimò conspici
desijt, non planè 80. in eodem gradum absoluerat. Sicq; dimidium cœli qua-
drantem penè emensus est. Fortè tamen & hunc compleuit, vel etiam ali-
quantum excessit, si modò de exacto principij atq; dissolutionis termino con-
stitisset. Quo autem processu motum suum in hoc ipso circuli maximi tractu,
intrà has duodenas, quibus nobis animaduertebatur, vniuersi circutiones
exercuerit, parua Tabella demum exhibebo, quæ eius apparentias, tam in
proprio tramite, quàm respectu æquatoris atq; Eclypticæ, ostendet: Ita vt
ad horam à Meridie nonam completam omnia exactè redacta intelligantur.
Circa quam etiam proximè crebriores per totam durationem fiebant obser-
uationes. Reliquas motuum differentias sibiipsis apprimè analogas, ad alia
atq; alia horarum momenta, quas sæpè numero vnà denotaui, nimis perple-
xum atq; longum esset; hic enumerare. Ex his solis, vestrarum Obseruatio-
num collatione factâ, consensus, de quo non dubito, probari poterit, habito
saltem, primis præsertim diebus, quibus velocior erat Cometa, Meridiano-
rum respectu, & Refractionis etiam, sicubi in decliuiori situ capiebatur,
emendatione, debito modo institutâ.

Erat

Erat quidem ab initio caput ipsius paulò maius quàm postea, vix tamen tria Minuta in Diametro continebat, successivè dehinc imminutum. Sub-
obscure quoq; & minis compactum, nec instar cæterarum Stellarum ful-
gidum apparuit. Caudam etiam admodum tenuem & rariusculam, quamdiu
illam animadvertere licuit, exactè in partes Soli oppositas, dirigebat. Nam
die 23. Februarij, eam versus clariorem in sinistro pede Andromedæ ada-
mussim extendebat: Die autem sequente lucidiorem in corpore Persei re-
spexit, non tamen præcisè, sed aliquantulum ab hac, versus eam, quæ ad Illi-
est tertiæ magnitudinis, pro quarta interstitij Fixarum parte, desectens.
Die 25. hanc ipsam iuxta Illi satis exactè indicabat. Die 26. Februarij lu-
cidam capitis Medusæ intuebatur. Post id temporis caudæ ductum animad-
vertere vix licuit, partim ob ipsiusmet tenuitatem, partim propter lumen
Lunare indies validius adauctum. Die tamen prima Martij, cuius vespèrâ
apprimè defecata extitit aura, adhuc aliquantulum apparuit, ita vt attentè
intuentibus, exili quodam vestigio Stellulam tertiæ magnitudinis iuxta infi-
ma lumbi Persei monstrarit. Exinde cauda nobis nuspiam conspecta est.
Nam die 2. Martij, etiam postquam Luna Horizontem subierat, non cerne-
batur. Ex ijs verò, quas indicauimus, caudæ porrectionibus, euidenter col-
ligitur, vbiq; à Sole fuisse adamussim auersam, si modò Solis positus, cum
capitis Cometæ locis, quos iisdem temporibus obtinuerunt, inuicem conse-
rantur; vt ob id dubium non sit, crines illos per accidens à Radijs solariis
corpus Cometæ minus compactum transeuntibus, procreari. Longitudo
autem caudæ circa primam apparitionem visibatur, quasi decem ad sum-
mum graduum, sequentibus statim diebus contractior reddita, adeò vt circa
Martij principia tanta exilitate esset, vt in sensus oculorum vix incurreret.

PARALLAXES huius Cometæ, quanta fieri potuit diligentia, scruta-
tus sum, ex quo sciam, earum beneficio, id quod potissimum in talibus Pha-
nomenis à Philosophis controuersum est, dirimi posse. Consideratis verò
& accuratè expensis omnibus obseruationibus, eius rei gratiâ tribus vel qua-
tuor exactissimè elaboratis Instrumentis sedulò habitis, nullam prorsus, ne-
quidem vnius scrupuli in hoc Cometa adinueni aspectus diuersitatem, col-
latione tam sublimioris, quàm humilioris situs, vnâ cum motu proprio, sæ-
penumerò subtiliter & diligenter institutâ. Nam, suo cursu Arcum circu-
li in Sphæra maximi, exquisitè toto Apparitionis tempore descripsit, nullo
Minuto ab hoc vllam in partem digrediens, (quæ sanè itineris sub eodem
tramite directio, tanto tempore continuata, Metheoro in aëre sublunari di-
uaganti minimè competeat) idq; tam in sublimi, quàm decliui altitudine
obseruatione factâ, & Refractionibus, vbi opus erat, scitè euitatis: quæ, si sen-
sibilem Cometa admisisset Parallaxin, inuicem congruere nequaquam po-
tuisse, Geometricæ demonstrationes euincunt, vt cuius ista intelligenti satis
liquet.

Z

liquet.

ARII

SVRV-
us eum
rtij, ita
tinuas
rit, ex-
lo nulla
nactus
e, actu-
libebo:

obtinui
um cir-
l vltra,
torem
andem
nanfit.
nobis
onspici
li qua-
am ali-
o con-
tractu,
tiones
tâm in
Ita vt
antur.
obser-
id alia
erple-
uatio-
habito
liano-
atur,

Erat

liquet. Accedit insuper & hoc, quod motum proprium in suo itinere non aliter, cum sublimis esset, atque declivior, comparatione diligenti utrobique facta (ut pluribus interlapsis horis) exhibuerit, quam ipse motus diurnus, à præcedente in sequentem diem è consimili altitudine elicitus requirebat, habito una inæqualitatis propriæ aliquantulum coincidentis respectu. Quod satis indubitatè conuincit Parallaxeos implicationem motui eius genuino nihil derogasse; ideoque eam, vel prorsus nullam, vel sanè sensibus inperceptibilem fuisse; cum tamen si vel in ipso Sphæræ Lunaræ concavo cursum exercuisset Cometes, satis euidens in motu eius, ratione Parallaxeos, anomalia sese exhibuisset, quæ etiam Instrumentis nostris non obscure patuisset.

Euidentiissimum autem Parallaxeos carentiæ testimonium præbuerunt obseruationes die 1. atque 2. Martij peculiari curâ conquisitæ, quando & Cometes de concitatione sua plurimum remiserat, utpote saltem ternos circiter gradus intra vnicam reuolutionem conficiens, cum ab initio plusquam septenos absolueret, & quod præcipuum erat, maximeque ad rei inquirendæ certitudinem faciebat, Horizontem non subibat, sed ob ampliorem hæc Poli exaltationem in ipsa Meridiani Septentrionali parte, aliquot adhuc gradibus supra Finitorem extabat, quod Spectaculum in Germania, vbi Polus declivior existit, vix concedebatur. Indicabo autem breuibus & summariis, quomodo è dictorum dierum animaduersionibus Cometen omnis Parallaxeos expertem fuisse adinuenerim, ut nihil citra rem hæc in parte à me asseruari dignoscatur.

Die 1. Martij, Hora 7. M. 19. P. M. quando Cometes eleuabatur P. 47. M. 35. iamque paululum 90. distantia à Meridiano Azimuthalem gradum, idque non plenè duabus partibus excesserat, eius à Polo remotionem, per Armillam Decempedalem, Declinationes Siderum in quocunque situ, quo ad totam cæli reuolutionem, subtiliter rimantem, deprehendi part. 51. Minut. 22½. Erat enim tunc Declinatio obseruata P. 38. M. 37½. Postea verò præterlapsa à Meridie H. 15. M. 23. quo momento Meridianum versus Septentrionem transibat Cometa, ex altitudine eius tunc obseruata, & à Refractione vindicata P. 4. M. 49½. eademque sublata à Poli sublimitate, quæ est partium 55. M. 54½. prodit eiusdem tunc temporis à Polo remotio P. 51. M. 5¼. Mutata est igitur Declinatio, siue ad Polum accessus intervallo Hor. 8. M. 6. per Minuta 17. Die autem sequente, quando consimilem habebat Cometes Altitudinem, utpote P. 47½. eius Declinationem eodem Armillari Instrumento comperi H. 7. M. 34. esse P. 39. M. 22. Ideoque à Polo distantiam P. 50. M. 37½. Adauxit itaque Declinationem intervallo 24¼. Horar. per ¾. vnius gradus. Quare competere Horis 8. M. 6. quarta gradus pars, si æqualiter intermutata fuisset Declinatio. At quoniam variatio illa celerior erat ab initio, quam dsinceps eodem die (circa hoc enim tempus, Declinationis incrementum

mentum, quasi per sextam gradus partem in vna reuolutione inhibebatur, ita vt in prima eius Triade potuerit esse 2. Minutis concitior, quàm æqualis proportio requirebat) Competunt itaq; 8. horis, $m. 6.$ vtriq; obseruationi die 1. Martij habitæ, interlapsis, Minuta proximè 17. Quod apprimè consentit cum eâ mutatione, quàm ipsa obseruatio præbuit; Sicq; nulla perceptibilis differentia Declinationum in tanta Altitudinis discrepantia, totq; interlapsis Horis sentiebatur, præter eam, quàm ipse motus Cometæ proprius planè requirebat: Vt ob id necessarium sit omnis Parallaxeos expertem fuisse, & in altissimo æthere curriculum suum perfecisse. Etiam si enim in ipsa Lunarium Reuolutionum proximâ orâ, quàm Copernicus remouet Semidiametris terræ, $52\frac{1}{2}$. extitisset, ratione Parallaxeos distantiam à Polo in declinatore Meridiani sui, plùs quartâ gradus partem maiorem reddidisset, propiusq; ad Horizontem accessisset, quàm in altitu. $47\frac{3}{4}$. præ se ferebat, vtut propriæ motionis intricatio & variatio solerter præcaueretur. At tantum discrimen, quod quadrantem Gradus excedat, meis Instrumentis non discernere, quæ Minuti vnius portionem quartam, modò diligens fiat collimatio, non frustrantur, nimis absurdum esset. Reuera itaq; Cometes hic omni sensibili Parallaxi destituebatur, quod & sequentis diei consimili methodo instituta consideratio comprobauit.

Die 2. Martij, hora 7. $m. 16\frac{1}{2}$. cum Cometa esset in 90. Horizontis à Meridiano gradu, Altitudinem 50. part. vix tribus desideratis scrupulis obtinens, Declinationem habuit part. 39. $m. 21\frac{1}{2}$. Vnde à Polo distabat $r. 50. m. 38\frac{1}{2}$. At hora 15. $m. 35\frac{1}{2}$. quando in Meridiano fuit, infrâ Polum, habuit altitudinem à Refractione liberatam $r. 5. m. 29\frac{1}{2}$. Ideoq; à Polo absfuit $r. 50. m. 25$. Fuit autem sequentis diei $m. 7\frac{1}{2}$. in consimili altitudine Declinatio $r. 40. m. 0$. quare mutatio eius diurna eruitur 38. $m.$ Correspondent itaq; horis $8\frac{1}{2}$. vtriq; obseruationi intercedentibus $m. 13\frac{1}{2}$. modò aliquantula etiam habeatur ratio, quòd in primo Restitutionis diurnæ Triente, Declinationem paulò celerius mutarit, quàm postea. Debit ob id cum Meridianum infrâ Polum transiret, distantia eius à Polo, seruata alterationis propriæ analogiâ esse $r. 50. m. 25$. quod apprimè cum ipsa obseruatione consentit. Ita vt hic quoq; Parallaxis nihil impedimenti obiecerit: cum tamen, si in confinio Orbis Lunaris extitisset Cometes, ea ipsa effecisset, vt non saltem interuallo tot horarum Polo propior 14. Minutis, prout motus proprii ratio exigebat, redderetur, sed in citinâ Meridiani altitudine non nihil etiam remotior ab illo, quàm in altitudine $r. 50$. apparuisset. Parallaxis enim, Declinationis augmentum, per quod Polo propior fiebat, plùs vltra absorbsisset. In hunc itaq; modum, vel ex his duabus obseruationibus circa primos dies Martij habitis, satis certò patuit, Cometen nulli Parallaxi fuisse obnoxium, ideoq; non saltem in ipso æthere longè suprâ Lunam reponendum, sed & Solari Orbe propiorem vix extitisse.

Z z

Refr

Refractionis verò implicatio, de qua semel atq; iterum dixi, si cui hæc fortè dubium aliquod mouet, faciliè euitari potuit circa citimam, vti decuit, eius altitudinem, ex quo Lucida Medusæ Stella consimili fermè eleuatione Meridianum in propinquo transiret, ita vt Refractiones, quæ in hac Fixâ continebant, Cometa etiam commodè applicari potuerint. Veluti hæc, & alia ad Parallaxium præsertim enodationem facientia, suo loco & tempore latius atq; specialius explicare, Geometriceq; demonstrare constitui. Nunc Tabellam illam, Cometae apparentias ad horam 9. p. m. singulorum dierum, quibus illuxit, continentem, quam pollicitus sum, subiungam, cuius succinctam explicationem præmittere lubet.

Explicatio Tabulae sequentis.

Dux priores Columnæ Menses & dies, quibus Cometa nobis apparuit, denotant. Intelligenda autem venit ubiq; Hora illa Nona completa, ad quam eius motuum habitudines relatæ sunt, à Meridie assignati diei elapsa, idq; in longitudine locorum part. 37. proximè.

Tertia Columna ipsum Cometae motum proprium in suo tramite ab intersectione cum æquatore in parte 339. Min. 45. numerat, inclinante sese ductu illo arcus maximi ad æquatorem partibus præcisè 42. ita vt vix vnicum negligatur scrupulum.

Quarta, quantitatem arcus motus diurni, quem Cometa proprio cursu, in suo, quem designauit, arcu absoluit, ob oculos ponit, ibiq; multò concitatiorem ab initio fuisse, quàm vbi ad consummationem tendebat, liquidò patet. Neq; tamen prærupto aut tumultuario cursu ciebatur, sed ordinario & à celeriore in tardiore successiue atq; conuenienti proportionem sese remittente, quod etiam ex quarta illa Columna satis colligere licet.

Quinta & sexta, respectu æquatoris Cometae Apparentias in Declinationem, quæ ubiq; Borea erat, atq; Ascensionem Rectam, dispertunt.

Septima & octaua, eiusdem habitudines ratione Eclipticæ, quoad longitudinem à puncto æquinoctij verni, & latitudinem semper Boream exprimunt.

Etsi verò non omnia per Triangularem supputationem adhuc ob oculi defectum, ex obseruationibus subtiliter rimatus sim, sed pluraq; è Globo nostro Orichalcico, qui Sexpedalis in Diametro est, Mechanicè saltem deduxerim, tamen non dubito, hæc satis præcisè constituta, ipsisq; Apparentijs apprime consona esse.

DIARI.

DIARIVS MOTVS COMETAЕ EX OBSERVA-

TIONIBVS DEDVCTVS, PER DVODENOS QVIBVS

conspiciebatur Dies, & vbiq; horis à Meridie

nouem completis adaptatus.

MENSES.	DIES.	Motus in suo pprio ductu.		Môtus diurnus propri ^o .		Declina- tio vbiq; Borea.		Ascen- sio Re- cta.		Longitu- do ab æ- quinoct.		Latitudo vbiq; Bo- rea.	
		G.	M.	G.	M.	G.	M.	G.	M.	G.	M.	G.	M.
FEBRUARIVS.	23	37	32.	7	34	24	1	9	29	18	27 ^V	18	14
	24	45	6	6	34	28	16	16	26	26	21	19	33
	25	51	40	5	36	31	40	22	58	3	17 ⁸	20	24
	26	57	16	4	43	34	15	28	52	9	11	20	55
	27	61	59	3	52	36	12	34	9	14	16	21	12
	28	65	51	3	17	37	38	38	39	18	25	21	15
MARTIVS.	1	69	8	2	48	38	41	42	36	21	57	21	15
	2	71	56	2	25	39	27	46	2	24	56	21	12
	3	74	21	2	3	40	6	49	1	27	29	21	7
	4	76	24	1	44	40	32	51	45	29	44	20	58
	5	78	8	1	34	40	53	53	58	1	34 ^{II}	20	52
	6	79	42			41	10	56	0	3	15	20	46

Post diem sextum Martij Cometes nusquam amplius cernebatur, imò eadem vespërâ adedò exilis fuit, vt ægerrimè se Instrumentis denotari pateretur, nam nisi à visus acumine pollentibus etiam loco monstrato vix conspiciebatur, Lunaribus radijs corpus eius per se admodum extenuatum plùs adhuc offuscantibus. Attendebam igitur diligenter peracto Plenilunio, circà dies medietatem Martij proximè antecedentes, an vespertinis temporibus Lunâ nondum exortâ, ipsius aliquod vestigiũ superesset, sed nullum prorsus vspiciam extabat. Non igitur diu post sextam Martij durauit, nec etiam

ante 23. Februarij multum erat aspectabilis. Sicq;

tota eius Periodus dimidio circiter

Mense conficiebatur.

— 3 —

Z 3

Dem

Dem Besten/ vnserm lieben Besondern/

TYCHONI BRAHE, Herrn zu Knudstrup.

Wilhelm von Gottes Gnaden/ Landtgraue

zu Hessen/ Graue zu Cagelsbogen/ etc.

Vnsern gnädigen Gruss zuvor / Bester lieber Besonder / daß wir euch nu in so langer zeit nicht geschriben / ist die Vrsach / daß vnser Mathematicus CHRISTOPHORVS ROTHMANNVS, ein zeitlang hero fast vnpasslich gewesen / zu dem auch nimmehr wir selbst / tam mole ætatis, quàm laborum atq; curarum, dermassen gedruckte werden / daß wir vns mit den oblectamentis Mathematicis nicht mehr / wie wol zuvor beschehen / oblectiren können. Nicht desto weniger aber / dato ocio, vnderlassen wir vnser Scudium Mathematicum nicht so gar bleiben / sondern hiencken noch hernacher / wie ein alt Weib am Stecken / Befinden aber doch / daß es leider mit vns so weit kommen ist / daß was wir hiebevorn magna alacritate selbst erfunden / jeso nicht mehr wol verstehen. O pietas, ô prisca fides; quis talia fando, Temperet à lachrymis? Was aber vorgedachten vnsern Mathematicum betrifft / ist derselbige der meynung / wenn er nur ein wenig mücht wandern / vnd die Lust verendern / daß es alsdenn mit ihm besser werden solte / Welchs wir ihm aber hart widerrathen / So hat er aber doch einen eignen Kopff / den kauft er alle Jar einen eignen Hut / damit müssen wir ihn lassen geweren / Aber leids were vns / wenn ihm einiger Schade widerfahren solte / denn er ist ingeniosus, vnd ein seiner gelehrter Gesell. Begeren derhalben gnädiglich / ihr wollet euch ihm von vnser wegen lassen befohlen seyn / vnd ihm ewere Instrumenta Mathematica sehen lassen / Auch widerumb von ihm vernemen / was vns vnser Vhrmacher für Instrumenta gemacht / vnd noch zu machen vnderhanden hat. Desgleichen vns auch hinwider zuentbieten / wie es allenthalben / so wol vmb euch als auch ewern gnädigsten Herrn den jungen König / vnd die ganze Regierung des Königreichs Dennemarck / jeso stehet. Das seyndt wir hinwider gegen euch in Gnaden / damit wir euch sonders wol gewogen / zu erkennen geneigt. Datum in vnser Stadt vnd Besung Cassel / am 17. Maij, Anno 1590.

Wilhelm Landtgraff zu Hessen

*Sequuntur eadem Litera in Latinum
conuerse propter exteros.*

NOBL

NOBILISSIMO, NOBIS SINGVLARITER

DILECTO, TYCHONI BRAHE, Do-
mino de Knudstrup.

VVILHELMVS DEI GRATIA LANDGRAVVS

HASSIÆ, COMES IN CATZENEL-
LEBOGEN, &c.

GRATIA, ET FAVORE NOSTRO PRÆMISSIS. NOBILIS-
sime & singulariter dilecte. Quod nihil literarum à nobis tanto
tempore acceperis, in causa fuit, cùm, quod Mathematicus no-
ster CHRISTOPHORVS ROTHMANNVS valetudinarius ali-
quandiu fuerit, tùm, quod nosmetipsi tam ætatis, quàm laborum curarumq;
mole ita premamur, vt oblectamentis Mathematicis non, vt quidẽ antea so-
lebamus, rescire iam nos possimus: Nihilominus tamẽ, dato ocio, non
omnino hoc studium Mathematicum intermittimus, sed vel claudicando id
adhuc insequimur, non aliter, ac pedo suo innixæ anus. Comperimus au-
tem, eò nos, prò dolor, deuenisse, vt ea, quæ magnâ alacritate antea ipsi inue-
nimus, iam vix amplius percipiamus: O pietas, ô prisca fides; quis talia
fando, Temperet à lachrymis? Quantum verò ad Mathematicum no-
strum, is eius opinionis est, se pristinam sanitatem, peregrinatione & aëris
mutatione haud dubio recuperaturum: quod tamen magnopere ipsi dislua-
simus. Sed habet peculiare quoddam caput, cui quotannis proprium com-
parat pileum, quem ipsi ita relinquimus. Verùm tamen agrè ferremus, si
quid illi accideret aduersi. Est enim iuuenis ingeniosus, & insigniter erudi-
tus. Petimus idcirco elementèr, vt ipsum tibi, nostro nomine, commenda-
tum habeas, ac Instrumenta tua Mathematica inspicere eum permittas; &
ex eo vicissim cognoscas, qualia Automatopœus noster Instrumenta nobis
confecerit, & adhuc conficienda præ manibus habeat. Nos pariter auidè ex-
pectamus, quomodò tum Clementissimus vester Dominus & iunior Rex, si-
mulq; totius Regni Danici Status, tum etiam tuæ res, se habeant, ex te cogno-
scere. Hoc ipsum vicissim ergà te affecti sumus cum gratiosa voluntate, quâ
tibi singulariter fauemus, deinereri. Datum ex Vrbe nostra ac Arce Cassel-
lana, 15. Maij, Anno 1590.

VVILHELMVS LANDGRAVVS
HASSIÆ.

✱

NOBILISSIMO

NOBILISSIMO, ET VIRTUTE, SAPIENTIA, INGENIOSA ERUDITAQUE DOCTRINA CLARISSIMO VIRO, DOMINO TYCHONI BRAHE, Domino de Knudstrup, Equiti Dano, Mathematicorum nostro seculo omnium præstantissimo, &c. Domino suo cum obsequantia colendo.

3. 3.

SI, UT OVIDIVS CANIT, CARMINA PROVENIUNT animo deducta sereno, Nobilissime Excellentissimeq; Domine TYCHO, multò magis profundissimæ & subtilissimæ Mathematicæ Disputationes, quæ cum Carminum exaratione non sunt comparandæ, animum à perturbationibus liberrimum requirent. Non igitur rem aut à nostra amicitia alienam, aut excusatione omni, ut tu arguere videris, indignam commissem, si responsione superedissem. Qui enim maiores cruciatus aut dolores excogitari possunt, quàm ego in Podagra iam ultra biennium, & in Calculo, hâc Hyeme, gravissimis omnium morbis, sustineo? Qui morbi hâc Hyeme alternatim me inuadentes, corpus meum tam debilitarunt, mentemq; penè de statu suo præcipitarunt, ut ne literam quidem potuerim ferè exarare. Superiore autem ætate, quanquàm præter Podagram, languores continuos, & ab omni labore horrores in me deprehenderem, nesciebam tamen, qualem morbum mihi essent apportaturæ & inflicturæ insolitæ illæ lassitudines: Quod mihi iam acerbissimis doloribus & cruciatibus satis innotuit. Spiritus enim Podagricus (ita enim iam libet eum appellare) in tantam malitiam in me excreuit, ut non tantum vias urinarias, & renes, verum etiam venas mesaraicas arenâ rubeâ, & tartaro arduissimè constiparit, adeò ut quamprimum comederim aut biberim, propter nutrimenti à naturâ attracti inhibitionem, & urinx expulsionem, vehementissimos cruciatus & in mesaraicis, & in vijs urinarijs, instar dolorum cholicorum sentiam, cibumq; assumptum retinere in ventriculo propter nauseam & vomitum nequeam. Et extant in me non obscura signa, quæ eundem Spiritum in alijs quoq; membris idem tentare non obscurè arguunt. Tentavi Medicinam Galenicam, me curante eruditissimo Dn. Doct. BUTTERO, Medico Illustrissimi Principis nostri; verum sine omni successu. Cum ea urinam pellere voluit, obstante tartaro, in vijs urinarijs ante vesicam, vehementissimos cruciatus sustinui. Quid balnea quoq; & infusions possint, faciliè intelligis, cum propter Podagram pedes ipsis immittere prohibear; extremis autem membris non calefactis, intermedia vix debito modo calefiant. Quanquàm herbarum virtutes licet tartarum fortassis frangere possint, in aquam tamen eum dissolvere non possunt; quod hâc omnino necessarium est, si aut in intestina

restina regurgitare, aut per vesicam abire transudando debeat, morbusq; radicatus curari. Num etiam hæc tanta spiritus Podagrici malitia possit ex fecibus Salem Petra in me generare, eumq; ad extremum gradum subtilitatis continuâ sublimatione perducere, adeoq; mihi in momento vitam eripere, tibi expendendum relinquo, qui facile intelligis, quid notem. Hic enim Spiritus, cum fixæ, ut scis, sit Naturæ; reliqui autem Spiritus meliores, qui huius malitiam retundere possunt, sint volatiles, & per cogitationum intentiones, quibus me exuere nequeo, quotidie absumentur, an non in immensum virtutem suam augere, & tandem sibi solum totum imperium assumere, à nullo impeditus, poterit? Proinde ad sola Diuina meritò me totum conuerterem, omisis Philosophicis, quanquam & hæc Diuina sint. Attamen cum iam qualemqualem cruciatuum remissionem quodammodo sentiam, pro Amore in te meo, qui certè vulgaris non est, & pro nostra Amicitia intermittere non potui, quin aliquid saltem, quod mihi in his meis ærumnis in mentem venire possit, ad tuas Disputationes iam seorsim in Charta ad me missas, responderem.

Quod igitur COPERNICVM de triplici motu Terræ impugnando, priore loco de diurno motu affers; si Terra 24. horis circumuolui fingatur, fieri non posse, ut globus plumbeus ex altissima turri demissus, punctum Terræ infra se positum, perpendiculariter ad amussim contingat; cum illud propter velocissimum Terræ motum, sese necessariò intereâ subducatur, globumq; plumbeum post se relinquat: Hoc satis à COPERNICO enodatum & dissolutum est. Cadentium enim, & ascendentium, ut ipse ait, duplicem fateamur esse motum oportet Mundi comparatione, et omninò compositum ex recto, & circulari: Quandoquidem quæ pondere suo deprimuntur, cum sint maximè terrea, non dubium, quin eandem feruent partes Naturam, quam suum totum. Id quod tibi multò minùs dubium esse debet, cum tu ex meliore Philosophia scias, quod Natura Naturâ delectetur, Naturaq; Naturam retineat. Si corporibus illis sui motus scientia est naturalis, ut tu vis, erit ea etiam partibus. Quemadmodum enim in alijs rebus naturalibus, verbè causa, partes Auri retinent Naturam totius, nec eo modo separata à toto id, quod à Natura ipsis peculiariter & specificè insitum erat, abijciunt: Ita & in his corporibus, quæ motum, ut tu non ineptè vis, naturalem habent, partes primariam hanc insitam sibi prærogatiuam, & præcipuam ac specificam dignitatem non abijciunt. Sed quid de casu rerum grauium sollicitus es, cum omnia, quæ in superficie Terræ libera & à toto separata iacent, quinimò ipsa Turris, ex qua Globus plumbeus dimitteretur, ipsaq; ædificia ruerent, atq; à Terræ motu relinquerentur necesse esset, si partes non retinerent motum totius: quod quàm sit contra Naturæ Sapientiam, nemo non videt. Quod autem de Supputationibus affers, Terram ea ratione in vno secundo temporis

AA

scrupu-

scrupulo reuolui debere in borealioribus ibi plagis sesquicentum passus maiores proximè: Quæso utrum censebitur credibilis & sapientiæ Naturæ, quæ semper per pauciora agit, conuenientius: an ut sesquicentum passus, an verò ut tot millia non passuum, sed miliarium Germanicorum in vno secundo temporis scrupulo conficiat? & quidem sub eodem effectu & fine? An non id vehementissimè cum dicta Naturæ sapientia, qua semper pauciora & breviora eligit, pugnabit, si assumto cœli motu per omnium Stellarum & Planetarum diuersos, vehementissimos, menteq; humana incomprehensibiles atque etiam innumerabiles cursus efficere cogetur, quod poterat in vno facilimè præstare? An non & hoc, quod ea ratione Planetis duplex & sibi ipsi contrarius inesset centri motus? Nescio etiam, an fixa Sidera in tanta motus pernecitate, tam constanter suas ab inuicem distantias custodire possent. Sed sexcenta eiusmodi proferri possent, quæ satis conuincunt, motum diurnum in nullo alio corpore quàm in terra quærendum esse.

Ad annum autem motum quod attinet, cur mihi non verisimile videatur, spacium à Sole ad Saturnum tot vicibus contineri intra Saturnum & affixarum Stellarum remotionem? aut quid absurdi sequitur, si Stella tertiæ Magnitudinis æquat totum orbem annum? An id aut cum voluntate diuina pugnat, aut diuinæ Naturæ impossibile est, aut infinitæ Naturæ non competit? Hæc demonstranda omnino tibi sunt, si absurdi quid hinc colligere volueris. Non tam facile absurditatis argui possunt, quæ vulgo absurda primâ fronte videntur, sed longè maior est diuina Sapientia & Maiestas. Et quantumcunq; etiam Mundi Vastitatem, & Magnitudinem concedas, nullam tamen proportionem ad infinitum Creatorem habebit. Quo maior Rex, eo maius & amplius palatium decere putat suam Maiestatem. Quid cogitabis de Deo?

In tertio verò terræ motu, cur axis terræ non annuatim reflecteretur, ut quiescere nihilominus appareret? aut cur non axem & centrū duplici diuersoq; motu agitari detur? Si terra impacta esset duro aliquo orbi & ab eo circumferretur, hæc fortassis locum habere possent. At cum terra liberrimè in aëre pendeat, cur non, si centrum promoueatur, axis nihilominus super eodem centro possit nutare eò, quo Natura velit? Centrū enim semper in axe est, & est quasi Polus, ut ita dicam, reflexionis axis, nec vnà reflectitur, sed respectu reflexionis est immotum. At hæc axis reflexio facilius intelligitur, si per idem terræ centrum etiam ducatur axis Zodiaci, vero Zodiaci axi parallelus, qui in immensitate Sphæræ cum vero axe idem videbitur, circa quem videbitur axis terræ reflecti, non quidem ad Angulos rectos, sed ad tantum Angulum, quanta est Zodiaci obliquitas. Scio hoc in loco COPERNICVM esse admodum obscurum, nec faciliè perceptibilem. Sed hæc alio modo longè facilius possunt explicari, nec opus est triplici terræ motu, sed sufficiunt diurnus,

diurnus, & annuus. Nec axis terræ reuera reflectitur, siquidem manet semper idem Angulus intersectionis planorum Eclipticæ & æquatoris, axisque terræ motu annuo ita circumducitur, ut semper paralleliter versus eandem mundi partem spectet, adeoque propter euanescentiam orbis annui in immensitate Sphæræ ad vnum & idem punctum videatur semper collimare: Ex quibus, superueniente motu diurno, reflexio, tanquam effectus resultare videtur. Sed hæc fusiùs & enucleatiùs De o dante, inuenies in secundo libro nostrarum Obseruationum, vbi de præcessionem æquinoctiorum agemus. Librationem quoque licet in cursu Mercurij non probem, tamen eiusmodi esse video, ut in planis circularum sese variantibus, naturalior motus excogitari non possit. Sed horum omnium explicatio nimis obscure à C O P E R N I C O proposita est, & effectus cum causa sine distinctione ita confusus, ut quid velit, non facile à quoquam intelligatur. Sed plùs intendo mentem, quàm valetudo mea patitur. Alibi hæc fusiùs habebis. Cometam eadem die, quâ tu, vidi, & Illustrissimo Principi nostro ostendi, qui apud me commorabatur, donec Horizontem subiret. Obseruaui eum, quantum in hac mea valetudine potui: quarum qualiumcunque obseruationum copiam seu exemplar ad te mitto, ut ipse inde motum & congruentiam cum tuis eruas.

Hæc igitur hac vice tibi sufficiant in his meis ærumnis, quæ quantæ sint, facili potes assequi coniectura ex eo, quod iam in flore ætatis constitutus, eiusmodi morbos sustineam. Desidero Oleum Vitrioli rubicundissimum illud & fragrantissimum, itemque Oleum Tartari, non quidem communis, sed singulariter per singulare mysterium indagati, ut te sine dubio non fugit, aliasque insuper extractions & solutiones. Pro quibus si fortassis nuncium ad te ablegauero (Hic enim, ut & vix in alijs Germaniæ locis, iustam eorum præparationem, nancisci nequeo) non dubito, quin pro nostrâ Amicitia mihi ea sis communicaturus, salutique meæ pro virili consulturus: Aut occasione oblatâ, ipse in posterum, pro Disputationibus Medicamenta mitte, quorum ratio iam meritò potior est. Sed de tua in me beneuolentia non

dubito. Vale mi Nobiliss. Dn. T Y C H O. Cassellis

ex lecto meo, 18. Aprilis,

Anno 1590.

T. T.

CHRISTOPHORVS ROTHMANNVS.

✽

AA 2

CLA.

ANTECEDENTES LITERAS ROTHMANNVS NON MI-
 hi, uti reliquas per internuncium misit; sed ipsemet secum attulit, quando ex
 uoluntate sui Principis me Augusto mense Anni 1590. hic in Daniâ Vran-
 burgi inuisit: ut Instrumenta mea Astronomica perspiceret, & de non-
 nullis ad hanc Scientiam plenius excolendam facientibus mecum conferret. Quapropter nihil
 illis tunc scribendo responsum est. Verum cum per aliquot septimanas mecum ille hic mora-
 retur, subinde hac de re oretenus cum eo egi, ipsiusq; Argumenta in speciem satis plausibilia
 infregi, hominemq; aliis in suo proposito admodum persuerantem tandem eò adégi, ut hæ-
 sitaret primum nonnihil, postea timidius, minusq; certo ista assereret, demum etiam prio-
 res conceptiones omnino auersari uideretur; adeo, ut se nihil hæc de re hactenus in publi-
 cum edidisse, nec in posterum id facturum; sed saltē disputandi gratiâ hæc mihi proposui-
 sse asseueraret. In quâ ut perstaret sententiâ, neq; opinabilia, & speciem quandam veri
 habentia apud arguta, & curiosa præsertim ingenta, pro exquisitâ, & indubitacâ Veritate
 proponeret, illi hortator fui. Quò uerò alijs quodammodo constet, quibus contrarijs rati-
 onibus hæc ab illo obiecta argumenta dilui queant, lubet nonnulla in gratiam eorum, qui
 huic Philosophiæ dediti sunt, hic addere, atq; Epistolæ isti, generaliter ad omnes intelli-
 gentes ea scribendo respondere. Præteribo uerò priorem eius partem, nihil Astronomici con-
 tinentem, sed tantum de ualeitudinis eius graui infirmitate conquerentem; de quâ ipsimet
 præsentem meam aperui sententiâ; quibusq; rationibus huic malo obuiandum foret, indica-
 ui; Et medicamenta nonnulla è Spagyricâ Pyronomiâ profecta aduersus istas resolutiones
 tartareas exposui, & quedam etiam ex ijs, quæ tunc mihi in promptu erant, largitus sum,
 pluraq; pollicitus, si modo is, uel præsens, uel per literas me de ijs commoneretur. His
 itaq; relictis, quæ Medicinalia spectant, ad alteram, quæ potius Astronomica est, Epistolæ
 partem, quæq; de motu Terræ agit, tam diurno quàm annuo, iuxta COPERNICI spe-
 culationem (uti ROTHMANNVS uoluit) comprobando, me conseram. Ad Argumen-
 tum nostrum de casu plumbi ex altissimâ turri, quod perpendiculariter Terræ punctum in-
 fra positum non pertingat, si Terra motu diurno tam celeriter, uti necesse foret, circum-
 uoluatur, COPERNICVM satis respondisse ait, quod cadentium & ascendentium du-
 plex sit motus, alter rectilineus, alter circularis, cum partes omnes seruent Naturam Totius.
 At uerò naturaliter grauiâ deorsum ferri, Centrumq; terræ appetere dubium non est. Sed
 eadem, quæcunq; tandem sint, à Terrâ matre sua auulsâ, in liquidissimo aëre, qui ea se-
 cum trahere nequit, sponte Terræ Circularem motum sequi, non modica indiget probatio-
 ne. Neq; enim scientia motus Naturalis omnibus partibus, à sua radice, seu matrice separa-
 tis, iamq; ut plurimum emortuis, & uigore Naturali destitutis, a quæ inest, atq; corpori toti.
 Auulsio enim & destructio ista Naturalis non est; sed præter Naturam. Cumq; uni corpori
 duplex sic inesse debeat motus, sine ullo rectore, mirum sanè erit, quod alter alterum nihil
 prorsus impediat, quò minus omnia ita exquisitè eueniant, in tam concitata motione Terræ,
 ac si eadem prorsus quiesceret. Nec enim Aër qui adeo tenuis est, etiamsi is Terræ diurnum
 motum ob uicinitatem quandam, atq; affinitatem ad amissim imitaretur, corpora solida,
 eumq; subito cadendo penetrantia secū adhuc celeriore motu trahere potest. Et si corpora ista
 per se, uti is uoluit, scientiam motus habent ad imitationem totius, quâ sponte circumgyra-
 rantur.

rantur, id quod in Auro, & Metallicis, similibusq; a matrice sua exemptis, & uim Natu-
 ralem nihilominus conferuantibus quodammodo locum mereri queat (si assumptio uera foret.)
 Tamen in lapidibus e radice sua auulsis, iamq; emortuis, & lignis abscissis, aridisq; & eiusce-
 modi alijs, tale quid concedi nullatenus poterit. Neq; enim uigor totius corporis hisce partibus
 amplius aequaliter mefit. Et quid, quaeso, fiet, si Tormento Bombardico maiori uersus Ortum
 directo, explodatur globus ferreus, seu plumbeus, siue etiam lapideus, atq; ex eo ipso uersus
 occasum in eodem loco disposito, idq; utrinq; ad pariles cum Horizonte Angulos respectu
 prioris inclinationis eleuato? An fieri posse putandum, ut globus utrinq; eadem pulueris quan-
 titate & uij emissus tantundem in Terrâ permeet spatij, ob Naturalem motus scientiam quâ
 globus quilibet e terrestribus formatus totâ Terram concomitaretur? Vbi igitur manebit uiolenti-
 ssimus ille motus e pulvere Bombardico præter Naturam concitatus, qui sanè alteri illi
 Naturali, quo Terra in gyrum uerti deberet, atut admodum pernici, quodammodo æmulus est?
 Sunt igitur iam in Globo sic emisso tres motus: Vnus, quo is ratione grauitatis per lineam re-
 ctam Centrum Terræ peteret: Alter quo per consensum, totius Terræ conuolutionem ad æ-
 quissimam imitaretur: Tertius uerò ille, qui sit per uolentiam, quam uis Nitri sulphurisata, &
 carbonibus inflammata, instar Tonitru, et Fulminis, cogit globum rapidissimo impetu eò per-
 gere, quò minime suapte Natura uellet. Cumq; is uiolentiissimus motus alterum, quo graui-
 a necessariò, & naturaliter rectâ descendunt, adeò impediatur, ut nisi post longè emersum spa-
 tium, imò uix quidem antequàm uiolentia illa se remisit, atq; in quietem paulatim desierit,
 Terrâ contingere possit, quidnam quaeso, obtinebit secundus ille motus, si & is naturalis esset
 (in circuitum uidelicet conuolutio) priuilegij, ut in Aëre etiam tam tenui per uiolentiissimam
 illam concitationem, contra Naturam factam nihil prorsus impediatur? Experientia enim
 testatur, quod Globus eiusdem magnitudinis & ponderis, eo, quo diximus, modo, uice uersâ
 ui pulueris bombardici eiusdem quantitatis, & ualiditatis emissus, idem proximè spatiū de su-
 perficie Terræ post se relinquat, tam uersus Ortum, pari, uti dixi, eiusdem Tormenti incli-
 natione, quàm uersus Occasum eiectus, Aëre præsertim satis tranquillo existente, et hanc,
 uel illam impulsione nihil per accidens promouente, uel retardante: cum tamen ob Terræ
 motum diurnum (si quis esset) concitatissimum, globus uersus Ortum emissus nequaquam tan-
 tum spatij de superficie Terræ emetiri posset, præueniente nonnihil suo motu Terrâ, atq;
 is, qui uersus Occasum pariformiter explosus est, Terrâ tunc aliquid de superficie, motu pro-
 prio suberabente, & ob id spatium interceptum augente. Nam ut dilucidius hæc intelligan-
 tur; e maxima Bombardâ, quam duplicem Cartoam uocant, Globus ferreus, ad obliquum
 emissus, intra duo minuta temporis uix motu fessus Terram pertingit, quibus uiginti millia
 passuum maiorem motu diurno in parallelo Germaniæ conuolui deberet, si motioni diurnæ
 obnoxia esset Tellus. Sic enim ipsemet ROTHMANNVS, Principem suum in explo-
 sione globi e maximo Tormento aliquando periculum fecisse (quamuis non hæc de causâ, sed
 saltè, ut spatium, & tempus promotionis Globi experiretur) mihi indicabat. Fieri itaq;
 non potest, ut motum illum uiolentiissimum ab unâ parte admodum sensibilibiter augetet; al-
 terâ uerò nimis euidenter anticiparet. Quo unico Argumento, si id, quod de casu plumbi di-
 ximus, leuiusculum (cum tamen satis ualidum sit) uidetur, satis ostensum existimo, Terræ nul-
 lum proprium ab Occasu in Ortum inesse motum: Donec is, uel quistiam alius inuictis ratio-
 nibus liquidò ostenderit, qui fieri possit, ut supra modum uiolentus ille, de quo dixi, motus, a
 duobus istis, quos ille assumit, naturalibus, omninò nihil impediatur, uel etiam hos nullo ue-
 stigio inturbet. Adde uerò & hoc, quod si circa Terræ polos, ubi motus diurnus (si
 quis

quis esset) in quietem desinit, eadem fieret uersus quamcunq; Horizontis partem per solum petum ratione ante dicta experimentatio, idem omnimode eueniret, ac si in medio inter utrumq; polum apud Aequatorem, ubi motio circumferentiae Terrae concitatissima esse deberet: Vti etiam in quouis Horizonte, si uersus ortum & occasum parili ratione emittatur globus, idem conficit spatij, quod uersus Meridem & Septentrionem simili impulsione emissus, cum tamen Terrae, si quis inesset diurnus motus, is occasum ortumq; respiceret: Meridiem uero & Septentrionem non item: Cum igitur haec uniformiter ubiq; eueniant, quiescat etiam ubiq; uniformiter Terra, necessum est. Quod uero quidam existimant telum e naui sursum eiectum, si intra naui latera id fieret, casurum in eundem locum motu naui, quam pertingeret hac quiescente; inconsiderate haec proferunt, cum res longe aliter se habeat: Imo, quod uelocior erit naui promotio, eo plus inuenietur discriminis: Pariter & in circuitu Terrae, quoad magis uel minus haec euenire oportet. Licet enim omnia grauiam Terram, adeoque eius Centrum, si attingere possent, petant, id quidem respectu eiusdem Centri intelligendum est, ad quod omnes eius partes uergunt, & cui innitentes conquiescunt. At motu interea circumferentia Terrae, non eandem in superficie partem attinget, id quod ab ea alte emissum est, quam peteret hac quiescente. Atq; haec ex ipsa Terra, de Terrae quiete satis indicata nunc sufficiant; Oceano quoq; circumfluo motu suo Naturali, eodemq; in se ipso uario, ostendente, non conuolui communis Globi circumferentiam; uti experientia eorum testatur, qui magnam Oceani partem circumnauigauerunt; qua de re alias plenius, particulariusq;. Motus itaq; Terrae diurnus, quod is reuera non existat, sic a quo ingenio & iudicio praeditis ostensum sit. Quibus haec non satisfaciunt, uix plura id praestiterint. Adferam tamen conuenientiore & tempore & loco alias adhuc rationes hanc assumptionem infirmantes. Sublato autem motu diurno, secundus ille, & annuus a COPERNICO Terrae attributus per se corrui, & inutilis euadit: Quin etiam cum illo Tertius ipse per axis in contrarias partes nutationem, eandemq; circellis libratorijs indigentem. Etsi uero admodum plausibile uideatur, in minori Terrae ambitu minori etiam negotio rapidissimam illam, & pene incredibilem caelestium corporum; praesertim uero affixarum stellarum ab ortu in occasum motionis perennitatem saluari, siquidem terra non opus habeat, sic intra unum temporis minutum, quod circiter centum pausas continet, ultra 18750. passus maiores, seu 3 $\frac{1}{2}$. miliaria Germanica conficere: Cum octaua, uti uocant sphaera (praesupponendo eam a Terris iuxta nostra placita, remoueri quatuordecim millibus Semidiametrorum Terrae) interea miliaria Germanica 52560. proximè, seu passus 262775000. absolvere debeat, assumendo pro quolibet milliari quina millia passuum, & terrae circumferentiam 5400. miliarium Teuthoniaeorum uulgarium praesupponendo. Indecens uero aestimari queat, id per plura, & maiora fieri, quod per pauciora, & minori negotio pariter, & commodius praestari posset. At hic elucet incomprehensibilis DEI opificis inperscrutabilis Sapientia, & Potestas, qui celi corporibus tam uastis, omni cogitatione celeriores motum, eundemq; simul, & uniformem, & diuisum duplicemq; attribuere & uoluit, & potuit: Quiq; Terrae pigrum, crassum, & ad motionem circularem perpetuamq; haud idoneum corpus, sua subtilitate fundauit, ut in perpetuum non moueatur, quo hinc, tanquam ex Centro quiescente, Caelestium corporum, quae lucida & ignea, sed inconsumptibili compagine constant, quaeq; motioni celerrimae admodum apta sunt, sponteq; hanc appetunt, curricula stupenda, & indefessa contemplari liceat, Diuinumq; Numinis Maiestatem, quasi in speculo intueri. Apparet itaq; infinitum illud, & immensum Opificem, cum finitum hunc, & metis terminatum mundum condidisset, duo

duo maximè contraria huic indidisse, Motum uidelicet, & Quietem. Et quia motus præstantior, & dignior sit quiete, magisq; uitalis, cedit is præstantiori, & digniori parti mundi, nempe Regioni Æthereæ: Cumq; Cælum vniuersum loco & tempore finitum quidem sit, sed infinito, incredibili magnitudine & perennitate simile: adeo, ut Diuinitatem quandam ob id ei attribueri non dubitarit Stagirita: conueniens etiam erat, motum ipsius Cæli infinitatem quandam præ se ferre, ideoq; tanta rapiditate Naturaliter cieri, ut cogitatio nostra eam uix assequi possit, ipsis sensibus hic omninò obstupescantibus, & motum celerrimum à quiete, nisi post aliquod temporis interuallum, non discernentibus. Tanta nimirum Diuini Numinis Sapientia, ut intellectus humanus hic obmuteat. Quietem uero motui contrariam Terræ, ad Centrum Vniuersi sitæ indidit Opifex, eandemq; absolutissimam, nisi quatenus ea in se ipsa, suisq; nonnullis partibus uiuit & uegetatur: quoad totum tamen, ipsa in se constanter permanet super ea, quæ fundata est, stabilitate, quæ non mouebitur ante uniuersitatis dissolutionem: Sicq; Terra, tanquam patiens & quiescens, Cæli agentis & reuoluti uires, ac influxus ad Centrum tendentes commodius recipit, atq; altera Mundi pars, utut minima, non immeritò simul existit: cum tot tantaq; præter animantia ipsi cælo analoga contineat. Ideoq; scriptum est, Creauit Deus Cælum & Terram, ubi Terra altera, & Cælo quasi conferenda Mundi pars censetur, & prædicatur: Nec instar minimi cuiusdam, imò obscuri, & abiecti Astri (prout fert Hypotyposis Copernicea) abiicitur aut negligitur. Duplicem uero celestibus inesse motum, cum & circa polos duos, & diuersos absolui uideatur, Prouidentia Diuinæ in usum Naturæ conditæ, placuit. Nec absolum est, alterum, qui est uniuersus, adeoq; totius Cæli, à limitibus Lunæ, usq; ad ea sidera, quæ affixa uocamus, circa Polos Mundi, siue Æquatoris uiginti quatuor horis ab ortu in occasum celerrimè conuolutum alios particulares celestium corporum motiones diuersas ab occasu in ortum intra se comprehendere, Diuinitus indita, & quasi Naturaliter congenita motionis quadam Analogia, & concomitantia: Ita, ut quod ipsi Cælo uniuersaliter insit, omnibus quoq; eius partibus, utpotè lucidis in eo corporibus unà commune sit, ipsis tamen partibus seorsim simul per se motionis legem obseruantibus: Non aliter, quàm in Oceani piscibus, uel Aëris uolucris (si parua licet componere magnis) quodammodo fieri constat. Licet enim uolucres aëris motui obnoxij sint, ut & pisces Oceani fluxui ac refluxui, attamen tam aues, quàm pisces nihilominus propriam obseruant promotionem, quò naturalis uocat appetentia. Verum hæc in celestibus cælesti quodam, & longè uiuaciore, exquisitioreq; modo ceniunt, quàm in animantibus terrestribus, uel æquoreis: Cum & Cælum animatum esse, ipsaq; cælestia corpora animantia quædam Cæli uitali spiritu prædita, non abs re sensisse uideatur Diuina illa Platoniceorū Philosophia. Secundum illum, & annum Terræ à COPERNICO attributū motum sublato diurno per se frustraneum esse, iam antea diximus: Nihilominus eam, quàm in Epistola priore ad ROTHMANNVM adduximus absurditatem hinc prodeuntem is non satis æstimare uidetur: dum spaciū quod est à Sole, tunc Centro Vniuersi existente ad Saturnum plurimis uicibus ab hoc usq; in Affixarum dispositionem uacuum esse, & Sideribus planè orbem, nullaq; ratione aut utilitate adducta, quare sic esse oporteat, nihil à ueri similitudine abhorreere censet. Sic quoq; Stellarum tertie magnitudinis æquare totum orbem annum, id est Sphæram Solis, nihil admittere absurdū, pronunciare non ueretur, Per uoluntatem Diuinam, eiusq; possibilitatem, & infinitatem tales uniuersi asymmetrias excusans. At quid hoc est dicere? Num uoluntas Diuina irregulariter & in ordinatè uspiam agit, contra, quàm aliàs in toto Mundi Theatro apparet? Vbi omnia iusto tempore, mensura & pondere undiquaq; ritè

dispo-

disposita sunt? Nihil uacui, nihil frustranei, nihil sibi inuicem non certa harmonia, & proportionem correspondens. Scilicet à Saturno ad fixas Stellas non quidpiam in usus Terricolarum destinatum continebitur, per intervallum, plusquam 70000000. Semidiametrorum Terræ, Stellis fixis quæ longè superius elatæ sunt, his tamen non minimum inseruientibus. Scilicet etiam fixa sidera nonnulla totum Orbem Annuū, quem Sol describit (sive, ut ille uult, Terra) sua magnitudine æquabunt, nonnulla uerò adhuc longè maiora erunt. Ipse uerò Sol, præcipuum Mundi corpus ac luminare huic quantitati uix conferendus uideatur, cum tamen Stellæ in Cæli expanso constitutæ, minimam, respectu Solis in patefactione Creationis Mundi obtineant prærogatiuam, uti etiam per se comparatione eius quàm minimam habent; Sed quasi ab Authoritate huius, & præeminentia, uti & reliqui Planetæ dependant. Et qualis quæso Mundi uisibilis Symmetria sic prodibit, si maxima pars Creaturis uisibilibus destituta erit: Quædam uerò corpora cœlestia in immensum ferme augeantur, quædam uerò utut per se uasta, cum his tamen uix conferri possint? Faceat ista ægeometrica, & asymmetra, inordinatæq; philosophandi ratio, à sapientia, prouidentiaq; Diuina alienissima; Quam etiam ipse ROTHMANNVS cum esset mecum, ulterius tueri non audebat, sed magnam absurditatem pari incredulitate coniunctam hisce subesse, inter conferendum non inuitè tandem fatebatur. Memini enim, ipsum semel inter alia mihi dixisse, si Copernicea assumptio in rei ueritate constaret, necessarium fore, ut pleræq; affixæ Stellæ totum annum Orbem, seu Sphæram Solis sua uera quantitate exuperarent, antequàm tam inexhaustâ distantia, qualem illis necessario COPERNICI attribuit ratiocinatio, eam, quam è Terris cernimus, uisibilem ijs concederet quantitatem: Quemadmodum ipsi à me obiectum erat. At hoc omnem fidem superare, prorsusq; absurdum uideri non inficiabatur, neq; per omnipotentiam Diuinam id ulterius excusare nitebatur, & magnam quoq; asymmetriam ex his induci non illubenter admitteret. Mundus quidem finitus, quoad Creatorem infinitum, nullam habet proportionem: Sed quoad se ipsum, suasq; partes maximè proportionalis existit. Quod & in singulis animantibus terrestribus (ut de alijs eius partibus taceam) uidere est. Sunt enim omnium animalium partes & membra ita proportionabiliter ad inuicem ordinata & disposita, ut quodlibet horum certam rationem ad totum, tum quoq; ad reliquas suas partes obtineat. Quemadmodum in ijs, quæ ex Humani corporis (quod Microcosmicum est) symmetriam demonstrauit eximius ille pictor DVREVS, liquet; ut alia his conformia nunc præteream. Tertius ille motus per accidens axi Terrenæ à COPERNICO intrusus, dilutione non indiget, siquidem sublato Annuo nullus sit, nec per se congruus, sed abstrusam & incompetentem Anomaliam Terræ insinuans: Adeo; ut ipse ROTHMANNVS hunc alio modo excusare nitatur. Verum de toto hoc negotio aliis, uti spero, dabitur commoda per uarias circumstantias ulterius differendi occasio.

His igitur nunc, beneuole lector, acquiesce,
donec pleniora obtineas.

Ad Præcedentes Argumentorum ROTHMANNI de motu Terræ, quibus usus est pro tuendâ assumptione Copernicea, dilutiones, nihil ab ipso hætenus responsum est, siquidem is eas interea non uidit: Nec enim mihi constare potuit, ubinam locorum hæreret: Nam ad Principem suum, uti proposuerat, non est reuersus.

ILLV-

ILLVSTRISSIMO PRINCIPI AC DOMINO, DO-
MINO VVILHELMO, LANDGRAVIO HASSIAE, Co-
miti in Catzenellebogen, Dietz, Ziegenhain &
Nidda: Principi ac Domino
Clementissimo.

S. D.

VENIT IAM NVPER HVC IN DANIAM AD ME T. CELSIT.
Mathematicus CHRISTOPHORVS ROTHMANNVS, Prin-
ceps Illustissime, tuæq; Celsit. literas attulit, quibus adeò diuti,
nam in scribendo ad me intermissionem tum ob curarum molem,
tum etiam Mathematici aduersam valetudinem, benignè exponit. Quòd verò
studium Mathematicum T. Celsit. ob tot tantaq; administrationis publicæ,
senij etiam successiue obrepentis impedimenta, non prorsus repudiet, sed
quantum per ocium licuerit, etiamnum continuat, mihi quàm iucundum au-
ditu est. Attamen, quòd pari alacritate, quàm antea, priora inuenta nunc re-
cognoscere, tractareq; vix promptum sit, mirum esse non debet; cum anni,
curæ & morbi, vnà cum corporeæ sanitatis molestatione, ipsum quoq; ani-
mum atq; ingenij vires, potiore nostræ partem, non parum aggrauent atq;
obnubilent. Verum enimverò quicquid in hoc genere T. Celsit. propriâ ope-
râ adeò sufficienter atq; copiose, vt prius, ob causas antedictas, in poste-
rum præstare vix suffecerit, id per alios idoneos artifices sua autoritate atq;
hortatu, tum etiam sumtibus & liberalitate, compensare facile sustinebit. In-
telligo ROTHMANNVM valetudinis causâ aërem mutasse, quod licet T.
Celsit. atq; alijs minus tutum atq; consultum ab initio videbatur, tamen
quantum ex ipsiusmet relatione cognosco, illi non infelicitè cessit. Nam sta-
tim ab itineris ingressu successiue vires recuperavit, & interea dum hic mora-
retur, non admodum infirmo vsus est habitu. Quamuis resolutiones & coa-
gulationes istæ Tartareæ, quibus intrinsecus infestatur, adeò altè etiam in hac
iuuenili ætate radices egerint, vt non tam faciliè per solam loci mutationem,
atq; victus rationem, prorsus extirpari queant, cum & Galenistarum, vtut sa-
tis verbosè & affectatè de his & similibus differentium medicationes quasi ex
alto despiciant. Neq; enim citra rem aiebat incomparabilis ille Germano-
rum Philosophus & Medicus, à quàm plurimis citius improbatus quàm intel-
lectus, Aureolus Theophrastus, Tartaream Roades nequeunt curare Poda-
gram. Per Roades (suo more ludens in vocabulis) rudes & inexpertos Me-
dicos intelligens. Excellentiora sanè & præsentiora hic requiruntur Medi-
camenta, quàm Syrupi, atq; Decocta, Pillulæq; aut similes Seplasiariorum
impuræ & confusæ mixtiones suppeditare queant. Sed de his, cum alterius
sint negotij, plura non addam.

B.

Fals.

Fuit autem ipsius ROTHMANNI accessus mihi inprimis gratus, tam quod à T. Celsit. mihi commendabatur, quam quod ipsum ob egregiam & penitiorum Artis Astronomicæ & rerum Mathematicarum cognitionem plurimi semper fecerim. Inspexit ille omnia mea Instrumenta Astronomica, de quibus ipsemet ad T. Celsit. referet. De Globo quoque Orichalcico quadrupedali, vel potius ampliori in diametro, quem Automatopæus T. Cel. iam præ manibus habet, me certior fecit. At vereor, ut sola tornatione eum ad exactam rotunditatem undique perducatur. Id quod meus, qui maior adhuc est, utpote sexpedalis, me satis superque docuit. Sed ipsa experientia in his & similibus optima erit Magistra.

Quantum ad Statum Regni nostri attinet, omnia adhuc, diuino favore, iura & pacata sunt. Serenissimus Rex noster electus prosperè degit, & cum Regni Primatibus nunc in Cymbria comitia peragit, quæ tamen hisce diebus finiuntur. Ego meo more studiis indulgeo Philosophicis, quantum per alias occupationes atque auocamenta licet. Liber noster primus recentiorum cœli Phenomenon ferè extremam Typographi manum subiit, sed Papyri impressoriæ defectus remoram aliquam, quod minus prorsus absolutus sit, iniecit. Licet enim ipsemet in hac Insula Moletrinam pro Papyro conficienda non paruis sumptibus extrui curarem, tamen cum Chartopæo idoneo destituar, nihil adhuc subsidij, quantum ad Papyri præparationem, hinc obtinere licuit. Spero tamen me brevi è vicina Germania eiusmodi artificem obtenturum, qui per instantem Hyemem, ea quæ desiderantur, confecturus sit; sicque in libro illo deficientia supplere commodum erit.

Scripsi circa initium præteriti Aprilis tuæ Celsitudini, de Cometa huius Anni, qui paulò antè illuxerat, unaque eius succinctam descriptionem è nostris Observationibus derivatam transmissi, prout per literas ad ROTHMANNUM antea datas me facturum pollicitus eram. Verùm, cum ab eodem nunc intelligam, id quicquid erat, T. Celsit. interea non esse redditum, in itinere intercidiisse suspicor. Curaui itaque denuò eiusdem Cometæ expositionem transcribi, & his literis adiungi, quam ut T. Celsit. expendat, diiudicet, bonique consulat, rogo. Plura non addam, ne Celsit. T. alijs fortè occupationibus præpeditam nimium detineam. Vale. Data Vraniburgi, Calendis Octob. Anno 1590.

T. Celsit.

Additiss,

TYCHO BRAHE

59 50

Dan

Dem Besten/ vnserm lieben Besondern/
TIMONI BRAHE, Herrn zu Knudstrup.

Wilhelm von Gottes Gnaden/ Landgrau
zu Hessen/ Graue zu Casselnbogen/ etc.

Vnsern günstigen Gruss zuvor/ Bester lieber besonder/ Wir ha-
ben nunmehr ein lange zeit kein Schreiben/ noch auch etwas von
eueren Observationibus Mathematicis, viel weniger wie es euch
angehe/ und was vor Zeitungen des orts vörfallen/ vernemen müs-
sen/ Daran vns doch jederzeit zu sonderm gefallen geschehen were/ da vns des
erzgleichens von euch zukommen. Wenn wir denn hiernach ein sonderlich ver-
langen tragen/ so ist an euch vnser gnediges begeren/ ihr wollet vns nicht allein
euren/ vnd Danica statum zuschreiben/ Sondern vns auch etwas auß euren
Mathematicis Observationibus, vnd insonderheit eure Observationes Stella-
rum Fixarum communiciren, damit wir sie mit den vnsern conferiren mögen.
Wollen euch auch ferner nicht verhalten/ das vns von einem Thier gesagt
worden/ welchs man in Norwegen finden/ vnd der König ihrer etliche zu Kops-
penhagen/ Item in der Friderichsburg im Thiergarten haben soll/ Vnd sol-
len die Thier etwas höher seyn als ein Hirsch/ Aber gar schwancke Hörner ha-
ben/ vnd ein Rix genandt werden. Ob wir nu wol in allen vnsern Authoribus,
so von den Thieren schreiben/ nachgesucht/ so haben wir doch weder Descripti-
on noch Namen desselbigen nicht erfunden. Begeren derohalben an euch gne-
diglich/ ihr wollet vns ein Iconem von denselben Thieren machen lassen/ vnd
vns denselbigen neben der Historien gedachtes Thiers/ wie denn auch die anges-
zeigte Observationes Stellarum Fixarum verwahrlich zuschicken/ vnd ferner
die Verordnung thun/ das beygelegte Brieffe vnserm Mathematico vnd lie-
ben Betreuen Christoff Rothmann verwahrlich zugeschickt mögen werden.
Daran thut ihr vns zu sonderm gefallen/ vnd wir seyns jegen euch in Gnaden/
damit wir euch gewogen/ zu verschulden wol geneigt. Datum in vnser Stadt
vnd Festung Cassel/ am 3. Februarij, Anno 1591.

Wilhelm Landtgraff zu Hessen.

*Sequuntur eadem Litera in Latinum
conuersa propter externos.*

B. :


NOB

NOBILISSIMO, NOBIS SINGVLARITER
DILECTO, TYCHONI BRAHE, Do-
minode Knudstrup.

VVILHELMVS DEI GRATIA LANDGRAVIVS
HASSIAE, COMES IN CATZENEL-
LEBOGEN, &c.

GRATIA, ET FAVORE NOSTRO PRÆMISSIS. NOBILIS-
sime & singulariter dilecte. Nihil à te iam diu literarum acce-
pimus, nec quidquam de Obseruationibus tuis Mathematicis,
multò minus quomodo tecum agatur, aut quid rerum in ve-
stris oris accidat, inaudire potuimus; cum tamen ista ex te intellexisse, im-
primis nobis gratum foret. Itaq; cum horum desiderio impensè flagremus,
benignè petimus, vt non solum tuum & Daniæ statum ad nos perscribas, ve-
rùm etiam quædam ex Obseruationibus tuis Mathematicis, & præsertim Ob-
seruationes tuas Stellarum Fixarum, nobiscum communices, vt eas cum no-
stris conferamus. Celare te insuper nolumus, relatum ad nos esse, animal
quoddam in Noruegia reperiri, Regemq; eius generis aliquot Hafniæ & Fre-
derisburgi in horto suo ferarum habere. Eius quidem statura altior fer-
tur quam cerui, cornibus tamen præditum est valdè tenuibus, appellaturq;
Rix. Nos, licet omnes Autores nostros, qui animalium historiam scripse-
runt, inspexerimus, eius tamen descriptionem & nomen non inuenimus. Ro-
gamus idcirco clementer, vt Iconem nobis dicti Animalis depingi cures,
quam cum eiusdem historia, ac simul Obseruationes Stellarum Fixarum, qua-
rum superius meminimus, certò ad nos transmittas: Præterea etiam, vt cu-
res hæc adiunctas literas ad Mathematicum nostrum dilectum & fidelem
CHRISTOPHORVM ROTHMANNVM, indubitatè perferri. Hoc ipso
gratissimum quiddam nobis feceris. Et nos, erga te gratiosa voluntate, quâ
te complectimur, ad promerendum propensi sumus. Datum ex Vrbe no-
stra & Arce Castellana, 3. Februarij, Anno 1591.

VVILHELMVS LANDGRAVIVS
HASSIAE.



ILLV.

ILLVSTRISSIMO PRINCIPI AC DOMINO, DO-
MINO VVILHELMO, LANDGRAVIO HASSIAE, Co-
miti in Catzenellebogen, Dietz, Ziegenhain &
Nidda: Principi ac Domino
Clementissimo.

S. D.

REDDIDIT MIHI, ILLVSTRISSE PRINCEPS, A CEL-
sit. T. amandatus hoc nomine Tabellarius, die 23. Martij, lite-
ras Celsit. T. 3. Februarij labentis Anni ad me scriptas: in quibus
Celsit. T. statim ab initio, de tarditate & raritate mearum lite-
rarum, quodq; ex Obseruationibus meis Mathematicis nihil adipiscatur, me-
cum expostulat. At ego superiori astate Celsit. T. scripsi, atq; in Cometa
proximè elapsi Anni meas Obseruationes communicavi, & simul, quæ de illo
Mathematicè breuiter dicenda habui, exposui: Ad quæ omnia nihil adhuc
responsi accepi, adeò vt addubitem, an ea ad Celsit. T. manus facta testa-
peruenerint, nec ne: præsertim, cum ROTHMANNÒ à Celsit. T. huc able-
gato, qui ante Hyemem præteritam, circa Septembris finem, hinc decessit,
nihil de his constiterit. Scripsi etiam denuò per eundem ROTHMANNVM,
sed meas Celsit. T. non fuisse allatas, cum ipse ROTHMANNVS nondum sese
in Aula Celsit. T. stiterit, haud obscure conijcio. Mansit ille hic mecum quin-
que circiter septimanas, intereaq; cum illo de rebus Astronomicis non inuitè
contuli, vnaq; Instrumentorum meorum formam, Magnitudinem, Diuisionem
& Pinnacidiorum rationem ipsum designare, vt ipsi libuit, libenter per-
misi: quorum aliqua, dum hic moraretur, ad T. Celsit. literis consignata, se-
missurum aiebat, nonnulla verò plenius perlustrata & accuratius descripta se-
cum Cassellas allaturum indicabat. Non tamen omnia ad T. Celsit. quæ in
Machinis Astronomicis peruiderat se referre audere tacitè insinuabat: neq;
enim Celsit. T. in omnibus illi fidem habituram existimabat, siquidem ple-
raq; in illis omnem fidem excedere, nec vestra his conferri posse, sponte fate-
retur, ne, si fortè horum magnitudinem, exquisitam structuram, & inter ob-
seruandum tractandi habilitatem, prout res erat, luculenter exponeret, in
gratiam mei id loqui, & vestris hac in parte fabricis, quippiam minus decore
derogare videretur: At ego illi liberum reliqui, ea, quæ hic viderat, siue di-
cere, siue tacere, prout ipse met consultius id esse arbitraretur. Sed cum in-
tra semestrem iam elapsum ad T. Celsit. nondum reuersus sit, satis se Pytha-
gorem in meis non omnimodè istic propalandis, exhibuit. Ego sanè, cum
Brumam instare viderem, vtpote tum Michælis Festo præforibus existente,
à quo tempore, ob appropinquantem Hyemem, nauigationes maris Baltici
magis magisq; importunæ euadunt, ipsum adhortatus sum, imò quantum
licuit

Bb 3

licuit

licuit vsq; vt quàm citissimè fieri posset, se Castellæ reciperet. Neq; enim dubitabam, Celsit. T. desiderio cognoscendi ea, quæ hic viderat, quæq; mecum egerat, impensè teneri. Is quidem propediem se istuc rediturum spondebat, at interim per patriam suam sibi transeundum, negotiorum quorundam expediendorum gratia, referebat. Fieri itaq; potest, vt istuc valetudinariis delitescat, erat enim cum hinc decederet, minus adhuc confirmatâ sanitate, quod color faciei admodum pallescens, satis innuebat. At quòd per literas id ipsum, vel si quâs alias habuerit diuturnæ istius moræ causas, non significarit, miror: neq; enim facile crediderim, humanitus ipsi quippiam accidisse. Videbatur aliàs T. Celsit. vtî par erat, obsequentiissimus: Et Stellarum descriptionem atq; ex obseruationibus vestris demonstrationem, prout illi iniunctum erat, breuî se animo lubenti absoluturum satis promisit: quod vt maturè etiam efficeret, ipsum sedulò & sapius instigauî, quò collatio tandem inter nostras vtrinq; Obseruationes institui queat, & qua de causa Quina illa Scrupula, in quibus differimus, desiderentur, euidenti aliqua comprobatione enodari possit. Cum autem ex eo tempore, quo hinc decessit, omninò nihil de eo, vbi locorum hæreat, constiterit (in Daniâ enim eum esse non est quod T. Celsit. suspicetur) remitto literas, quas T. Celsit. mihi per hunc eundem Tabellarium ad illum dirigendas transmisit: cum Celsit. T. multò commodius possit, in quâ Germaniæ parte nunc commoretur, expiscari (si modo nondum Castellæ reuersus sit) atq; eò literas, siue has siue alias propria autoritate dirigere. Quantum ad Mathematicas Obseruationes & Stellarum Fixarum designationes, quas Cel. T. sibi communicari clementer cupit, sciat me Octingentarum circiter Fixarum canonicam descriptionem nunc moliri, eamq; Tomi nostri primi Progymnasmatum Astronomicorum (qui adhuc sub Prælo est) Capiti 2. inserere decreuisse, vnaq; earum Obseruationes quas habui accuratiores, & his innixas demonstrationes Geometricas. Quin & alia de Sole & Luna cælitus deducta Obseruata, atq; in Numeros per Triangulorum rationem digesta, idem Tomus cap. i. complectitur; vt nihil dicam de ijs, quæ nouam illam & supra modum mirandam Anni 1572. Stellam, aliàs luculenter tractata concernunt. Quibus subinde nonnulla ad reliquos quoq; Planetas pertinentia, oportunitate sic exigente, intermiscuntur. Ostendi autem ROTHMANNÔ hîc præsentî Volumen illud Progymnasmatum, quoad hætenus absolutum est, in quo etiam pauculi desiderantur quaterniones, cum per se aliàs magnum sit, & vsq; in quintum Alphabetum excreuerit. Is T. C. de contentis in eo, quatenus in memoria habet, vbi reuersus fuerit, certiore facili reddet. Quam primum verò Opus illud, totaliter labore Typographico absolutum fuerit, nullatenus intermitam quin C. T. eius reddam participem. Sunt quædam ingrata obtacula, quibus quò min⁹ non solum hoc, sed & alia quæ meditor, Astronomiæ instaurandæ

sustentem

sustentaacula ad optatum finem, eâ quâ maximè cuperem maturatione perducere queam, nolens volens impediar, sed spero & ab his atq; alijs felicem & exoptaram liberationem, quacunq; tandem id ratione fieri queat. Omne solum forti Patria, & coelum vndiq; supra est. Interim C. T. non ægrè ferat, quod plura ex meis Observationibus & inuentis Astronomicis non mittam, id enim minus consultum, nec etiam, ob tot viarum mari terrâq; anfractus, atq; hominum, in quorum fortè manus interea peruenire possent, non omninò perspectam sinceritatem, satis tutum arbitror. Mora hæc qualiscunq; fuerit, fenore, vti spero, compensabitur. Daniæ Patriæ nostræ status, quem scire iam deuò expetis, est in hoc quasi interregno, adhuc (quod diuinæ bonitati acceptum ferimus) satis tranquillus & fortunatus. Serenissimus Princeps noster in Regem electus, indies proficit non saltem ætate & corporis vigore atq; robore, sed & quod pluri faciendum duco, virtute atq; bonis artibus; ita vt non dubiam conceperimus spem, illum optimi & laudatissimæ memoriæ Patris heroica vestigia non segniter suo tempore ingressurum; atq; ad Rempub. laudabiliter & decenter administrandam eximie idoneum futurum, tanquam ad hoc natum, & diuinitus nobis in locum præstantissimi Parentis regno huic præmaturè adempti, restitutum. Interim autem dum iunior hic Princeps adhuc sub Curatoribus, viris præcipuis, ob ætatem versatur, Quatuor Seniores è regni Consiliarijs Reipu. gubernacula administrant: Inter quos Primarius est Dn. NICOLAVS CAASIVS, Cancellarius, vir vsu rerum, iudicio & consultâ prudentiâ, insigniter, præter Generis antiquam Nobilitatem, clarus. In literis etiam humanioribus, præsertim verò Historijs, & quæ ad Politiarum gubernationem conducunt, apprimè versatus. Si quid verò arduum & solitò grauius inciderit, in Comitia Regni, quæ quotannis semel circa Solstitium æstiuum celebrantur, ad vniuersum Regni Senatum, vel etiam ante statutum tempus, si opus fuerit, conuocatum, deferitur. Ita vt Aristocratiæ quædam, quæ etiam reipub. forma non admodum improbatæ est, apud nos, donec Serenissimus Rex Electus ad maturiorem ætatem peruenerit, existat. Intereaq; omnia moderatè & consultè administrantur, vnâ cum Principis nostri, vti par est, summa obseruantia. DEVS in posterum etiam benedictionem clementer largiatur, vt omnia pacatè & feliciter succedant & conseruentur, exoptatissimumq; nostrum Principem benignè protegat, & in suscepto virtutis tramite confirmet. Quantum ad me meaq; attinet, a pristina fermè retinent conditionem. Ego in hac Insula priuatus dego nec me rebus immisceo politicis, quod etiam nunquam libens feci, nisi necessitate aliqua compulsus. Sunt aliàs satis multi qui ista affectant, quiq; talibus Officijs, me fortè multò melius præesse queant, quibus ego hanc, vbi eam assequuntur, fortunam nullatenus inuideo, sed multò potius gaudeo, quod in copia reperiantur, qui me talibus veriùs oneribus quam honoribus hberent,

vt edo.

ut eò commodius & tranquillius, ocio frui Philosophico liceat, atq; rebus celestibus potius quam terrenis vacare; quamuis ne sic quidem ab impedimentis & tumultuationibus, quas vita suggerit civilis, planè exemptus, etiam cum maximè cupiam, esse queam; siue id sic quodam fato meo, siue quorundam sinistra intelligentiâ eueniat. Verùm ego animi magnitudine, integritate, & veri iustiq; obseruantia id, quicquid erit, fauente nobis diuino, quod omnia æquis introspicit oculis, numine, exsuperare adnitar; & altiores curas cœlesti Philosophiæ, cui me hætenus totum deuoui, aspirante etiam nostro conatui cœlestium opifice, porro impendere pergam. De Animali isto, cuius etiam Celsit. T. in literis suis meminit, sic habeat: Nullum eiusmodi hîc in Dania reperitur, neq; Hafniæ, neq; propè Friderisburgum. Fui enim aliquoties cum Sereniss. Rege nostro, laudatissimæ memoriæ, in ferarum horto Friderisburgensi, neq; tamen huiusmodi animal vnquam conspexi, nec à quoquam relatione audiui illud istic nutriri. Hafniæ autem cognoui ante Annum vnum vel alterum animal fuisse è Noruegia oriundum, quod Rangiferum Latini vocant, Noruegi autem *Rinduer* / quod an adhuc ibi sit valde dubito, non enim possunt istæ bestiæ calorem, qui vel apud nos est, sustinere. Scripsi nihilominus ad præfectum Arcis Hafniacæ, qui itidem affirmabat Cernum istum Rangiferum in æstate præterita præ calore expirasse, alias eum facile ab ipso pro T. Celsit. impetrassem. Existimo autem hanc ipsam esse feram de qua Celsit. T. scribit, & aberratum ab eo saltem esse in nomine, tunc quoq; proceritate, ob cornuum longitudinem & multifariam intricacionem, quisquis ille tandem fuerit, qui apud Celsit. T. hac de re mentionem fecerit. Adiunxi verò huius Animalis genuinam designationem, non tam ex Icone Gesneriana, quæ tamen non multum aberrauit, quàm indicatione cuiusdam ex Studiosis meis, qui Bergis in Noruegia natus est, atq; se aliquoties huiusmodi feras vidisse refert. Tunc quoq; de natura earum, quæ illi comperta erant, nonnulla significauit, quæ etiam annotanda duxi, ut T. Celsit. desiderijs etiam hac in parte, quantum in me est, satisfaceret. Si in posterum aliquid certius vel de hoc, vel alijs, quibus Celsit. T. delectari cognouero, intelligere licuerit, haud intermittam, quin Celsit. T. de ijs certiores reddam. Habeo ipsemet Alcem quandam iuniorem, mihi nuper dono datam, quam si Celsit. T. expetit, non grauatim eam per occasionem mittam, & si in alijs longè potioribus quippiam per me fieri poterit, quod Celsit. T. acceptum fiet, inueniar in exsequendo quàm paratissimus. Valeat T. Celsit. quam diutissimè & felicissimè. Datum Vranburgi, Cal. Augusti, Anno 91.

T. Celsit.

Addictiss.

TYCHO BRAHE.

Deus

Dem Besten/ vnserm lieben Besondern/

TICHONI BRAHE, Herrn zu Knudstrup.

Wilhelm von Gottes Gnaden/ Landtgraue

zu Hessen/ Graue zu Casselnbogen/ etc.

MEsst lieber Besonder/ Dasz ihr vns vnderm dato Vraniburg. am 2. Aprilis zu verstehen geben/ dasz ihr jcho den ersten Tomum de Recentioribus eccli Phænomenis in Druck zu verfertigen fürhabt/ vnd vns denselbigen zu communiciren erbotten/ das ist vns vns so viel desto lieber gewesen zu vernemen/ dieweyl ihr in gedachtem Tomo quasi ex professo de rectificatione Stellarum Fixarum (darnach wir so lange zeit besonders verlangen gehabt) nicht allein tractiret, sondern auch etliche hundert Stern auß ewern Observationibus emendiret erzehlen thut. Wollen demnach desselben Operis gewertig seyn/ mit Gnaden zu verschulden. Anlangende vnsern Mathematicum, hat er sich zwar vor etlichen Monaten bey vns seiner Leibs Kranckheit halben beklagt/ Ist aber/ vnangesehen er vns schriftlich zu verstehen geben/ vnd wir ihm solchs gnediglich befohlen haben/ gleichwol nicht angelangt. Dasz er aber nicht wider kömpt/ können wir vns nicht gnugsam verwundern/ vnd machen vns schier die gedanken/ oder Suspition, dasz er etwan ein schwere vnd schedliche Kranckheit habe/ Je lenger er nu denselben bey sich hat/ je erger es mit ihm wirdt werden. Was das Riens betrifft/ ist ein Denischer Jung bey vns desz Geschlechts ein Bilde/ der hat vns davon gesagt/ dasz dero im Thiergarten zu Friderichsburg/ Item/ zu Kopenhagen/ etliche seyn sollen. Wir haben ihn auch gefragt/ ob der Keiner seyn/ hat er nein gesagt/ sondern seye gar ein hoch Thier. Als haben wir in libro Germanico Gesneri de Animalibus Anno 1563. zu Zürich gedruckt folio Lxxxv. Iconem & descriptionem desselben gefunden/ Aber bey denen/ so mit der Königin hierauffen zu Wolfenbüttel gewesen/ keinen bericht davon haben können. Der Rhenen Böck oder Thier haben wir auß Schweden auff zwey mal fast in die hundert stück lassen abholen/ die sich auch in Winterzeit ganz wol gehalten/ vnd auffm Eiß den Schlitten/ ihrem brauch nach/ gezogen/ So baldt aber die Werme eingetretten/ alle gestorben/ dasz wir also sehen/ dasz sie sich im Sommer/ vnd wenn die Werme antritt/ hier zu Lande nicht halten können. Was aber die Elende betrifft/ haben wir eines in vnserm Thiergarten zur Zapffenburg/ helt sich von Martini bis auff dato noch wol/ leufft vnd springt/ vnd ist guter ding/ vnd sonderlich wenn wir in vnserm Thiergarten auff vnserm grünen Wäglein herumfahren/ leufft er den nechsien zu vns zu/ vnd wartet auff vns als wenns ein Hund were/ Aber die Geßörn wollen ihm nicht sehr wachsen/ vnd seyndt bis auff dato nicht vber eins

Cc

Fingers

Fingerslang. Ob nu das etwan ein Signum seye/ daß sie sich nicht wol wol-
len in diesem Landt arten/ das wirdt man sehen. Wir haben wider in Schwes-
den geschickt/ ob wir dero mehr bekommen köndten/ Wo aber ihr uns eins
oder zwey/ sonderlich die da zahm weren/ zuschicken kündet/ daran thet ihr uns
zu sonderm angenehmen gefallen/ Wir wollens auch in Gnaden hinwider er-
kennen/ vnd euch die auffgewendte Vnkosten vnd Zehrung gnediglich ersat-
ten. Was dem anlangt die begerte Papiermacher/ mögen wir euch gnedig-
lich nicht verhalten/ daß wir vnder uns einen einzigen haben/ derselb richters
allererst an/ vnd macht sehr sehr Werck/ wie auß gegenwertigen Papier/ vnd
euch zugefertigtem Brieff zu sehen/ Wir wollen uns aber zu Franckfurt vmb-
hören lassen/ ob wir nicht ein oder zween darzu bewegen köndten/ daß sie sich
zu euch begeben wolten/ Doch müssen wir zuvor wissen/ welcher gestalt ihr sie
halten vnd vnderhalten wollet: Wollen wir alsdan ihre Abfertigung außs-
cheft befördern helffen. Wollen wir euch/ dem wir mit Gnaden sondero wol
gewogen/ also gnediglich nicht verhalten. Datum in vnser Stadt vnd Ver-
stung Cassel/ am 22. Maij, Anno 1591.

Wilhelm Landtgraff zu Hessen.

*Sequuntur eadem Litera in Latinum
conuersa propter externos.*

NOBILISSIMO, NOBIS SINGVLARITER

DILECTO, TYCHONI BRAHE, Do-
mino de Knudstrup.

VVILHELMVS DEI GRATIA LANDGRAVIVS

HASSIAE, COMES IN CATZENEL-
LEBOGEN, &c.

NOBILISSIME ET SINGVLARITER DILECTE. QVOD
sub dato Vraniburgi 2. Aprilis nobis significaueris, te iam To-
mum primum de Recentioribus coeli Phenomenis Praelo sub-
mittere in animo habere, eumq; nobiscum communicare velle ob-
tuleris, id eo lubentius intelleximus, quod in praedicto Tomo quasi ex pro-
fesso de Rectificatione Stellarum Fixarum, cuius iam diu singulari desiderio
tenemur, non solum tractes, verum etiam aliquot centenas Stellas ex Obser-
uationibus tuis emendatas recens eas. Ipsum itaq; Opus expectabimus, ele-
menter gratiam relaturi. Quantum ad Mathematicum nostrum, is ante
aliquot Menses de aduersa valetudine grauius quidem nobis conquestus
est, & licet per literas id ipsum indicarit, nosq; ipsi elementer, ut veniret man-
daueri-

dauerimus, tamen necdum aduenit. Quod autem nos redeat, satis admirari nequimus; Suspiciamus ex graui aliquo ac pernicioso morbo ipsum alicubi decubare, quem quò diutius secum foverit, eò peius habebit. Ad Rangiferum quod attinet, est apud nos adolescens quidam Danus, ex familia BILDORVM, qui nobis retulit, Friderisburgi in Horto ferarum Regis, itemq; Hafnia, eius generis aliquot esse. Quasiuimus ex eo an verè Rangifer esset, negabat, dicens admodum altà staturà esse Animal, quemadmodum in Germanico libro Gesneri, Anno 1563. Tiguri excuso, fol Lxxv. Iconem & descriptionem eius inuenimus. Verùm exijs, qui cum Regina VVolfenbütelij fuerant, nihil tale expiscari potuimus. Rangiferos ceruos ex Suetia, duabus vicibus ad centenarium vsq; numerum huc deferri curauimus, qui omnes hyberno tempore bene se habuere, & in glacie vehiculum, suo more, traxere: At vbi calor redisset, ad vnum omnes perierunt, ita vt clarè videamus, quòd astate & calore ingruente in hisce regionibus perdurare nequeant. Ad Alces autem quod attinet, vnicam in Horto nostro ferarum alimus Zapffenburgi, quæ à Festo Martini huc vsq; benè habet, cursitat, saltat, & bonarum rerum est, ac præsertim cum in Horto ferarum viridi nostro effedo circumuehimur, adcurrit nobis quam potest proximè, nosq; non aliter ac canis aliquis obseruat. Verùm cornua non admodum illi succrescunt, nec vltra digiti mensuram, hoc ipso tempore, prominent. An hoc fortè signum sit, eas in hisce oris difficulter degere, dies docebit. Nos iterum in Sueciam misimus, an fortassis plures ibidem nancisci queamus. Si autem ipsemet vnā aut alteram, præsertim quæ cicures essent, ad nos transmittere posses, rem nobis apprimè gratam præstares; nos eius vicissim clementer meminerimus, sumptusq; & viaticum benignè rependemus. De Chartopæo, quem expetis, clementer te celare nequimus, vnum vnicum saltem nos habere, qui iam primū Opus aggreditur, Papyrusq; (vti ex præsentis Epistolæ charta & ad te missis literis videre est) conficit paulò grossiorem. Francofurti nihilominus inquiri curabimus, num vnum aut alterum per-mouere queamus, qui sese ad vos conferre velint. Præsciendum tamen nobis, quibus conditionibus eos habere & alere velis; quo cognito eorum profectionem cumprimū promoueri curabimus. Atq; hæc te, erga quem gratiosa voluntate singulariter affecti sumus, clementer celare noluimus. Datum ex Vrbe nostra & Arce Cassellana, 22. Maij, Anno 1591.

WILHELMVS LANDGRAVVS
HASSIAE.

55 * 50

Cc 2

Dem

Dem Durchleuchtigsten / Hochgebornen Fürsten

vnd Herrn / Herrn VVILHELM, Landgrauen zu Hessen/
Grauen zu Casenelubogen/ Dieß/ Ziegenhain vnd
Nidda: Meinem gnedigen Herrn.

Drehleuchtigster / Hochgeborner Fürst. Ewer F. G. sind meine fleißwillige Dienste nach allem vermögen jederzeit zuvoran bereit. Gnedigster Herr / Ew. F. G. an mich vnder dato den 22. Maij nechsthin / auß ihrer Stadt vnd Vestung Cassel außgegangen es Schreiben/ ist mir nu erst den 7. huius allhie auff Vraniburg zu handen kommen. Wo es so lange. 3 $\frac{1}{2}$. Monat / vnder Wegen sey auffgehalten/ kan ich nicht wissen/ sonst hette ichs zeitlicher zu beantworten nicht vnderlassen.

Was erstlich meines fürhabenden Operis primum Tomum de Recen-
toribus coeli Phaenomenis belangt/ in welchem Capite 2. Stellarum Fixarum
Restitutio fundamentaliter tractirt wirdt/ dessen Ew. F. G. in ihrem Schrei-
ben gedenckt / Darauff kan Ew. F. G. ich dienstlich nicht verhalten / daß daß
selb Opus noch nicht vollends durch den Druck verfertigt ist/ Denn ich diesen
Sommer anderer nothwendiger auffliegender Geschäfte halben nicht weyl
gehabt/ solchem auffzuwarten. Wenn aber Gott Gnad vnd gelegenheit ver-
leihen wirdt/ daß es diesen Winter möchte fertig werden/ alsdenn wil ichs Ew.
F. G. ihrem begeren nach/ mittheilen.

Daß Ew. F. G. Mathematicus, ROTHMANNVS, noch nicht zu Ew.
F. G. wider ankommen gewesen / solchs thut mich nicht wenig verwundern/
denn er hat sich bey mir nicht anders mercken lassen / denn daß er von stunden
wider zu rück gen Cassel sich begeben wolte / welches nu eben ein Jahr verli-
ten ist. Wofern der Morbus (dessen Ew. F. G. meldung thut) in causa
were/ daß er so lange außbleibt/ so hette er je mitler zeit sich können curiren las-
sen. Er ließ sich solchs mangels allhie gar nicht vernemen / sonst were viel-
leicht hie so gut Paracelsisch Remedium dagegen zu finden/ als anderßwo/ wel-
ches ihme auch ohn zweiffel wol bewußt ist. Ich gedencke aber/ so er noch nicht
widerumb zu Ew. F. G. ankommen ist/ er werde sich mit dem ersten wider ein-
stellen. Es were gut/ daß er das Opus Stellarum Fixarum mit erster gelegen-
heit verfertigte/ auff daß die langweylung vnd groß angewandte mühe vnd fleiß
nicht hinder bliebe/ sondern andern/ vnd Posteritati zu nutz kommen möchte.

So viel das Rienschier betrifft/ da Ew. F. G. von schreibt/ hab ich wol
auch in dem Deutschen Gesnero, welchs Buch mir auch bey der handt ist/ sein
Iconem vnd Descriptionem gefunden/ der es ein Rosshirsch nennet/ Aber biß-
hero hab ich noch nicht erfahren können / daß ein solches allhie soll verhanden
seyn. Ich bin selber zu etlichen malen bey Königlicher Maiestat/ Hochlobli-
cher gedechtnuß/ im Thiergarten gewesen/ hab aber kein solchs allda jemals ver-
nommen.

nommen. Deßgleichen auch nicht zu Kopenhagen. So ich aber noch einige wissenschaftt darumb kriegen kan/ wil Ew. F. G. ich davon Bericht zustellen.

Der Rhenböcke oder Thier/ sendt wol allhie ein oder zwey auffm Holm zu Kopenhagen gegangen/ wie ich im vorigen Schreiben angezogen hab/ Aber sie können allhie den Sommer vber nicht leben/ vnd die Hise vertragen/ viel weniger im Landt zu Hessen/ oder andern orten/ die mehr gegen Süden liegen/ Denn sie haben ihre stelle in dem gar Septentrionali parte Noruegiae vnd Sueciae, vnd können nicht wol an andern orten vberbleiben. Aber die Elendsstier/ wiewol sie auch auß Norwegen vnd Schweden jren vrsprung haben/ so können sie doch allhie in Dennemarch etliche Jar vber/ wenn sie wol vnderhalten werden/ verharren. Versehe mich darumb/ man werde sie auch in Deutschlandt ziehen vnd halten können/ Denn es bißweylen hie im Sommer wol so hitzig ist als dort. Ich hab leyst mal/ da Ew. F. G. ich zuschrieb/ eines hie gegen vber in Schonon/ auff meinen Gütern gehabt/ vnd wie ichs hab wollen herüber auff diese Insul holen lassen/ ist es an die Stadt/ mit Nasmen Landskronen/ die hie gegen vber ligt/ ankommen/ vnd allda etliche Tage auffm Schlosse/ bey einem Edelmann/ der meiner Schwester Tochter hat/ von lust wegen auffgehalten/ da es denn/ als man vber Tisch geseßen/ ein mal die Treppe hinauff gegangen/ vnd sich in der Stuben von starckem Bier so voll getruncken/ daß es im wider herab gehen/ die Stiege hinab gefallen/ vnd das eine Bein zerbrochen/ welchs man mit keinem fleiß wider heylen kunde lassen. Vnd ist also darüber gestorben. So baldt ich aber ein anders oder ein par widerumb bekommen kan/ die zam seyn/ wil Ew. F. G. ich die gutwillig vnd mit allem fleiß zuschicken.

Ferner/ da Ew. F. G. in jrem Schreiben mention thut vom Papiermacher/ daß Ew. F. G. nach einem oder zween zu Franckfurt wolte umbhören lassen/ kan Ew. F. G. ich nicht bergen/ daß ich selber schon einen bekommen hab/ der des Handwercks gnugsam erfahren/ vnd nu mit einem Gesellen im Wercke ist/ vmb Druckpapier zu machen. Thut mich gleichwol gegen Ew. F. G. dienstlichst vnd zum höchsten bedanken/ daß dieselbige gnedigen willens gewesen/ vnd sich nicht beschweret/ solch vngemach meiner halben auff sich zu nemen. Wo Ew. F. G. ich hinwiderumb nach meinem geringen eussersten vermügen zu dienst vnd gefallen seyn kan/ darzu erbiere ich mich ganz willig/ vnd soll Ew. F. G. mir ohn das zu gebieten haben. Wil Ew. F. G. in Schirm des Allers höchsten zu langwiriger glücklicher Gesundheit vnd Landoregierung hiemit dienstfleißig befohlen haben. Datum Vraniburg, den 8. Septemb. Anno 1596.

Ewer F. G.

Dienstwilliger

TYCHO BRAHE.

Cc 3

POST.

POSTSCRIPTA.

¶ Diff das aber diß mein Schreiben nicht alleine von den Irdischen Thie-
ren/sonderu etwas de Coelestibus (quæ nostra est voluptas) inhalte/wolte
ich nicht vnderlassen/ Ew. F. G. zu significiren, daß Martis Stella, der sonst
mehr als die andern Planeten/ den Calculum Astronomicum eludirt, ist im
letzten Acronycho situ, welches geschehen ist im anfang des 9. Tags Iunij,
circa Perigæum solare, mit dem Calculo Copernicæo gar nahe vberenge-
stimmet/ also/ daß kaum $\frac{1}{2}$. Grads gefehlet hat/ so doch den Numeris Alpho-
nis nach bey $4\frac{1}{2}$. Grad zu viel gewesen / welchs sonst in andern Oppositio-
nibus Solis & Martis, deren ich etliche obseruirt, nicht geschieht. Vnd hab
Martem zuvor / wenn er ist pernox gewesen / circa Arietis & Libræ initia, in
medio quasi loco inter Apogæum & Perigæum solare, considerirt, daß er als
dan von des COPERNICI Calculo bey 2. oder 3. Grad abgewichen ist / vnd
das in partes contrarias, prout ferebat Eccentricitatis solaris ratio. Es hat
auch die Alphonsina Supputatio allda nicht bestehen können. Auß diesem ist
leichtlich apud rem penitus introspectientes abzumerkken/ daß da noch ein an-
der inæqualitas fürhanden sey / è solari Eccentricitate proueniens, die sich hin
den apparentem motum Planetarum insinuiert. Vnd wird in Marte, quoad
tres superiores, am meisten gespürt/ diweyl er seinen Circuitum ad Solem
nicht so groß hat/ als die andern/ daß darumb Eccentricitas Solis respectu am-
bitus, quem is designat, ein sensibilem proportionem hat/ die doch in Ioue ge-
ringer/ vnd in Saturno gar wenig gespürt wirdt. Hieraus ist zu schliessen/ daß
unsere Inuention in Hypothesibus coelestibus, welche ich lib. 2. de æthereis
Phænomenis cap. 8. generaliter & lato modo indicirt hab / alleine mit den
Apparentijs vberemustimmen vermag. Vnd daß weder die alte Ptolemæ-
sche / noch die newe Copernicæische hierin nicht bestehen / denn sie können diese
inæqualitatem nicht gebürlich excusiren. Ich hab auch von diesem in ge-
heim mit Ew. F. G. Mathematico, als er hiewar / geredt/ der sich denn nicht
wenig darob verwundere hat / vnd bekandt / daß er zuvor darhin nicht hab ge-
dencken können / sonst heitte er sein Iudicium de meis Hypothesibus nicht also
præcipitirt. Vnd ist viel anders hierneben zu mercken/ welches zu weitläufftig
wer/ allhie zu erkleren. Diß hab ich nu allein zum Beschluß/ vnd vmb einige
Astronomische Collation halben/ Ew. F. G. anzeigen wollen. Vitendi/
Ew. F. G. wolle diesem/ nach irem hohen in hac scientia Verstande/
nachdencken/ vnd mir ihre Meynung davon gnedigst
zukommen lassen. Datum vi supra.

*Sequuntur eadem Litera in Latinum
conuerse propter externos.*

ILLV.

ILLVSTRISSIMO PRINCIPI AC DOMINO, DO-
MINO VVILHELMO, LANDGRAVIO HASSIAE, Co-
miti in Catzenellebogen, Dietz, Ziegenhain &
Nidda: Principi ac Domino
Clementissimo.

S. D.

ILLVSTRISIME ET GENEROSISIME PRINCEPS,
Post debitum Celsit. T. Officium meum, vnâ cum omni promp-
titudine, & animi voluntatisq; propensione; Clementissime Do-
mine. C. T. literæ, datæ 22. Maij in Arce tuâ Castellana, 7. de-
mum huius Mensis Vraniburgi mihi redditæ sunt. Vbi interim tres cum se-
misse Menses detentæ fuerint, scire nequeo, alioqui non intermisissẽ citius
illis respondere.

Ad Operis itaq; mei de Recentioribus Phænomenis Tomum primum
quod attinet, in cuius 2. Capite, de Stellarum Fixarum Restitutione funda-
mentaliter tractatur, cuius C. T. in literis suis meminit, celare C. T. officiosè
nequeo, Operi illi nondum à Typographo supremam manum impositam esse;
nam mihi æstate hæc alijs quibusdam & necessarijs negotijs impedito ocium
non fuit simul illis vacare. Si verò DEVS gratiam & opportunitatem mihi
concesserit, vt hæc instanti Brumâ absolui possit, C. T. desiderijs in illo com-
municando lubens satisfaciam.

Quod autem C. T. Mathematicus ROTHMANNVS nondum ad C. T.
redierit, non parùm admiror. Nam dum mecum esset, nil aliud præ se tulit,
quàm quoddam confestim Castellæ se recipere decreuisset, à quo tempore iam
Annus elapsus est. Quod si Morbus (cuius etiam C. T. meminit) in causâ
fuit tam diuturnæ ipsius emanationis, potuisset certè interea temporis sibi
medelam adhiberi curauisse. Sed tale nihil apud me prodidit, alioqui fortas-
sis & hæc tam insigne Remedium Paracelsicum aduersus malum illud reper-
tum fuisset, quàm alibi vsquam, de quo etiam ipsi proculdubio constitit. Ex-
istimem illum si nondum ad C. T. reuersus sit, quamprimum accessurum. Ex-
re esset eum primâ occasione Opus Stellarum Fixarum absoluere, ne diutur-
na illa & exantlata molestia diligentiaq; interciderat, sed alijs quoq; ac posteris
vilitati esse possit.

Quantum autem ad Rangiferum, de quo C. T. scribit: Eius ego Iconem
& descriptionem in Germanico Gesneri Exemplari (quod etiam in Biblio-
thecâ meâ seruo) reperi, vbi Hippelaphus appellatur. Resciscere tamen
hactenus nequiu, an tale aliquod animal hic alicubi inueniatur. Fui ali-
quoties ipsemet cum Regia Maiestate præ memoriæ in Horto ferarum eius,
verum tale aliquod nunquam ibidem animaduerti, vti nec Hafniæ. Si quid
tamen

tamen in posterum eâ de re percepero, C. T. eius faciam certiore. Rangi-ferorum ceruorum fuerunt quidem vnus aut alter Hafniæ, vti in prioribus meis literis attigi, verum æstatem hîc superuivere & calorem tolerare non potuerunt, multo minus in Hassiâ, aut alijs in locis ad Meridiem magis remotis: Habent enim mansiones suas in admodum Septentrionali Noruegiæ, & Suetiæ parte, nec alijs in oris superesse facillè possunt.

Alces autem licet etiam ex Noruegia & Suetia originem suam trahant, possunt nihilominus hîc in Daniâ aliquandiu, si benè habeantur, perdurare. Putem idcirco etiam in Germaniâ haberi, aliq; non difficulter posse. Nam interdum æstiuo tempore non minùs hîc aër feruet, quam istic. Habui ultimò, cum C. T. scriberem, vnam hinc è regione in Scaniâ in villâ meâ, & cum in hanc Insulam deportari eam in animo haberem, venit Landscronam, quod Oppidum huic Insulæ ex aduerso situm est, vbi in Arce aliquot dies apud virum Nobilem, cui Neptis mea nupsit, animi causâ detenta fuit, acciditq; vt cum mensa affiderent, gradus sponte ascenderit, seq; ex validiore cereuisiæ potu ad eò ingurgitarit, vt in descendendo gradib; deciderit, pedemq; alterum fregerit, qui postea nullâ diligentia curari potuit, ita vt hâc ratione obierit. Quamprimum autem aliam habere potero, aut etiam par aliquod ex ijs quæ cicutatæ sunt, eas ad C. T. promptè & studiosè transmittam.

Porrò cum C. T. in suis literis mentionem faciat Chartopzi, quodq; C. T. de vno aut altero habendo Francofurti inquiri curare velit, celare C. T. nequeo, me nunc aliquem natum esse eius opificij sic satis peritum, qui iam cum socio sibi adiuncto, opus ipsum aggressus est, vt chartam impressoriam paret. Nihilominus C. T. officiosissimè gratias ago, quòd clementer voluerit, nec grauata sit, molestiam illam meâ causâ subire; sicubi vicissim C. T. pro mediocritate meâ inferuire, gratumq; quid præstare potero, planè volentem & promptum me inueniet, & C. T. mihi etiam absq; hoc, quod volet, præcipiet. C. T. tutelæ Omnipotentis, vt diuturnâ & felici valetudine ac gubernatione fruatur, his officiosè commendatam velim. Vale. Datum Vraniburgi, 8. Februarij, Anno 1591.

T. Celsit.

Additis.

TYCHO BRAHE.

POSTSCRIPTA.

VT AVTEM HÆ MEÆ LITERÆ NON TANTVM DE ANIMALIBUS terrestribus, sed etiam aliquid de Cœlestibus corporibus (quæ nostra est voluptas) agant: nolui omittere, quò minùs C. T. significarem, Stellam Martis, quæ aliàs plùs cæteris Planetis Calculum Astronomicum cludit,

eludit, in postremo Acronichio situ, qui fuit initio diei 9. Iunii, circa Perigæum solare, quam proximè accessisse ad Calculum Copernicæum, ita ut hic vix $\frac{1}{2}$. Gradus aberrarit, cum tamen in numeris Alphonsinis circiter $4\frac{1}{2}$. Gradus abundauerint. Quod nihilominus in alijs Oppositionibus Solis & Martis, quarum aliquot obseruau, non accidit: & in Marte antea, cum pernox esset circa Arietis & Libræ initia, in medio quasi loco inter Apogæum & Perigæum solare, considerau, cum à COPERNICI Calculo circiter 2. aut 3. Gradus deflexisse, idq; in partes contrarias, prout ferebat Eccentricitatis solaris ratio. Nec tum etiam consistere potuit Alphonsina Supputatio. Vnde facile ab ijs qui rem penitus introspiciunt, animaduertitur, adhuc aliud latere inæqualitatem è solari fortè Eccentricitate vel aliunde prouenientem, quæ sese apparenti Planetæ motui insinuet. Deprehenditur autem quam maximè, quoad tres superiores, in Marte, cum circuitum ad Solem non tam magnum habeat, quàm ceteri, ut propterea Eccentricitas Solis respectu ambitus quem is designat, sensibilem ingerat proportionem, quæ tamen in Ioue minor & in Saturno quàm minima animaduertitur. Hinc concludere licet, nostram Inuentionem in Hypothesibus Cælestibus, quam lib. 2. de æthereis Phenomenis cap. 8. generaliter & la modo indicaui, solam cum Apparentijs concordare posse, & neq; veteres Ptolemaicas, neq; nouas Copernicæas hic sibi constare: Nam inæqualitatem hanc conuenienter excusare nequeunt. Hæc de re etiam cum C. T. Mathematico dum hic esset contuli, qui haud parum hæc admiratus, & simul confessus est, ista sibi in mentem prius venire non potuisse; aliàs iudicium suum de meis Hypothesibus non ita præcipitasset. Verùm multa alia simul considerata veniunt, quæ prolixum foret hic declarare. Hæc saltem Conclusionis gratiâ, & ut Astronomicam aliquam collationem C. T. adferrem, indicare volui; Rogans C. T. ut ista pro suâ in hæc arte singulari intelligentiâ, considerare, mihiq; sententiam suam hæc de re clementer transmittere velit. Datum ut suprâ.

Dem Besten/ vnserm lieben Besondern/

TYCHONI BRAHE, Herrn zu Knudstrup.

Wilhelm von Gottes Gnaden/ Landtgraue

zu Hessen/ Graue zu Casselnbogen/ etc.

Vnsern guedigen Gruss zuvor/ Bester lieber Besonder/ Wir mds
gen euch guediglich nicht verhalten/ das wir in vnserm Thiergarte
ten ein Elendsthier haben/ das sich dan diesen Winter vnd Som
mer vber wol gehalten / vnd sein zugenommen hat / jm auch sonst
nichts mangelt/ als das es keinen Gehülffen hat. Weyl wir dan auß euerem
D^s sängsten

jüngsten Schreiben sub dato den 2. Aprilis verstanden/das jr auch ein Elend
thier hettet/vnd vns dasselbige gerne zustehen lassen wollet/ So nemen wir das
selbige von euch zu gnedigen danck an/ vnd haben demnach nicht vnderlassen
wollen/ gegenwertigen Botten zu euch abzufertigen/ vnd jm zu befehlen/das
er bemelt Elend bey euch abholen/ vnd vns zufären soll. Woferne jr vns nu
dasselbige/ ewerm Zuschreiben nach/ folgen lassen wollet/ wie wir vns gleich
wol zu euch versehen thun/ so geschieht vns daran zu angenehmen gefallen/vnd
wollen wir es hiernächst mit einem hübschen Zapffenburger gegen euch erwi
dern/ vnd sonst in Gnaden eingedenck seyn.

Wir zweiffeln auch nicht/ jr werdet in dem Deutschen Exemplari Ges
neri de Animalibus Quadrupedibus gelesen haben/ was er fol. 83. von einem
Thier/ so Rix, oder wie etliche wollen/ Orix genandt wirdt/ schreiben thut/
Wöchten gerne wissen/ ob jr davon etwas in Erfahrung bracht/ oder auch mit
Leuten geredt/die es gesehen/ oder berichten können/ was es vor ein gelegenheit
darumb habe/vbi inueniatur, & si tantæ proceritatis, quantæ à Gesnero pin
gitur, fiet.

Unser Mathematicus CHRISTOPHORVS ROTHMANNVS, ist
bey vns noch nicht widerumb ankommen/ vnd ob wir in wol zu vns anhero er
fordert/ so hat er sich doch seiner Schwachheit halben (darumb wir gleichwol
keine eigentliche gelegenheit wissen) entschuldigen lassen.

Die begerte Papiermacher haben wir bißhero vber angewendten fleiß
nicht bekommen können/ Wir haben aber vnsern Dienern/ so wir jetzt ange
hende Franckfurder Mess abgefertigt/befohlen/das sie sich daselbst fleißig vmb
hören sollen/ ob sie dieselbigen zuwegen bringen mögen/ Was nu dieselbigen
aufrichten/davon solt jr hiernächst berichtet werden.

Was wir dißmal von Zeitungen bey handen gehabt/davon thun wir euch
hierneben Abschrift zufertigen/ vnd werdet jr darauff vernemen/ wie es in
Franckreich vnd ant ern orten jetziger zeit sthet/ vnd das es miserius Status
totius Europæ ist. Was ihr dan de Statu Dania vnd sonst newes habt/ bege
ren wir gnediglich/vns solchs hinwider zu communiciren. Vnd bleiben euch
mit gnedigem guten Willen wolgemogen. Datum in vnser Stadt vnd Bes
itzung Cassel/ am 31. Augulli, Anno 1591.

Wilhelm Landtgraff zu Hessen.

POSTSCRIPTA.

WAn auch ewere Observationes Stellarum Fixarum & erraticarum fer
tia/möchten wir dieselbige wol haben/ mit den vnsern zu rectificiren.
Mit dem Orix wollet fleißig nachfragen/ ob vnd an was orten man es
finde/ vnd wie es allenthalben qualificiret, Dan Brieffzeiger ewer. Vetter
Afcanius.

Alcanius Bilde, wil deroim Thiergarten zu Coppenhagen vnd zu Cronenburg oder Friderichsburg etliche gesehen haben / Aber bey weitem describiret er es nicht so groß als Gesnerus, dan 23. Span / ist ein grosse höhe / von einem Thier / doch ista dem Creatori nicht vnmöglich.

*Subijciuntur eadem Litera Latinitate donata,
vt & ab exteris intelligantur.*

NOBILISSIMO, NOBIS SINGVLARITER

DILECTO, TYCHONI BRAHE, Do-
mino de Knudstrup.

VVILHELMVS DEI GRATIA LANDGRAVIVS

HASSIAE, COMES IN CATZENEL-
LEBOGEN, &c.

GRATIA ET FAVORE NOSTRO PRÆMISSIS, NOBILIS-
sime & singulariter dilecte; Celare te clementer nequimus, ha-
bere nos in horto nostro ferarum Alcem, quæ Hyeme & astate
proximè elapsis optimè se habuit, egregieq; accreuit, vti nec ad-
huc quicquam ipsi desit, nisi quodd sociâ destituatur. Cum itaq; ex proximis
tuis literis datis 2. Aprilis intellexerimus, te etiam Alcem habere, quam no-
bis lubens donare velis; clementer & gratiosè eam ipsam à te acceptabimus;
nec intermittere potuimus, quin præsentem hunc Tabellarium ad te eo no-
mine ablegaremus, eiq; mandaremus vt prænominatam Alcem ad nos dedu-
ceret, modò eam iuxta literarum tuarum tenorem nobis concedere volueris,
prout hac de re nihilominus haud addubitemus. Erit id nobis quàm gratissi-
mum, nosq; in posterum generoso Equo Zapffenburgensi te remunerabi-
mus, & aliàs etiam tui vicissim clementer meminerimus.

Non dubitamus quoq; quin apud Gesnerum Germanicum de Anima-
libus Quadrupedibus legeris, quid fol. 85. de Animali quod Rix, aut vt qui-
busdam placet, Orix appellatur, scribat: Scire vehementer auemus, an eà de
re quidquam experientiâ tibi compertum sit, aut cum hominibus contuleris
qui id viderint, aut docere potuerint, quæ conditio eius sit, aut vbi inuenia-
tur, & num tantæ proceritatis, quantæ à Gesnero pingitur, fiet.

Mathematicus noster CHRISTOPHORVS KOTHMANNVS non-
dum ad nos reuersus est: Et licet eum per literas reuocauerimus, attamen
infirmittatis suæ ergò (quamuis nec de hac nobis quippiam certi constet) ex-
cusare se voluit.

Desideratos à te Chartopæos etiam summâ adhibitâ diligentia hætenus
nancisci nequimus. Præcepimus autem ministris nostris, quos ad instan-

DD 2

tes

tes Francofurdenſes Nundinas amandauimus, vt ipſi ibidem diligenter diſquirant, an aliquos adipiſci poſſint. Quid verò ij effecturi ſint, de eo proximis noſtris literis certiore te faciemus.

Nouarum Rerum, quantum hoc tempore ad manus habuimus, deſcriptum his adiunximus; vnde cognoſces, quomodo ſe Res Gallicæ, & aliarum orarum habeant, quodq; miſerrimus ſit Europæ totius Status. Si quid de Statu Daniæ, aut aliàs etiam noui habueris, id nobiſcum viciffim communicari clementer petimus. Permanemus autem tibi clementi ac gratioſâ voluntate fauentes. Datum in Vrbe & Arce noſtrâ Caſtellana, 31. Auguſti, Anno 1591.

VVILHELMVS LANDGRAVVS
HASSIA.

POSTSCRIPTA.

Quamprimùm Obſeruaciones tuæ Stellarum Fixarum & Erraticarum abſolutæ fuerint, libenter eas habebimus cum noſtrâ rectificatione conferendas.

De Orice diligenter inquiras, an, & vbi locorum inueniatur, & quomodo vndiquaq; qualificetur: Siquidem literarum harum allator cognatus tuus Aſcanius Bilde, vidiffe ſe in horto ferarum Hafniæ & Croneburgi aut Frideſburgi aliquot eiufcemodi puter. Verùm procul abeſt, vt ex indicatione eius tantæ magnitudinis ſit, quantæ pinxit Geſnerus: Nam 23 Spirami, pro Animali ingentem conſtituunt altitudinem. Nihilominus Creatori non eſſet id impoſſibile.

Dem Durchleuchtiaſten / Hochgebornen Fürſten

vnd Herrn / Herrn VVILHELM, Landgrauen zu Heſſen/
Grauen zu Cagenelnbogen/ Dieß/ Ziegenhain vnd
Nidda: Meinem gnedigen Herrn.

Durchleuchtigſter / Hochgeborner Fürſt. Gnedigſter Herr / Ew. F. G. kan ich dienſtlich vnangezeigt nicht laſſen / wie daß ich derſelben Schreiben von ſrem Deiniſchen Jungen / dem Bilden mei nem Bettern den 23. Septembris wol empfangen hab. In welschem Ew. F. G. abermals von dem Elendsthier (wovon ich ein mal in meis nem Schreiben Zuſage gethan) meldung thut. Was aber daſſelbig Thier (da ichs noch im vorradt hette / vnd willens war / Ew. F. G. vberzuſchicken) am Weinbruche ſürn zufall bekommen hab / vnd darüber geſtorben ſey / ſolchs iſt in meinem vorigen Schreiben gnugsam angezo gen / Welch Schreiben ich dem Edlen vnd Beſten Heinrich Rammel / meinem beſonderu gutem Freunds de / ſo baldt er mir Ew. F. G. Brieff (deß Datum vnderm 22. Maij ſichet) hat

hat zugeschiedt/ widerumb vberliefern lassen. Darauff er mich folgendts allhie besucht/ vnd also solchen Brieff mit einem eigin Botten an Ew. J. G. abzufertigen verheissen. Er hat auch allhie das mal vnder andern mit mir von des to Theologorum (die Anno 1529. zu Marpurg zusammen gewesen) Vergleichung geredt/ vnd darneben ein Deutsches Scriptum (welchs Ew. J. G. sine vberschiedt) gezeigt/ worin dieselbige Concordantien Articuliweis verfaßt/ vnd mit Ew. J. G. Handschrift allenthalben zu weiterer Versicherung vnderzeichnet seyndt. Vnd wiewol ich damals dieselbige mit denjenigen/ die in Historia Augustanae Confessionis, Francofordiae ad Manum, per Matthiam Ritterum Ecclesiasten Anno 1578. edita, & à Chytraopriis contexta, fol. 643. & seq. commemorirt werden/ ob alles da bona fide, wie es sich gebürt/ Latine referirt vnd reddirt wirdt/ zu conferiren willens gewesen bin/ So ist doch (dieweyl gedachter Ramelius von himmelnach Pommeren notwendiger Geschäfte halben eylete/ vnd auch vmb anderer sursache willen) nachblieben. Es kan aber Ew. J. G. leichtlich mit dem festgedachten Latcinischen Exemplari ein Collation hiehin instituiren lassen/ ob alles gebürlich vnd rechtmessig transferirt worden. Welchs ich auch gern thun wolte/ wan Ew. J. G. mir auch ein Abschrift davon gnediglich communiciren, oder aber daß mir ermeldeter Ramelius ein Copie von dem seinigen mittheile/ gestatten wolte. Dan ich vermehre wol auß der widerparteyischen Theologen zu vnsern zeiten außgangen Scriptis, daß sie nicht allenthalben candidè & conuenienter Aduersariorum sententias citiren vnd auflegen/ sondern daß ein grosse Philautia, ambitio, odium, vnd vincendi vindieta; cupiditas bey ihnen mehrern theils vberhand genommen/ Ita vt sub prae-textu promotionis veritatis Euangelicae, seiplos & sua vt plurimum quaerant. Aber man mag sie in irer Würde bleiben/ vnd ire Sachen selber verantworten lassen.

Anlangend aber mein vorbemeldtes Schreiben (in welchem ich alle gelegenheit vom Elendschier vermeldet hab) schickte ich Ew. J. G. nu dasselb zu. Dan da obgedachter Ramelius auff dem Wege/ als er von himmen nach Deutschlandt reysete/ erfahren/ daß Ew. J. G. Junge allhie verhanden war/ hat er mir den Brieff wider zurück geschickt/ vnd darneben einen andern/ den er selbst an Ew. J. G. dirigirt/ auff daß ich Ew. J. G. Jungen dieselbe/ vmb andere Unkosten zu vermyden/ mitgeben kündte/ welchs ich auch gethan hab/ dieweyl der Junge widerumb zu Ew. J. G. baldt zurück zeucht. Ich hab auch vnder der zeit/ die er hie im Lande verharret/ allenthalben bey meiner Freundschaft nachforschen lassen/ ob irgends ein Elendschier/ das dahin sey/ verhanden were/ aber nirgends ein solchs erfragen können/ sonst hette ich iesunder Ew. J. G. eines mit demselbigen Jungen (der mir anugsam zu verstehen gab/ was Ew. J. G. für grosse Lust zu einem solchen Thier habe) vbergeschickt. Auff das aber Ew. J. G. gleichwol hierin mit dem ersten möchte gewillart werden/

werden / hab ich hinauff in Norwegen an Königlicher Maieſtat allda Stadthalter / den Edlen vnd Volgeborenen Axel Guldensſtern / welcher mein gar nahe Verwandter vnd ſehr guter Freund iſt / fleißig geſchrieben vnd angeſandt / daß er mir auffſ wenigſt ein par derſelbigen Thier / die dazung weren / mit erſter gelegenheit herab ſchicken wolte / dan dero in ſeinem Lehen vnd Gebiete etliche vorhanden ſeyndt. Hab auch gleichfalls einem andern Edelman in Norwegen / der mir nahe beſchwägert iſt / geſchrieben / daß er mir auch ein par auß ſeinem Lehen (da man auch der Gattung nicht wenig findet) mit dem erſten wolte zuſtehen laſſen. Bin darumb guter hoffnung / ich werde auffſ wenigſt von dieſer einm / wo nicht von allen beyden / dero Thieren etliche bekommen. Welchs / ſo es nicht vorm Winter geſchehen kan / hoffe ich doch auffſ Vorjar Ew. J. G. hierin nach irem willen dienſtlich zu ſeyn.

Was antrifft das ander Thier / welchs Orix genandt wirdt / hab ich das auch in meinem Deutſchen Geſnero nachgeſucht / vnd ein kurze Beſchreibung davon am 68. Blat gefunden / doch keine Verzeichnuß darbey / So meldets auch nicht / wie hoch vnd groß es ſeyn ſoll. Woraus ich vermerte / daß Ew. J. G. Deutſcher Geſnerus ein ander Buch vnd Exemplar ſep / dan welchs mir bey der Hand iſt. Es muß ein gewaltig groß Thier ſeyn / vnd wol bey zweyer Mans höhe erreichen / wan es 23. Spann hoch iſt. Von dieſem weiß man in vnſern Landen / vnd denjenigen / die noch mehr gegen Norden gelegen ſeyndt / bißhero gar nichts zu ſagen / dan es wirdt allda kaum gefunden. Ich bin wol newlich in erfarung kommen / daß vorbemeldter Axel Guldensſtern vor kurzer zeit / ein ſeltzames vnd zuvor nicht viel bekandtes Thier in Norwegen / von denjenigen Leuten / die vber die höhe vnd mit Schnee bedeckten Klippen auff beſondern langen vnd breiten Hölzern vnder den Füßen faſt gemacht / gar ſchnell lauffen / alſo / daß ſie ein Hirſch ereylen können / ſoll auffgeſpürt haben. Aber was es für ein Thier ſey / vnd wie groß / hab ich noch nicht gnugsam erfahren können. So bald ich einige Wiſſenſchafft davon kriege / wil ich Ew. J. G. ſolchs anzeigen.

Von den Obſervationibus Stellarum Fixarum, davon Ew. J. G. allhie auch meldung thut / hab ich in meinem vorigen Schreiben anzeigung gethan / daß daſſelbig Buch / darin ſie begriffen werden / noch nicht vollendt in Druck verfertigt ſey. So baldt aber das geſchicht / ſoll Ew. J. G. daſſelb zu zuſchicken nicht vnderlaſſen werden.

Daß Ew. J. G. Mathematicus ROTHMANNVS, noch bißhero ſich nicht hat eingeſtelt / thut mich je lenger je mehr verwundern / vnd es muß ſeltzame Urſache haben / daß er ſo lange außbleibet. Ewer J. G. wirdt wol Mittel finden / daß ſie in widerumb zu ſich alliciren könne / wan ſie ſchon einige Liberales, mehr als ſonſt / auff in wagen ſolte / auff daß er das vorgeſommene Opus Fixarum Stellarum deſto williger vnd baldt verfertige. Es mangelt mir am Ingenio

Ingenio vnd Wissenschaft darzu nicht/ Aber mir hat wol an jme gedauert/ daß er (wie Ew. J. G. auch zuvor von jm geschrieben hat) einen eigenwilligen Kopff haben solte/ worauff jme nur gelüffte seinen eigen Hut auffzusetzen. Wie man dan oft findet/ daß excellentia Ingenia auch ihre sonderliche Gebrechen vnd Nauos haben/ die man dan/ so sie nicht anders zu corrigiren sendt/ gedulden mag. Ich versich mich zu jme/ er werde sich noch besinnen/ vnd sich zu Ew. J. G. wider einstellen/ vnd im fürhabenden Werke keinen fleiß vnd mühe sparen/ damit es mit dem ersten an Tag möchte kommen.

Von den Papiermachern hab ich Ew. J. G. auch im vorigen Schreibe zuverstehen geben/ daß ich deren jezunder keinen bedürffe/ dieweil ich selbst schon längst Leute bekommen hab/ die mir die Arbeit verrichten. Thu mich gleichwol für den erbottenen gnedigen willen/ gegen Ew. J. G. dienstlich vnd zum höchsten bedanken: Gleichfalls auch für die mitgeteilte neue Zeitung/ die mir gar angenehm gewesen sendt.

Was diese Länder antrifft/ weiß ich Ew. J. G. nichts neues widerumb zuzuschreiben/ dan daß Status Danix vnd Noruegia, noch (Gott Lob) gar friedig vnd richtig sey. Der Allmechtige Gott wolle weiter Gnade verleihen. Weiß E. J. G. dißmal weiters nicht zuzuschreiben/ Wo aber etwas fürfällt/ solches soll Ew. J. G. mit erster gelegenheit referirt werden. Vnd wil Ew. J. G. in Gottes Allmechtigen gnadenreichen Schirm/ zu langwrigiger Gesundheit vnd friedlicher Landesregierung/ hiemit befohlen haben. Datum Vranzburg, den 26. Septembris, Anno 1591.

Ewer J. G.

Dienstwilliger

TYCHO BRAHE.

POSTSCRIPTA.

Nach dem ich vermercke auß Ew. J. G. Brieff/ daß der ROTHMANNVS noch nicht in so lange zeit angekommen ist/ gedencke ich wol/ daß er auch die Descriptionem meorum Instrumentorum, welche er hie verzeichnet hat/ faunt/ wirdt Ew. J. G. zugeschickt haben. Darumb hab ich nicht wollen vnderlassen/ meinem Deutschen Amanuensi zu befehlen/ daß er von new ein Description davon/ so viel jm in der eyl möglich were/ zusammen schreibe/ welche Ew. J. G. hierbey mit vorgemeldten Knaben bekommen wird. Wan ich selbst ein mal beser weyl habe/ bin ich willens alle meine Instrumenta Astronomica deutlicher vnd fleißiger/ beyde mit ihre Fabrica vnd vsu zu beschreiben. Ew. J. G. wolle diese geringe Consignation in gnedigen Willen annehmen. Datum vt supra.

Sequuntur illa ipsa Litera in Latium sermonem conuersa propter exteros.

ILLV.

ILLVSTRISSIMO PRINCIPI AC DOMINO, DOMINO
VVILHELMO, LANDGRAVIO HASSIAE, COMITI
in Catzenellebogen, Dietz, Ziegenhain
& Nidda : Principi ac Domino
Clementissimo.

3. D.

ILLVSTRISIME ET GENEROSISIME PRINCEPS,
Clementissime Domine. Celare Gelsit. T. officiosè nequeo, li-
teras C. T. à Danico suo puero BILDE 3. Septembris rectè mihi
raditas esse; In quibus C. T. Alcisius (quam in meis semel
promitti) iterum mentionem facit. Qualem autem illud ipsum Animal (dum
adhuc penes me esset, ac ad C. T. transmittere id in animo haberem) expe-
dis sui fractura exitum habuerit, in prioribus meis literis sufficienter indica-
tum est, quas Nobilissimo viro, Dn. HENRICO RAMELIO, amico meo
singulari, confestim ac ille C. T. Epistolam (sub dato 22. Maij) ad me mise-
rat, vicissim tradi curavi. Ipse verò paulò post me hinc inuisit, easdemq; lite-
ras ad C. T. cum proprio Tabellario se amandaturum constituit. Quo
etiam tempore inter alia mecum de Theologorum (qui Anno 1529. Mar-
purgi conuenerant) conciliatione loquutus est, Germanicumq; hac de re
scriptum, quod C. T. ipsi miserat, ostendit, in quo Concordantiæ istæ arti-
culatim comprehensæ, & C. T. manu ubiq; vltioris certitudinis causâ sub-
signatæ sunt. Et licet eas tunc cum ijs, quæ in Historiâ Augustanæ Confessio-
nis, Francofurti ad Mænum per Matthiam Ritterum Ecclesiasten Anno
1578. editâ, & à CHYTRA Æ. ò prius contextâ, fol. 643. & sequen. commemo-
rantur, an videlicet omnia ibi bonâ fide, sicuti acta sunt, Latine exprimantur,
conferre decreuissem; tamen id, cum prædictus RAMELIUS hinc in Po-
meraniam, ob necessaria quadam negotia, properaret, tum quoq; ob alia im-
pedimenta, intermissum est. Poterit autem facillè C. T. Collationem quan-
dam curare institui cum prænominato Latino Exemplari, ut dignoscatur, an
omnia conuenienter & syncerè translata sint: Quod ipsemet adhuc lubens
facerem, modò C. T. descriptum eius clementer mihi communicaret, aut ut
RAMELIUS exemplum mecum impartiat, permittere velit. Facillè siquidem
animaduerto ex aduersantium Theologiæ Professorum nostræ æui editis scri-
ptis, eos non candidè ubiq; & conuenienter Aduersariorum sententias citare
aut interpretari, sed magnam & peruicacem Philautiam, ambitionem, odium
& vincendi vindictâq; cupiditatem apud eorum quam plurimos irreligiosè
præualere, ita ut sub prætextu promotionis veritatis Euangelicæ, seipsos &
sua ut plurimum quarant. Sed hi in valore suo relinquuntur, & causam suam
ipsi apud iustum iudicem, prout poterint, dicant.

Quantum

Quantum autem ad prædictas meas literas, in quibus omnem Alcis conditionem explicaui, eas C. T. iam transmittito. Nam cum prænominatus RAMELIVS hinc in Germaniam profecturus in via rescivisset C. T. puerum hic adesse, literas istas mihi remisit, simulq; alias, quas ipse ad C. T. direxerat, ut eas C. T. puero, vitatis maioribus expensis, una traderem. Quod etiam à me factum, ex quo puer ille ad C. T. quam citissime reuertatur. Ego interea dum hic moraretur, ubiq; apud cognatos meos inquiri curavi, num alicubi Alce cicurata inueniretur, sed nusquam talem reperire licuit: Alioqui statim eam cum puero hoc (qui satis mihi indicavit quantum isto animali C. T. delectaretur) simul transmississem. Vt autem C. T. desiderijs hæc in parte nihilominus gratum quid à me præstaretur, scripsi diligentissime in Noruegiam ad Regiæ Maiestatis ibidem Vicarium, Nobilissimum virum AXILLVM GULDENSTERN, qui sanguine mihi admodum propinquus, amicusq; intimus est, ut ad minimum par Animalium horum, quæ ibi fortassis ad manus habet, primâ opportunitate huc mittat; nam in eius provincia aliquot eiusmodi reperiuntur. Similiter etiam alij cuidam Nobili in Noruegia, qui me affinitate tangit, scripsi, ut etiam par aliquod ex Prouinciâ suâ (in qua eius generis quoq; non pauca obuia sunt) quamprimum ad me curare velit. Bonam itaq; spem foueo, me saltem ab alterutro, si non ab utroq; eorum animalium aliquot impetraturum. Quod si ante Hyemem fieri nequeat, spero me instante verè C. T. hæc in re ex sententiâ gratificaturum.

Ad alterum illud Animal, Orix dictum, quod attinet; de eo in Germanico meo Gesnero inquisui, & breuem eius descriptionem pag. 68. hanc tamen absq; vllâ Icone reperi, ubi neq; altitudinem eius, neq; magnitudinem indicauit. Vnde conijcio C. T. Germanici Gesneri aliam editionem esse, quam quæ mihi nunc ad manus est. Oportet Animal admodum magnum sit, ita ut duorum hominum altitudinem superet, modò sit 23. Spitemus altum. De hoc in nostris oris, & alijs ad Septentrionem remotioribus, nihil scitur; vix enim illic degit. Intellexi quidem nuper, prædictum AXILLVM GULDENSTERN, non ita diu, insolitum & antea parum Noruegis notum Animal, apud eos, qui per altas illas & niue coopertas rupes, asseribus in longum leuigatis, quos plantis subnectunt, ad eò velociter currunt, ut etiam ceruum subinde assequantur, indagasse: At qualis quantaq; fera illa sit, nondum satis expiscari potui. Quamprimum certi quid de eâ percepero. C. T. id significabo.

De Observationibus Stellarum Fixarum quarum etiam C. T. meminit, in prioribus meis literis mentionem feci; quòd videlicet opus illud, in quo comprehenduntur, nondum planè à Typographo absolutum sit: Quamprimum autem id fiet, non intermittam C. T. hoc quicquid erit transmittere.

Quòd autem C. T. Mathematicus ROTHMANNVS necdum redierit, id quo diutius, eò magis miror. Peculiarem subesse causam necesse est, quòd

Es

tandiu

tandiu emanat. C. T. facile aliquam rationem inibit, quâ ipsum ad se benigne alliciat, ut ut liberalitate aliquâ maiori quàm antea erga illum uteretur, quod eo libentius & citius Opus susceptum Stellarum Fixarum expediat. Non destituitur ad hoc ingenio & scientia, verum facile ex ipso perspexi, sui (velut de eo etiam antea C. T. scripsit) capitis esse, cui, prout libuerit, proprium imponit pileum; veluti plerumque excellentia ingenia suis etiam nauis obnoxia sunt, qui si corrigi nequeant, ferendi. Existimem ipsum adhuc animum mutaturum, ut ad C. T. breui redeat, nec in Opere inchoato laborem ullum subterfugiat, quo id lucem publicam maturè videre queat.

De Chartopæis C. T. in proximis quibusque meis literis certiores feci, quod eorum nunc nullo egeam; nam quosdam iam dudum nactus sum, qui illud Opus expediant. C. T. nihilominus pro oblatâ clementi voluntate, officiosè gratias ago, uti etiam pro communicatis nouis, quæ accepta mihi fuerunt.

Quantum ad has Regiones attinet; noui nihil scio quod C. T. rescribam. Nam Daniæ & Noruegiæ Status (laus DEO) pacificus & tranquillus est. Omnipotens DEVS gratiam suam porro concedat. Plura C. T. hoc tempore quæ scribam non habeo; si quid tamen interim occurrerit, id C. T. primâ occasione referetur: Hisque C. T. Omnipotentis DEI tutelæ, ut diuturnâ valetudine & pacificâ gubernatione fruatur, commendatam velim. Datum Vraniburgi, 26. Septembris, Anno 1591.

T. Celsit.

Addictiss.

TYCHO BRAHE.

POSTSCRIPTA.

POST QUAM, EX C. T. LITERIS INTELEXI, ROTHMANNVM nondum, vel tanto interlapso tempore, reuersum esse, est cur suspicer ipsum descriptionem meorum Instrumentorum, quam hic studiosè exarauis, vix ad C. T. transmisissè. Idcirco omittere nolui quin Amanuensi meo Germanico præciperem, ut eorum indicationem aliquam (quoad tam citò fieri posset) conscriberet: quam C. T. hisce adiunctam per prædictum puerum acceptura est. Quando aliàs mihi per oportuniùs ocium vacabit, animum induxi, omnia mea Instrumenta Astronomica vberiùs & accuratiùs vnâ cum fabrica eorum ac vsu explanare. Interim C. T. breuem hanc consignationem clementer acceptet. Datum vti supra.

Ein zusammen gefasste Beschreibung / welche kürz-
lich inhelt / was für Astronomische Instrumenten der Edel vnd
Wolgeborne TYCHO BRAHE hat
anrichten lassen.

Vnd

Erst von den jenigen / die in dem fürnemsten Haus am Schloß
Vraniburg, welchs hernacher delinirt wirdt /
gefunden werden.

Anfenglich aber von den Instrumenten, die in dem Thurm oder Ob-
seruatorio gegen Süden / welchs mit litera O gezeich-
net ist / seyndt gemeinlich disponirt.

I.

Ein halber Circul / welches Diameter sechs Cubitos lang ist. Hat sein Per-
pendiculum & Regulam in extremitate Diametri, in initio circumferen-
tiae applicatam. Ist vberall in 90. Gradus geteilt / Also / daß 45. gleich oben
im mitten des arcus sub perpendicularem fallen. Istq; Orichalco obductus,
& insitit Horizonti azimuthali, è solido constanti ferro, atq; in Dimetiente
habenti 4. cubitos, quem 5. columnæ cum suis cochleis ferreis (quas Peren-
nes vocant) quibus totum Instrumentum in æquilibrium Horizontis dirigi-
tur, sustinent. Dieser Semicirculus kan allenthalben mit seinem Manubrio
umbgetrieben werden. Hat an einer seiten starke Eyserne Stangen pro su-
stentaculis, damit es seinen standt in plano circuli verticalis behalte. Vnd ste-
hen oben darauff ornatus causâ Geometria & Arithmetica, porrigentes
Astronomiæ sublimiùs stanti auxiliatrices manus, hæc numeris, illa Trian-
gulis; sculptilibus omnes tres a stabrè expressæ imaginibus.

II.

Ein Sextans Astronomicus, cuius arcus Orichalco obductus, hat an der
einen seiten neben dem principal Centro Cylindrico, noch ein ander desglei-
chen / & huic in arcu correspondentem locum, cui (quoties necessitas postu-
lat) pinnacidium imponitur ad obseruandum minimas distantias, quæ alio-
qui obseruatu essent difficiles. Const hat dieser Sextans auch seine andern Pin-
nacidia, in Radij & Regulæ terminis. Hoc Instrumento capiuntur exquisitè
tam Distantiæ quàm Alitudines Stellarum intra 60. Gradus, diuersimodè ta-
men illud applicando.

III.

Ein Quadrans, qui tota sua superficie à centro ad circumferentiam è
solido constat Orichalco. Begreiff in seinem radio 1½. cubitos, vnd hat neben
seiner

EE 2

seiner

seiner gewöhnlichen Diuision noch andere besondere Auftheilung. Dargu innerhalb dem Horizont (welcher Stalen ist/ vnd im Dimetiente berynne drey cubitos gibt) ein Pulpitum, da man auffstehend den Quadranten nach seinem Perpendicular richten/ vnd zum obseruiren wenden vnd tractiren kan.

III.

REGVLA PTOLEMAICA. Orichalco omnibus suis partibus vestita, in quibus duorum Angulum quassitum ambientium laterum quodlibet 4. cubitos continet: Diuisionq; Hypothenusa, Tabula sinuum sex Cyphas pro sinu toto comprehendenti, omnimodè satisfacit. Haben ant Fuß des absteigenden lateris ire Schrauben/ womit das Perpendicular (welchs im selbigen latere herab hengt) vnd also das ganze Instrument rectificirt kan werden/ inclusio thecæ perpendiculi filo, ne vento quocunq; flante dimoueat.

V.

Noch ein ander Instrument, pro Distantijs, die nicht vber 30. Grad seynd/ per vnicum Obseruatorem capiendis. Sein arcus ist von Kupffer/ vnd ist in Noua Stella am meisten gebraucht worden/ hat 4. cubitos à centro ad circumferentiam.

VI.

Ferner ein Quadrant, mit seinem Horizonte, Regul, Schrauben/ vnd allem/ von starkem guten Messing/ ganz gemacht. Diesen kan man von einander legen/ vnd widerumb zusammen setzen/ vnd mit sich führen wo man wil. Begreiff in radio, à centro ad circumferentiam schier anderthalb cubitos, vnd in Dimetiente Horizontis etwas darüber.

VII.

Es seyndt auch allda Armillæ Zodiacales verhanden/ deren Circuli auß ganzem Kupffer gegossen vnd darnach gedrehet seyndt/ haben berynne 3. cubitos in Diametro, also/ daß die Gradus ire singula Minuta per puncta transversalia comprehendiren können. Aber dis Instrument ist antiquirt, dan die Armillæ suo pondere sich all zu viel aggrauiren, daß man nicht exacte, wie mit den andern Armillis æquatorijs, damit obseruiren kan.

By diesem Obseruatorio ist ein groß Horologium, welchs die Stunden Minuten vnd Secunden zeigt/ vnd das paucis exceptis durch einige rotam Orichalicam, welche zwey Cubitos in Diametro hat/ vnd in 1200. Zehne gar fleißig außgeteilt. Hat auch darneben zwey ander kleinere Horologia, die desgleichen Horas, Minuta vnd Secunda zeigen.

Atq; hæc præmemorata Instrumenta habent suum proprium Obseruatorium in Arce supra Musæum, versus Austrum, sic, vt ex hoc loco, in quamcunq;

tung; Hemispherij partem libuerit, explicatis rectis obseruatio institui possit. Vnd stehet gegen Osten/ gleichfalls auch gegen Westen / bey diesem Obseruatorio, ein Sultentaculum mit einem Globo, da man die Sextantes zum obseruiren aufflegt/ ein jedes auff seinem besondern aufgebaweten Altaan.

VIII.

Gegen Süden aber/ neben diesem Obseruatorio, ist noch ein ander fleisches/ darin allein ein Instrumentum Armillarum æquatoriarum, mit Messing ganz vberzogen/ stehet. Der Meridian, darin die andern Armillæ umblausen/ ist von Stael/ vnd hat im Diametro beynähe 4. cubitos. Sein Fuß/ der das ganze Instrument treget/ vnd durch 4. Schrauben recht ordinirt, ist von gangem harten Eysen fleissig vnd hübsch gemacht. Vnd allhie kan man auch das Dach auffschlahen/ zu welchem ort man wil/ vmb die Obseruation zu instituiren.

Folget nu von den Instrumenten, die im andern grossen Obseruatorio, litera R notirt, auffm Schlosse gegen Norden stehen.

IX.

Erstlich/ Regulæ trilateræ, wovon die zwey latera an einander gefast seyndt / Also/ daß sie auffm vndersten latere (welches sich inen beyden in der größe vergleicht/ vnd 82. cubitos lang ist) im auff vnd niederziehen sich biegen. Das vnderste ligt allzeit in Horizontis æquilibrio, mouirt sich herum in Circulo Azimuthali, vnd respondirt auch mit seiner Aufsteilung/ Tabulæ sinuum, sex Cyphas totaliter habenti. Seyndt mit Messing allenthalben bekleidet/ neben den arcubuss da sich die zwey latera an auffziehen/ vnd inen festen stande halten. Darneben ist der Horizon, welcher auff einer festen vnd runden Mauer ligt/ auch von Messing/ vnd hat im Diametro bey 12. cubitos. Dis Instrument hat auch seine sonderliche Schrauben/ womit es ad examen perpendiculari gerichtet wirdt/ & iuxta Obseruatoris oculum ein lang auffstehendes perpendiculare fulcrum, worüber ein Gewicht hengt/ welches die zwey auff vnd niedergehende latera empor helt/ damit das absteigende latus, auff der Zahl/ die es inter obseruandum, in tertio & iacentelatore zeigt/ vnerrückt bleibe. Ad sapediætorum duorum laterum iuncturam, affixum est Pinnaculum vnum, & alterum ad Obseruantis oculum infra, rimulas habens superiori parallelas.

X.

Ein halber Sextans, habet duos diuersos arcus magnitudine æquales, quorum vtriq; suum proprium respondet centrum Cylindricum. Ist auß

zweyen gleichen Circulis gemacht/ vnd ein jeder arcus in 15. Grad geteilt: Sie; vt primus Gradus in vno arcu, & primus Gradus in altero arcu dicta centra parallelè respiciant. Diese Centra stehen geraum einen Cubitum weit von einander/ vnd ebenso weit auch die initia Diuisionum in dictis arcubus. Hac interstitia æquiparant quasi quartam partem magnitudinis semidiametri Circulorum, ex quibus hoc Instrumentum suam habet mensurationem. Ligt auffin Fusse/ auff solche weise gemacht/ das mans in omnia plana versus Stellas dirigiren kan. Sein vslus ist pro minoribus Stellarum intercapedinibus, welche durch die andern Sextantes, vbi etiam duobus Obseruatoribus opus est, nicht also gemeinlich können genommen werden. Dieses Instruments lenge ist $3\frac{1}{2}$. cubitorum.

XI.

Ein Chalybeum Instrumentum in 60. Gradus geteilt. Ligt auff etlichen ganzen vnd halben Circulis, dadurch es auch in omnes cœli partes kan commodè dirigirt werden. Hiemit werden Stellarum Distantiæ per vnicum Obseruatorem abgemessen.

XII.

Noch ein stælen Sextans bifurcatus, cuius longitudo est 4. cubitorum. Hat zwey verschiedene Pinnacidia extra centrum, quibus oculi admoventur: & duo in arcu, ad quæ radij visuales diriguntur; satisq; præcisè distantias, licet aliquanto maiori negotio, rimatur.

XIII.

Des hochberühmten NICOLAI COPERNICI Parallaticæ Regulæ von Holze/ woran die theilung mit Rißen durch Dinten schwarz gemacht/ verzeichnet sthet/ welches COPERNICVS mit seiner Handt selber gemacht vnd gebraucht hat. Sunt TYCHONI Varmiâ ex Prussia dono missæ. Latera huius Instrumenti æqualia seyndt ein jedes 4. cubitos lang. Dieses Instrument hat TYCHO mehr vmb des hochloblichen COPERNICI willen/ memorizanti artificis causâ, in Ehren/ als das es nützlich sey/ oder in einige Obseruation rechtmessig zu gebrauchen. Vnd wie groß er das halte/ zeigt das Carmen, das er darbey gestellt hat/ welches in der Lateinischen Explication folgen soll.

Diese bißher à numero I X. erzehlte Instrumenta stehen gegen Norden im Obseruatorio, da man das Dach auch allenthalben kan auffschlagen vnd aufsehen/ da es von nöten thut. Außerhalb diesem Obseruatorio stehen/ wie oben/ auch zwey Columnæ oder Fulcimenta, mit iren oben einverfaßten Globis, da man die Sextantes zum obseruiren aufflegt/ eines gegen Osten/ vnd das ander gegen Westen/ ein jedes für sich besonder auff einem außgehaueten Altaar/ mit Gallereyen vmbgezogen.

Adhuc

XIIII.

Adhuc alia Armilla æquatoria. Seyndt mit den obgedachten beynähe in einer größe / mit Messinge überzogen / vnd der Meridianus von Eysen. Stehen in einem besondern kleinen Obseruatorio litera S signirt, gegen Norden / auff daß man dadurch obseruiren könne / was man durch die erstgemeldete / die im kleinen Obseruatorio gegen Süden litera N notirt stehen / vmb des Hauses willen / in plaga coeli Septentrionali nicht sehen kan.

XV.

Noch ist ein anderer von Messing ganz gegossener Quadrans, in einer vnderen Kammer des Hauses / gegen Südwest / an die Mauer mit starken Eysern Schrauben fast gemacht / gerade in plano Meridiei gestellt / vnd hat in einem Loche / welches gegen Süden durch die Mauer geht / im Centro ein Cylindrum Orichalcicum deauratum, cuius beneficio umbra Solis, vel radij Stellarum, in binis pinnacidijs hincinde in ipsa Quadrantis circumferentia mobilibus, excipiuntur, & altitudines siderum in hac eadem circumferentia subtiliter discernuntur; habet enim quilibet Gradus non saltem singula Minuta discriminatim per puncta transversalia distributa; sed etiam quodlibet Minutum in sex partes, siue dena secunda eadem ratione subdiuiditur. Dan der Quadrant ist an sich selbst gar groß / vnd hat à centro ad circumferentiam fünffthalbe cubitos. Innerhalb diesem Quadrant in spacio vacuo ist des TYCHONIS Effigies an ein Taffel abgemalt / so groß als er ist / sitzt vnd lehnet sich an einen Tisch / vnd weist mit die eine Handt zu dem Loche in die Mauer hinauff / da die Obseruationes durch diesen Quadranten geschehen. Sonst ist auch daselbst ein archytectonisch Gemäl angezeigt / darin in diuersis conignationibus viel von den andern seinen Instrumentis abgezeichnet / vnd die Studenten darbey / wie sie damit zu obseruiren pflegen. Darneben auch ein Studorium, da etliche beym Tische sitzen / als wan sie studirten vnd calculirten. Es ist auch sein Laboratorium Pyronomicum darunter / doch mit etlichen Fornacibus, vnd die jenigen / die darauff warten / verzeichnet. Dis alles ist also arte pictoria in minori forma representirt, als wan es von obgedachtem grossen Effigie weit abstände / wiewol es alles in einem plano ist. Zu vnderst ligt einer von seinen Schießhunden bey seinen Füßen auch abgemalt / so groß als er war / non tam nobilitatis, quam sagacis ingenij Symbolum. Vnd ist beyde die Effigies vnd alles ander Gemäl in area huius Quadrantis nur ornatus causa, vnd daß das Spacium nicht ledig stünde / gemacht.

XVI.

Im Musæo, da die Studenten des Tages ihre Operationes haben / vnd des TYCHONIS Bibliotheca gefunden wirdt / welches ist in media conignatione.

tione des runden Turriculæ, gegen Süden/ stehet ein grösser Globus, der ale
lenthalben mit gutem dicken Messing vberzogen ist/ so fleissig/ als wan er von
einem stück gegossen were/ vnd ist durchauß iust runde/ Auch ein jeder Grad/
beyde im æquatore vnd Ecliptica per puncta transversalia in singula sexaginta
Minuta geteilt. Danner hat in seinem Diametro 6. pedes, vnd der Meridian,
darin er vmbleufft/ ist von hartem Stael/ woran auch alle Gradus in singula
Minuta subdiuidirt seynde. Der Horizon ist mit Messing oben ein Span
breit gekleidet/ vnd hat seine Gradus Azimuthales. Vnd der Fuß/ welcher
bey 5. Schuh hoch/ ist mit zierlichen Eysen transversim wol verbunden/ also/
daß er den Globum stetig vnd fast zu tragen vermag. Stehen auch daran als
lerley artifices Mathematici künstlich gemallet.

Was auff diesem Globo außwendig an dem Horizonte mit guldnen
Buchstaben Lateinisch geschriben stehet/ wirdt man finden bey
der nachfolgenden Lateinische Version.

Es werden auch in demselbigen Musæo sonst andere Globi, groß vnd klein/
sechs oder acht numero gefunden/ partim coelestes, partim terrestres, vnd sonst
allerley andere kleine Organa Astronomica vnd Automata. Auch herum b
an der Wandt zwischen den Fenstern seynde in Taffeln angemacht/ præstan-
tium aliquot Astronomorum Effigies, als nemlich: HYPARCHI, PTO-
LEMÆI, ALBATEGNII, & NICOLAI COPERNICI. Additur etiam
Illustrissimi Principis, Domini VVILHELMI, Landgrauij Hassiæ, &c.
Darzu auch des berühmten Poëtæ Buchananii, & septem Philosophorum Ita-
licorum, qui ante annos circiter centenos vixerunt. Vnd sonst werden viel
andere dergleichen in demselbigen Musæo, von Philosophischen vnd Astrono-
mischen Sachen gefunden/ welche all zu lang wer zu erzehlen.

Von den Instrumenten, so außserhalb dem Schloß in Cryptis subterraneis ordinirt seyn.

Außserhalb dem Schlosse gegen Süden/ bey 70. Schritt von dem Wale
te/ hat der TYCHO ein besondern Sternhaus in einem Colle, durch etliche
Cryptas, welche alle von vnden bis oben gemawert seynde/ machen lassen/ daß
sich nicht wol in plano representiren lest/ jedoch so viel möglich/ in nachfol-
gende Figur für Augen gestalt/ welche abgezeichnet ist/ wie es sich außwendig
lest ansehen/ wan man im mitten/ als bey dem Buchstaben B stünde.

Erstlich bey dem A ist fornen gegen Norden/ ein Portal von gehawenem
Stein/ von welchem ein gemawerte Trepp hinab gehet. Ober diesem Portal
sichen drey außgehawene gekrönte Löwen/ vnd hat der mittellste ein Hierogly-
phisch Scepter zu tragen/ worin oben zwey gegen ein ander vmbgeferte Trian-
gul

gul in zweyen Circulis orthogonaliter verfasst seynde. Vnd ist darunter ein Hemistychion, welches in nachfolgender Lateinischer Auflegung gesetzt ist.

Da man die Treppen hinieder gehet / stehen gegen vber etliche Versus im schwarzen Luszstein mit guldnen Buchstaben verzeichnet / sollen auch vnder im Lateinischen gesetzt werden.

Hinden auff der andern Seiten des Portals / vberm Buchstaben A, stehet ein ander grosser vierlandtiger Luszstein / auff welchem auch etliche wort in prola mit guldnen Buchstaben verzeichnet / vnd im Lateinischen gleichfalls zu finden seynde.

Wan man nu von der Treppen hinein gehet / vnder das B, kömpt man in ein vierlandtigs Stüblein / welches oben gleich der Erden gewelbet ist. In demselbigen liegen oben vber den Simsen an den vier Wenden / auff jeder Seiten zwey Astronomi abgemalt / vnd stehet vnderm jeden ein Distichon an den Simsen verzeichnet. Wovon die Namen vnd Versus seyn / wirdt infra im Lateinischen referirt.

In diesem subterraneo Hypocausto, auff der Seiten gegen Osten / kan man ein Paneel auffschlagen / vnd dahinden ist ein gemawert vnd gewelbet Bettstet / worin TYCHO bisweilen selbst / wan es inter noctu obseruandum vnklar wirdt / ruhen kan. Wie auch hinder der andern Seiten ein ander grössere Bettstet gleichfalls / ausserhalb der Stuben vorhanden ist / für seine Studenten.

XVII.

Auff der Wester Seiten in der Stuben / stehet ein langer Tisch / dabey man sitzen kan / vnd die Obseruationes annotiren. Hinder diesem Tische an der Wandt vnden an den Simsen hängt ein grosses Instrument, wie ein Semi-circulus, allenthalben verbunden vnd mit Messinge beschlagen / damit man die distantias Stellarum, sie mügen so groß seyn als sie wollen / nemen kan / vnd hat in seinem Diametro sechs cubitos. Wan mans gebrauchen wil / so muß mans auftragen / vnd auff seinen zugehörigen Fuß legen / gleich wie die andern Sextantes.

In dem Nordwester Winckel hangen zwey Uhrwerck bey dem Tisch / welche die Horas, Minuta vnd Secunda aufweisen / Also / daß der die Obseruationes ansehret / dabey sitzen / vnd das Momentum, wan die Obseruatio geschicht / flux anmercken kan. Auff dem einen grössern stehen zu oberst form an in Messing die Carmina aufgestochen / so in der Lateinischen Version sollen gefunden werden.

Hiegegen vber / in dem Nordoster Winckel / stehet ein Eysern Ofen vnderm kleinen Gewelb / also daß er keinen raum einnimpt / auff daß man tempore Obseruationum in diß Stüblein könne einziehen.

Oben vnder dem Gewelbe / da dieselbige Stube mit zugedeckt wirdt / stehet des TYCHONIS neoterica inuentio Hypothesium cœlestium, so groß

als das selbig Getwölbe leiden mag/ abgemahlet. Vnd an dem ore/ da er ligt an die Wandt abcontrafeyet, zeigt er mit der einen Handt da hinauff/ vnd hat zwischen den zweyen Fingern einen gemalten Zettel/darauff geschriben stehen: QUID SI SIC? Als wolte er zu den andern vorigen vnd vmblickenden Astronomos sagen: Was dünckt euch davon?

Auß diesem Stüblein gehet man allenthalben in die andern Cryptas, da die Instrumenta stehen/ durch besondere Thüren.

XVIII.

Mitten für gegen Süden/ gehet man in die größte Cryptam, welche mit C verzeichnet ist/ darin ein grosses Instrumentum Armillare verhanden/ welches mit einer Armilla, die iuxta Polorum mundi Axin umbläufft/ alle Declinationes Syderum am Hümel/ wo sie seyn/ leichtlich nemen kan: Vnd auch ein ander halber Circulus, der den æquatorem repræsentirt, welcher auff 3. Steinern Seulen/ mit Eysernen Schraubstecken oben verfast/ secundum æquinoctialis planum, befestiget ligt/ wodurch man die Distantias æquatorias gar leichtlich vnd fleissig nemen kan/ vnd auch die tempora æquatoria distantie Syderum à Meridiano sehr iust erfahren/ dadurch die Momenta Observationum gar fleissig gefunden werden/ vnd die Horologia, so offte es von nöten thut/corrigirt. Diese halbe Armilla æquatoria hat in irem Diametro bey 9. cubitos, vnd die vorgemeldte ganze Armilla Declinationum begreiffet in Diametro 7. cubitos, daß man also zwischen den mobilem circulum & fixum semicirculum kan gemachlich hingehen/ vnd seyndt alle beyde allenthalben mit gutem Messinge vberzogen vnd wol verwaret. Der Axis, dabey die ganze Armilla umbläufft/ ist von hartem Eysen/ doch inwendig hoel/ daß er sich nicht suo pondere inclinire, vnd ist wol bey drey Finger dick/ ganz fleissig teres gemacht/ auff daß er auff allen Seiten sey wie ein Gnomon, darbey die Distantie æquatorie paralleliter per appropriata pinnacidia in fixo semicirculo mota, können iust abgenommen werden. Hat auch ein Cylindrum in medio eiusdem crassitie, bey welchem man gleichfalls die Declinationes in circulo volubili integra Armilla abmisset. Darneben seyndt zweyerley Treppen gemauert/ dadurch man beyde zu der ganzen vnd halben Armillen auff vnd absteigt/ darnach es in der obseruandum von nöten thut. Das vnderste Ende vom Axi der runden Armillen, läufft vmb auff einer stalen vierkanten Platte/ welche mit Schrauben versorget/ auff daß mans rechtmessig regiren könne/ vnd daß auffm langen vnd grossen Gottländischen Steine/ der wol bey zwey Ellen in die Erde/ auff ein fest steinern Fundament, gesetzet ist/ vnd bey zwey Ellen vber der Erden aufstehet/ worin Atlantis Regis Mauritanie Gleichnuß künstlich außgehawen ist/ als wan er den Himmel hälffe tragen. Das ander Ende des Axis gegen Norden/ läuffet vmb in einem grossen gespaltenen Eysen

Eysen/ oben auch mit Schrauben verwaret/ welches an zwey grosse vnd hohe runde steinerne Seulen / von harten Felsen gemacht/ gefestet ist. Vnd stehet alles an diesem Instrument so fest / das mans mit grosser stärke vnd gewalt nicht verrücken kan / wan man schon gerne wolte. Darumb / wan es ein mal recht gerichtet ist / hat man darnach nichts daran zu rectificiren. So es aber geschehe/ das es durch langheit der zeit einigen mangel kriegte / kan mans balde vnd leichtlich durch die oben vnd vnden zugeordnete Schrauben in seine rechte messigkeit widerumb einrichten.

XIX.

Als man aber von dem Sudoster Angulo des Hypocausti aufgethet in Cryptam F, stehet darin ein Sextans quadricubitalis, womit man die Distantias Stellarum behende nemen kan. Hat sein Fulcrum vnd runden Globum, darauff es in omnes cœli partes geuendet wirdt/ allzeit fest stehen. Diuisiones seyndt per puncta transversalia; vnd pinnacidia mit dem zugehörigen Cylindro ad centrum, werden durch rimulas & lineas parallelas gebraucht.

XX.

Gegen vber in dem Sudwester Winkel/ gehet man in die Cryptam G, darin stehet ein groß Quadratum Geometricum, welches einen Quadranten in sich fasset/ der à centro ad circumferentiam 9. pedes comprehendirt, vnd ist diß Instrument ex solido Chalybe gemacht/ Aber der arcus Quadrantis auff der Seiten/ da die Diuisiones stehen/ ist mit Messing/ durch Schrauben gar fleissig vnd schlecht angemacht/ bekleidet. Vnd ist diß Instrumentum an ein grosse vierkandige Eyserne Seule gefestet / welche perpendiculariter auffsteht/ vnd zu vnderst auff eine harte steinerne Seule gesetzt (die tieff in die Erden stabilitatis gratia vergraben ist / vnd oben mit zugehörigen Eysen vnd Schrauben versorget/ damit das ganze Instrument, wan es von nöten thut/ kan rectificirt werden/ welchs doch nicht viel nötig ist/ wan es ein mal recht stehet) Zu oberst aber gehet dieselbe Eysern Stange in ein runde Loch/ welchs in concursu zweyer grossen langen Eysern Stangen/ die orthogonaliter vber einander gehen/ vnd oben an die Mauer gefestet seyndt/ gemacht ist. Es hat auch diß Instrument seinen Circulum Azimuthalem, welcher auff der Mauer runde vmb/ zu innerst/ quasi in media parte ligt/ alles mit Messing vberzogen/ vnd hat im Diametro bey 9. cubitos, Also/ das man zwischen den Horizontem Azimuthalem, vnd dem Instrument gehen kan/ wans von nöten thut. Diese Crypta hat auch ire gemawerte Treppen/ da man zu den Quadranten inter obseruandum auff vnd nider steigen kan/ prout altitudines demetiendæ requirunt / vnd oben ein Dach/ das man beyde vmbdrehen vnd auffschlagen kan/ mit seinen zugehörigen Löchern / nach dem es die Obseruationes erfordern. Durch diesem Instrument, das groß vnd ganz Metallicum ist / vnd wol ver-

Ff 2

festiget/

festiget/ kan man gar fleissig die Altitudines Syderum, auch intra sextam partem vnius Minuti, seu dena secunda, abmessen.

XXI.

Hernacher / als man in das Hypocaustum von der ersten Treppen wil eingehen/ kömpt man auff die Seite in die Crypam G, worin noch ein ander Quadrant mit Messing beschlagen / vnd allenthalben wol verwaret/ auff einer steinern Seulen / vnd oben vnd vnden gleichfalls in Eysen vnd Schrauben verfast / vmbbläufft / vnd hat à centro ad circumferentiam 4. cubitos. Mit welchem die Altitudines Solis & Stellarum, intra quartam partem Minuti, auch gariust abzumessen seynde/ vnd mit dem erstgemeldten Chalybeo zu conferiren. Hat auch oben an der runden Mauer einen Circulum Horizontalem, mit Messing belegt/ darauff die Azimutha gezeichnet stehen/ welches Diameter ist ferre 6. cubitorum. Diese Crypta hat auch zu vnderst ire Treppen / da man nach dem Quadranten, darnach es die notturfft erfordert / auff vnd nieder steigen kan / vnd oben sein Dach beyde vmbzudrehen vnd auffzuschlagen/ wie das vorige.

XXII.

Auff der andern Seiten gegen vber/ versus Occasum, gehet man in die Cryptam D, darin stehet auff vier kurze steinern Seulen ein instrumentum Armillarum Hypparchicarum & Ptolemaicarum, die den Zodiacum haben/ dadurch Longitudines & Latitudines Stellarum, on einige Supputation, vnd eademq; opera, können genommen werden / vnd darumb von dem TYCHONE Armillæ Zodiacales genandt. Es seynde aber diese Armillæ mit einem besondern Compendio also gemacht / das sie nicht so viel Circulos bedürffen / wie Hypparchus vnd Ptolemæus gebraucht haben / vnd seynde so starck vnd steiff componirt, das sie sich selbst wol in irem gebürlichen Positu tragen mügen/ vnd nit von irem rechten plano distrahit werden. Der Meridianus, darin sie vmbzulauffen / ist ex solido Chalybe, vnd der ganze Fuß / der sie treget / von Eysen gemacht. Vnd haben diese Armillæ im Diametro beynähe tres cubitos, vnd seynde auffm Messing/ da sie mit inducirt, in singula Minuta per puncta transuersalia subdiuidirt. Haben auch ire zugehörige Planacidia vnd Cyndrum in medio, wie an den andern Armillen, vnd vier starcke Schrauben vnden am Fuß/ dadurch sie mügen gerichtet werden/ so es von nöten thut.

XXIII.

Als man zu diesen jetztberührten Armillen wil eingehen/ henge auff der Seiten in einem besondern Repositorio, in der Mauer darzu gemacht / noch ein ander Sextans, der vier cubitos à centro ad circumferentiam hat / vnd ist allenthalben/ per omnes suas partes, mit Messinge bekleidet/ vnd an besondern orten:

orten also mit coehleis versorgt / daß man in von einander legen / vnd iust, wie vor / wider zusammen setzen kan / wan man in an einen andern ort wolte hinführen. Hat seine Pinnacidia vnd Diuisiones den andern gleichmessig.

XXIIII.

Vnd diß seynde die fürnehmsten Instrumenta Astronomica, welche im Obseruatorio subterraneo gefunden werden: Jedoch ist noch außserhalb dieses ein Armilla portabilis, welche bey drey cubitos im Diametro hat / auch mit Messing beschlagen / & in singula Minuta subdiuidirt. Diese treget man hinaus / vnd legt sie an die steinerne Pfeiler gegen Ost oder Westen / durch die lateras H vnd I gezeichnet. Womit auch die Declinationes Syderum abzumessen / besondern wan sie nahe bey dem Horizont seynde / vnd man mit den andern grossen Armillis Declinationum nicht wol darzu kommen kan.

Regulae Ptolemaicae, deren oben sub numero IIII. gedacht ist / haben an diesen jetztberührten Pfeilern auch ihren gerichteten stand / also daß man sie hie bey dem Sternhause gebrauchen kan / wans also den Obseruatoribus geliebt. Dan diese beyde Columnae Lapideae, die in arcibus areae versus Ortum & Occasum stehen / sind oben vnd vnden / auff beyde seiten / mit Eysen vnd Schrauben also versorgt / daß man beyde die Regulas, vnd diese kleine Armillam daran einrichten vnd gebrauchen kan / nach dem es gefelle.

XXV.

Es ist auch allda ein Radius Astronomicus, von Messing gemacht / verhanden / da der lengste Stab bey drey Ellen lang ist.

XXVI.

Darneben ein Annulus Astronomicus, von einem Messing / welcher in Diametro einen cubitum hat.

XXVII.

Auch ein kleiner Messings Quadrant, allenthalben vbergülDET / der à centro ad circumferentiam einen cubitum inhelt / vnd sich auff dem Eysern Fusse reuoluit.

XXVIII.

Darneben ein klein Astrolabium, von Messing / vnd was sonst von zusammengeordnete medijs pro excipiendis radijs & umbris, vnd andern dergleichen mehr / verhanden ist.

Daß also im selbigen Obseruatorio subterraneo bey XII. besondere Instrumenta Astronomica gefunden werden / zu allerley Obseruationes gar fleissig gebrauchlich.

Vnden bey der Thür zwischen der Treppen A, & Cryptam E, ist ein gewelbter Gang vnder der Erden angefangen / durch welchen man auß dem

Laboratorio Pyronomico, welches auch vnder der Erden in grossen Hause auffm Schlosse ist / möchte in dis subterraneum Observatorium vnder der Erden auß vnd eingehen / also / daß man des Nachts bey Winterzeiten / die Pforten an den Wallen nicht dürffte auffschliessen.

In der mitte vndiesen Cryptis, ist das Gewelbe des vndern Stäbleins mit Klinkere vnd Cement wol verwaret / vnd hat an vier orten nahe bey dem Erdrich seine Fenster / da der Tag einkömpt. Ist sonst allenthalben mit Erden bedeckt / vnd mit grünem Grase bewachsen / daß es scheint / wie ein kleiner Collis, worauff zu oberst ein von Messing gegossenes Mercurij Bildt (welches nach einer Romanischen Antiquitet, vberaus wol gemacht / daß man desgleichen kaum finden solte) stehen pflegte / vnd bißweilen / wan man wolte / durch ein Mechanisch Automatum vnder gemachte / gemächlich vmbgehen. Ist bey einer Ellen vngesehr hoch gewesen. Aber der Tichon hat es dem Durchleuchtigsten Fürsten / Herzog HENRICO IVLIO von Braunschweig / als derselbig in allhie auff Vraniburg besuchte / auff sein begeren / diuweyl jme das Bildt so wol gefallen / geschenkt.

Vnd dis ist ein kurze Verzeichnuß von des Edlen vnd Wolgebornen TICHONIS BRAHE fürnembsen Astronomischen Instrumenten, beyde / Welche oben auffm Schlosse Vraniburg, auch draussen in Cryptis subterraneis stehen. Seyndt zusammen bey XXVIII. Welche grosse vnd langwierige Arbeit vnd fleiß / vnd etliche Tausend Thalerexpensas, mehr dan zu glauben ist / jme gekostet haben.

Aber diese alle mußt vnd insonderheit zubeschreiben / daß man eigentlich jre Compositionem vnd Vsum verstehen möchte / ist nicht wol möglich / sondern dasselb muß per ocularem experientiam & tractationem manulem geschehen / von den jenigen / die darauff einigen rechten Verstand haben / vnd lust vnd Liebe darzu tragen / deren man doch / auch vnder denen / die sich für Astronomos aufgeben / zu vnser zeit (leider) wenig findet. Vnd so man sie alle oder ein jeders insonderheit eigendilich per omnes circumstantias beschreiben solte / so wolte darzu ein besonders / auch nicht geringe Buch / gehören / welches auch alle Instrumenta vnd ein jedes für sich per inuentionem, fabricam, & vsum explarirt, vnd jre Iconas gleichförmig abgezeichnet für Augen stellet. Welchen Laborem der Tichon selbst / wan er von andern Geschefften weyl hat / am besten ins Werck stellen kan vnd vermag.

Was die Figuren belangen thut / des fürnembsen Hauses am Schlos / auch der sonderlichen Crypten daraussen / werden hernacher zulezt in die Lateinische Explication für Augen gestellet / vnd werden dorte / was

Lateinische Vers vnd Schrifften allhie vnder
lassen / gnugsam angezeigt.

Sequitur vnd folget sekunder Latina Explicatio.

SINE

SYNOPSIS

INSTRUMENTORVM ASTRONOMI-
CORVM, QVAE HINC INDE IN INSULA

HV ANNA disponi curauit

TYCHO BRAHE DANVS.

ET

*Primò eorum, quae in subsequente Arcis Vraniburgicae
Ichnographia, littera O signato Observatorio,
versus Austrum ut plurimum lo-
cata, conspiciuntur.*

I.

SEMICIRCVLVS, CUIVS DIAMETER SEX CVBITORVM EST IN
Longitudine. Perpendicularum & Regulam habet in extremitate Diami-
tri, ad initium circumferentiae, applicatam. Diuisus vndiq; est in 90. Gradus,
ita vt 45. directè superius in medium Arcus sub perpendicularem incidant.
Estq; Orichalco obductus, & insitit Horizonti Azimuthali è solido constanti
ferro, atq; in Dimetiente habenti 4. cubitos, quem 5. Columnae cum suis coch-
leis ferreis (quas perennes vocant) quibus totum Instrumentum in aequili-
brium Horizontis dirigitur, sustinent. Hic Semicirculus vndiquaq; suo Ma-
nubrio circumagi potest. Munitus est ab altero latere firmis & ferreis vecti-
bus tanquam sustentaculis, vt positum suum in plano circuli verticalis vbiq;
conseruet. Insistunt ei supernè, ornatus causâ, Geometria & Arithmetica,
porrigentes Astronomiae adhuc sublimius dispositae auxiliatrices manus; haec
numeris, illa Triangulis; sculptilibus omnes tres affabre expressae imaginib^{us}.

II.

Sextans Astronomicus, cuius arcus Orichalco obductus, habet ab altera
parte iuxta principale centrum Cylindricum, aliud eidem simile, & huic in
arcu correspondentem locum, cui (quoties necessitas postulat) pinnaci-
dium imponitur ad obseruandum minores distantias. quae alioqui captu essent
difficiles. Præterea etiam continet hic ipse Sextans alia sua propria pinnaci-
dia in Radij & Regulæ terminis. Hoc Instrumento capiuntur exquisitè tam
Distantiae, quam Altitudines Stellarum intra 60. Gradus, diuersimodè illud
applicando. Est autem sufficiente magnitudine prædictum, utpote quod à cen-
tro ad circumferentiam 4. cubitos continet, & per puncta transuersalia diui-
sionem tam subtilem exhibet, vt intra dimidium minutum animaduersio rata
per hoc fieri queat.

Quæ

III.

Quadrans, qui tota sua superficie à centro ad circumferentiam è solido constat Orichalco. Complectitur in Radio $1\frac{1}{2}$. cubitos, habetq; præter vltimam Diuisionem, alias etiam binas peculiare Distributiones. Intrà quoq; Horizontem (qui Chalybeus est, atq; in Dimetiente circiter 3. cubitos occupat) pedale habet, cui insistere licet, vt Quadrans ad Perpendicularum suum dirigi Observationibusq; accommodari possit.

III.

Regula Ptolemaica Orichalco omnibus suis partibus vestita, in quibus duorum Angulum quadratum ambientium laterum quodlibet 4. cubitos continet: Diuisioq; Hypothenusæ Tabulæ sinuum sex Cyphas pro sinu toto comprehendenti, omnimodè satisfacit. Habent ad Basin erecti lateris cochleas suas, quibus ad perpendicularum (quod ab hoc ipso latere dependet) totum Instrumentum rectificari potest: incluso thecæ perpendiculari filo, ne vento quocunq; flante dimoueat.

V.

Aliud item Instrumentum pro Distantijs, quæ 30. Gradus non excedunt, per vnicum Observatorem capiendis. Arcus huius ex ære est, & usurpabatur quàm maximè in Nouâ Stellâ; habetq; illud 4. cubitos à centro ad circumferentiam. Sed iam antiquatum est.

VI.

Porro Quadrans cum suo Horizonte, Regulis, Cochleis, quæ omnia ex solido facta sunt Orichalco. Hic disiungi vicissimq; coniungi potest; & quocunq; libeat, transferri. Comprehendit in Radio à Centro ad circumferentiam $1\frac{1}{2}$. cubitos, & in Dimetiente Horizontis paulò vlti.

VII.

Ibidem quoq; Armillæ Zodiacales conspiciuntur, quarum circuli ex solido ære fusi tornatiq; sunt. Cubitos ferè 3. continent in Diametro, aded vt Gradus singula sua Minuta per puncta transversalia comprehendant. Verùm Instrumentum hoc citra vsum est. Nam istæ Armillæ nimium se suo pondere aggrauant; ita vt non tam exactè per has, quàm aliàs æquatorias aut Zodiacales Armillas obseruetur.

Cernitur insuper iuxta Observatorium hoc, magnum Horologium Orichalcicum, quod Horas, Minuta, & Secunda notat, idq; paucis exceptis, per vnicam rotam; quæ cubitos 2. in Diametro habet, ac in 1200. denticulos diligenter diuisa est. Proximè huic duo alia minora Horologia, quæ Horas, Minuta & Secunda indicant, appensa sunt.

Atq;

Atq; hæc prænominata Instrumenta habent suum proprium Obseruatorium in Arce supra Musæum, sic ut ex hoc loco, in quamcunq; Hemispherij partem Australem libuerit, explicatis tectis, obseruatio institui possit. Positum est versus Ortum, vti & versus Occasum, propè hoc Obseruatorium, sustentaculum cum Globo, cui Sextans ad obseruandum imponitur; quodlibet in Altano (vt vocant) peculiariter sibi ad hoc extructo.

VIII.

Versus Meridiem proximè huic Obseruatorio, adhuc aliud spectatur minus, in quo tantum vnicum Instrumentum Armillarum æquatoriarum Orichalco vndiquaq; ritè obductum, collocatum est. Meridianus, in quo Armillæ istæ circumaguntur, prorsus ex Chalybe est; habetq; in Diametro ferè cubitos 4. Fulcrum cui totum Instrumentum innititur, ac quatuor cochleis inferiùs positis dirigitur, ex solido ferro diligenter & affabrè elaboratum est. Et hîc quoq; valvæ superiores aperiri explicariq; possunt, versus quamcunq; libuerit Hemispherij partem, prout Obseruatio requirit.

*Sequuntur Instrumenta, quæ in altero Obseruatorio
magno, litera R notato, in Arce versus
Septentrionem collocata sunt.*

IX.

Primò Regulæ parallacticæ, quarum duo latera sibi inuicem annexa sunt, vtriusq; in inferiori (quod magnitudine vtrumq; æquat, cubitosq; $8\frac{1}{2}$. longum est) alieuando detrahendoq; dirigantur. Inferius verò semper in Horizontis versatur æquilibrio, circumagiturq; in circulo Azimuthali, ac respondet, quoad Diuisionem, Tabulæ sinuum, sex Cyphas totaliter habenti. Orichalco vndiquaq; obductæ sunt, vnâ cum arcibus, in quibus bina illa latera attolluntur ac firmantur. Ad hæc Horizon, qui firmo & rotundo incumbit muro, itidem Orichalco superinductus est, continetq; in Diametro ferè 12. cubitos. Habet etiam hoc Instrumentum suas peculiâres cochleas, quibus ad examen perpendiculi disponatur, & iuxta Obseruatoris oculum, altum erectumq; ad Zenith fulcrum, ex quo perpendiculum dependet, cuius beneficio, bina illa mobilia Regularum latera non solum continentur, nè extra planum diuagari queant, sed etiam attolluntur vel remittuntur intermediente funiculo superiùs rotulæ imposito, vt hac ratione omnia ad planum circuli cuiusuis verticalis disponantur, & Regula inferior atq; cæteris duplo longior, æquilibrium Horizontis, in quodcunq; Azimuth circumuoluta, obseruet, Anguliq; distantia Syderum à Zenith mensuratio, commodè & subtiliter sic institui queat. Ad sæpè dictorum duorum laterum iuncturam, vnum affixum est pin-

Ge.

nacidis

nacidium, & quoddam alterum infra ad obseruantis oculum, rimulas habens superiori parallelas.

X.

Dimidius Sextans habens duos diuersos arcus, magnitudine æquales, quorum utriq; suum proprium respondet centrum Cylindricum. Factus est ex duorum circulorum sibi inuicem æqualium portionibus, diuisiq; sunt singuli arcus in 15. Gradus, sic ut primus Gradus in vno arcu, & primus Gradus alterius dicta centra parallelè respiciant. Hæc centra cubitum longum à se inuicem distant, ut & initia diuisionum in dictis arcubus, interstitiaq; ista æquiparant quasi quartam partem magnitudinis semidiametri circulorum, ex quibus Instrumentum hoc suam habet proportionem. Innititur basi, eo modo extructa, ut in omnia plana versus Stellas dirigi possit. Vsus eius est pro minoribus Syderum interapedinibus, si quando non facillè per alios Sextantes, vbi etiam duobus Obseruatoribus opus est, obtineantur. Huius Instrumenti Longitudo est 4. cubitorum.

XI.

Chalybeum quoddam Instrumentum, cuius arcus in 60. Gradus diuisus est, incumbit circulis quibusdam & semicirculis, quibus quoq; in omnes cæli partes commodè dirigitur. Hoc Stellarum Distantiæ per vnicum Obseruatorem, licet non ita expedite & subtiliter, prout cæteris Sextantibus, accipiuntur.

XII.

Adhæc Sextans bifurcatus Chalybeum habens arcum, cuius Longitudo est 4. cubitorum. Obtinet pinnacidia bina diuersa extra centrum, quibus oculi admoventur, & bina in arcu, ad quæ radij visuales diriguntur, tatisq; præcisè Stellarum Distantias, licet aliquanto maiori negotio, rimatur.

XIII.

Celeberrimi Viri NICOLAI COPERNICI Parallaticæ Regulæ lignæ, quarum Diuisio in lineis atramento signatis, conspicitur. Has COPERNICVS ipse propria sua manu fecisse ac vssurpasse dicitur. Sunt ex Prussiz Fruenburgo, seu potius Cathedrali eius sede VVarmiâ, vbi olim vixit COPERNICVS, à Nobili & Erudito viro D. IOHANNI HANNOVIO, Canonico VVarmiensi, TYCHONI dono missæ. Latera binarum Regularum inuicem æqualium 4. cubitos in Longitudine habent. Hinc tertium ratiocinari licet, ut Angulus compleatur Rectus. Etsi verò hoc Instrumentum nullam vtilitatem in Obseruationibus ritè instituendis præbeat, non saltem quod nunc obsoletum & admodum antiquum sit, verum etiam tum ob materiæ lignæ inconstantiam (quam tamen quodam Ingenio, per alternatim in longum

longum mutatis, eâ quâ creuerunt dispositione, inter conglutinandum asse-
ribus, emendare nixus est COPERNICVS) tum quoq; diuisionis & forami-
num non satis subtilem & convenientem ordinationem, alijsq; de causis, quas
nunc præterire lubet: tamen TYCHONI admodum charum est, atq; obin-
comparabilis illius COPERNICI memoriam, in precio id habet & sacrum
tectum conseruat. Quanti uero id ipsum faciat, subsequentes Versus, quos
eodem die, quo illud nactus est, de eo lusit, attestantur, quiq; in Tabella
prope idem Instrumentum appensâ leguntur.

IN

SVMMI MATHEMATICI NICOLAI COPERNICI

INSTRUMENTVM PARALLATICVM, ALIAS REGVLÆ

PTOLEMAICA dictum; TYCHONIS BRAHE

Hexametrum. Scriptum Die 23. Iulij,

Anno 1584.

*[S, qualem non Terra Virum, per Secula multa
Procreat, Inuidiâ tardans quaq; Optima, qualem
Ipsa sibi vix Astra ferunt, per mille recursus,
Tot Centrisq; Poliq; licet, totq; Orbibus Orbem,
Tam rapido inuoluant cursu, nec lassâ fatiscant:
ILLE Is, qui Cælo genitus, Cœlestia Terris
Progeniuit, sed partu alio, quàm prisca Parentum
Feri veterum soboles, Cælo nec forsitan ipsi
Degeneri, Patriæ proprios sub imagine vultus,
Sed magis atq; magis referente, quod omnis Olympi
Testatur facies, vulgi licet inscia turba
Non videat, quidnam reuolutis congruat Astris:
ILLE G, qui Cælo poterat deducere Solem,
Ac prohibere loco, Terrasq; inuoluere Olympo,
Et Lunam Terris, Mundiq; inuertere Formam,
Ne qua parte tamen, quamuis conuersa, dehiscat,
Sed concinna magis, longeq; minoribus vsa
Subsidijs, moti referat spectacula Cæli:*

GC 2

IELE

*ILLE, inquam, tantos olim COPERNICVS Ausus
 His leuibus Baculis, facili licet arte paratis,
 Aggressus, toti Leges prescribere Olympo,
 Astrag, celsa adeo, vili subducere ligno
 Sustinuit, Superum ingressus Penetralia, nulli
 Quam prope Mortali concessum ab origine Mundi est.
 Quid non Ingenium superat? sunt Montibus olim,
 Incassum Montes congesti; Pelion, Ossa,
 Æthnaq, testantur, simul his glomeratus Olympus,
 Innumeriq, alij, nec dum potuisse Gigantes
 Corpore preualidos, sed Mentis acumine inertes,
 In Superas penetrare Domos: ILLE Inclutus, ILLE
 Viribus Ingenij confusus, robore nullo,
 Fustibus his paruis, celsum superauit Olympum.
 Otanti Monumenta viri! sint lignea quamuis
 His tamen inuideat fuluum (sinosceret) Aurum.*

Hæc quinque inde à numero IX. enumerata Instrumenta, locata sunt in dicto Obseruatorio Septentrionali, cuius vndiquaq; tectum non minus quam in alijs explicare, ac ex eo prospicere datur, prout opus fuerit. Extra verò hoc, sunt etiam (vti suprà) duæ columnæ siue fulcimenta cum supernè comprehensis Globis, quibus Sextantes ad obseruandum imponuntur, alterum versus Orientem, alterum versus Occasum; quodlibet in extructo ad hoc sibi (vti appellant) Altano.

XIII.

Armillæ alteræ æquatoriz eiusdem ferè cum supradietis magnitudinis, Orichalco superinductæ, quarum Meridianus ex ferro est, & positæ sunt in peculiari ac paruo Obseruatorio litera R signato, versus Septentrionem, vt per eas considerare liceat, quod per prædictas (quæ in Obseruatorio minore versus Meridiem litera N notato seruantur) impediende Arce, in coeli Septentrionalis plaga, visui non patet.

XV.

Quadrans quidam magnus ex solido Orichalco fusus & apprimè leuigatus in cubiculo versus Africum conspicitur, muro firmissimis cochleis præcise

cisè in Meridiei plano affixus. Habet in foramine, quod ad Austrum murum transit, pro centro, *Cylindrum* Orichalcicum deauratum, cuius beneficio umbra Solis, vel radij Stellarum, in binis pinnacidijs hinc inde in ipsâ Quadrantis circumferentiâ mobilibus, excipiuntur, quibus Altitudines Syderum in hac eadem circumferentiâ subtiliter discernuntur. Continet autem in eâ quilibet Gradus, non saltem singula Minuta discriminatim per puncta transversalia distributa, sed etiam quodlibet Minutum in sex partes siue dena secunda eâdem ratione subdividitur: Nam Quadrans per se admodum magnus est, occupans à centro ad circumferentiam fermè quinq; cubitos.

Intra hunc Quadrantem, in spacio vacuo, ipsius *Tychonis* Effigies in tabula depicta est, eâ magnitudine, quæ ipsi respondeat. Sedens inclinat se ad mensam, ac altera manu monstrat parietis foramen, per quod Observationes hoc Quadrante fiunt. Ibidem præterea Architectonica quædam designatio visitur, in qua diuersis contignationibus plurima ex alijs ipsius Instrumentis delineata sunt, simulq; Studiosi istis adiunguntur, eâ dispositione depicti, quâ inter observandum conspiciuntur; Vnâq; Studorium, ubi aliquot mensæ appicti assident, ac si studijs suis calculationibusq; occuparentur. Infrâ etiam *Tychonis* Laboratorij Pyronomici designatio subijcitur cum fornacibus aliquot, ac ijs, qui istas curent. Hæc omnia non aliter arte pictoriâ in minori formâ representata sunt, quàm si à prædictâ maiori Effigie admodum remouerentur, licet in eodem plano vicina sint. In fimoloco, pedibus adiacet vnus ex canibus ipsius venaticis, eiusdem prorsus cuius erat magnitudinis; non tam Nobilitatis, quàm Sagacitatis & ingenij Symbolum. Adiunguntur verò tùm Effigies hæc, tùm reliquâ pictura, in area huius Quadrantis, saltem ornatus causâ, & ne spaciū vacuum relinqueretur.

XVI.

In Musæo (ubi *Tychonis* Studiosi interdū Studijs incumbunt, & Operationes Astronomicas exercent, ubi etiam eius Bibliotheca reperitur, idq; in media contignatione rotundæ Turriculæ versus Austrum) *Globus* magnus consistit, qui vndiquaq; selectis & densiusculis Orichalcilaminis obductus est, idq; adeo industriè, ac si ex solido metallo fusus foret; & exquisitâ etiam vndiquaq; constat rotunditate. Quin & singuli Gradus tam in æquatore, quàm in Ecliptica, per puncta transversalia in sexaginta Minuta subdivisi sunt. Habet enim in Diametro 6 pedes. Et Meridianus, in quo gyratur, ex integro Chalybe est, cuius quoq; Gradus vniuersi in singula Minuta distribuuntur. Horizon Orichalco spitamum lato supernè obductus est, habens Gradus suos Azimuthales. Fulcrum verò, quod circiter 5. pedes altum est, affabrè factis ferramentis ritè connectitur, ita vt Globum conuenienter ac firmiter sustinere possit; in quo etiam varij artifices Mathematici inferius ornatus gratiâ depicti conspiciuntur.

Ge 3

Hinc

Huic autem Globo in exteriori Horizontis limbo oculis primum obuiis aureis literis sic circumscriptum est.

ANNO A CHRISTO NATO CLD. IO. XXIV. REGNANTE IN DANIA FRIDERICO SECVNDO, MVNC COELESTI MACHINE CONFORMEM GLOBVM, IN QVO AFFIXA OCTAVA SPHERA SYDERA COELITVS ORGANIS DEPREHENSAS, SVIS QVÆQVE LOCIS ADAMYSSIM REPRESENTARE: EVANTIVMQVE STELLARVM PER HÆC APPARENTIAS PERVESTIGARE DECREVIT: COELO TERRIGENIS, QVI RATIONEM EAM CAPIVNT, MECHANICO OPERE PATEFACTO, TYCHO BRAHE O. F. SIBI ET POSTERIS F. E.

Inueniuntur insuper in hoc Musæo alij Globi magni paruiq; sex vel octo numero, partim cœlestes, partim terrestres; prætereaq; omnis generis minora organa Astronomica & Automata. Parieti quoq; inter fenestras, Tabula appensa sunt, in quibus præstantium aliquot Astronomorum Effigies depictæ cernuntur, utpote HIPPARCHI, PTOLEMAI, ALBATEGNII & NICOLAI COPERNICI. Additur etiam Illustrissimi Principis, Domini VVILHELMII, Landgravi Hassiæ, &c. ob insignem rerum Astronomicarum peritiam, Imago. Quin & Celeberrimi Poætæ BVCHANANI Scoti Icon simul adest, quam Nobilissimus & in literis humanioribus Eruditissimus magniq; nominis vir Dn. PETRVS IVNIVS, Magnificam missus à Rege suo (cuius intimum agit Consiliarium) in Daniâ Legationem obiens, & TYCHONEM Vraniburgi inuisens; dono ei dedit. Hæc adeò appositè BVCHANANVM representat, ut cum ipsemet Serenissimus Scotorum Rex postmodum Anno 1590. in Daniâ præfens Vraniburgum etiam venisset, quamprimum TYCHONIS Musæum ingressus esset, hanc sui olim Præceptoris Imaginem confestim agnouerit, illiq; nutu & digito applauserit.

Ad sunt insuper septem Philosophorum Italicorum, qui ante Annos circiter centenos floruerunt, Effigies vnâ eademq; Tabulâ comprehensæ. Plurima etiam aliâs in hoc Musæo Philosophica Astronomicaq; reperiuntur, quæ prolixum nimis foret hîc recensere.

Exornauit verò TYCHO hoc Studorium multis alijs Elegantibus & Musæo conuenientibus rebus, atq; hinc inde pluribus picturis, tum quoq; Carminibus & scitis Philosophorum dictarijs, quale est illud Platonici in Epinomide, quo doctrinam numerorum & motuum cœlestium vnicam & veram ad discendum, & sapientiam in hac vitâ assequendum, viam esse asseuerat, quod Lapidem Porphyrio aureis literis inscriptum est. Inter alios autem Vertus, quos TYCHO varijs Effigiebus subiunxit, hæc saltem quæ PTOLEMAI & COPERNICI Iconibus subnectuntur hîc annotare libuit.

IN

IN
CL. PTOLEMÆI ALEXAN-
DRINI EFFIGIEM.

Sic Oculos, Faciem, Barbam, sic Membra gerebat,
CLAVDIVSIS, nomen cui PTOLEMÆVS erat.
Ille quidem Illustri Regum de stemmate cretus,
Nilus vbi irriguis prata pererrat, aquis;
Regali tamen hunc non est dignatus honore
Romanus toto Miles in Orbe furens.
Id tulit inuitus patienter, spemq; fouebat,
Se fore quem maior fortè maneret Honos.
Nec frustratus in hoc; quamuis Aegyptia Rura,
Quamuis Niliacas non reparauit Opes.
Quin priuatus adhuc, maius quam Roma gerebat
Imperium, toto maior in Orbe fuit.
Ille etenim Terras, hinc quā calet India, donec
Vltima perpetuo Tyle niuosa gelu est:
Europæ, Lybiæ, atq; Asiæ, latissima Regna,
Cuncta sub exiguo disposuit Calamo.
Sola intacta fuit, nostro quæ cognita Seclo,
America, est Latias quæ neq; passa manus.
Nec contentus adhuc, celsum affectauit Olympum,
Ausus inaccessos exuperare Polos;
Et Cœlum, & toto fulgentia Sydera Cœlo,
Ingenio obtinuit supposuisse suo.
Inunc Roma, tuos de Nilo extolle Triumphos,
Hic satus ad Nilum, te mage Victor erat.
Tu partem Terræ superasti sanguine multo,
Is totam, nullo sanguine, solus habet:
Tu Cœlos non ausa vnquam conscendere; at ille
Subdidit Ingenio Sydera cuncta suo.
Quodq; magis mirum; tua laus & fama sepulta est,
Quæ poteras alios vincere, victa iaces;
Ille perenne manens donec sua Sidera Cœlum
Possidet, æternum Nomen in Orbe geret.

T Y C H O B R A H E F.

Anno Domini 1584.

Kal. Octob.

IN
D. NICOLAI COPERNICI TORONENSIS EFFL-
GIUM, QUAM IPSEMET SUA MANU
è Speculo depinxisse dicitur.

Æ There sublimi Terram comitante Diana
Currere, ne Phœbus postmodò pellat Equos;
Ipse sed in Mundi medio, solioq; quiescens
Regali, hinc iubeat quo modo Olympus eat:
Nil tamen vt Terris habitantibus inde nouetur,
Annus eat paribus, Noxq;, Diesq;, rotis:
Nunc vaga commodius voluantur Sidera in Orbem;
Multus is & vastus nil Epicyclus agat:
Quod stent, quod repedent, tardeq;, citoq; recurrant,
Vnica nam cunctis Terra voluta dabit.
Adde quod innumera octauo splendentia Cœlo
Sidera, composito motu inhibere queat.
Ille, vel inuita tantos COPERNICVS Ausus,
Qui tribuit Terræ, Corpore talis erat.
Cur non Ingenium potius depingitur? inquis;
Parte aliqua Cœlo pingitur Ingenium,
Parte aliqua Terris; quamuis Cœlumq; Solumq;,
Tam magno Ingenio par nec vtrumq; fiet.
At Corpus, dices, spectatur Imagine saltem
Dimidiâ, haud tanto sufficiente Viro?
Scilicet; istotam qui gessit in æthera Terram,
Totam nec hunc totum Terra vel ipsa capit.

ALIUD IN EUNDEM COPERNICVM.

S Irrobusta adeò fuit Ingens turba Gigantum,
Montibus vt montes imposuisse queat.
Hisq; velut gradibus celsum affectarit Olympum,
Quamuis in præceps fulmine tacta ruit:
Omnibus his Vnus, quantò COPERNICVS Ingens,
Robustusq; magis, Prosperiorq; fuit?
Qui totam Terram, cunctis cum Montibus, Astris
Intulit, & nullò fulmine læsus abit.
Corporis hî sed enim, temeraria bellâ mouebant
Viribus, id poterat displicuisse Ioui:
Is placidus, Cœlum penetrauit acumine Mentis,
Menti, cum Mens sit Iuppiter ipse, fauet.

TYCHO BRAHE F. Anno 1, 84. Dic 2. Octob.

DE

DE INSTRUMENTIS, QVAE EXTRA ARCEM IN CRYPTIS SVBERRANEIS DISPOSITA SVNT.

Extra Arcem versus Meridiem, 70 circiter à Vallo passibus minoribus Observatorium quoddam peculiare TYCHO in colle, per Cryptas quasdam, & omnes quidem ab imo ad summum ex solido muro structas, fieri curavit.

Totum verò hoc Observatorium STERNBERGVM, à Stellarum Observationibus sumpta Danica denominatione, appellatur. Circumseptum est vndiq; quadratâ (intermixto tamen versus 4. mundi plagas, rotundo ambitu) Galleriâ, vti communiter vocant. Quæ omnia etsi in plano representare difficile sit; tamen, quoad fieri potuit, ad Colophonem huius descriptionis oculis subiiciuntur.

PRIMO apud literam A, vestibulum portale habens ex lapide Gothico & Opere Ionico, seu potius Composito, scite eleboratum occurrit, super quod tres sculptiles Leones coronati, (quorum medius & altior Hieroglyphicum Sceptrum, duobus sibi inuicem orthogonaliter intra binos etiam circulos Triangulis transpositis constans, tenet,) collocati sunt; quibus hoc Hemistichium saxo peculiari excisum subscribitur, quo aliorum tacitis obiectionibus, qui per imperitiam hos tantos tamq; sumtuosos apparatus inutiles esse fortè censcant, succinctè & verè, quoad Mundum temporaneum, respondetur.

NEC FASCES NEC OPES
SOLA ARTIS
SCEPTRA PERENNANT.

Infrà verò hoc Hemistichium, statim supra Ianuam per quam descenditur, medio loco inter TYCHONIS Familiæ Paternæ atq; Maternæ Insignia Gentilicia, quæ in superiori parte huius Portalis vtrinq; excisa visuntur, est aliud quoddam Hieroglyphicum, quod per annulum aureum Adamantem acuminatum gestantem, quem subiens loricata manus, decussatim binas hastulas tenens, quarum vna vas Igne plenum, altera Aquam per rimas diffluentem figurat; vtriusq; extra annulum iuxta Adamantem hinc inde pendentibus, representatur. Circumscribitur autem est Versiculus, sensum Symbolicum exponens, qui est eiulcemodi.

NON INIMICA ABOLET
VIS VLLA
NEC VINDA NEC IGNIS.

Ab alterâ deinde huius vestibuli seu Portalis parte, quæ Austrum respicit, idq; in subsecuturâ figuratione supra literam A, aliud magnum Quadratum saxum è Porphyrio constans lapide, hanc inscriptionem, quæ occasionem & usum harum structurarum indicat, aureis literis exhibet, ut sequitur.

Hh

D.O.

D. O. M.
POSTERITATIQUE SACRVM.

ASTRONOMIAM SCIENTIARVM OMNIVM
ANTIQUISSIMAM ET PRAESTANTISSIMAM,
DIV QUIDEM MVLTVMQVE CVLTAM, NON-
DVM TAMEN SATIS SOLIDE CONSTITVTAM,
AVT A MENDIS VINDICATAM ANIMADVER-
TENS, EI INSTAVRANDAE PERFICIENDAEQVE,
VARIA EADEMQVE EXACTA ADINVENIT CON-
STRVXITQVE ORGANA, AD OMNIMODAS CAE-
LESTIVM CORPORVM OBSERVATIONESSVF-
FICIENTIA, LABORE, DILIGENTIA, IMPEN-
DIOQVE INCREDIBILI, QVAE PARTIM PROXI-
MA EANDEM OB CAVSAM EXAEDIFICATA AR-
CE VRANIBVRGO, PARTIM HISCE CRYPTIS
AD CONSTANTIOREM ET OPPORTVNIOREM
VSVM DISPOSVIT; TIBIQVE O INCLYTA OMNI
AEVO SVCCESSVRA POSTERITAS HVNC THE-
SAVRVM RARISSIMVM ET PRECIOSISSIMVM
COMMENDANS, DICANS, CONSECRANS, VT
IN AETERNI DEI, ADMIRANDAE COELESTIS
MACHINAE OPIFICIS GLORIAM, ARTISQVE
DIVINAE PROPAGATIONEM, AC PATRIAE HO-
NOREM, PERPETVO CONSERVES, NEC VETV-
STATE, ALIOVE INCOMMODO COLLABASCE-
RE, AVT ALIORSVM TRANSFERRI, VEL QVO-
CVNQVE MODO VIOLARI SINAS: SI NIHIL
ALIVD AVTHORIS SALTEM VNI-
VERSI VINDICEM REVE-
RENS OCVLVM:

QVI EA CVNCTA IN HAC INSVLA ET INCHOA-
VIT, ET ABSOLVIT; HOC MONV-
MENTO POSITO TE RO-
GAT ET OBTE-
STATVR

TYCHO BRAHE O. F.

HAVE QVI HAC LEGIS FACISQVE, ET VALE.

Quando

Quando autem in ipso vestibulo per Gradus descenditur sub litera B in sequenti harum Cryptarum figurâ; quadratum quoddam Hypocaustum subest, quod propriam habet Ianuam versus Septentrionem, supra quam sequens Epigramma in alio Porphyrio lapide excisum legitur.

Vrania hæc cernens terrestria cœlitus antra,
 Quæ nova sub terris techna paratur? ait.
 Delapsa ingreditur: cœli quid Sidera celo,
 Rursus ait, en tellus in mea Sacra volat?
 Hic terræ in gremio quicquid secluserit Olympus
 Panditur, has latebras Sidera nulla latent.
 Quorsum opus immenso Cælos distare recessu,
 Curvè tot abstrulis Æthera volvo rotis?
 Si penetrant humiles mea celsa Theatra cavernæ,
 Ima etiam Tellus si dat in Astra viam.

TYCHO BRAHE F.

Est verò hoc, de quo loquor, Hypocaustum, totaliter subterraneum, nisi quod superius iuxta humi planitiem in laquearium lapideum fornicatum assurgat, ut exterius instar colliculi appareat, terrâ & viridi cespiti consultò obducti, quò Parnassum Musarum monticulum, quarum VRANIA & præcipua, & primogenita est, quodammodo repræsentet, idq; intelligentibus saltem & Philosophiæ sublimioris alumnis; ex quo etiam Poëtæ hæc fabularum involucris texerint, ne vulgus imperitum capere possit.

Habet quoq; hoc ipsum Hypocaustum quatuor fenestras statim supra terræ planitiem, ex solidis lapidibus laqueatas, idq; in quatuor Angulis huius quadrangularis vaporarij, quorum quilibet plagam mundi, meridiano & circulo verticali principali (qui videlicet huic ad angulos rectos consistit) prorsus intermediam, adamussim respicit; sicq; in hoc Hypocaustum, licet subterraneum sit, satis diurnæ lucis intromittitur.

In singulis huius parietibus, supra limbum arte fabrilis lignariâ scitè elaboratum, binorum Astronomorum Effigies quasi in longum recumbentium, pictæ conspiciuntur, ita ut octo simul sint, quorum quilibet in dicto limbo Distichon subscriptum habet, quod eorum intentionem breviter exprimit. Nomina autem illorum & subscripti Versus in hunc modum se habent, ut nunc subijciemus.

HH 2

TIMO-

TIMOCHARES ALEXANDRINVS

vixit Anno 390. ante CHRISTVM.

*Salvete Heroës, vetus o TIMOCHARI aveto,
Ætheris ante alios ausu subire domos.*

HIPPARCHVS RHODIVS

vixit Anno 120. ante CHRISTVM.

*Et qui mensus eras Solis Lunæq; recursus
HIPPARCHE, ac quotquot Sidera Olympus habet.*

CL. PTOLEMAEVS ALEXANDRINVS

vixit Anno 140. post CHRISTVM.

*Antiquos superare volens PTOLEMAEAE labores,
Orbibus & numeris promptius Astra notas.*

ALBATEGNIVS ARATENSIS

vixit Anno 880. post CHRISTVM.

*Emendare aliquid licet ALBATEGNIVS orsus,
Non tamen exactas pertulit ire vias.*

ALPHONSVS REX HISPANIAE

vixit Anno 1250. post CHRISTVM.

*Quod Labor & Studium reliquis, tibi contulit Aurum,
ALPHONSE, ut tantis annumerere Viris.*

NICOLAUS COPERNICVS TORONENSIS

vixit circa Annum 1520. post CHRISTVM.

*Curriculis tritis diffise COPERNICE, Terram,
Ipuitam, Astriferum flectere cogis iter.*

TYCHO BRAHE DANVS DE KNUDSTRVP

circa Annum 1580. post CHRISTVM.

*Quasitis Veterum & proprijs Norma Astra subegi,
Quanti id, Iudicium Posteritatis erit.*

TYCHONIDES.

*Te, venerande Parens, tuæq; alta Inventa sequentem
Det DEVS, Atlantium continuare vices.*

In hoc

In hoc autem subterraneo Hypocausto, à parte Orientali, explicato parietis mediano (vt vocant) intus ex muro constans & fornicatus lectus conspicitur, in quo aliquando ipse Tycho, cum nubibus cœlum inter noctu obseruandum obducitur, quiescere potest: veluti etiam ab altera itidem parte alius multò maior, extra tamen Hypocaustum, in vsum studioforum ipsius ordinatus, reperitur, idq; in peculiari ad hoc deputatâ Cryptâ, quæ etiam prorsus subterranea est: & licet testudineata sit, tamen superius ad æquilibrium Horizontis plana apparet, ne quidpiam impediat.

XVII.

Ab Occidentali Hypocausti parte oblonga mensa collocata est, cui is Studiosus assidet, qui Observationes conscribit. Post eam mensam ad parietem, infra limbum, magnum pender Instrumentum, instar Semicirculi, vndiquaq; transuersis contignationibus firmatum, ac Orichalco in circumferentiâ obductum. Hoc Distantiæ Stellarum, quantacumq; sint, in toto etiam Hemisphærio capi possunt. Habet autem in Diametro sex cubitos: Interdum & alibi reponitur, cumq; eius vsus requiritur, (quod tamen rarò fit) requisito exterius fulcro, quo in omnem Stellarum situm commodè dirigi queat, non aliter quàm in cæteris Sextantibus fieri solet, imponendum venit.

Versus Borolybicum propè mensam tria disposita sunt artificiosè confecta Horologia, quæ Horas, Minuta & Secunda designant, ita vt qui Observationes in libro huic vsui quotannis deputato scribit, his propè assidere, Momentumq; quo Observatio fit, mox animaduertere & annotare queat. Vni verò eorum ad frontispicium, hoc Epigramma Orichalco incisum est.

*Tempora circuitu Cœlum fugientia voluit,
Nec modò præteriens Hora redire potest.
Temporibus totus fugitiuis clauditur Orbis.
Præterit & toto quicquid in Orbe viget.
Ergò quid expediet Mundi fugitiua figura?
Cur his conformes, quæ peritura, sumus?
Est aliud quod nos Cœlum expectatq; vocatq;
Idq; auctò, aspectu, limitibusq; caret;
Ior a Sol hic est, similatq; Ecclesia Lunam,
Angelico Stellis conveniente Choro.
Huc huc tendamus, manet hic nos Patria vera,
Immundi Mundi nec remoretur Amor.*

H N 3

Hinc

Hinc è regione in Angulo, qui Borrhapelioten respicit, ferrea quædã fornax sub conveniente testudine, ita ut nihil in Hypocausto occupet spatij, posita est, ut eius beneficio tempore Observationũ hybernalium frigus arceatur.

Superius autem sub ipsâ, quâ Hypocaustum contegitur, fornice, depicta est TYCHONIS neoterica inventio Hypothesium cœlestium, eâ, quam ipsa testudo capere potest, magnitudine. Proximè verò sub hâc, ad parietem paulò inferiorem, versus Septentrionem, ubi eius Imago repræsentatur: manu alterâ sursum monstrans, habet intra binos digitos pictam schedam, in qua hæc inscriptio.

QVID SI SIC?

Quasi antiquioribus istis & circum depictis Astronomis dicat: Quid de hac inventione vobis videtur? Ex Hypocausto hoc itur, ordinariâ Ianuarum dispositione, hinc inde, in reliquas Cryptas, ubi Instrumenta locantur.

XVIII.

Per mediam Ianuam versus Austrum venit in maximam, quæ C notatur, cryptam, ubi ingens Instrumentum Armillare visitur, quod vnicâ Armillâ, quæ iuxta Polorum Mundi Axin circumagitur, omne Declinationes Siderum, in quo cunq; situ & mundi plaga fuerint, tam in Meridiano quàm extra, facillimè & exquisitè demeritur.

Ibidem quoq; Semicirculus circumponitur, æquatorem cœlestem, quatenus supra Horizontem extat, repræsentans, qui octo saxeis columnis superius cochleas ferreas habentibus innititur, & per cochleas illas, quibus firmiter inhaeret, in planum æquatoris, si unquam opus fuerit (neq; enim semel ritè dispositus facillè dimovetur) exquisitè dirigitur; cuius etiam mediætas, unde divisiones utrinq; diffliunt, ratione centri ceu Axis habitâ, Meridiei lineam exactissimè respicit. Hoc intermediente Distantiæ æquatoriarum Corporum cœlestium facillè & accuratè accipi possunt, tum quoq; tempora æquatoria distantiarum Siderum à Meridiano præcisè explorari, quorum opera Momenta Observationum exactissimè inveniuntur, Horologiaq; cum opus fuerit, tam ex Sole quàm Stellis, sive in Meridiano sint, sive extra, corriguntur. Hæc dimidia Armilla æquatoria in Diametro suo 9 cubitos comprehendit, & prædicta integra Armilla æquatoria Declinationum, complectitur in Diametro 7 cubitos, ita ut intra mobilem circulum & fixum Semicirculum, duorum cubitorum intercedente vacuo spacio, commodè transeat.

Estq; utraq; Armilla, tam integra quàm dimidiata, undiq; optimo Orichalco ita obducta & munita, ac si ex solido hoc constaret Metallo.

Axis verò circa quem circularis illa Armilla rotatur, ex forti Chalybe est, interiùs concavus, ne se pondere suo inclinet, crassitudinem habens trium digitorum; exterius per totam Longitudinem, omnemq; eius circumferentiam

tiā exquisitissimè, nec sine labore atq; industria, teres factus, & ubiq; quo ad longum, ductum rectilineum absq; ulla incurvatione, quomodocunq; revolvatur, exprimens; ut hac ratione totaliter instar Gnomonis sit, ad quem Distantiæ æquatoriæ paralleliter per cōvenientia in fixo Semicirculo mota pinnacidia præcisè capi possint. Habet quoq; hic ipse Axis in medio loco Cylindrum Orichalcicum, qui eiusdem crassitie est, ad quem similiter Declinationes in circumvolubili integra Armilla per sua appropriata pinnacidia mensurantur.

In hac Crypta interiùs duplices gradus lapidei sunt. Per alteros ad interiorem & integram Armillam hinc inde circumcircà ascenditur, prout Declinationes Siderum in declivore vel altiore situ supra Horizontem, eius beneficio denotandæ veniant: Alteri, qui hos, adeoq; Semiarmillam æquatoriam ambiunt, utrinq; à medietate iuxta Ianuam, ita paulatim ascendunt, quemadmodum æquatoris inclinatio requirit, quò Observatores, sive unus, sive duo (nam bina habet hæc Semiarmilla pinnacidia) in quacunq; parte per Axem teretem Sidera utrinq; collimanda sint, gradibus satis latis insistentes oculum pinnacidij commode & absq; molestiâ applicare possint: Murali etiam circuitu, qui statim pro crassitie unius hominis mensura ambit, dorso Observatorum fulcrum præbente.

Inferior terminus Axis rotundæ Armillæ circumvoluitur in Chalybeâ laminâ, cui cochleis ita artificiosè prospectum est, ut ad amussim & ritè secundum Axem mundi disponi possit, idq; in oblongo ac magno Gothico lapide, qui duas circiter ulnas sub terrâ in firmo saxeo fundamento collocatus duas insuper ulnas è terrâ prominet, in cuius inferiori parte Atlantis Mauritaniae Regis effigies artificiosè efformata conspicitur, ac si Cœlum humeris gestare satageret. Nam & supra coronam eius, in eodem lapide, Globi Hemisphærium est Stellis aureis insignitum, quod parte quâdam Coronæ suæ attingens, hunc quasi portare videtur. Quo Hieroglyphico innuitur, quòd Reges & Principes sublimem hanc & verè Regiam Astronomiæ Artem fulcire & liberaliter sustentare meritò deberent, quemadmodum Atlas ille multiq; alij olim fecerunt; & superiori ævo liberalitate illustri & vix unquam oblitteranda, ALPHONSVS Rex Hispaniæ hanc, quantum in ipso erat, promovit.

Alter Axis terminus versus Septentrionem eminens, & in ipsum Polum directus, gyratur in magno fixoq; fulcro ferreo, cui superiùs etiam cochleis provisum est. Hoc binis ex durissimo saxo teretibus columnis, iisdemq; unum cubitum crassis, & in Altitudine 7 hincinde exhibentib; firmisimè infigitur.

Sunt verò utrâq; hæ Columnæ ita convenienter dispositæ, ut non saltem ferreo fulcro, quod superiorem Axis terminum gestat, sustentaculum firmum præbeant, sed unâ Ianuam inferiore sui parte, per quam ex Hypocausto in hanc Cryptam intratur, aptè exhibeant. Tantundem enim ab in-

vicem

uicem remouentur, quantum spacij mediocris crassitie homo pro iatrando vel exeundo requirit. Habent verò & hæ ipsæ Columnæ pro fundamento in terra duos magnos & latos lapides campestris, in fixo & argillaceo fundo firmatos, ne illæ his insistentes, & insuper vtrinque muro huius Cryptæ munitæ, quippiam de suo situ vaquam remittant. Adeoq; aliàs in hoc toto Instrumento, quoad vtramque Armillam, omnia requisita ita firmiter ordinata sunt, vt ne quidem ingenti robore & vi, etiamsi quis id datâ operâ conetur, dimoueri, aut ad obseruationes inutilia reddi queant. Quocirca cum semel ritè singula disposita fuerint, vix ac ne vix quidem aliquid inuenitur, quod postmodum rectificatione vltiore indigeat. Si tamen id aliquâ temporis diuturnitate accidere possit, aut ipsa partium attritione (nam & rectè in Verficulo dicitur: Mors etiã ferro marmoribusq; venit) facili operâ satisfq; citò per cochleas hinc inde, vt opus est, ordinatas, in debitum tenorem restituitur.

Atq; hæc tam de hac Crypta, quæ etiã superius tectum habet, quod vel totum auferri, vel per valuas huic officio deputatas, versus quamuis cœli plagam aperiri potest, quàm de Instrumento magno Armillari sesquialtero saltem constante circulo, quo omnia quæ veteres vix sex vel pluribus ipsdemq; minutulis & Obseruationi exactæ non sufficientibus, exequi conabantur, multò promptius, certius, & subtilius expediuntur, sit indicasse satis.

XIX.

Cum autem versus Notapelioten ex Hypocausto in Cryptam G exitur, Sextans in eâ occurrit Quadricubitalis, quo subtilissimè Distantiæ Stellarum capiuntur. Fulcrum suum cum rotundo, quo in omnes cœli partes dirigitur, Globo, stabile habet. Diuisiones factæ sunt per puncta transversalia, ita ut etiã quælibet dimidia Minuta distinctè cognoscantur. Pinnacidia autem cum adiuncto ad centrum Cyliandro, per rimulas & lineas parallelas vsurpantur.

XX.

Porro e regione versus Notolybicum ad Cryptam F intrando, ingens quoddam conspicitur Instrumentum, ex solido & durissimo Ferro constans, quod Quadratum Geometricum (vt vocant) exterius habet, cuius quodlibet latus integrum numerum Tabularum Sinuum sex cyphrarum, in suâ subtili & transversali subdiuisione adimplet. Intra hoc est Quadrans circuli quàm maximus effici potest; qui ab alterâ parte, in quâ diuisiones sunt, Orichalcicâ laminâ exquisitissimè superinductus est, ita vt Orichalcum cum ferro quasi conglutinatum videatur, atq; in exteriori planitie adamussim, & politè leuigatum. Singuli verò Gradus in hoc Quadrante subdiuiduntur, non saltem in omnia Minuta, sed & quodlibet horum in sex partes seu singula dena secunda. Est enim admodum magnus hic Quadrans, vt pote qui à centro ad circumferentiam

rentiam 5. penè cubitos contineat. Hinc de Quadrato circumposito, quantæ sit magnitudinis, ratiocinari licet.

Affixum autem est hoc Instrumentum per sui medietatem ad oblongam & quadratam Columnam ferream iustâ crassitiæ præditam, cui firmiter in superiori & inferiori parte cochleis applicatum adhæret, tanquam in quodam æquilibrio, ita ut utrinque dimidiam structuram exerat. Hoc sustentaculum ferreum, quod totum Instrumentum portat, inferius in conum acuminatum desinit, qui quadratæ laminæ Chalybeæ foramen superius coni huius acuminis correspondens habenti, insistit, ut sic minimo negotio, tanquam in puncto quodam artificiali, conuoluatur. Nam suprema pars huius columnæ ferreæ teres est, atque in brachijs ferreis decussatum sese transeuntibus, & muro superioris in quatuor locis firmiter innixis, ac ubi versus Zenith coincidunt, rotundum foramen habentibus, gyatur, utque Zenith perpetuo respiciat, cohibetur. Lamina autem hæc Chalybea, de quâ dixi, tereti columnæ lapideæ, quæ profundè in terram, substrato solido fundamento, defossa est, & quasi duobus cubitis supra hanc extat, imponitur; & ita cochleis hinc inde regi potest, ut totum simul Instrumentum, quod illi innititur, tam in planum verticale quàm ad Horizontis æquilibrio, prout latera diuersimodè exigunt, commodè dirigiqueat. Vbi verò semel ritè dispositum est, & cochleæ inferiores benè firmatæ fuerint, vix postmodum aliquid vitij contrahit, quò minus Observationibus adamussim instituendis sufficiat. Nam etsi vnus vel alter quantæcunque magnitudinis homo illi insistat, atque vnà cum Instrumento aliquoties circumgyretur: tamen Instrumentum nihil discriminis hinc contrahere, aliquoties comprobatum est.

Circumponitur quoque huic Instrumento Circulus suus Azimuthalis, qui muro rotundo vndiquaque, quasi in eius media parte, incumbit, omniaque in eo obducta sunt Orichalco. Occupat in Diametro 9. cubitos, ut inter Horizontem Azimuthalem ac Instrumentum, cum opus fuerit, commodè transeat.

Habet etiam hæc Crypta cæmentitios suos Gradus, per quos ad Quadrantem inter obseruandum ascendendi descendique potest, prout Altitudines demetiendæ requirunt. Superius testum est, quod & circumagi & explicari potest, cum suis quatuor valuis, prout Observationes versus hanc vel illam cœli plagam instituendæ exigunt.

Per hoc Instrumentum, quod (vti diximus) magnum ac prorsus Metallicum est, valideque firmatum, exactissimè altitudines Siderum, etiam intra sextam partem vnius Minuti seu dena secunda denotantur, ita, ut nullum his subesse possit dubium, modò collimatio Stellarum per rimulas pinnacidij Cylindro ad centrum posito parallelas satis accuratè perficiatur, & in Sole umbra eiusdem Cylindri intra terminos, ad interiorem pinnacidij planitiem in hunc usum præordinatos, adamussim comprehendatur.

I

Deinde

XXI.

Deinde circa reliquos duos Angulos Hypocausti adhuc binæ sunt Cryptæ, in quas patet introitus statim extra Hypocausti Ianuam ad utramque partem, ubi videlicet gradus, per quos descenditur, desinunt, & primum ab Orientali parte intrando ad Cryptam G, quæ ad Angulum Hypocausti Borapeloten respicientem existit, alius quidam Quadrans occurrit hinc inde affabre contignatus, & Orichalco bene vestitus, isque in saxea columnâ inferius consistens, etiam columnæ ferreæ affixus est, cuius beneficio supra dictam columnam lapideam, ferreâ laminâ & cochleis superius instructam facillime conuoluitur; superius in foramine rotundo ferramenti transuersim muro innixi, columnæ supremâ & tereti parte sese vnâ firmiter gyrante. Habet autem hic Quadrans à centro ad circumferentiam 4. cubitos, Cylindrumque apud centrum Orichalcicum, quo intermediente per pinnacidium, quod in limbo mouetur, rimulas habens ipsi Cylindro utrinque parallelas, Altitudines Stellarum adamussim collinquare licet; umbra huius ad interius pinnacidii planum Solis altitudinem discernente, prout etiam in altero, de quo prius diximus Chalybeo fit Quadrante. Est autem ipsa circumferentia huius Quadrantis in laminâ Orichalcicâ adeo subtiliter subdivisa, ut singulorum Graduum singula sexagena Minuta, adhuc quadrifariam distribuuntur, totâ illâ diuisione per puncta transversalia, more nobis usitato, administratâ; sicque huius Quadrantis beneficio, Altitudines coelestium corporum, intra quartam Minuti partem coelitus dimetiri datur, & hæc collatione sæpenumero factâ cum ijs Siderum sublimitatibus, quæ per antedictum Chalybeum Quadrantem (qui hoc aliquantulo maior est) eodem tempore depromuntur, quam aptissime inuicem congruere deprehenduntur; adeo ut vix sextæ partis vnius Minuti differentiola incidere possit, id tamen sæpius vel rarius, prout collimatores suo sategerint officio. Concordant etiam hæc Altitudines, hisce duobus Quadrantibus in Meridiano factæ, adamussim cum ijs, quæ per Orichalcicum Quadrantem superius in arce parieti murali cubiculi Notholybici affixum denotantur, tum quoque cum alijs Instrumentis eidem vsui deputatis.

Habet quoque hic Quadrans suum circulum Azimuthalem superius muro circulari incumbentem, qui etiam Orichalcicâ laminâ superinductus est, & diuisiones graduum Azimuthalium subtiliter & exquisite præbet, ipsissimâ Meridiei lineâ non ex Altitudinibus Solis vel Stellarum, ut communiter facere consueuerunt, sed ex ipsâ Polari Stellâ, quando utrinque iuxta maximam à Meridiano digressionem versatur, & quasi in vna lineâ aliquanto tempore ascendendo vel descendendo consistere videtur, subtilissimâ & infallibili viâ in hoc Horizontali limbo peruestigatâ, ad eum etiam indicationem, cætera

cætera, in quibus sic opus est, Instrumenta disponuntur, ut Meridiano cœlesti exquisitissimè correfpondeant. Continet verò hic Horizon Azimuthalis in Diametro 6. circiter cubitos, quò spaciũ requisitum inter Quadrantis limbum & muri interiorem circuitum, per quod Obseruator, cum res postulat, transire possit, conuenienter superfit. Ad sunt insuper huic Cryptræ sui gradus interiùs, per quos, prout Obseruatio per hunc Quadrantem exigit, ascenditur descenditurue, & habet superiùs tectum, quod circumgyrari potest, ita ut duo foramina quæ apertis valuis è regione exhibet, in quamcunq; cœli partem libuerit, & prout Obseruatio capeffenda requirit, conuolui possint.

XXII.

E regione huius ab alterâ parte versus Borrolybicum itur in aliam eiusdem cum hac, de qua diximus, formæ & quantitatis Cryptram, litera D in subsequenti figuratione indicatam, ubi Instrumentum quoddam Armillare visitur, quod non saltem Axes habet Polis mundi analogos, Meridiano Chalybeo inhaerentes, sed insuper quoq; Zodiacalem circulum, in Polis suis conuolubilem: proptereaq; TYCHO hoc Instrumentum Armillas Zodiacales appellare solet. Exhibent omnia quæ HYPPARCHVS & PTOLEMÆVS suis Instrumentis Armillaribus factitarunt, sed longè maiori compendio atq; præcisione. Neq; enim tot circulis constant, quot illorum requirebant, sed solummodò 4. habent, inter quos etiam Meridianus ille immotus numeratur, & nihilominus tam Longitudines quàm Latitudines Stellarum extempore absq; vllâ tædiosâ Supputatione, mediantibus duobus Obseruatoribus, præcisè adeoq; in ipso Minuto rimantur. Quam subtilitatem an veterum, de quibus dixi, Armillæ exhibuerint, non immeritò dubitandum venit; ex quo nec HYPPARCHVS, nec etiam PTOLEMÆVS, maiorem in Stellarum Longitudinibus atq; Latitudinibus per eas præcisionem denotarint, quàm quæ intra sextam Gradus partem, ad dena scilicet Minuta, cohibeatur. Vnde verisimile est, illorum Armillas, vtut fortè è solido Metallo constantes, non tamen adeò magnas fuisse, ut singula Minuta caperent, siue etiam quòd eas tam subtiliter subdiuidere neglexerint, aut numerationem adeò exactam, superuacaneam duxerint. Quodcunq; horum fuerit, certè hæc nimis lata & plastica cœlestium corporum dimensio à cœlesti norma haud insensibiliter eos deuiare fecit, idq; non modico Astronomiæ instaurandæ damno. Habet autem Meridianus, qui totus, ut dixi, Chalybeus est, & reliquas Armillas intra se continet, tres cubitos in Diametro; atq; hinc reliquarum sese versus interiora concomitantium Armillarum quantitatem æstimare licet. Diuisiones tam in Meridiani Armillâ ferreâ, quàm cæteris interioribus Orichalco exteriùs obdūtis, per puncta transversalia subtiliter ordinatæ sunt: ita ut & in his Armillis singuli Gradus in singula quoq; sexaginta Minuta subdiuisi sint; & pinna-

cidia diuersa cum in Armillâ Zodiacali, tum in circulo Latitudinum hinc inde mouentur, quæ more consueto per rimulas parallelas Stellarum situs scrutantur. Nam & in his Armillis, Axis quidem apprimè teres est, per Polos Zodiaci adeoq; totum Instrumentum transiens, ad cuius circumferentiam Longitudines Stellarum collineare datur, isq; in sui meditullio Cylindrum gerit, per quem in dicto circulo Latitudinis, Siderum ab Eclipticâ distantia obseruantur. Atq; sic superfluitas in Armillis veterum, quæ Observationem fluxiorem reddidit, euitatur, omniaq; magis succinctè & certius expediuntur. Neq; enim Armillæ hæc ita distrahi possunt, aut extra debitum planum suo pondere diuagari, vti in antiquis illis accidisse, haud citra iustas causas suspicandum venit. Fulcrum verò seu Pedestale (vti vocant) est ex integro & solido ferro admodum firmè compositum, & inferiùs habet circulum ferreum densiusculum, cui 4. cochleæ adaptatæ sunt, quæ quatuor etiam breuioribus columnis lapideis superiùs laminulis ferreis munitis insistant, quarum cochlearum operâ totum hoc Instrumentum in debitum situm atq; cum circulis cœlestibus exquisitam correspondentiam dirigitur. Quod cum semel ritè effectum est, vix multo post tempore, ob benè confirmatam omnium partium dispositionem, aliquid discriminis incidit. Quin & hæc Crypta suos habet Gradus, non saltem per quos in eam ascenditur, (est enim suo pauimento eminentior alterâ) sed etiam in quibus circa Armillas vndiquaq; vbi opus est, altius consistere liceat; hostamen ynicos, cum hi sufficiant. Et superiùs tectum portat, cuius dimidia pars explicari potest, atq; in quamcunq; Hemisphærij partem, prout Obseruatio requirit, circumagi.

XXIII.

Cum verò ad prædictam Armillam ascenditur, appender lateri parietis dextro, in peculiari ad hoc in ipso muro facto Repositorio, alius adhuc Sextans, qui quatuor cubitos à centro ad circumferentiam complectitur.

Hunc Sextantem omni ex parte Orichalcicum & cochleis varijs compositum Tychon in eos vsus fieri curauit, vt si quando in exteris regiones & longè distita Regna Obseruatores aliquos pro Poli Altitudinibus, & alijs quibuldam istic denotandis mitteret, ij hoc Instrumento commodè vti possent, siquidem id & explicari, & rursus per cochleas dissolui, & in thecam seu cistam huic præordinatam componi possit, & sic absq; vllò detrimento in quacunq; libuerit orbis partes, seu mari seu terrâ, transportari, ita vt postliminio rediens, & per dictas cochleas denuò in debitam dispositionem expansum, omninò easdem tam Altitudines, quàm distantias, quas antea, inuiolatè exhibeat, modò non nimia violentiâ, vel per incuriam, vel datâ operâ, in itinere disturbatum fuerit. Habet quoq; peculiare fulcrum, quod suis etiam cochleis disiungi coniungiq; potest, vnaq; in eadem cum Sextante cistâ conseruari.

Suntq;

XXIIII.

Sunq; hæc præcipua Instrumenta Astronomica, quæ in Obseruatorio subterraneo visuntur. Est tamen adhuc, præter hæc, Armilla quædam Portatilis, quæ tres ferè cubitos in Diametro continet, Orichalco etiam obducta & in singula Minuta subdiuisa. Hæc, quando eius vsus requiritur, exportatur ac applicatur ad lapideas columnas versus Ortum ac Occasum litera H & I signatas. Capiuntur autem eâ Declinationes Siderum, præsertim cum Horizonti appropinquant, nec faciliè maioribus istis Armillis Declinationum discerni possunt.

Regulæ insuper PROLEMAICÆ, quarum superiùs, numero IIII. meminimus, prædictis Columnis nonnunquam appositè accommodari solent. Nam utræq; hæ Columnæ lapideæ, quæ in arcubus versus Ortum & Occasum positæ sunt, ita superiùs ferramentis & cochleis ab utroq; latere muniuntur, vt & Regulæ & minorem illam Armillam Declinationum ijs imponere liceat, prout res postularit; pro solis tamen Regulis inferiùs in eodem Columnæ latere ferreâ laminâ cochleis circumpositâ existente, cuius superiori conico foramini latus Regularum, quod Zenith respicit, insistent, & in perpendicularum verticale ritè dirigitur, & simul commodè conuoluitur, altera Columnâ supplente, quod altera denegat, si quando difficultas aliqua inciderit, quod tamen rarissimè contingit; sicq; his etiam Regulis penes hoc Crypticum Obseruatorium commodè uti licet, quando Obseruatoribus ita visum fuerit, & plures Altitudines simul aut intra breuè temporis spaciū denotandæ veniunt.

XXV.

Quin & alius minutulus quidam Quadrans hic reperitur è solidâ laminâ Orichalcica, eademq; densiuscula affabrè elaboratus, qui à centro ad circumferentiam cubitum occupat, estq; vndiquaque fuluo Auro, intercedente Mercurio & Vulcano, obductus, quod inaurari vocant; reuoluiturq; in ferreo quodam fulcro, ita cochleis alijsq; requisitis opera fabrilis adornato, vt Quadrans hic & in omnia Circulorum verticalium plana circumagi, & etiam in æquilibrium Horizontis ritè disponi queat. Circumferentia eius extrema per vsitatam diuisionem distributa est, ita vt singuli Gradus in 12. portiunculæ, quarum quælibet quina repræsentat Minuta, subdiuidantur. Intra tamen hunc extremum limbum aliâ est diuisio secundum eam rationem, quam PETRVS NONIVS in libello de Crepusculis tradidit; per arcus videlicet plures introrsum ductos, & diuersa ratione Anguli recti numerum totalem alterando & successiuè imminuendo, subdiuisos: idq; in vnâ huius Quadrantis facie; in altera enim quasi in tabula numeri excisi sunt, qui Gradus & Minuta singula, per puncta quæ in diuisione Noniana existunt, confestim absq; longâ Supputatione expediunt.

Iuxta centrum in vacuo aliàs spacio, intra circularem quandam figuram Hieroglyphicam quædam subtiliter facta incisio est, ubi ad Arborem ab altera parte viridem & frondosam, iuuenis sedet laureâ insignitus & vnâ manu GLOBVM cœlestem portans, alterâ librum. A laeuâ verò parte Arbor habet & radicem emarcidam & frondes steriles folijsq; carentes, inter quæ Mensa est, capiens quippiam eorum quæ maximè in hoc terrestri mundo in pretio sunt, vt cistulam nummis refertam, Sceptra, Coronas, arma Gentilitia, torques aureos, Gemmas, mulierum ornatus, Pocula, Chartas, Tesseras, atq; his similia; quæ omnia Scheleton quoddam mortem representans manibus pedibusq; ambit & complectitur. Supra scriptum verò est Hemistichium, quod sensum allegoricum explanat:

VIVIMVS INGENIO, CÆTERA MORTIS ERVNT.

Idq; cōratione, vt prior pars Versus, nempe hæc: VIVIMVS INGENIO, ex dextrâ & viridi Arboris parte, ad quam Iuuenis ille Philosophans residet, tanquam in schedâ scripta dependeat: Altera verò, nimirum: CÆTERA MORTIS ERVNT, ab aridâ illâ parte descripta appareat. Quemadmodum & aliàs TYCHO hoc Symbolum Hieroglyphicum, ubi non saltem ad Temporanea, vt hîc, sed ad æterna & potiora adaptatur, vsurpat. Illic enim in viuâ & frondescente Arboris facie, CHRISTI doctrinæ & vitæ Hieroglyphica repræsentatio est, cui superscribitur: VIVIMVS IN CHRISTO. Hic verò Philosophiæ quoq; studia eorumq; Hieroglyphica indicia ad alterâ Arboris siccam & marcidam faciem sub Mortis arbitrium transeunt; eâdem ibi, quæ antea in temporaneo Emblemate, manente Inscriptione; ita vt totus Versiculus in hac æternitatē respiciente Hieroglyphica figuratione sic sonet:

VIVIMVS IN CHRISTO, CÆTERA MORTIS ERVNT.

Sicq; TYCHO per hæc Symbola Hieroglyphica innuere vult, doctrinam solidam, & rerum tam Cœlestium, quàm Terrestrium cognitionem, adeoq; totam Philosophiam in hac quidem mortali vita mundoq; visibili & temporaneo, homines multò potius à mortalitate vindicare, quàm alia illa quæ mundani homines vt plurimum moliantur; attamen ad æternitatem in summa beatitudine consequendam, nihil conducere, sed ista, quoad hanc, morti quoq; & abolitioni obnoxia esse, ex quo illic DEI bonitas & misericordia per meritum Filij CHRISTI Redemptoris, eiusq; doctrinæ & vitæ obseruantiam & imitationem, solummodo locum habeant atq; perdurent. Quin & alia sententiosè dicta atq; Emblematicè veritatem in medullis rerum non corticibus profundè absconsam innuentia, tam superiùs in ipsa arce, varijs in locis, quàm etiam in nonnullis organis, assignari curauit, quæ omnia non duco operæpretium hic apponere.

Ad Hy-

XXVI.

Ad Hypocausti quoq; parietem pendet RADIVS ASTRONOMICVS ex Orichalco totus constans, cuius longior Regula seu ipse Radius circuli Semidiametrum representans, est paulò plùs quàm trium cubitorum; estq; olim à GVALTERO ARSCENIO, Nepote doctissimi illius Mathematici GEMMÆ FRISII BATAVI, qui peculiarem de hoc Instrumento edidit libellum, ad instar eius qui illic à GEMMÆ describitur, subtiliter elaboratus. Habet etiam TYCHO adhuc alium Radium totum quoq; ex Orichalcicis laminis constantem, exterius triangularem & interiùs concavum, vt eò sit leuior, qui per lineas transversales punctaq; in his notata longè plures & subtiliores diuisiones exhibet, quàm vulgaris illa Radij in particulas æquales distributio; adeò vt numero maximo Tabularum Trianguli orthogoni, huc facientium, qui quinque Cyphas habet, satisfaciatur. Verum TYCHO Observationibus per Radium quomodocunq; factis parum tribuit, præsertim si remotiones Siderum maiusculæ fuerint; longa experientia & collatione cum cæteris Instrumentis facta sic edocente; quod & suas causas habet, quas ipsemet alibi forsan indicabit.

XXVII.

Adest quoq; Annulus Astronomicus, qui totus ex Orichalco confectus est, tam affabrè Argento liquefacto conglutinatis lateribus, vt solidum diceretur esse Metallum, cum tamen interiùs qualibet eius Armillæ concavæ sint, quò portatuleuior sit, neq; pondere suo dehiscat. Habet autem in Diametro nonnihil ultra cubitum. Est verò & hic Annulus olim ante Annos plùs minus triginta à supradicto GEMMÆ FRISII Nepote GVALTERO conuenienter vndiquaq; compositus, ad imitationem eius quem GEMMÆ ipse singulari de hoc edito libello, tam quò ad fabricam quàm vsum, illustrauit. Et hic quoq; Annulus, vtut magna diligentia fabrefactus atq; diuisus, quoad Observationes cœlestes exactiori trutina rimandas, TYCHONI inhabilis prorsusq; inutilis censetur. Reseruat eum nihilominus ob veterum placita, imprimis verò ob celeberrimum illum GEMMÆ FRISIVM, qui proculdubio suum Nepotem huius confectionem docuit. Quin & alterum hoc multò minorem Annulum Astronomicum in promptu habet, qui licet vix spatum paruum in Diametro compleat, attamen ex solido constans Orichalco, & diligenter subtilissimeq; in suos Circulos diuisus, idem fermè præstat quod maior ille; nam in talibus Instrumentis ludicris, Virtus, vt dici solet, non semper in quantitate, sed potiùs in qualitate consistit; aut (si maius) in neutra.

XVIII.

Est quoq; ad manus paruum quoddam Astrolabium totum ex Orichalco constans, & ad veterum descriptionem efformatum, habens varias intrinsecus

matri-

matriculas pro diuersis Poli Altitudinibus, veluti fieri solet. In Diametro vnum saltem spatum completitur. Quamuis autem TYCHO non multum tribuat talibus Organis, quæ potius Siderum motus cognitos præsupponant, quàm quod eos inquirent, tamen in promptu habet laminas quasdam Orichalcicas rotundas, & vtrinque planas, satisque crassas, ex quibus aliquando per ocium Astrolabium quoddam Catholicum, minori negotio quàm vetus illud omnibus Regionibus inferuiens, & longè plura expediens, elaborare constituit.

Ad sunt quoque tam in hoc Obseruatio quàm in alijs, quæ superius in Arce sunt, multa alia Organorum quorundam media tam pro excipiendis radijs Stellarum atque vmbis Solis & Lunæ, quàm ad alios vsus, minùs tamen principales, conducibilia; quæ superuacaneum foret omnia hîc recensere.

Patet itaque quòd ad hoc Obseruatorium subterraneum, STERNBERGVM, vti diximus, appellatum, XII. pertineant Instrumenta Astronomica, quæ modò explicuimus, inter quæ prima illa & maiora, exceptis saltem quatuor postremis, ad vniuersas corporum cœlestium Obseruationes, eâ subtilitate quæ in sensus visuales vnquam cadere possit, perficiendas, omnimodè sufficiunt.

Porro (vt & hoc innuam) cum exitur ex harum Cryptarum vaporario per Ianuam subterraneam ad dextrum latus versus Septentrionem, inchoatus est testudineus quidam sub ipsa humo transitus, qui vsque in maioris Domus, quæ in Arce est, Hypogæa ducere deberet, quò ex Laboratorio Pyronomico, ibidem sub Australi Turriculâ existente, eodemque etiam subterraneo, in has Cryptas per meatum infra terram transitus aliquando concedatur, ne tempore Brumali Portas Valli noctu, cum serenum fuerit, aperire necessum sit. Sed hunc Crypticum transitum TYCHO adhuc certis fortè de causis imperfectum reliquit, cum etiam per se non admodum sit necessarius.

In meditullio huius Cryptici apparatus, exterius supra ipsum monticulum Hypocausti laquearia ambientem, solebat TYCHO habere Mercurij quandam Imaginem ex Orichalco fusam, quæ ad imitationem cuiusdam Romanæ antiquitatis solertissimè facta erat, adeò vt omnium membrorum decenti proportionem & dispositionem huic vix similis facile obuia sit; quæ etiam, vt paulò altior vno cubito erat, Mechanico Automato inferius substrato insistebat, vt per hoc, cum luberet, in Gyrum, quasi spontaneo motu, conuolui posset. Hanc autem fusilem Mercurij Imaginem Illustrissimo Principi HENRICO IULIO Duci Brunsvicensi, TYCHO iuxta eius petitionem, ex quo illi hæc Imago plurimum arrideret, cum ipsum Vraniburgi Anno 1590. inuiseret, dono dedit; cuius cum saltem modulum sibi vicissim concedi, quo ad instar eius per idoneum artificem alium fundi curare possit, semel atque iterum, per literas expetierit, nondum impetrare potuit.

ATQVE

Arcus hæc est brevis Descriptio præcipuorum Instrumentorum Nobilis viri **Tychonis Brahe**, quæ partim in Arce Vraniburgo, partim in Cryptico Obseruatorio extra eam disponi curauit. Suntq; numero **XXVIII** hætenus absoluta, quæ non saltem indefessis laboribus, magnaq; & constanti diligentia ab illo aliquot continuis annis per varios in hunc vsum sustentatos Artifices Mechanicos elaborata sunt, sed insuper aliquot millium Aureorum & sanè plurium, quàm credi facile possit, expensas constiterunt; quas tamen ipse non magnoperè reputat, cum in viliora & minus durabilia, nec vsq; adeò vniuersaliter (modò omnes rectè caperent) vtilia, maiores ab alijs sæpenumero profundantur sumptus. Verumenimverò hæc omnia ea, quæ opus erat accurate describere, atq; per omnes partes explicare, quo illorum compositio & vsus vndiquaq; intelligi possit, magis ardui foret laboris, quàm hæc brevis Synopsis capiat, cum ne quidem plurima hic sufficiant verba, sed potius manualis tractatio, & ocularis inspectio requiratur, idq; per eos qui hæc scitè intelligunt, & ritè ijs vti norunt, quorum tamen parpauci etiam inter eos, qui Astronomi haberi velint, hoc æuo, (quod dolendum est) reperiuntur. Sin autem omnia debito modo, quò ad fieri possit, explananda forent, utiq; integro volumine opus esset, ita ut per Inventionem, Fabricam, & Vsum ritè singula exponerentur, adiunctis quoq; omnium Instrumentorum debito modo delineatis Iconibus. Hunc autem Laborem ipsemet **Tychon**, cum ab alijs grauioribus Studijs & exercitijs consuetis vacarit, optimè atq; aptissimè in Opus deducere & nouit, & sustinet. Interim tamen & hanc qualemcunque indicationem non otiosam aut inutilem fore confido, quæ etiam in hac Latina versione vberius & dilucidius multa explicat, quàm priùs apposita Teutonica expositione præstitum est.

Hæc igitur de ijs hoc tempore & loco per me ipsius **Tychonis** Amanuensẽ indicata sufficiant. Superest vt nunc delineationes ædificiorum huc spectantium oculis subiiciantur, idq; tam quo ad eorundem Ortographiam, quàm Ich-nographiam, prout fieri potest, in plano repræsentatam, vbi primum maioris Domus, quæ in medio Arcis patet, designationes vtræque, & erectæ, videlicet, frontis ab altero latere, & aræ eiusdem iacente fundamentalisq; delineatione exhibebuntur. Postea idem vtroq; pariter modo in **STELLÆBURGO** extra Arcem in colle disposito, & Ortographicè, & Ich-nographicè præstabitur; tum quoq; in alijs quibusdam, adiectâ singulis, prout locus patitur, succinctâ explicatiunculâ.

Sciendum insuper, quod **STELLÆBURGVM** illud etsi paululum extra arcis mœnia in colle quodam fundatum sit, uti ex prædictis patet; tamen per ductum quendam subterraneum instar cuniculorum huc è Laboratorio pyronomico transitus aliquando patebit, **Tychone**, prout opus fuerit, id permittente: At quoniam oblonga huius subterraneæ viæ Crypta nondum absoluta est, eam non pluribus indicandam duximus.

K K

ORTHO-

ORTHOGRAFIA
 ARCIS VRANIBVrgi IN
 HVENNA, Astronomiae instauran-
 à TICHONE BRAHE
 ficatar.

PRAECIPVAE DOMVS
 INSVLA PORTVM DANICI
 da gratiâ circa annum 1580.
 exadi-




Expli-

Explicatio partium exteriorum prapipua domus.

A Ianua Orientalis ex Ionico & Dorico opere composita. **B.** Cœnaculum hybernium
F. Lapis fundamentalis, quem posuit Legatus Gallicus. **G & H.** Fenestræ cellæ subterraneæ.
C. Camera pro hospitibus. Suntq; uersus Occasum duæ similes. **M.** Museum cum Bibliotheca.
L. Laboratorium Chymicum subterraneum & rotundum continens 16. uarias fornaces arti Spagyricæ destinatas. **I.** Foramen per quod demittuntur carbonēs pro laboribus Pyronomicis. **Z.** Cella subterranea pro reponendis lignis. **7.** Coquina. **D.** Camera uocata rubea. **α.** Camera flaua octogonalis. **E.** Camera cerulea. His tribus respondet uersus Occasum Cœnaculum maius æstiuum uiridi colore & herbarum picturis exornatum, unde nauium æstiuo præsertim tempore præternauigantium ingens numerus prospicitur. **X.** Fenestræ superioris contignationis. **O.** Obseruatorium maius Meridionale, aliquot insignes & maiores machinæ Astronomicas continens. **P.** Globus uolubilis, cui imponitur Instrumentum inter obseruandum distantias Stellarum, huic similis uersus Occasum respondet. **Q.** Ambitus octogonalis in quo situs est Globus prædictus. **N.** Obseruatorium minus Meridionale Armillas Æquatorias habens. **VV.** descensus in Laboratorium, & ascensus in Obseruatorium. **R.** Obseruatorium maius Septentrionale aliquot etiam magnis Instrumentis refertum. **S.** Obseruatorium minus Septentrionale alias Armillas Æquatorias capiens. **T.** Alius Globus uersatilis imponendis Sextantibus inseruiens, cui etiam uersus Occasum similis respondet. In loco autem superiore ipsius domus, ubi fenestræ rotundæ uisuntur, Octona cubicula sunt pro Studiosis. **ε.** Suprema Camera octogonalis proximè infra cuspidem domus, ex qua undiq; patet prospectus, habens in circuitu ambitum, quem Galleriam uocant, supra tectum. **γγ.** Structuræ octogonales, in quibus imagines, excisæ 4. Anni partes referentes, conspiciuntur. **66.** Septem Camini in unum desinentes uersus Austrum, & alij septem uersus Boream, ubi omnes Camini totius domus distinctim concurrunt. **N.** Horologium cuius Campana 5. superius pendet. **λ.** Pegasus auratus, qui uersatili indice infra tabulatū supremæ Cameræ ostendit unde uenti spirent. Ibiq; alius Index in eodem centro uolubilis horas monstrat. Talis est exterior facies domus siue ab Oriente siue ab Occasu spectetur.

Ichnographia prapipua Domus.

A Ianua Orient: **C** Occident.
Θ Transitus 4. ad angulos reatos concurrentes. **B** Fons Aquarum uolubilem rotans qui aquas hinc inde cum lubet exculatur. **D** Cœnaculum hybernium **EFG** Camera pro hospitibus **L.** Gradus pro ascensu in superiore contignationem **H** Coquina **K** Puteus 40 uln: profundus, artificio hydarico seruans, & aquas per Syssiphones in singulas cameras distribuens **P** Gradus pro descensu in Laboratorium **T** Bibliotheca. **VV** Globus magnus Orichalcicus. **Υ** mens. 4. Quatuor Camini, **Y** Lecti. Cetera acutus inspector facile per se discernet.



KK 3

ARCI 8

ARCIS VRANIBVRGI QVO AD TOTAM
CAPACITATEM DESIGNATIO.



Del.

AM

*Delineationis totius capacitatis
explicatio.*

A Domus præcipua in ipso meditullio totius capacitatis extructa, & per quatuor latera æquale quadratum efficientia in 4. mundi plagas exactissime uergens, ita ut due turricule Meridiem & Septentrionem, ambæ uero ualua Ortum & Occasum exquisitè respiciant. E. Porta Orientalis opere Rustico & Tuscano composita. D. Porta Occidentalis eodem opere elaborata. Habent autem hæc binæ portæ superius duos canes maiores Anglicanos excubatores in conueniente domuncula, ut undiq; aduentantes latratu indicent, & simul superius cameras pro peregrinis. B. Officina Typographica, maioris domus Ideam parua forma quodammodo referens. C. Domuncula pro ministris, etiam maiorem domum, quod ad frontispicia et quædam alia representans. F. Interior ualli facies. G. Exterior eius forma cum sua dispositione. N. Quatuor uie uersus ambas portas & utramq; domunculam ducentes, quæ in 4. mundi plagas aduersim excurrunt. O. Quatuor ianue hortorum. M. Pergule quatuor in illis semicircularibus uallis amoenitatis gratia dispositæ. L. Horti herbarum & florum. H. Horti arborum uarij generis numero circiter trecentarum. Atq; hæc est totius capacitatis descriptio. Habet autem ualli ambitus figuram quadratam in medio Semicirculari intertextam, ut in antecedente designatione patet. Singula uero quadrati latera continent pedes 300. Crassities ualli fundamentalis est 20. ped: Altitudo eius 22. ped: Diameter uero Semicircularis ualli interior est ped: circiter 90. Domus ipsa in medio sita, quæ etiam exactè quadrata est, habet in singulis lateribus circiter pedes, 60. Altitudo muri 45. ped: Turres uero rotundæ à Meridie & Septentrione appositæ habent, 22. pedes in diametro, quibus ambitus exterior adherentes addunt pedes 10. Porticus ab Oriente & Occidente inferius quadrati habent 15. pedes in quolibet latere. Tota altitudo domus à terræ superficie usq; ad Pegasus supremum est pedum 75. Domus etiam ipsa, quâquauersum patet, hypogæa habet ædificia, quorum profunditas est pedum duodecim. Imò & quædam alia sunt infra hæc. Ista uero subterranea cum sint non hic representantur, utut multis constent discriminationibus, & in uarios usus ordinata sint, quæ etiam magnis sumptibus, & penè non minoribus, quam superior domus pars quæ supra terre planitiem extat, ac sub dio patet, confecta sunt.

ORTHOGRAPHIAE


STELLÆ BVIRGI SVBSEQUENTIS EXPLICATIO.

A Portale ex Ionico opere compositum, per quod fit descensus in Cryptas huius Obseruatorij, superius habens tres Leones Coronatos affabrè excisos, & hinc inde lapides Porphyreos, qui inscriptiones conuenientes exhibent. B. rotundum laquearium, sub quò Hypocaustum, in quod undiq; è Cryptis ingressus patet. C. Crypta in qua Armille Æquatorie maiores collocantur. D. Crypta Quadrantem magnum uolubilem, appellatum continens. E. Crypta in qua Armille Zodiacales. F. Crypta in qua magnum Quadratum Geometricum Chalybeum interius Quadrantem continens, existit. G. Crypta ubi Sextans Quadrantaliter disponitur in suo fulero & Globo conuolubili. Hæc quoad Cryptas ipsas breuiter indicata sint: Vltiorum explicationem, partim supra indicata, partim suo loco manifestanda, suppeditabunt.

KK 3


Exterius

TICHONIS BRAHE LIE. I.
**ORTHOGRAPHIA STELLÆBVRGI EXTRA
 ARCEM VRANIÆ SITI.**



Exterius in area huius capacitatis STELLÆBVRGICÆ columnæ lapideæ HI un-
 trinq; ad Ortum & Occasum dispositæ, quibus tam Regule Ptolemaicæ imponuntur, quàm
 Armillæ minores portatiles, quando requiritur, suspenduntur. KLNO Globi fulcris suis in-
 cumbentes, & in dicta area nonnunquam dispositi, ut ijs Sextantes ad quemcunq; Stellarum
 situm collimandum reclinentur. M mensa lapideæ & rotunda, Quadranti portatili, & alijs
 minoribus Instrumentis in ea, cum opus fuerit, constituendis, ut observationibus commodè in-
 seruiant, destinata. Reliqua oculatus & intelligens considerator per se animaduertet.

TICHONIS



ICHNOGRAPHIAE HVIVS EXPOSITIO.

A Vestibulum quod per gradus Observatorium subintratur. **B** Hypocaustum Quadratum. **C** Crypta pro Armillis maximis æquatorijs. **D** Pro Quadrante Volubili. **E** Pro Armillis Zodiacalibus. **F** Pro Quadrante Chalybeo magno habente exterius Quadratum Geometricum etiam Chalybeum. **G** Pro Sextante Quadricubitali Globo suo conuolubili imposito. **HH** Columnæ lapideæ ad occidentalem plagam dispositæ. **II** aliæ Columnæ lapideæ orientem uersus locatæ. **KLNT** Globi Sextantibus Astronomicis fulciendis extrapositi. **M** mensa rotunda saxeæ. **O** lectus ipsius TYCHONIS. **Q** lectus Studiosorum. **P** fornax. **V** mensa. **S** initium subterranei meatus infra uallum atq; hortum, in Laboratorium pyronomicum Arcis aliquando (**DV**) deducendi, incoatus enim est, sed non dum absolutus. Exterior area cum sua Galleriâ habet in quolibet quadrati laterum quatuor mundi plagas respicientium pedes 70. Diameter uero semicirculi medio loco intercepti est pedum 24. In duobus autem angulis huius Quadratæ areae uersus Notapelioten & Notolybicum Thecæ quædam oportune sunt, in quibus maius illud Instrumentum semicirculare quo distantie Siderum ultra quadrantem capiuntur, tum quoq; Sextantes alijs, similiaq; Organa mobilia, quorum usus non semper requiritur, sarta tecta conseruantur, quemadmodum etiam ad angulos Borrhæpelioten & Borolybicum TYCHO quædam alia suo tempore disponere constituit.

Hæc breuiter de Structuris hisce Astronomiæ inservientibus dicta sint: ut uero ipsa Insula, in qua hæc proximis aliquot annis non minus laboriosè quam sumptuosè à TYCHONE exæmblata sunt, undè conspectui pateat; eius etiam aliqualem designationem subiungemus.

TOPO

TOPOGRAPHIA INSULAE VENVSIAE,
uulgô HVENNÆ.



EXPLICATIO HVIVS TOPOGRAPHIÆ.

A Arx Vraniburgum. **B** Stalleburgum. **C** Prædium œconomiae destinatum. **D** Officina artificum Astronomica Instrumenta, & alia fabricantium. **E** Mola alata. **F** Pagus 40. circiter rusticorum habitationes continens. **G** Moetrina papiracea, frumentaria & pellificæ. **H** Templum. **I** Forum iudiciale rusticorum. **K L M** Piscinæ majores, quarum **L** Moetrinæ appropriata profundæ altitudinis est, & aggere incredibilis molis fundata, ut aquarum in copia moetrinæ inservientium sit receptaculum. **Hæ**, reliquæq; Piscinæ 60 circiter numero, magnam copiam piscium diuersi generis continentes, in usum dictæ moetrinæ facili negotio quando opus fuerit, pro maiori parte exonerantur. **O** Pratum palustre Alnis aliquibus assurgens. **T** Pascua arbutus nonnullis in locis confita. **N** Syluula Corylorum littore boreo opacata. **P Q R S** Vestigia 4 Arcium, quæ in hac Insula olim extiterunt. Habet autem tota Insula in circuitu 8160 pass: maior: eius uero latitudo ultra 55 g, & longitudo ultra 36 g. Quas arato circumsepto tam in minutis, quam secundis Geographicè exprimitur. Reliqua suo tempore & loco dilucidius (**D V**) explicabuntur.

ILLV

ILLVSTRISSIMO PRINCIPI AC DOMINO, DO-
MINO WILHELMO, LANDTGRAVIO HASSIAE,
Comiti in Catzenellebogen, Dietz, Zigenhain
& Nidda: Principi ac Domino
Clementissimo.
S. D.

ILLVSTRISIME ET GENEROSISIME PRINCEPS,
Clementissime Domine; Intermittere nequii, quin Celsit.
T. per præsentem hunc ad instantes Nundinas Francofur-
tenses properantem, hæc, quæ occurrerunt, significarem.

Et primum, quod & Alces (de quibus procurandis,
meam, quantum fieri posset, operam addixi) attinet, eas
in aliquibus Noruegiæ finibus mihi promissas in promptu esse cognoui;
verum cum Navigationes ob Hyemem nondum suscipiantur, responsum
adhuc eâ de re tam subito obtinere non potui. Quamprimum autem eo-
rum animalium vnum, aut plura ad me pervenerint, prout futurum spero,
C. T. id annuntiabo, vt per C. T. proprium nuncium (si mihi ipsi oportu-
nitas nulla ad hoc expediendum se obtulerit) qui vias & semitas norit, hinc
in Hafsiam deducantur.

Ad C. T. Mathematicum ROTHMANNVM in omnem euentum, si
fortè ad C. T. reuersus sit, adiunctas literas direxi; sin verò nondum acces-
serit, poterit C. T. curare Epistolâ illam per alium aperiri, vt contenta eius
perspiciantur. Præcipuum in eâ hoc est; si ROTHMANNVS proximè sub fi-
nem Decembris factam Eclipsin Lunæ, per C. T. Instrumenta, quoad omnia
sua momenta & alia requisita diligenter denotarit, vt Observationes istæ me-
cum communicentur. Et licet illo tempore omnino hic nulla fuerit serenitas,
quò prædicta Eclipsis à nobis obseruari possit, tamen motum Lunæ per mul-
tiplices Observationes toties tamq; diu perquisitum habeo, vt confidam e-
um numeris meis præcisè ac omnimodè responsurum, ita vt hac ratione per
collationem Observationis isthæ factæ, cum numeratione è proprijs Tabulis
in motu Lunæ, differentiam Meridianorum exquisitè satis colligere queam.
Quod si autem ROTHMANNVS tunc temporis non adfuerit, existimem ego
C. T. Automatopæum, aut alium quempiam hanc Eclipsin, si modò serenū
ibi coelū tum extiterit, non neglexisse; quò etiā sic mihi nihilominus eius ob-
seruata communicentur. Si quoq; alia Lunæ deliquia præcedentibus aliquot
Annis facta & coelitus diligenter denotata ad manus fuerint, cuperè me Ob-
seruationis eorum, quomodo & à quibus Stellis accepta sint, participem fieri.

MESLINVS haud dubiò huiusmodi Observationes aliquot per Alti-
tudines Stellarum, vel quacunq; alia ratione sedulò deprehensas, sibi refer-
uat. Si itaq; C. T. clementer id sibi curæ habere non grauetur, eaq; de causa
ad eum

L L

ad eum

ad eum scribi curet, has proculdubio C. T. non denegabit; ut ita quoque ad manus meas peruenire possint, mihi enim nulla cum eo intercedit noticia. Requiro saltem nudas Observationes, sicuti annotatae sunt, ipsemet deinde te npora, secundum propria ratiocinia, hinc facile eruam. Si quoque ille ipse MESTLINVS Saturnum circa annos 76. 77. & 78. & Martem quoque Anno 76. & 78. in situ Acronychio aliquoties sedulo considerarit, optarem quoque eiusmodi Observationes mihi communicari, quod eas cum meis (quas circa eadem tempora, licet non tot, tamque exquisitas, ac ipsemet quidem volui nactus sum) conferrem. Similium alias Observationum circa Solis oppositum, multas in promptu habeo, idque ferme per totum Eccentrici ambitum. Vellem nihilominus, ob certas & peculiare causas, circa dictos Annos in hisce duobus Planetis apparentias Acronychias examinare, & cum ceteris, quas apud me seruo, conferre. Nihil refert quomodo eas denotarit, siue intermediente Radio per distantias à certis fixis, siue per lineas rectas iuxta filii extensionem, modo illi visitato, decussatim factâ animaduersione: Ego tamen ex ijs facile me expediam, modò nomina Stellarum, & ipsa Observationis ratio designata sit; quamuis (ut dicam quod res est) eiusmodi, vel eius vel aliorum Observationes non multum moror, quoad exquisitam præcisionem, scio enim satis quantum in his lateat scrupuli, ut vix vnus vel alter quem desideramus inueniatur scrupulus logisticus.

In Italiam etiam & Hispaniam scripsi, quemadmodum & in Poloniam, ut aliquot Eclipses Lunares præteritorum Annorum (quæ alicubi ibi accurate coelitus obtentæ fuerint) nanciscar, ac ex ijs & simul illis, quas ex Germania habere potero, Meridianorum differentias rectius quam hæcenus factum est, discernam, atque ita Geographiam (ex quo Astronomiæ, uti C. T. non ignorat, haud parum subuenit) quantum fieri possit, emendem.

C. T. etiam officiose rogatam velim, ut Automatopæo suo siue Horologio præcipiat, ut si alicubi artificem aliquem norit, qui Horologia ac Automata diligenter conficere & tractare sciret, quique Instrumentorum meorum curam gerere posset, efficeret ut is quamprimum huc sese ad me conferret. Ego ipso in huiusmodi negotijs vterer, ac tantum mercedis darem, quantum alibi mereri potest. Aurifaber enim meus Iohannes Crol nomine, qui hîc apud me Instrumenta curauit, eorumque plurima manu sua fecit, mihi in hisce rebus multis annis (vir cætera integer & honestus) diligenter & fideliter inferniuit, antepaucos dies, quod valde doleo, obiit; ut propterea eius loco alium quendam idoneum hominem desiderem, qualis in hisce oris non facile reperitur. Confido itaque C. T. Automatopæum mihi operam suam hac in re nauaturum.

Aueo C. T. Observationes Stellarum fixarum nancisci, quod eas cum meis conferam, nam vix aliter crediderim, quam quod ROTHMANNVS successiue opus illud absoluturus sit,

Ad

Ad primum meum Tomum quod attinet, in quo de ijs multifariam tractatur, illum C. T. Deo iuvante, quamprimum fieri potest, visura est.

Scripti insuper C. T. Mathematico de octodecim illis Minutis, quæ in Observationibus Cometæ Anni 1580. mihi communicatis, ubiq; desiderantur. Nam quoties Cometa iste per Meridianum transiit, inveni præcisè 18. Minuta Cassellis iusto minus observata esse, cum meæ Observationes eodè tempore factæ, semper totidem Minuta plùs habeant. Vnde conijcio, talem defectum ob Quadrantem, vicio perpendiculi in tot scrupulis non ritè directi, commissum esse. Quæ etiam de re cum ROTHMANNO, dum hic esset, contuli, illudq; per collationem vestrarum atq; mearum Observationum demonstraui, ita vt hinc admiratione non modicâ teneretur, nec certâ aliquam causam eius reddere potuerit. Addixit autem se, quamprimum ad C. T. Cassellas reuersus fuisset, hæc ulterius inquisiturum, nam cum Cometa iste observaretur, in C. T. ministerium se nondum tradiderat. Quod si igitur per Automatopæum, aut alium aliquè, defectus hic commissus sit, scire libenter cuperem, quâ de causâ is euenerit, idq; priusquam Observationes in descriptione huius Cometæ ad vsum deducam. Quod autem in meis Observationibus meridianis, circa eundem factis nullus error subsit, confirmant satis Clarissimi viri THADDÆI HAGÆCII tunc quoq; Pragæ sumæ Altitudines, quæ cum meis, habitâ saltem ratione diuersitatis Horizontum, quamproximè consentiunt.

Verùm C. T. istis & alijs eiusmodi diutius grauare aut detinere nolo, sed eam (expectatâ per præsentè, cum à Nundinis ad C. T. redierit, clementi responsione) nunc & perpetuò DEI Omnipotentis clementissimæ tutelæ in diuturnam corporis incolumitatem ac tranquillam Gubernationem ex animo commendatam habeo. Data Vraniburgi, 20. Februarij, Anno 1592.

Celsit. T. Additis.

TICHO BRAHE.

POSTSCRIPTA.

PORRÒ C. T. officiosè indicandum habui, me C. T. Generoso & Illustri filio Landgrauio MAVRITIO scripsisse, ac C. E. demissè rogasse, ne graueretur in Operum meorum Astronomicorum commendationem Carmen aliquod ludere; ex quo satis iam dudum intellexerim C. E. eximiâ præditam esse venâ Poeticâ, talibusq; ingenij à grauioribus studijs recreationibus delectari. Confidam idcirco C. E. dignaturam eiusmodi Carmen ab alterâ parte primæ paginæ (vbi Titulus meorum Tomorum, quos iam operâ Typographicâ expedire præmanibus habeo, vnâ cum Diplomate Cæsareo expressus est, cuius C. T. tria exemplaria transmissi) propriâ manu adscribere. Id gratissimum mihi erit, ac C. E. prout existimo, haud inglorium, faciatq; insuper ad decus & promotionem harum artium. Data vt supra in literis.

LL 2

C. L. A.

CLARISSIMO ET ERUDITISSIMO VIRO, D.
CHRISTOPHORO ROTHMANNO ILLUSTRISSIMI PRIN-
cipis WILHELMII, Landtgrauij Hassiæ, &c.
Mathematico eximio, Amico suo
plurimum dilecto.

S. D.

MIROR ERUDITISIME ET DILECTE MI ROTHMANNE,
te, ex quo hinc discessisti, nihil prorsus ad me literarum dedisse,
elapso fermè iam sesquialtero Anno. Neq; enim existimo te tam
inhumaniter à me vel exceptum, vel dimissum fuisse, quin pau-
cula verba recordationis ergò, vicissim scribendo impertiri, aut saltem per
alios me salutare, deq; tuis rebus commonefacere æquum fuisset. Scripsit se-
mel atq; iterum ad me Illustrissimus tuus Princeps, atq; ubi tam diu morare-
ris miratus est. Verùm cum ego ignorarem, quibus in locis degeres, scripsi
hac de re fratri tuo IOHANNI ROTHMANNO, qui te valetudiniarium in
patria hærere tandem significavit. At quoniam existimem te interea ad
Principem tuum reuersum esse, intermittere nolui quò minùs te his compel-
larem. Rogo autem, vt Eclipsin Lunæ ultimam, si modò illic accuratè ob-
seruata sit, mecum, quò ad totum Observationis processum, communices.
Apud nos tunc temporis non erat serenum, saltem Lunam biduo, & antè
& post, cum esset circa 90. ab Horizonte Eclipticæ gradum, sedulò observa-
uimus, id enim solùm concedebatur. Et si quas alias Eclipses vel Cassellis,
aut etiam à MESTLINO vel alijs diligenter annotatas, conquirere licebit,
fac vt earum nudas saltem Observationes descriptas, pro Meridianorum
diuersitatibus hinc inde rimandis conciliandisq; obtineam. Expeto etiam
Acronychas Saturni circa Annum 76. 77. & 78. & Martis 76. & 78. consi-
derationes, quas proculdubio à MESTLINO per literas impetrabis, dum-
modò is talibus attenderit. De 18. illis Minutis (quæ, cum hic esses, mon-
strauit in Altitudinibus meridianis Cometæ Anni 1580. illic obseruatis ubiq;
deficere) cupio à te certior fieri, prout etiam pollicitus es, quâ occasione
id ipsum contigerit. Velim insuper, vt mihi exponas rationem eam facili-
mè contexendi Canones Sinuum, quæ à IUSTO BYRGIO vestro dicitur ex-
cogitata. Neq; enim satis assequor, an in recessu habeat id quod primà
fronte pollicetur; Rogoq; tum de his, tum alijs, deq; tuo rerum statu, mi-
hi per hunc ipsum hominem Bibliopolam nostratam è Nundinis Francofur-
dianis ad nos redeuntem, affatim rescribas. Vale.

TYCHO BRAHE.

Dem

Dem Besten/ vnserm lieben Besondern/

TICHONI BRAHE, Herrn zu Knudstrup.

Wilhelm von Gottes Gnaden / Landtgraue

zu Hessen/ Graue zu Cagelnbogen/ etc.

Vnsern gnedigen Gruss zu vor/ Bester lieber Besonder. Wir haben euer Schreiben de dato Vraniburg, den 20. Februarij, wol empfangen vnd gelesen. So viel nu erslich die von vns begerete Elendschier belangt/ thun wir vns der angewendten mühe vnd bestellung/ so ihr deshalben gethan/ gegen euch in Gnaden bedancken/ Vnd mögen euch hiermit nicht verhalten/ daß wir vor dreyen Monaten vier Elende auß Schweden bekommen/ deroselben vns aber albereit drey gestorben/ daß wir also von denselben nur eine junge Kuhe/ vnd dan sonst noch einen Elendsochsen/ so wir vor zweyen Jaren auß Schweden bekommen/haben. Die Bruch aber/ daß sie also weg sterben/ halten wirs dafür/ daß es dahero komme/ weyl der liebe Gott vorm Jar so ein statliche Mäst bescheret/daß auch die Eycheln sehr dicke auff einander gelegen/ vnd faul worden seyn/ daß sie derselben etwan zu viel gefressen haben mögen/ daß inen endlich die feultung im Leibe gemacht/ vnd daran sterben müssen/ Inmassen vns dan ein gute Anzahl Reher/ desgleichen 19. Gemse/ so wir vorm Jar außem Landt zu Beyeru bringen/ vnd gleicher gestalt in vnserm Thiergarten zur Zapffenburg thun lassen/auch kurz auff einander gestorben seyn. Woferne jr vns nu zu dem noch vbrigen Elendsochsen/ ein par starker Elendskuhe von zweyen oder dreyen Jaren bey gegenwertigen heraußer stücken fundtet/ geschehe vns daran zu ganz angenehmen gefallen/ Wollen es auch vmb euch in Gnaden widerumb zubeschulden vnuergeffen seyn/ dan sonderlich der eine Elendsochse/ den wir nu baldt zwey Jar gehabt/ sich gerne paven wolte/ vnd sich in der brunst ganz vnstetig erzeigen thut.

Was dan die jüngst im verschienen Decembri geschehene Eclipsin Lunæ vnd deroselben Observation betriffet/ ist es andem/ daß wir dieselbige in abwesen vnsero Mathematici ROTHMANNI (der sich dan seiner noch jimmerwährenden Schwachheit halben bey vns nicht wider eingestellt) nicht obseruieret haben/ Sondern/ in massen wie jr dan in beyliegende zu sehen/ wie sie von vnserm Mathematico, den wir newlicher Tage auff vnser Vniuersitet Marburg bestellet haben/ auffgerissen worden.

Sonst mögen wir euch nicht verhalten/ daß die Römische Keyserliche Majestet vor etlichen Tagen an vns allergnedigst geschriben/ vnd begeret/ daß wir irer Keyserlichen Majestet vnsern Vhrmacher lösten Byrgi mit dem Globo, den er hie vor gemacht/ vnd darauff die Motus Planetarum eingebracht

L 13

hau

hat/zuschicken wolte. Welches wir dan irer Keyserlichen Maieſtet nicht verwegern mögen/vnd ſeynde demnach gemeynt/gedachten vnſern Vhrmachern erſtes Tages zu irer Keyſerlichen Maieſtet abzufertigen / doch daß er ſig ſorſderlich widerumb bey vns einſtellen ſolle/ wie wir vns dan verſehen/ er auff künfftigen Michaëlis widerumb bey vns ſeyn werde.

Vnd ob er euch wol den begerten Goldſchmidts geſellen/ſo mit den Automatis vnd Horologijs etlicher maſſen umbzugehen wiſſe/ gerne zu weiſen wolte/ ſo iſt doch derſelbigen jeziger zeit keiner allhier anzutreffen/Es ſoll ſich aber er vnſer Vhrmacher auff ſeiner reyse nach einem ſolchen Goldſchmidts geſellen umhören/vnd da er denſelbigen antreffen würt/ alß dan mit im handeln vnd euch zuweiſen.

Was dan vnſer Sohn Landgraff MORITZ an euch ſchreiben thut/vnd in Commendationem ewers Operis Aſtronomici gemacht/ daß habe jr hierneben zu empfangen / vnd begeren gnediglich/wan ſolch Opus gar verfertigt/ jr wollet vns deſſelbigen ein Exemplar zuſchicken.

Wolten wir euch hiñwider gnediglich diß nicht verhalten. Vnd ſeyndt euch mit gnedigem Willen wol geneigt. Datum in vnſer Stadt vnd Befugung Caſſel/ am 2. Aprilis, Anno 1592.

Wilhelm Landgraff zu Heſſen.

*Sequuntur eadem Litera in Latinum
conuerſa propter exteros.*

NOBILISSIMO, NOBIS SINGVLARITER

DILECTO, TYCHONI BRAHE, Domino de Knudstrup.

WILHELMVS DEI GRATIA LANDGRAVIVS

HASSIÆ, COMES IN CATZENELLEBOGEN, &c.



GRATIA ET FAVORE NOSTRO PRÆMISSIS. Nobilissime & singulariter dilecte: Literas tuas datas Vraniburgi 20. Februarij, rectè accepimus ac legimus. Quantum igitur primùm ad expetitam à nobis Alcem attinet, gratias habi clementer agimus ob operam & curam eo nomine susceptam. Nec celare te etiam possumus, quod tres ante Menſes quatuor ex Suecia Alces accepisse, quarum tres interea mortuæ sunt, sic vt earum vnicam saltem iuueniculam, & præterea bouem eiusdem generis, quem ante Annum ex Suecia nacti sumus, reliquos habeamus.

Causâ autē, quod ita emoriantur, hinc ortam existimamus; quod Deus ante Annum tantum glandium prouentum concesserit, vt plurimæ iniuicem coacer-

coaceruata multis in locis computruerint, quarum si fortè nimium comederint, id ijs putredinè in corpore peperit, vnde mori illas necessum fuit. Similiter quoq; magnus Damarù numerus, prætereaq; nouendecim Rupicaprae, quas ante Annum ex Bauaria adferri, & simul in hortum nostrum ferarum Zapffenburgensem deponi curauimus, eandem, vt puto, ob causam obierunt.

Sinobis ad eam, quæ super est, Alcem masculam, vnicam eius generis famellam, quæ duorum vel trium Annorum ætatem habeat, per præsentem nuncium huc possis transmittere, rem nobis faceres apprimè gratam. Nos, vt id vicissim clementi gratiâ promereamur, haud erimus immemores. Illa enim præcipuè, quam iam ferè biennium habemus mascula Alce, ad coitum procliuus est, si modò suæ speciei famellam haberet.

Quòd ad eam, quæ proximè elapso Decembri accidit, Eclipsin Lunæ, & eiusdem obseruationes pertinet, est quod eandem absente Mathematico nostro ROTHMANNO (qui ne adhuc quidem propter diurnam, quam præterdit valetudinem, ad nos redijt) non satis obseruauerimus; eius tamen calculum & delineationem à Mathematico quodam alio nostro, quem ex Vniuersitate nostrâ Marpurgensi vocari curauimus, consignatâ mittimus, quemadmodum ex adiunctis videre est.

Celare te insuper nequimus, Cæsaream Maiestatem ante aliquot dies clementissimè ad nos scripsisse, & petijisse, vt ad Cæsaream eius Maiestatem Automatopæum nostrum IVSTVM BYRGIVM cum eo, quem antea fecit, Globo, in quo motus Planetarum repræsentauit, transmitteremus; quod nos Cæsareæ eius Maiestati denegari noluimus; quapropter prædictum Automatopæum nostrum, primo quoq; tempore ad Maiestatem eius Cæsaream ablegare decreuimus; ita tamen vt se quamprimùm iterum apud nos sistat, sic vt confidamus instanti Michaëlis festo, hic denuò eum adfuturum.

Et tamen si is tuo rogatu Aurifabrum aliquem, qui Automata & Horologia quodammodo tractare sciat, libenter ad te mittere velit, nullum tamen eorum, hoc tempore, hic inuenire licet. In suo autem suscepto itinere, dictus noster Automatopæus, detali aliquo Aurifabro vel Automatopæo sciscitabitur; & si quem reperiat, cum illo tuo nomine aget, vt se ad te conferat.

Quæ filius noster Landgravius MAVRITIVS ad te perscripsit, & in commendationem Operis tui Astronomici composuit, hisce adiuncta habes; petimusq; clementer vt vbi Opus illud absolutum erit, eius ad nos Exemplar quamprimùm perferendum cures.

Hæc nos te vicissim celare clementer noluimus, & sumus gratiosâ voluntate benignè erga te semper affecti. Data in Vrbe & Arce nostra Cassellana, 2. Aprilis, Anno 1592.

WILHELMVS LANDGRAVIUS
HASSIAE.

Dem

Dem Besten / vnserm lieben Besondern /

TYCHONI BRAHE, Herrn zu Knudstrup.

Wilhelm von Gottes Gnaden / Landtgraue

zu Hessen / Graue zu Catzenelbogen / etc.



Nsern guedigen Gruss zuvor / Bester lieber Besonder. **I**hr
wisset euch zweiffels frey zu crinnern / welcher gestalt jr vns hie
bevor etlicher Elende halber gute vertroöstung gethan / Darauff
wir auch nicht vnderlassen / vnderm dato, den 2. Aprilis, einen
eigenen Botten mit einem Schreiben an euch haltend / abzu-
fertigen / daß / wo solche Elende bey euch ankommen weren / er
vns dieselbige anhero bringen solte. Wir haben aber sider dem das geringste
nicht vernommen / ob solcher Botte bey euch ankommen / oder aber ob er leben-
dig oder todt sey / oder wie es sonst umb ihnen stehe / daß vns biß noch von euch
keine Antwort zukommen ist. Wie aber deme / weil vns die Elende / so vorm
Jar auß Schweden bekommen / alle gestorben / vnd wir nur einen Elendtoch-
sen / so vns vor zweyen Jaren auß Schweden zukommen / haben / derselbe dan
sehr schön vnd sein zahm ist / vnd diß Jar albereit ein sein Gehörn von andern
halben Schuße hoch geschoben hat / vnd jm niergendt woran mangelt / als
daß er kein Weibichen hat / damit er sich paren möchte. Als begeren wir gne-
diglich / woferne euch solche vertroöstete Elendsthier / vnd sonderlich ein Weib-
ichen zukommen were / jr wollet vns dieselbige auff vnsern kossen so balde vber-
schicken. Daran thut jr vns zu angenehmen gefallen. Vnd seynde wir es
vmb euch hinwider in allen Gnaden / damit wir euch ohne das gewogen / zu er-
kennen geneigt. Datum in vnser Stadt vnd Vestung Cassel / am 30. Iulij.
Anno 1592.

Wilhelm Landtgraff zu Hessen.

Litera eadem Latinitate donata.

NOBILISSIMO, NOBIS SINGVLARITER

DILECTO, TYCHONI BRAHE, Do-
mino de Knudstrup.

WILHELMVS DEI GRATIA LANDGRAVIVS

HASSIÆ, COMES IN CATZENEL-

LEBOGEN, &c.



RATIA ET FAVORE NOSTRO PRÆMISSIS. NOB-
ilissime & singulariter nobis dilecte: meministi proculdubio,
quâ ratione nobis ante hac de quibusdam Aleibus haben-
dis spem feceris, cuius gratiâ intermittere nequiuimus, quò-
minus sub dato 2. Aprilis proprium Tabellarium cum scri-
ptis ad

ptis ad te literis ablegaremus, vt si eiusmodi aliquot Alces ad vos allatae essent, eas ille ad nos adduceret. Nos autem ab eo tempore, ne minimum quidem rescire potuimus, an Tabellarius ad vos appulerit, aut etiam an viuus aut mortuus sit, aut quâ praeerea occasione eueniat, quod nobis huc vsq; nihil responsi ab eo perferatur: Vtut autem sit, postquam ea, quae nobis ante annum è Suecia adferebantur Alces, omnes emortuae sint, & nunc saltem vnica habeamus masculam, quam ante biennium itidem è Suecia accepimus, quae & ipsa admodum pulchra & cicurata est, sic vt hoc demum anno egregia cornua sesquialterum pedem procera enata sint, nec ei vlla in re quippiam desit, nisi quod faminâ sui generis destituatur. Petimus clementer, vt si promissas Alces & praesertim famellam aliquam nactus fueris, velis nobis easdem nostris sumptibus mox transmittere. Hoc ipso rem nobis facies acceptissimam. Nos id vicissim erga te omni clementia, qua tamen aliâs tibi fauimus, promereri non intermettemus. Datum in Vrbe & Arce nostra Casselana, 30. Iulij, Anno 1592.

WILHELMVS LANDGRAVIVS
HASSIAE.

ILLVSTRISSIMO PRINCIPI AC DOMINO, DOMINO
WILHELMO, LANDTGRAVIO HASSIAE,
Comiti in Catzenellebogen, Dietz, Zigenhain
& Nidda: Principi ac Domino
Clementissimo.
S. D.

ITERAS CELSIT. TVA, ILLVSTRISIME PRINCEPS, circa Aprilis auspicia per proprium Tabellarium ad me destinatas iuxta proximè sequentis Mensis initia rectè accepi. In quibus Alces quasdam Noruegicas C. T. antea à me promissas, ad se è vestigio transmitti desiderat. Accidit autem, vt iisdem penè diebus Con sanguinei mei Nobilissimi viri AXILLI GVLDENSTERN Regij in Noruegia Vicarij literæ vnâ ad me perlatae sint, quibus conquerebatur se Naucletum, qui bestias istas incolumes & illaesas huc transferre in se recipere vellet, offendere illic neminem. Idcirco in animo se habere scribebat, possent ne terrestri huc itinere perducere, periculum fieri curare. Scripsi nihilominus eidem AXILLO semel atq; iterum, iamq; antea mihi factas pollicitationes illi in memoriam reuocaui. Verum is neq; terrenis locis, conuallibus vndiq; inuijs, & confragosis rupibus armentis illis transitum difficiliorem reddentibus,

M M

tuto

tutò & certò adduci posse respondebat. Et licet id fieri concederetur: neutiquam tamen negotium hoc ob æstium Solis ardorem, & antequam Caniculares præterijissent feruores (quos id genus animantium in peregrinis à nativitate solo terris, primo ingressu haud facillè sustinet) opratos habiturum successus sperabat. Qua de re se quamprimum profectio in Daniã tum temporis institutã plenius hic mecum communicaturum recepit. Atq; hinc contigit, vt dum indies vel ipsius Proregis ad nos aduentum avidè expectarem, vel animalium istorum copiam nobis intereã fieri posse considerem, C. T. Tabellarium diutius hic apud me detinere necesse habuerim, donec certi aliquid hãc de re mihi constaret. Nec enim sine Alcibus illis ad T. C. remittendum duxi, præsertim cùm is indicãrit, sibi iniunctũ fuisse, vt non absq; his rediret. Sed quamuis prædictus hic AXILLVS expectatione nostra seriùs, vt pote circa Mensis huius ingressum, huc aduentãrit; Peropportunè tamen accidit, vt ad idem ferè tempus, quo alter T. C. nuncius, posteriores literas de eadem re me commonefacientes asportãrit, AXILLVS è Noruegia huc primum appelleret, meq; in hac Insula mox inuiferet. Confestim itaq; cum ipso de Alcibus dudũ promissis, sedulò egi. Verũ is difficultates non paucas, quò minus terrã mariuè integra huc valetudine perducì queant, objiciebat, curq; hætenus eas mittere non licuerit, causas edidit. At ego instabã, recentiorem illum C. T. nuncium, qui iam pridem accedebat, quem admodũ Per eiusmodi è longinquis adduci debeant, satis callere: siquidem prius è Suecia aliquot tales T. C. indemnes attulerit. Protinus itaq; duobus Nobilibus, quibus Arcem & Prouinciã, cui in Noruegia præest, se absente commiserat, per literas mandauit, vt quinq; Alces, quas hinc inde in mei gratiam conquissierat, atq; in varijs locis alendas (donec inde commodè huc transferri possent) disposuerat, eidem nuncio vnã cum alimentis cæterisq; rebus necessarijs diligenter & sine mora procurarent. Is proinde acceptis hisce literis, vnã cũ libero à me commẽatu in Noruegiã iter accelerat, vt obtentis ibi quinque hisce Alcibus, ijsdemq; in nauem impositis, rectã Bremam trajiciat, atq; hinc terrestri passu desiderata iam diu animalia ad T. C. qua poterit, cura & sedulitate perducatur. Quod si singula sana & viuida istuc sistere concessum fuerit, non dubito, quin T. C. petitioni, adeoq; diutinæ expectationi, iam tandem, quantum in nobis erat, satisfecerimus. Retulit autem Consanguineus ille meus, cùm hinc præstò esset, vnã inter istas quas habet Alces satis grandæuam, eandemq; masculam esse. reliquas verò quatuor iuniores partim masculas, partim fæmellas. At quotquoti & qualescunq; fuerint, vt C. T. has boni consulere, atq; moram hanc, qua tota pene æstate responsio hæc dilata sit, ob antedictas causas excusatam habere dignetur, demissè etiam atq; etiam rogo: nec Tabellario primum amandato, quòd tam diu hic hæserit, succensere velit. Si qua alia in re T. C. in hisce oris meã qualicunq;

op. lia-

opella, quod eidem gratum acceptumq; fuerit, quippiam præstari queat, inuenier me ubiq; & in omnibus quàm promptissimum. De Astronomicis nostris exercitijs nunc nihil dicam. Quid in his moliar T. C. aliàs data occasione intelliget. Id saltem addam, me non libenter ex hoc ultimo T. C. Grammatophoro percepisse, ROTHMANNVM necdum rediisse, Tuzq; Celsitud. Instrumenta Astronomica interea à Cœlestium considerationibus prorsus feruari. Ideoq; quàm maximè oprarem, vt C. T. alium quendam harum rerum peritum, in ipsius locum substitui curet, qui inchoatam telam ritè perrexat, & Obseruationibus sedulò continuandis deinceps inuigilet. Sed meum non est T. C. quippiam præscribere, præsertim cum naturali quadam propensitate & singulari fauore ad hæc studia amplianda & promouenda, non sine præclara laude, feratur. DEVS T. C. ad omne bonum opus exequendū, quàm diutissimè conferuet incolumen. Iamq; T. C. quàm felicissimè valeat. Data Vraniburgi, 20. Septemb. Anno 1592.

Celsit. T.

Addictiss.

TICHO BRAHE.

Dem Durchleuchtigen / Hochgebornen Fürsten
vnd Herrn / Herrn MAVRITZ, Geborn Landgrauen zu Hessen/
Graffen zu Casselnbogen / Dieß / Biegenhain
vnd Nidda: Meinem gnedi-
gen Herrn.

Durchleuchtiger / Hochgeborner Fürst. Ewer F. G. seynde meine Dienste nach allem vermügen jederzeit zuvor an bereit. Gnädiger Herr. Wienvol ich mit Ew. F. G. weiter nicht bekant bin / dan da ich Ew. F. G. Herrn Vater / vor etlichen Jaren zu Cassel besuchte / zu welcher zeit Ew. F. G. noch gar jung war / So hab ich doch gleichs wol sieder der zeit von andern vielmal verstanden / daß Ewer F. G. mit fürtrefflichen Fürstlichen Tugenden / auch nicht mit geringer gelehrtheit soll begabt seyn. Vnd hat mir E. F. G. Herrn Vaters Mathematicus ROTHMANNVS alhie gesagt / daß Ew. F. G. mein Name so sehr unbekandt nicht sey: Viellicht auß den Schreiben / die ich zu etlichen maln an Ewer F. G. Herrn Vater / von Astronomischen Sachen dienstlich gegeben hab. Auß welchen vnd andern Ursachen ich nicht habe vnderlassen wollen / Ewer F. G. mit diesem meinem geringen / jedoch diensterbietigem Schreiben zu besuchen / In hoffnung / Ew. F. G. werde es im besten aufnehmen. Wan mir dan

M u 2

beyde

beyde von gedachtem Mathematico vnd andern / die da gute Wissenschaft
 darumb haben / glaubwürdiger Bericht gethan ist / das Ew. F. G. ohn dem /
 das sie in Hebraica, Græca, & Latina lingua wol erfahren vnd geübet sey /
 vnd andere Artes liberales in pretio halte / ein eccellente gute venam Poëti-
 cam, vnd grosse Lust zu solchem Poëtico studio haben sollte: So habe ich
 miß vnderstehen dürffen / Ew. F. G. dienstlich anzukunnen / das sie wolte
 vnbescheret seyn / per otium ein Carmen commendatorium in Opera mea
 Astronomica, quæ præ manibus edenda habeo, zu componiren; vnd mir
 bey dieser Botschafft / da die von der Franckfurter Messe widerumb zu rücke
 zeucht / gnedich mitzutheilen. Ich versehe mich / es werde Ew. F. G. sol-
 ches keines weges inhonorificum seyn / dan ich bin willens / dasselbige gestrackt
 auff das andre Blat in meinem primo Tomo (worvon ich drey Exempla-
 ria des ersten Bogens hiehergelegt habe) drucken zu lassen. Da deros-
 wegen Ew. F. G. sich wolte verdemüthigen / dasselbige Carmen auff die eine
 Seite / die da leer ist / nechst für dem Diplomate Cælarco, mit eigener Hand
 selber zu schreiben / vnd mir also eines darvon widerumb zuzuschicken / das
 ich es darnacher baldt nechstfolgendt einem andern (welches ich à Serenissi-
 mo Rege Scotiæ, der auch ein trefflich guter Poët ist / in gleicher massen täg-
 lich gewertig bin / vnd auff der ersten Seit / nechst dem Effigie, diuweyl er ein
 König / vnd mit vnserm Königlichem Stamme beschwägert ist / stehen wirdt)
 möchte imprimiren lassen: Erzeigte Ewer F. G. in dem nicht allein iren
 Sonderlichen gnedigen Willen gegen mich / sondern auch ein wolgeneigt liebs-
 tragendes Gemüt gegen die herrliche Astronomische Kunst vnd andere hohe
 studia, Vnd were es Ewer F. G. ohn das / von wegen ires Hochheliebten
 Herrn Vaters / der zu dieser Kunst viel Jar her einen grossen Lust vnd gefal-
 len getragen / vnd hoch darein erfahren ist / nicht vnrahmlich. Dan je vnd alle-
 zeidt von Anfang der Welt / solche fürtreffliche Kunst / von hohen mit reichem
 Verstande erleuchteten Potentaten, Keysern / Königen vnd Fürsten / wie auch
 insonderheit von Ew. F. G. Herrn Vater / wie gesagt ist / in grosser Liebe vnd
 Würde gehalten / auch nicht ohn gebürliche Vnkosten befördert vnd gehandelt
 habt seyndt. Ich zweiffel nicht / Ew. F. G. werde gleichfalls darüber zu hal-
 ten geneigt seyn / vnd jr Fürstlich Gemüt in solchen wissendwürdigen Händ-
 lichen vnd hohen Sachen / bißweylen von den Irdischen (die man doch tracti-
 ren muß) erhaben / je lenger je mehr delectiren vnd acuiren, vnd daher gne-
 diglich gewogen seyn / meiner abangeregten Bitt bey sich stat finden zu lassen.
 So baldt etliche von meinen Tomis durchauß verfertigt seyndt / wil ich nicht
 alleine Ew. F. G. Herrn Vater / diuweyl seine F. G. einen besondern wolger-
 fallen darzu treget / vnd dasselb gnedigst von mir begert hat / sondern auch Ew.
 F. G. etliche Exemplaria davon communiciren. Vnd wo ich Ew. F. G.
 nach meinem geringen vermügen sonst dienen kan / erbiete ich mich williger
 dan

dan willig/ vnd soll Ew. J. G. in dem jederzeit vber mich zu gebeiten haben.
 Wil Ew. J. G. in des Allerhöchsten gnadenreichen Schirm/ zu langwiri-
 gem Wolstande/ hiemit dienstlich vnd getrewlich befohlen haben. Datum
 Vraniburg, den 20. Februarij, Anno 1592.

Ew. J. G.

Dienstwilliger

TICHO BRAHE.

*Sequuntur eadem Litera Latinè exposita propter
 eos qui Germanica ignorant.*

ILLVSTRISSIMO PRINCIPI AC DOMINO, DO-
 MINO MAVRITIO, LANDTGRAVIO HASSIA,
 Comiti in Carzenellebogen, Dierz, Ziegenhain
 & Nidda: Principi ac Domino
 Clementissimo.
 S. D.

ILLVSTRISSE PRINCEPS MAVRITI, DOMINE Cle-
 mentissime. Etsi Celsit. T. aliàs fortè non innocuerim, quam
 quodd plusculis abhinc annis C. T. parentem Castellis inuiserim,
 quo tempore C. T. ætas admodum adhuc tenera erat; Ex eo ta-
 men tempore, sæpiùs ab alijs intellexi C. T. excellentibus & Principe dignis
 virtutibus, tum etiam doctrina non vulgari eximie ornatam esse; quin & C.
 T. Parentis Mathematicus ROTHMANNVS præsens quoq; mihi reulit, C.
 T. nomen nostrum non omnino incognitum esse, idq; fortè ex ijs literis, quas
 aliquoties ad C. T. Parentem de Astronomicis rebus aliquot iam elapsis an-
 nis perscripsi, & ab eodem vicissim recepi. Ob has itaq; & alias causas in-
 termittere haud potui, quin C. T. hisce meis literis officiosè compellarem,
 sperans C. T. hanc meam audaciam in meliorem partem clementer inter-
 pretaturam; Cumq; ego tum ex prædicti Mathematici tum ex aliorum, quib-
 us idipsum certò constaret, fide digna relatione compertum habeam, C.
 T. præterquam quod in Hebraica, Græca & Latina lingua apprimè versa-
 ta sit; etiam alias Artes Liberales in pretio habere, inprimis verò excellenti
 vena Poëtica donatam esse, & hoc studio plurimum delectari, hanc mihi id-
 circo sumsi confidentiam, vt C. T. demissè rogarem ne degrauaretur per
 otium in Opera mea Astronomica, quæ præmanibus edenda habeo, Carmen
 aliquod commendatorium ludere, mihiq; id per præsentem nuncium, qui à

M m 3

Franco-

Francofurtensibus Nundinis reuertetur, clementer communicare. Existimo sanè C. T. hoc ipsum nullatenus inhonorificum fore: decreui enim mox ab alterâ paginâ primi mei Tomi (cuius primi Quaternionis tria Exemplaria hîc adiuncta sunt) id excudi curare. Quod si igitur C. T. dignabitur idem Carmen ab altera pagina, quæ vacat proximè ante Diploma Cæsareum, manu propria describere, mihiq; huc illorum Quaternionum vnum remittere, quò id ipsum mox iuxta alterum (quod à Serenissimo Rege Scotiæ, qui & ipse in Poësi excellit, indies expecto, quodque in primâ paginæ eiusdem parte, si quidem Rex est, & Regio nostro Stemmati affinitate iunctus, collocabitur) imprimi faciam; equidem C. T. non solum peculiarem & clementem erga me beneuolentiam sic declarabit, sed etiam propensum amantemq; animum erga præclaram artem Astronomicâ publicè ostendet, eritq; id præterea C. T. vel eam ob causam, quod C. T. parens multis abhinc annis erga Artem hanc magna delectatione affectus fuerit, plurimumq; eius peritus sit, conueniens & gloriosum. Scit proculdubio C. T. inde à Mundi primordijs hanc sublimem scientiam à magnis, & præclarâ intelligentiâ præditis illustribus viris, adeoq; Imperatoribus, Regibus & Principibus, prout etiam peculiariter & præcipuè à C. T. Parente, vt diximus, excultam & in pretio habitam, nec non requisitis sumptibus & adminiculis liberaliter sustentatam fuisse. Non dubito igitur, quin C. T. similiter ad eam fouendam propensa sit, & excelsum animum suum in huiusmodi cœlestibus atq; arduis studijs subinde à terrestribus (inter quæ nihilominus versari cogitur) elatum, magis magisq; delectet atq; acuat, eamq; ob causam ita affecta sit, vt superiori meæ petitioni locum apud se clementer concedat. Quamprimum aliqui meorum Tomorum prorsus absoluti fuerint, non saltem C. T. Parenti, siquidem C. E. insigniter ijs delectetur, ac id ipsum clementer à me petierit, verum etiam C. T. eorum aliquot Exemplaria communicabo, & sicubi alijs C. T. gratum quid præstare potero, quam promptissimum me officiosè & reuerenter defero; atq; in his C. T. mihi semper prout vult præcipiat. Iamq; C. T. DEI Omnipotentis Tutelæ in diuinam prosperitatem fideliter commendatam habeo.

Datum Vraniburgi, 20. Februarij,

Anno 1592.

OS SO



*Infra has literas TYCHO hoc sequens ipsemet
subscripserat Epigramma.*

Inclito

INchyte *M A V R I T I*, sublimibus annue cœtis
Si vacat, atq; aliò non tua cura vocat:
Nec pigeat nostros venâ illustrare labores
Mellifluâ, tibi quam fautor Apollo dedit.
Non indigna tuo, nec ages aliena Parente,
Qui lura egregiè callet amatq; Poli:
Nec tibi dedecorum, quia Principis enthea, soli
Haud obstricta Solo mens agat, alta volet.
Adde quod una nouem Musas, quas diligis, inter
Urania est, primo conspicienda loco;
Hanc igitur modico si ornâris Carmine, fiet
Cum fratre & reliquo plus tibi amica choro.
Ipse quoq; (ut magnis liceat componere parua)
Si mea quid valeat Musula, gratus ero.

Tux Cellit. Additiss:

TYCHO BRAHE.

Dem Besten/ vnserm lieben Besondern/

TYCHONI BRAHE, Herrn zu Knudstrup.

Moritz von Gottes Gnaden/ Landtgraue

zu Hessen/ Graue zu Casseneubogen/ etc.

Vnsern gnedigen Gruss zuvor/ Besten lieber Besonder. Wir ha-
 ben ewer Schreiben de dato Vraniburg, den 20. Februarij, an vns
 gethan/ empfangen/ gelesen/ vnd darauß nach der lengen was jr an
 vns begeret verstanden. Dasß wir nu für einen solchen hohen vnd
 fürtreffigen Poëten gerühmt/ vnd euch vnser vena Poëtica so hoch commen-
 daret worden/ daran geschicht vns zwar zu viel/ dan wir wissen solche statliche
 Commendation, vnd wie jr vns auch zutrawet/ im Werck nicht zu erweisen/
 Ohn ist es aber nicht/ daß wir vns in vnsern angehenden Studijs in Poësi et
 was exerciret, doch aber solch Exercitium durch andere vns mehr angelegene
 Sachen/ numehr eine geraume zeit nicht gebrauchet.

Nichts desto weniger aber haben wir ewerm gesinnen nach ein Carmen
 commendatorium, so gut wir es machen können/ vor ewere Opera Astrono-
 mica,

mica, so fr in Druck außgehen lassen wollet / verfertigt / vnd dasselbig auff die Seite vor dem Diplomate Cæsareo, da jr es hin begeret / mit eigen Handen geschrieben. Da euch nu vnser Carmen commendatorium annemlich sein würde / geschehe vns daran ein gnediges gefallen.

Wolten wir euch hinwider gnediglich nicht verhalten / Vnd sende euch mit gnedigen willen wolgeneigt. Datum Cassel / am 2. Aprilis, Anno 1592.

Moris Landgraff zu Hessen.

*Carmen verò quod his literis Germanicis adiunctum
erat, statim post sequentem Latinam
versionem subiicitur.*

NOBILISSIMO, NOBIS SINGVLARITER

DILECTO, TYCHONI BRAHE, Do-
mino de Knudstrup.

MAVRITIVS DEI GRATIA LANDGRAVIVS
HASSIÆ, COMES IN CATZENEL-
LEBOGEN, &c.



RATIA ET FAVORE NOSTRO PRÆMISSIS. NOBILISSIME & singulariter nobis dilecte. Literas datas Vraniburgi, 10. Februarij, & ad nos scriptas accepimus legimusq; & quid inde petas, intelleximus. Quod nos sub nomine excellentis & præstantis Poëtæ celebremur, tibiq; nostra vena Poëtica adeò commendata sit, hoc ipso nimium nobis tribui censemus, neq; enim tanta Elogia, aut id quod tibi de nobis polliceris, re ipsa omninò exsequi posse nobis arrogamus. Haud tamen intermisimus quò minùs in progressu studiorum nostrorù, & in Poësi quoq; nos aliquantulum exercuerimus, verùm ita vt exercitium illud ob alias magis necessarias occupationes longo iam tempore non tractauerimus.

Nihilominus ex petitione tua Carmen commendatorium, quale id conficere potuimus, Operibus tuis Astronomicis, quæ in lucem emittere decreuisti præfigendum, composuimus, idq; proximâ ante Diploma Cæsareum paginâ, prout petijsti, propria manu scripsimus. Quod si tibi hoc nostrum Carmen placuerit, nobis id gratiosè acceptum erit.

Hæc te vicissim celare noluimus, & sumus erga te clementi voluntate semper propensi. Datum Casellis, 2. Aprilis, Anno 1592.

MAVRITIVS LANDGRAVIVS
HASSIÆ.

MAVRL

MAVRITIVS HASSIÆ
LANDTGRAVIUS

AD

TYCHONEM BRAHE, NOBILEM
ET CLARISSIMVM VIRVM.

*VRANIE superat reliquas divina Sorores,
 Dicitur & sacri gloria prima Chori.
 Hanc coluere Patres Prisci, Regesq; potentes,
 Qui proprius Mentis vi tetigere DEOS.
 Hanc optat sapiens studiorum figere metam,
 Ut fama celebris premia digna ferat.
 Quanto etenim Terras celsus supereminet Æther;
 Illius est tantò notio laude prior.
 Ipsa docet Celi motus, Calumq; tueri
 Vultibus erectis nos iubet ipse DEVS.
 Nè ventura malis timeamus fata, sed Astris
 Præmoniti, ad Superum confugiamus opem.
 Nec queramus humi pastum, sed laude vehatur,
 Qui struxit Celi tale Creator Opus.
 Ergo tuis laus meritis studijsq; fovere
 Perge DEAM tantam; Munera larga dabit.
 Quandoquidem dudum miratur, per via cuncta
 Esse tuis Fabricis quæ latuere prius.
 Hinc tibi scrutanti Leges sublimis Olympi,
 Inter honoratum præparat Astra locum.*

MAVRITIVS HASSIÆ LANDTGRAVIUS, F.
 & manu propria scriptit.

NN

ILLV-

ILLVSTRISSIMO PRINCIPI AC DOMINO,
DOMINO MAVRITIO, LANDTGRAVIO HASSIAE,
Comiti in Catzenellebogen, Dietz, Zigenhain
& Nidda: Principi ac Domino
Clementissimo.

S. D.

ILLVSTRISSE ET GENEROSISSE PRINCEPS:
Plurimâ equidem T. C. me laticia affecit, dum non modò Literis suis clementer nostris respondere: Sed & Carmen commendatitium in Opera, quæ molimur, Astronomica, scitè & eleganter concinnare, proprijsq; digitis circa frontispicia chartæ transmissæ consignare, non dedignata sit. Pro qua etiam clementi erga me, meaq; studia affectione gratias T. C. demissè ago, quas possum, maximas. Exhibebunt utiq; versus illi clarissimum T. C. erga tam sublimes Artes & me etiam favoris & benevolentiaε *ταπεινότητα*, Posteritati in auspicijs meorum Operum Astronomicorum iugi memoria consecrandum: mihi verò devotæ erga T. C. observantiaε *μνημοσύνη* nulla oblivione interituum suppeditabit. Cur autem non antea T. C. hoc nomine rescripserim, & quare Tabellarium hunc tam diu hîc detinuerim, causas in Literis ad Illustrissimum T. C. Dominum Parentem datis, luculenter exposui. Quin & antea idem per Præstantis. & Eruditis. Virum Doctorem NICOLAVM THEOPHILVM, nunc in Academia Hafniensî Juris Professore, olim T. C. Parenti in Cancelliæ negotijs operam navantem, indicare animus erat: Quo etiam nomine ad ipsum perscripseram. Verùm intellexi postea, ob adversam valetudinem iter eius, quod in HASSIAM adornârat, præpeditum fuisse. Præter voluntatem igitur meam accidit, quod adeò tardè tam Illustrissimæ Parentis, quàm T. C. Literis nunc respondeatur. Quam moram ut C. T. clementi animo in potiore partem accipiat, atq; excusatam habere velit, etiam atq; etiam submissè rogo. Nec ulterius T. C. impolitîs hîc meis literulis, alijs fortè intentam, gravabo. Verùm C. T. Deo Opt: Maximo, quam plurimùm commendatam cupio. Is C. T. vitam & actiones in vestigia Paternarum virtutum dirigat, & ad Reipub. emolumentum feliciter disponat. Vale. Datæ Vraniburgj, 21. Septemb. Anno 1592.

Celsit. T.

Addictis.

TYCHO BRAHE.

NOBIL.

NOBILISSIMO ET SINGVLARI ERVDITIONE,

VIRTUTE, ET INTEGRITATE PRÆSTANTISSIMO

viro, Domino TYCHONI BRAHE, Domino de Knudstrup,

Equiti Dano, &c. Domino & Amico suo cum

observantia colendo.

S. P.



VANTOS SVSTINVERIM HACTENVS CRVCIATVS, VIR Nobilissime & Eruditissime, non opus esse arbitror ut scribam. Tanti certè fuerunt, ut anima vix corpori inhaerere potuerit, recurrente subinde arthritide & immanissimis nephriticis doloribus.

Qui etiam in causa fuere, quò minus ad Illustrissimum Principem ac Dominum meum antè ipsius obitum reuerterer, tibiq; ea, quæ promiseram, transmitterem. Sed iam ante paucas aliquot Septimanas Diuino fauore aliquo modo capì respirare. DEVS æternus Opt: Max: in cuius conspectu ego ambulo, pro sua inexhausta misericordia etiam in posterum auxilio suo mihi adsit, & quod capìt, clementer ad finem perducatur. De nostris autem studijs ut aliquid attingam, diligenter hactenus scrutatus sum Catalogos Francofurtenses, num à TYCHONE BRAHE quid editum in ijs invenire possem: Verùm nihil reperi. Miror igitur, quid causæ sit, quod Opus illud tuum de Cometis supprimas, nec in publicum prodire sinas, præsertim cùm non tantum illud iamdudum fuerit absolutum, verumetiam toties & tanto tempore tam certò promiseris, te propediem illud emissurum. Equidem libenter, quantum in me esset, VRANIAM nostram ornarem & excolerem. Sed quid mihi sit obstaculo, vides. Quod igitur mihi denegatur, tu eò ardentius suppleas. Nec enim Mathematica Studia parum illustrabis, Posteritatiq; commendabis, si Opus illud tuum divulgabis. Incusantur enim vulgò, quasi sint sine fructu. Sed cum ex Opere illo tuo animaduertent, nos ea, quæ hactenus ignoratione Matheseos pro veris credita sunt, falsissima esse, certissimè demonstrare posse, obturabis ora tam temerè iudicantium, illosq; suæ temeritatis conuincas, modò apud ipsos veritatis inuentio & tam abditissimarum tamq; à nobis procul dissitarum rerum cognitio, fructus censeatur. Incitabis simul etiam heroica & præclara ingenia ad æmulationem, turpeq; sibi esse ducent, si hæc ignorent: quemadmodum solet præclaris ingenijs nihil detestabilius videri, quàm præclara quæq; ignorare. Præterea quot viros doctos putas editionem tuam singulari cum desiderio expectare? Qui certè plures sunt, quàm tu tibi persuadere potes, quiq; de te non aliter nisi præclare sentiunt. Noli igitur ulterius istorum omnium expectationem suspendere, aut etiam tua ipsis invidere. Sed spero non committes, ut studia Mathematica diutius isto tuo ornatu careant, propte-

N N 2

reaq;

reaq; minus colantur. Hæc fuere, quæ ad te hoc tempore perscribere volui: quæ licet fortasse non sint magni momenti; tamen nactus certum hominem, qui ad vos iret, vacuas ad Amicum Literas quam nullas dare malui. Accipies igitur hæc in meliorem partem, silentiumq; meum diuturnum supradictâ de causâ sufficienter excusatum habebis. Hortum sororis tuæ Philosophicæ, Dominae SOPHIÆ BRAHE Matronæ perquam solertissimæ & Nobilissimæ, Illustrissimo Principi ac Domino meo, felicissimæ recordationis, pro dignitate commendassem, si ipse Celsit. accessissem. Attamen per Literas omnia Illustriss: ipsius Celsit. significavi. Vale feliciter & opime mihi Nobilissime & Eruditissime Domine BRAHE, Vraniamq; quod facis, splendide ornare pergito. Bernburgi 18. Septemb. Anno 1594.

T. T.

CHRISTOPHORVS ROTHMANNVS.

CLARISSIMO ET PRÆSTANTISSIMO VIRO D. CHRISTOPHORO ROTH-

MANNO, VARIA ERUDITIONE INPRIMISQVE

Rerum Mathematicarum insigni peritiâ

decorato, Amico suo plurimum dilecto.

S. D.

ACCEPI TANDEM À TE LITERAS, ERUDITISSIMÆ & amantissime Rothmanne, diu multumq; antea desideratas: cum, quod collationes nostræ in Rebus Astronomicis interea præter solitum feriarentur; tum quod de te tuâq; valetudine, & vbinam locorum hæeres (siquidem ad Principem tuum tanto tempore reversus non esses) certi aliquid cognoscere avêrem. Intellico autem ex his ipsis, te præ nimia invaletudine ad ipsum Cassellas ante obitum eius non revenisse, retardante morbo, ex salium Tartareorum resolutionibus proveniente, & te toto hoc tempore, penè absq; intermissione infestante. De quâ valetudinis sinistrâ affectione tibi plurimum condoleo; quodq; in hac viridi adhuc ætate tam sevis morborum tormentis obnoxius sis. At cum te non nihil iam respirasse indices, est, quod tibi congratuler; utq; hæc valetudinis recuperatio quotidie incrementum sumat, constansq; permaneant, exopto. Si mea Medicamenta ex officinâ nostra Pyronomica prodeuntia, nec parvo labore aut sumptu præparata, tibi in his tantis malis (modò, uti fit, aliquando recurrant) præstò esse poterint, ea lubens offero, & lubentius impertiar: quemadmodum & præ-

& præfenti tibi meam in hiscè operam non denegavi. Quod autem eâ postmodum usus non es, tuâ ipsius culpâ factum est, qui me de adversâ tuâ valetudine, nec certiorum reddidisti; nec quidpiam eiusmodi (licet discedenti ultro oblatum) à me postea per literas expetiisti. Sive igitur ipsemet huc reversus fueris, uti quodammodo in te recepisti, sive per certum & idoneum hominem hâc de re commonesceris, invenies me ad præstandum id officij minimè difficile. Adhortaris in hiscè Literis, ut Comethographica nostra Opera in publicum prodire sinam, & cur tam diu apud me delitescant, miraris; præsertim cum illa pro maiori parte diu absoluta, toties, tamq; diu me evulgaturum promiserim: Eruditis etiam viris non paucis eorum copiam sibi fieri desiderantibus. Sed & non parùm emolumentum ad Mathematica studia ornanda, atq; ab imperitorum & calumniatorum obreptationibus vindicanda hinc proventurum asseveras. Facit id quidem, mi ROTHMANNE, magnâ ex parte animi tui ingenuitas, & erga nos, ac communia nobis studia Amor ille sublimis, atq; peculiaris favor: attamen & Veritatem hiscè non modicam subesse, (si absq; gloriatione & invidiâ id dicere liceret) non eo inficias. Nam quid & quantum Mathematicis exercitijs ritè administratis præfari queat, necdum communiter in Scholis philosophantibus, nedum reliquo vulgo à Musis alieno, satis innotuit. Et certè Cometharum exacta dimensio, atque quo motu cieantur, quantumq; à nobis absint, ingeniosa Demonstratio, ea quæ tot sæculis à Græco illo Aristotele citra ratam Apodixin prolata sunt, & in omnibus Academijs pro certis atq; indubitatis assertionibus proclamata, ita infringunt, ut, quanto ignorantia chaos Philosophiæ cultores hâc in parte involuti fuerint, nunc tandem Divinæ Matheos Ope, apud veritatis amantes elucescat. Quod & in multis alijs abstrusis, & hæcenus ignotis, vel pro compertis falsò creditis rebus pariter eiusdem incomparabilis Scientiæ adminiculis fieri posse, nullum est dubium: ut de pluribus corollarijs, quæ hinc ad omnes alias Disciplinas plenius excolendas derivantur, nihil dicam. Quod autem Opus nostrum de Cometis nondum publici juris fieri permiserim, multæ, & graves me detinuerunt rationes. Præterquam enim, quod in perennium illorum, & Mundo coævorum Siderum tam Observationibus, quàm eorundè in normâ Cælesti harmoniæ competentè deductionibus plurimùm indefessò studio aliquot iam continuis Annis sudârim; (quæ res non parùm, uti scis, & temporis & laboris requirit) ut ob id alijs istis seriò vacare minùs fuerit commodum; Multa etiam præterea citrà expectationem nostram, & omnem amolitionis providentiâ, longo iam tempore inciderunt, quæ me otio frui Philosophico, & Vraniæ sacris, prout vellem, litare non permiserunt. Aded invida est Mundi huius immundi turbulentia, contra purioris veritatis, etiam in Philosophicis & visibilibus Cæli aspectabilis rebus; nedum ut in Divinis, & invisibilibus

NN 3

bilibus

bilibus Mundi illius Archetypi, & rationi humanæ imperuestigabilibus, si quid ab ignorantiae tenebris in apertam lucē perducatur, acquiescere possit. Accessit & hoc, quod nostri circa Cometarū, præteritis aliquot annis conspensorū apparentias accuratē disquirendas, Labores cuiusvis æstimatione maiores, plus temporis, operarū, & sumptuū requisierint, quàm ingrati nonnulli homines, adeòq; ex ipsis, qui Disciplinarū, & quidē Mathematicarum amorē, scientiamq; haud minimam prætendunt, agnoscere potuerint. Inter quos unus præsertim est, qui non saltē nullas mihi agere gratias pro tot vigilatis noctibus, tot erogatis impensis, totq; exaltantis in Demonstrationibus & Numeris, ut veritas intemerata erui posset, Laboribus, æquum censuerit; sed & oblocutionibus, perversionibus, certitudinis patefactæ impugnationibus; imò cavillis & scommatis nos impetere non erubuerit. Ut ob id Excellentissimum illum & prudentissimum virum IACOBVM MONAVIVM, honorandæ memoriæ (Nam, uti audio, ante triennium fati concessit) non immeritò ad eximium Mathematicum BARTHOLOMÆVM SCVLTVM, cūm librum nostrum de Cometâ Anni 77. eo accommodante nactus, inspexisset, in hunc modum scripsisse recorder, prout etiam in Sculteti tunc ad me datis literis annotatum reperio: *Ouos felices animas, quibus in domos superas scandere cura fuit, & est hodiè quoq; Miratus sum magis quàm intellexi tantam diligentiam D. Tychonis, quanta animaduertitur in hoc illius Opere. Fac illum hortaris, ut reliquas etiam promat operis illius partes. Etiam si hoc seculum nostrum non sit dignum istis tot & tantis bonis, quæ non agnoscit, eâ quâ par erat gratitudine.* VVratislaviæ die 17. Iunii stili ueteris Anno 1588. Hæc optimus ille vir, pro eo, quo excelluit, iudicii acumine, ac in Rebus, tam Philosophicis, quàm Politicis prudentiâ, & protulit, & quasi præfigere visus est. Is verò, qui præcæteris, nostrum in Re Cometica studium elevare, & oppugnare attentavit, Scotus quidam natione fuit, Medicinæ Galenicæ Doctor, & Aristoteleæ Philosophiæ supra modum addictus. Quem hîc nominare nolo, eius honori parcens. Vult quidem is genere Nobilis haberi, uti de se ipso nonnullibi insinuat: sed tamen dicto philosopho ethnico nimis serviliter, potiore sui parte, hoc est, genio & ingenio, in hoc præsertim de Cometis negotio, mancipatus. Cūm ille ex intercessione cuiusdam sui conterranei me hîc invisentis librum nostrum secundum de Aetherei Mundi phænomenis, qui de Cometâ illo ingenti Anni 77. affatim tractat, statim, atq; is Typis absolutus erat, accepisset, scriptis ad me literis, assertiones nostras isthic comprehensas, præsertim, quod Cometam illum in Aethereâ Mundi Regione, & nequaquam Elementari (contrâ quàm docuit Aristoteles) cursum suum absolvisse ostenderim, in dubium vocare, & quantum in ipso erat, labefactare conatus est. Existimabam certè ab initio, hominem amicè & candidè, veritatis penitiùs manifestandæ gratiâ id ipsum agere. Quod & multi alij, non ineruditi viri mecum opinati sunt:

sunt: Inter quos erat Magnificus ille IACOBVS CVRTIVS, Imperij Pro-
cancellarius, qui, missis ad me literis, eos, qui nostræ hac in parte assertioni
contradicerent, id serîo non agere; sed saltêm, ut plura his similia expisca-
rentur, bonâ intentione moliri existimabat. Et erat is sanè non saltêm in
Politicis, sed in Mathematicis quoq; Rebus vir perspicaci ingenio, & acri
simul iudicio præditus: ut de Clarissimo illo Doctore THADDEO HAG-
GECCIO, & alijs idem sentientibus nihil addam. Ex quo itaq; animad-
verti esse, qui de assertionibus nostris in prædicto libro propositis hæsitatio-
nem movêre præsumerent, adeò, ut ijs contradicere non dubitarent: Eos
quidêm, qui in Aristoteleâ schola educati, ex ipsius saltêm autoritate, &
dudùm receptâ opinione, Cometæ necessariò in Aëre generari, inferebant,
nullâ tamen ratione Geometrica vel saltêm huius prætextu, rem ita se ha-
bêre probantes, refutatione indignos censui: Cùm ab autoritate huma-
nâ diducta argumentatio omnium sit infirmissima, & ob id postremo loco
meritò reponenda. At Scoto huic, cùm non solum Aristoteleam autho-
ritatem (licet & hanc plus iusto extulerit) multùm contra nos venditârît;
sed etiam Geometricum nescio quid, pro suâ opinione stabiliendâ prætexue-
rit, ipsi soli modestè obviandum censui; partim, ut eius obiectiones, quæ spe-
ciem quandam veri præ se ferebant, & incautos facîle in devia abripere po-
terant, diluerem, partim ut nonnulla in eodem secundo Tomo contenta ple-
niùs & dilucidius explicarem, atq; de Re Cometicâ generaliore quodam mo-
do nonnulla ulteriùs consignarem: sperans, me ipsi & alijs veritatis hæc in
parte scrutatoribus, rem haud ingrâtam sic præstiturum. Quare conscri-
ptâ inter alias occupationes extemporaneâ quadam Apologia, eam in Sco-
tiam ad Antagonistam nostrum ætutùm transmissi, eandemq; cum quibus-
dam alijs in Germaniâ Eruditis Viris, qui has res intelligerent, communicavi,
ut eorum censuras pariter exquirerem. In quâ certè Apologia, me mode-
stie limites uspiam transgressum, aut quid citra rem protulisse, mihi ipsi non
sum conscius. An verò aliquo affectu (uti nonnunquam fit humanitùs) hîc ab-
errem, dijudicent alij, qui verum à falso sine omni præiudicio discernere, &
nôrunt, & volunt. At quomodo Philosophus iste Aristotelicus nostram
hanc candidam, & ipsi (uti sperabam) acceptam futuram intentionem, exce-
perit, dici vix potest. Postquàm enim usq; in tertium Annum hanc ami-
cam Apologiam secum retinuisset, nihilq; responsi tanto tempore perscrip-
sisset, eum vel nostris dilutionibus acquievisse, & in has transivisse partes,
existimabam; vel, quod contradictiones non facîle ulteriùs occurrerent, con-
tinuasse. Tandem verò, rupto illo alto silentio, scriptum quoddam Anti-
logeticum, paulò virulentiore & mordaciore (uti videtur) animo, quàm
priùs per literas egerat, in nos vibravit; in quo scommatis, dieterijs, cavillis,
distræctionibus & perversiõibus multifariam ludit & illudit, ut veritatem à
vobis

nobis assertam eludat: Nec tam Scoticè, quàm scopticè agit. Cum multis enim è Scotiâ oriundis, nos hîc subinde invisentibus, tam Doctrinâ quàm Genere claris mihi res fuit, in quibus eximium candorem, pari humanitate coniunctum animadverti; quibus etiam ingenij & iudicij acumen singulare non defuit. At, qui tam ingrato & averso animo, tamq; petulanti linguâ, me meaq; incessest, hætenus sensi neminem. Quin & quidam ex ipsius proprijs contrariis, hoc eius inverecundum factum apertè detestati sunt; quodq; sic ipsorum Gentem, exterorum & saniorum hominum iudicijs obnoxiam redderet, ex quo solus talia attentare, reiq; ita demonstratæ, ut omnibus approbaretur, etiam ijs, qui antea contrarium sentiebant, & in publicum promulgarent, nihilominus atroganti ausu contradicere non erubuerit, conquesti sunt. Et sanè, si id quod verum est, pro me ipso dicere liceat, non immeritò hoc protulerunt. Nam cum alij in Mathematicis non minùs excellentes viri, quàm iste Antagonista (cui in hiscè disciplinis scientiam non derogo, modò eâ rectè uti veller) qui Cometam illum sublynarem fuisse, & Parallaxin quinq; circiter Graduum admisisse, scriptis suis in publicum editis iam antea pronunciaissent, accepto hoc nostro libro, & re meliùs perspectâ, non saltè, se aberasse, ingenuè falsi sint; sed &, quod certiora monstrârim, mihi non modicè gratias egerint: Hic solus, licet ipsemet nihil in eodem Cometâ, quod alicuius momenti foret, expertus esset, tamen nostras laboriosas vigilias & summam circa hæc diligentiam extenuare, & quantum in ipso erat, irrita reddere nitebatur: adeò, ut aliorum quoq; data & pronunciata, quæ ipsimet authores tandem, re meliùs intellectâ averfati sunt, & retractârunt, in manus resumferit, & ijs, cum ipsemet nulla habuerit, contra nos usus, vel potiùs abusus fuerit. Vt autè aliquâ ex parte cognoscas, optime ROTHMANNE, quantâ is non saltè me; sed & ipsam veritatem, quam penitiùs pro virili inquirere satagemus, iniuriâ afficere, quamq; scopticè mea incessest sibi arrogarit, percurram breviter Invektivæ eius (sic enim potiùs quàm moderata aliqua Apologia nominari meretur) præcipuos quosdam locos: solidiorem & specialem eius replicationem, unâ cum convenienti refutatione alicui ex nostris Amicis, aut etiâ Discipulis harum rerum gnaris, suo tempore exequendam commendans. Titulum fecit huic stomachoso & insolenti scripto: *Capnuranæ restinctio, seu Cometarum in Æthera sublimationis refutatio*. Cum tamen ego nusquam, Cometâs, licet reverâ A Etherei sint, ex fumositatibus constare asseruerim; sed potiùs è celesti materiâ: prout istum liber noster secundus, quem impugnat, admonere potuit; qui sic habet pag: 254. Ego materiam omnium Cometarum prorsus celestem esse iudico, siquidem etiam omnes in ipso celo generentur. At defumis, quos ille vendit, nihil. Tu quidem mî ROTHMANNE, aliquando fuisti in eâ sententiâ, quod fumositates Terrestris Cælum (siquidem illud tuâ &

IOHAN-

IOHANNIS PENÆ Galli opinione planè aërium esset) subintrare possent, & materiam isthuc Cometis præbere: Quod tamen ego improbavi, & tutè ex vià lacteà aliter postea edoctus, id ipsū revocasti: uti ex Epistolis inter nos communicatis videre licet. Subiungit deinde in eadem inscriptione, quod ea, quæ pro asserendo Cælesti Cometarum situ, & Apologiâ meâ adfero, ab ipso infirmantur omnia: ubi sibi ipsi non constare in hoc ipso frontispicio videtur; dum nunc me pro A Ethereis phænomenis, prius pro cælestibus fumis Cometas habere insinuat: Et non decimam partem eorum, quæ libro secundo, atq; in Apologiâ, pro asserendo Cometarum A Ethereo situ adduximus, vel supremis labris attigit; nedum, ut ea omnia (uti nimis arroganter iactitat) infirmârit. Imò ea ipsa, quæ carpit, nè conquassat quidè, nedum, ut labefactet vel destruat. Deinde in ipso scripto statim meorum Instrumentorū observationes præ veterum diutino consensu elevat: quod, quàm rectè faciat, tute (qui nostra spectasti, & eorum usum hancq; tractationem penitus intelligis) diiudicare potes. Postea totus fermè, vel scommaticus est, vel contra nos iniuriosus, nostra distrahens aut pervertens, neq; uti decuit, rectè accommodans. Et, ut paucis dicam, ea vel omnimodè non intelligit, vel intelligere non vult. Ait, se ab initio non putasse, me seriò sic de Cometis sensisse; sed Paradoxa differendi causâ struxisse: Cum tamen liber noster secundus satis ostendat, me non iocose in his ludere, tot eâ de causâ exantlatis & Observationum & Demonstrationum, tum quoq; Numerorum laboribus, quos facilius est carpere, quàm imitari. Ait etiam, se nequaquam ita mecum egisse, ut de veritate sententiæ suæ quicquam dubitaret: Fortè, quia extra aliorum hominum sortem positus, nè dubitare quidè, nedum errare potuerit; utpote in Aristotelem credens, qui apud istos est, αὐτὸς ἔφα. Dicit quoq; me alios ignaros & erroribus mancipatos criminari; & addit scopricè: Bona verba, quæso! Cum ego tam rigidè nūspiam locutus sim; sed saltè eos, qui Aristoteli nimium cum quodam præiudicio mancipati sunt, modestè notarim, & errores eorundem ostenderim. Desiderat quoq; in nobis Mathematicas Demonstrationes; & nonnullibi postea; me solum affirmare quidlibet, & citra necessariam & Geometricam inductionem, mihi & meis Instrumentis fidem adhiberi velle, impudenter insimulare audent. Quàm enim falsa hæc sint, tu, & alij eximij Mathematici, qui nostra legerunt, & Demonstrationum invictarum non parvam copiam perspexerunt, testari potestis. Rem insuper hanc de Cometis, tam levem esse censet, ut multis non opus habeat disquisitionibus. Scilicet, quicquid olim ebuccinavit Aristoteles, nulli ampliùs difficultati obnoxium est. Me veritatem nondum perspicere, & cum detrimento Astronomiæ hic errare, audacter magis, quàm verè iudicat, vel potiùs præiudicat. Quod te rectiùs intelligere haud ignoro. Vocat, quæ in Apologia nostra scripsimus, πλυν-

Oo

8070-

peropiscum quandam, ad quam respondere non vult. Atqui sub hoc prætextu multa sicco pede præterit, quæ convellere non sustinet. Obijcit, quod caudatas Cælo Stellæ, mira monstra, intruserim: Cum tamen Antiquitas, rotunda saltem isthuc esse corpora docuerit. At ego ipsum Cometæ corpus per se rotundum esse, nec caudam adhaerentem de ipsius substantiâ; sed per accidens, Opticâ ratione fieri asseveravi. Vt & hæc monstrosa potius sit calumnia. Mox, quod Cælestes circuitus, & Numeros ex Hypothesi diducros Cometæ illi attribuam, quodque id imitatione MÆSTHLINI & CORNELII GEMMÆ faciam, inverecundè exprobrat. Cum potius noster in his conatus, apud candida, & discreta ingenia gratiam mereri debuisset. Et tantum abest, ut ego à MÆSTHLINO vel GEMMÆ illa mea extruxerim; ut potius in illorum scripta validius, quàm hic ZOILVS facit; sed tamen candidè, & bonâ intentione animadvertim. Et testari posset, si adhuc viveret WITICHIVS, quod nostras de Cometâ illo conceptiones hic conscripseramus, antequàm MÆSTHLINI, vel CORNELII huius libelli mihi satis innotuissent: Adeo, ut cum WITICHIVS antea, Cometæ omnino sublunares esse, & MÆSTHLINVM, atq; alios in Germaniâ, qui contrarium asserverunt, hallucinatos fuisse, credidisset, ex meis solummodò Observationibus, & Demonstrationibus convictus, sententiâ mutârit: Quod & in Germaniam rediens, apud multos factus est; quorum aliqui, & quidam Scotus, huius contreraneus, mihi id ipsum retulerunt. Postea, quod Arcum circuli maximi Cometæ motui attribuerim, & quia illum in omni situ perpetuò observârit, inde probârim, sublunarem non fuisse, prolixè cavillari, & variè vertere, atq; invertere; imò etiam Dialecticè transformare, fortè ut Organicum se probet, non intermitte. Vim tamen Demonstrationis vel non perspicit, vel suis sophismatis obscurat. Utq; exemplum det, quomodo Arcus circuli maximi sub Lunâ non minùs quàm in altissimo Aethere designari queat; Tale ludricum & futile è suo versuto cerebello promit: *Edinburgo rectâ Vranoburgum proficiscamur, toto cursu verticibus nostris in octavo orbe maximi Circuli tramitem tenebimus: & sic maris superficiem sulcantes Vranoburgum veniemus, in Vranò non erimus.* Egregia scilicet similitudo, quæ non uno vel altero, sed omnibus quatuor pedibus claudicat; quam cachinnis excipendam, vel potius exhibendam, quàm seriâ aliquâ responsione dignandam, tute & alij harum Rerum gnari sufficienter intelligitis: cum etiam per se intentioni nostræ nihil officiat. Postea speciosa quadam & fucatâ Demonstratione ostendere nititur, posse Cometæ, seu, (uti scopticè loquitur) Pseudoplanetas meos, Circulum describere maximum, & nihilo minus in Aëre longè infra Lunam versari; ita ut Parallaxin quinque Graduum admittant. Idq; potissimùm ex motu eius proprio, qui Parallaxin exhaurit, inferre laborat. At frustra hic laborat Pseudophilosophus iste, etiam si milles

millies in Aristotelem iurasset. Nos enim motum proprium Cometæ ab ea variatione, quam Parallaxis in diversis Altitudinibus illi insinuare poterat, tali solertiâ discrevimus, ut neutrum alteri obstaculo esse potuerit, quò minùs hinc veritatis inquisitio ritè procederet: quanti quidem opus esset, inq; sensus caderet. Nec tantus erat Cometæ Anni 77. motus proprius, in Ortum & non nihil Aquilonem nitens, ut Parallaxin eam, quæ vel in concavo Lunaribus Spharæ contingeret, absorbere potuerit; nedum si ea quinq; fuisset Graduum; quando per Parallaxin motus Accidentarius, è superficie saltè Terræ apparens, intra duas vel tres horas tantus evaderet, ut Cometæ motum proprium anticiparet, eumq; retrogradum videri faceret; quod tamen nunquam contigit: Prout hæc liquidò à nobis demonstrata sunt. Quæ omnia sicco pede transit, nec devia, in quæ delabitur, animadvertere vult hic subtilis Aristotelis discipulus. Sed hæc alibi fortè ex ipsius palliatâ Demonstratione, vel alia plenius refutabuntur. Et licet verum sit, phænomena illa, quæ adeò propinqua nobis sunt, ut semidiameter Terræ ad distantiam eam comparata sensibilis evadat, triplici involui motui, utpotè universali illi, proprio, & ei, qui per accidens è Parallaxi contingit: tamen hæc ita separare, ut unum alteri non officiat, sed potius pandat, circumspecti est Mathematici; nec, adhibita peculiari diligentia id ita impossibile est, ut frustra incautis persuadere conatur hic Aristoteles. Nam & id, cùm in dicto Cometa, tùm in reliquis sequentibus sufficienter præstitimus; contrà garriat iste, quantum volet. Dijudices tu & alij, hæc penitus, & sine præiudicio æstimantes. Imò & is, an id in Lunâ fieri possit, dubitat; si præsupponatur, eius verum ignorari motum, ut Parallaxis nihilominus extricetur: meq; , ut id præstem, provocat. At ego huic stupiditati nè respondendum quidem duco: cùm aliquis ex Tyronibus meis, qui Cælestia, non saltè in libris, sed in ipso Cælo per experientiam tractare assuevit, hunc nodum haud difficulter resolverit: quod & sapissimè factum est. Quid dicet ille de quarta adhuc quadam illi ignota loci apparentis divagatione, quæ ex refractionibus Opticè suggeritur, idq; non saltè in Cometis & Luna; sed & omnibus alijs Cælestibus corporibus, quando potissimum versus Horizontem inclinant: Idq; sensibilibus magis atq; magis infra vicesimum Altitudinis Gradum, donec in ipso Horizonte maxima evadit: Quemadmodum hæc tibi, mi ROTHMANNE, ex Instrumentis Landgravianis satis perspecta sunt: quæ tamen Aristotelico huic nè semel in mentem venerunt. Et licet hæc refractionum divaricatio longè difficilius cognitioni certæ pateat, quàm reliquæ tres motuum commixtiones, & ab invicem separationes: tamen & hunc exploratum habere, & quantum reliquis addat, vel auferat, dispicere diutina nos docuit experimentatio, variè petita & comprobata: Tantùm abest, ut reliquas illas variationes, minùs negotij facessentes, convenienter extricare non sustineamus.

stineamus. Forsan is, quæ sibi, & sui similibus, Astronomiam in chartis & speculationibus vanis solummodò excercantibus impossibilia videntur, alijs quoq; solidè, & verè eam tractantibus, & Cælitus per ratam experientiam (uti par est) deducuntibus, minimè pervia censet. Quin & in ijs, quas hiscè postmodum innectit, argumentationibus, non considerat, in diversis Altitudinibus eundem nihilominus tramitem Circuli maximi Cometam Anni 77. ad amussim observasse: quod fieri nequaquam poterat, si is admodum sensibili Parallaxi fuisset obnoxius, vel Luna inferior. Nec est iustus contradictionis locus, etiamsi rumperentur omnes Aristotelici Capnocometistæ. Mox suo more scommatis ludere pergit; neq; Cometas animalia Logica statuere; imò & Logicè de his differere ait: & prædicabilium auctorem huc Ironicè convocare, nè nihil dicat, pudore non afficitur. Si è veriore illa Platoniorum Philosophia potiùs, quàm eius, qui hinc apostatam egit, Stagiritæ, plausibilibus coniecturis, instructus fuisset; utiq; & quæ dixeram, & quod non adeò absona, uti putat, dixeram, rectius percepisset, & mihi loco subsanniorum gratias fortè egisset. Vt verò demonstrativè proponat, vel, (quod veriùs est) imponat, qua ratione Arcum Circuli maximi designare queant, etiam in Aère sublunari versantes, utq; id ex materiæ vi fieri persuaदेat, in varias se, ad instar Promethei, vertit formas, & negotium hoc plùs intricat, quàm extricat. Cumq; aliæ motionum leges non sufficiant, Helicas impervestigabiles & fictitias in auxilium advocat, & quidvis hîc fingit atq; refingit, ut Cometas cogat tales ire vias, quales Naturâ ipsis non attribuit, neq; ulla experientia, in quoquam id fieri, Cælitus deprehendit. Quin nec materiæ igneæ, & inflammatae, qualem esse vult ipsius præceptor Aristoteles, talis circumrotatio ordinariâ lege certos modos & metas observans, competit, ita ut diutino tempore perseverare queat. Si ita prolibitu de Cometis motus quosvis (ut phantastica aliqua assumptio, à veritate alienissima salvari queat) affingere liceret; utiq; & aves in aère aliter volare, quàm fert Naturalis & voluntarius impetus, docebimus: & cur sic, atq; non aliter volitent, leges illis præscribemus, Helices compositas, flexas, atq; reflexas, adscendentes & descendentes, & quorsumcunq; libuerit, inclinatas affingemus: Et tamen aves avolabunt quò voluerint, nostramq; speculationem eludent. Sed istæ absurditates, quæ imperitis fucum faciunt, aliàs ulterius enucleabuntur. Porro, ut adhuc magis se Dialecticum prober, mea Sophisticè nectit, & solvit; prout futilis ipsius potiùs, quàm subtilis arguties suadet; & malè meas inductiones accommodat. Ac nè sui dissimilis videatur, nostrum in Triangulorum per Numeros resolutorum laborem, haud exiguum illum aut contemnendum, præsumptuoso quodam scommate excipit, dicens; *Ad hanc inanitatem stomachum suum iamdudum nausasse.* O delicatulum stomachum Helleboro curandum, ut hinc omnis insipida nausæ

nauseæ materia eximi possit, unaq; καπνὸς κεφαλῆς eius curari. Nec etiam, quod Cometam suo ductu eandem perpetuò ad Ecclipticam inclinationem retinuisse ex Observationibus per totam eius durationem liquidò demonstrârim, inculpatum relinquit; paucula quædā Minuta, quæ duodecimā Gradus partem nuspiam excesserunt, tacitè obijciens: Eùm veteres Astronomi intra sextam Gradus partem Mundi cœva Sidera designare contenti fuerint. Et certè trium vel quatuor Minutorum in Anguli istius, de quo diximus, variatione, nec per se satis sensibilis est differentia, nec quidpiam momenti inducit. MASTHLINVM quoq; , quem meum per contemptum vocat Parochum, licet eum nunquam viderim, & nullam, nè quidem per literas cum eo notitiam contraxerim, ridet, ob eius per filum factas Animadversiones, quibus tamen Doctor hic GALENICVS meliores non attulit. Et corollarem ipsius in hypothesi assumptionem subsannit: Quam licet non tutamur; attamen aliorum ingeniosa inventa adeò licentiosè carpere, & nihil quod melius sit, edocere, non est moderati & prudentis ingenij. Nec etiam nostras Observationes, Instrumentis infallibilibus (prout tu, qui ea spectasti, eorumq; consentientem certitudinem expertus es, facile testabere) in dubium vocare erubescit. Imò hanc præfractam audaciam insolenter iactitat, & exprobrat his verbis: *Hic obstupesces Observationes tuas in dubium vocari, quas infallibiles vis esse, & pro certissimis principijs habendas.* Atqui ego non ob id obstupesco, quod is tam stupidus atq; inverecundus sit, ut de re ignotâ iudicium ferre præsumat; & ab ijs, tanquam Noctua à Solis claritate abhorreat. Habet multos alios in hâc Mundanâ scanâ sibi similes, qui, ad veritatis lumen caligantes, eiq; obstrepentes, mendacijs potius fidem præbeant. Vt verò aliquid adferat, quo meam in Observationibus præstandis diligentiam suspectam reddat; id quod in Apologiâ, atq; alibi monueram, ex Altitudinibus Solis, vel stellarum exactissima temporum momenta non satis constare posse; tam insipide & luforiè cavillatur, ut pudeat referre. Hicq; ostendit, quàm subtilis & diligens sit Astro- rum scrutator; cùm aliorum circumspicias in his Animadversiones nè intelligere quidè possit, & veritatis in his penetralia agnoscere; nèdum, ut grato animo accipiat. Loca stellarum à me restituta incerta esse, ignoranter occinit, nisi alij idem senserint; utpotè ab aliorum auctoritate suo more dependens. Solis quoq; cursum à me restitui in novâ quâdam Mundi reformatione, insulsè ridet: eam mihi pro restituto Solis curriculo, unde cæteri Astrorum motus dependent, ex humanitate suâ Philosophicâ, referens gratiam. Refractionem quoq; & tarditatem mutationis Altitudinis circa Meridianum, eiusq; in alijs, quoad AEquatoris æqualem circuitum, disparitatem, nulla esse, præ nimia ignorantia effutit. Vtq; meam rationem nulli ambiguitati obnoxiam, quâ per AEquatorem Mechanicum, Cælesti Analogo-

gum, Tempora exactius, & certius, quam ex Altitudinibus stellarum rimari docui, suspectam & dubiam reddat, audi quæso, quibus temerarijs verbis, quantâq; imperitiâ de his blateret: Sed, quæso, quam tu sequeris? *Æquator* rem nobis profers *Mechanicum*, siue conuolubilem, siue fixum, *Æquatori* in suo situ *Analogum*, & columnis lapideis seu ferreis innitentem. His dictis, quæsis, an dubitem, te posse minimas Temporum particulas præcisè reperire? *Oedipum* agere non solco: Cur reliqua suppressis? cur totam rationem non profers, quam pro certissimâ idæas, ut quid ueri habeat, sciatur? Tuus fixus *Æquator* qui numerum reuolutionis *Æquatoris*, quo definitur tempus, exhibebit, nisi à *Tetrapode* suo dimoueat? Mobilis, quo mouente, ad eundem *Analogicè* circumagetur? Si *Logicon* dederis, qui intelliget, se ad analogiam *Celestem* mouere? Si *alogon*, siue pondere, siue aliâ ut agat, in eo anomaliâ à *Celesti* analogiâ disepantem facile demonstrabo. Sic bonus ille vir de meis *Instrumentis*, & observandi rationibus sibi imperspectis censuram ridiculam profert: ut quemadmodum *Maro* de *Sinone* aiebat; Ex uno disce omnes, sc. *Græcos*, sic etiam ex hiscè prolatis, qualia, & quanti cætera sint, facile queas æstimare. Potuisset utiq; ille à suis conterraneis, me crebrò hîc inuisentibus iam antea cognovisse, utrùm *Instrumenta* mea *Logica*, seu ratione prædita essent, nec nê, vel an aliâs *Mechanicè* ita elaborata, ut *rationationi* nostræ commodè, & sine obstaculis satisfaciant: Nê is ita sine ratione insanire videretur, & in ipso *λογον* *alogum* se esse proderet. Deinceps, quia in *Distantijs* capiendis, horologijs *Minuta* ostendentibus contentus sim (ita tamè, ut ea subinde per *Stellarum*, vel *Solis* à *Meridiano*, à *Æquatorias* distantias, si quid minutuli vitij contraxerint, rectificentur) cavillatur, me aliorum ex horologijs desumpta tempora reijcere; & tamen ipsummet hûc confugere: Imò me Temporum portiunculas adverbialiter, nequaquam *Mathematicè* depromere, obicijt; eò, quod in recensendis distantijs *Cometæ* *Anni* 77. à certis fixis non ipsissima horarum momenta ubiq; apponam; sed dicam aliquando; circa id tempus, vel paulò post, & similiter. O subtilis vitilitigator, & momentorum Temporis inanis scrutator! Inspicè tu, mî *ROTHMANNE*, primum caput eius libri de *Cometâ* illo tibi transmissi, & videbis, me satis præcisè horarum in particulis discrimina isthic annotasse, quantum in *Distantijs* rimandis opus fuit: adeò ut si maiorem scrupulositatem adhibuisssem, prudentibus scrupulum potiùs movère potuisssem; An non ista subtilitas futilitas potiùs quædam esset, & supervacanea affectatio? Cùm enim intercapedines *Cometæ* à *Stellis* sedulò capiebantur, id bis vel ter tentandum erat, ut in ipso *Minuto* convenirent. Quod sanè vix intra sextam vel octavam horæ partē commodè præstatur. Sufficiebat itaq; aliquotam horæ partem intermediæ *Observationi* quàm proximam assignare; ita tamen, ut nusquam sextantis unius horæ committatur divagatio. Neq; enim *Cometæ* motus intra sextam horæ portionē sensibilibiter alterabatur, ut ob id subtiliore indagine, quàm à nobis præstitum est, momenta illa, quoad distantias,

distantias assignare, planè otiosum fuisset. Vt hîc nodum in scirpo quærere, quod & plerunq; aliàs facit, contradictor hic videatur. At ubi ex Azimuthis & Altitudinibus Cometæ Parallaxes inquiri, isthic non saltè scripula prima; sed & eorum aliquotam partem in secundis annotare non intermisi: Quoniam hoc in loco tantâ præcisione necessariò opus est: nequaquam autem in distantijs. Et quod in alijs reprehendi, quod horologijs erroneè, & nimis lato modo uterentur, circa hanc ipsam Pragmatiam id fiebat; non autem, quoad distantiarum designationem: quam si vel in quartâ unius horæ parte ritè annotassent, utiq; ijs, licet generalis esset indicatio, condonassent. Vide itaq; quàm candidè, & sincerè hîc mecum agat ille Aristotelicus, dum nostra aliò, & in diversa trahit, ac malè accomodat, atq; subtilitatem, ubi non opus est, quærit; convenienti autem loco indicatam & inventam respuit: Qui mos est eorum, qui præoccupato animo veritatem eludere, & captivam tenere conantur. Sic quoq; quod in locorum Cometæ per Triangulos examinatione nonnunquam 2. vel 3. Minutor. discrepantia incidit, me eius tramitem non ritè designasse arguit: Arguta sanè vanitate: ut qui potius tam propinquam coincidentiam admirari debuisset, quàm id, quod vix in sensus cadit, nec alicuius est apud candidos & intelligentes æstimatores ponderis, nimis rigidè exaggerare. Præterea infert, quod non ex Distantijs; sed saltè Altitudinibus atq; Azimuthis Cometæ Parallaxis indaganda fuisset: quorû tamè nos utrunq; præstitim⁹. At vel ipso infcio ac cæcuciente, ratio per distantias debito modo applicata certior est eâ, quæ ex Altitudinibus & Azimuthis, in quibus vix sensibilis error admodum foecundus euadit, capitur: prout hæc tibi, qui ea tractasti, satis comperta sunt; quiq; quàm facile in Altitudinibus & Azimuthis aberretur, in distantijs verò non item, exploratum habes. Sed hic Chartaceus Astronomus loquitur de his atq; similibus fermè ubiq; tanquam cæcus de coloribus: & tamen sibi ac suis sic admodum placet: Tandemq; concludit, Observatis meis non esse fidendum. Atqui vel hæc solâ negativâ poterat ad omnia pro sua perfrecta inuerecundia respondere: sicq; dignus redargutione non censeretur: Si quidem contra principia negantem non est disputandum. Observata .n. hîc pro principijs habentur: quæ temerè inficiari cuius licet: At non id ita esse, æquè citò à quovis probatur. Quid si nos puridissimam calumniam, & inuerecundâ hanc esse præsumptione responderemus? Vtri nostrum credendum? an mihi, qui in tot aliorum Siderum, adeoq; mille fixarum exactissimis denotationibus, maiori præcisione, quàm ab ullo veterum aut recentiorum (absit gloria dicto) observationes quam plurimas, continuis iam aliquot Annis perfecimus; atq; eas veritati exactè correspondere demonstrârim: (pro me Cælo adhuc toto loquente ac testimonium ferente) An verò illi, qui talia eâ, quâ opus est, accuratatione tractare, nunquam didicit, nec

allura

ullum eius specimen hæcenus protulit? Imò etiam si quàm maximè vellet, id (uti sibi persuadet) minimè obvium esset; & uti bellum dulce est inexper-
tis; sic & Astrorum observatio facilis videtur inexercitato. Verùm is ex
levitate quâdam de nostris nunquam visis aut intellectis sibi censuram ina-
nem, & flocci faciendam arrogat. Deinde, me WITICHIVM, beatâ
requie fruëntem, indecenter & immèritò excipere calumniatur. At ego
Doctissimum illum in Mathematicis WITICHIVM nec vivum nec de-
functum suis privavi honoribus; sed lapsus, quibus interdum in hiscè studijs
Cælitus exequendis, (siquidem ijs non assueverat) nonnunquam, veritatis pa-
tefaciendæ causâ modestè indicavi. Quod & illi hîc præsentî sæpius feci:
Nec id ei, ut huic imbelli eius propugnatori, ingratum erat. Vbi laude di-
gnus erat WITICHIVS, videlicet in Geometricis, & compendijs qui-
busdam Triangulorum, laudavi, neq; quidpiam ipsi unquam immeritò de-
traxi. Verùm quæ non solum de hoc; sed & summo illo viro ANDREA
DVDITIONIO nimis audacter garrît, nolo replicare. Ipsa Epistola DVDI-
TIONII, præfixa libello THADDÆI de Cometâ Anni 90. satis superq; osten-
dit, quàm falsò ista proferantur. Mox in Optimum illum virum MICHA-
ELEM MÆSTHLINVM pro suâ temerariâ licentiâ debacchatur; & quæ
ego de Observatione per solum illi usitatâ, cùm alia ad manus non haberet
Instrumenta, verè admonui, tùm quoq; quæ de Instrumentorum vulgariter
obrepentibus dubijs indicavi, ille in alium sensum pervertendo & distrahen-
do, suo more, mordaci linguâ arrodit. Et tandem MÆSTHLINVM atq;
alios, qui veritatem in hoc Cometicò negotio diu sepultam è tenebris pluri-
quam Cimmerijs in apertam lucem deduxerunt, hoc elogio dignatur:
Certè nescio, quid non mereantur, qui scientias conspurcant. Fortè eos ad Iudices defer-
ri, atq; publicè in eos animadverti, pro suâ cholericâ indignatione, quia Ari-
stoteli non fidunt, oportere censet. Dehinc, postquàm mea Instrumenta,
eorumq; usum extenuasset, ostendens, se quidvis sine pudore profari audere,
suâ quondâ in Instrumentis tractandis (qualia olim in Germaniâ habuit) pe-
ritiam è contra iactitat: quæ debita habuisse pinnacidia, non tamen mea ri-
mosa, superbè & scoptice (uti assolet) subsannat. At cur non etiam
in Scotia talia ad manus habet? Producat vel unam Observationem veram
& utilem, quam unquam, sive in Germania, sive Scotia in ulla Fixa, vel erra-
tica stella aut Sole vel Luna perfecit. Vix credo. Et tamen aliorum
indefessos ac exquisitos labores præ sua inertia elevare præsumit. Rimas
meorum pinnacidiorum Cyandro, ad Centrum posito parallelas, ridet qui-
dem, & rimoso excipit scommate: sed eorum necessarium, maximèq; accomo-
dû usum non videt, què tute, mî ROTHMANNE, rectius nosti: Cùm ab eodem
VVITICHIO, quem hîc Scotus tantoperè deprædicat, primo hîc visum, & Prin-
cipi tuo olim communicatum, maximi semper fecisti; imò & alteram rimu-
lam ab

Jan
Vv
aie
ab
ven
con
tele
sum
vel
inv
lau
Vt
adm
&
veri
& p
fuit,
Inte
redi
te q
præ
mor
ris;
quia
Ver
nun
Ari
tia i
non
Cur
ex h
expl
simil
phis
cont
gene
cade
non
& N
quib

Iam ab ipso nimis securè neglectam competenter restituisti. Quin & ipse VVITICHIVS cùm hoc compendium hîc à nobis didicisset lætabundus aiebat; se iam tandem vidisse & expertum esse, quod diu à DVVITHIO ac ab ipso incassum quæsitum erat, nec se frustrà in Daniam, vel hoc nomine, venisse, aiebat: Imò se nè centum Coronatorum lucro hanc cognitionem commutare velle, aiebat. Sed ogganniat, & scommatis insulter hic Aristoteles, quantum volet, res per se manifesta est; quãut penitiùs intelligat, se ipsum indignum facit. Postmodum etiam de SCVLTERO quædam adjicit, vel potiùs obijcit, quod dissentanea à me ipso dixerim, dum interdum ipsius inventa probem, interdum improbem. At hoc non est à se ipso dissidere, laudare, quæ laudanda sunt, & ea quæ minùs quadrant, suo loco improbare. Vtrunq; enim eidem auctori evenire potest: Quare & utrunq; in eodem admitti. Demùm de Landtgrauianis quoq; observationibus cum nostris & alijs collatis nonnulla inconcinne profert; nec, quàm parum consona veritati dicat, moratur. Et hæc omnia Colophonis loco hæc elatâ & pruriente loquelâ claudit: Nullum in tam alto tramite diuerticulum relinquendum fuit, quo à veritate Vranie tue deviare posses. In gratiam cum eâ & in rectam viam redi. Intercedat igitur pro me charus ille Vranie Antistes, ut in gratiam cum eâ redire possim, siquidem ille se ei rectiùs notum & acceptum præsumit, utpote qui tot annis illi convenientiùs, & magis devotè litavit, quàm nos fortè præstitimus. Postea quod Cometam non tumultuario, & inordinato motu; sed regulari quodam pedetentim desinente, nequaquam Elementaris; sed potiùs Cælestis Phænomeni Naturam prætulisse asseruerim; ille, quia tandem evanuerit, Elementarem necessariò fuisse, inferre conatur. Verùm hoc est, quod inter alia præcipuè ostendere intendimus, Cælum nonnunquam nova recipere corpora, alterationi obnoxia: Quod hætenus ob Aristotelis auctoritatem creditum non est. Sed cùm refragetur experientia invicta, faceßat talis auctoritas, plausibilibus tantùm & coniecturalibus, non autem Apodicticis ratiocinijs fundata; Ideoq; veritati minùs consona. Cumq; ego similitudinem quandam ex Metallis adduxissem, ut aliquatenus ex harum rerum Terrestrium Natura, quæ de cælestibus innuere volebam, explanarem, non quod certam aliquam probationem inde struerem; cùm similitudines id ipsum non sustineant: ille è contrà plurimis, iisdemq; Sophisticis, & à candore alienis id infectatur verbis. Et nè nobiscum sentiat, contra Aristoteli datam fidem, peccat, ab ipso similia quædam nobiscum de generatione Metallorum affirmante discedens; & metalla omnia ex una eademq; materia prima constare negans: adeò, ut etiam Mercurium auro non inesse contendat. Multaq; de his frivole iactitat; fortè ut se Chymie & Naturæ Metallorù non expertè pro arroganti suo ingenio ostendet. In quibus tamen æquè parùm atq; in Astronomicis versatus est. De utrisq;

P,

enim

enim verba pro rebus venditat. Sed ista forté alibi specialius refutabuntur. Né verò Nova illa ad Cassiopæam stella illi, & sui similibus Aristoteleis officiat, quò minùs, Cælum nova non admittete corpora dissoluti-
oni obnoxia, perseveranter, vel invita ipsa experientia, & contra Geometri-
cas Demonstrationes asseverare possint, eam ipsam Stellam, omnemq; circa
ipsius apparentias veritatem tam vafris subterfugijs in dubium vocare niti-
tur; ut vel sic satis ostendat, quàm parum sit veritatis amans, & quàm ni-
hil aliud agat, atq; ut hanc speciosis elusionibus evertat: quod à viro inte-
gro & sincero alienum esse debuit. Sed pudendum referre, quæ ille hîc
maxima invecundia contra multorum præstantium Mathematicorum
indubitata experimenta evomere non veretur, ex opinionum varietate certi-
tudinem omnem elidere laborans. Qua sanè argumentatione nihil fermè
ampliùs certi supererit; cùm vix quidpiam sit, de quo non varient homi-
num sententiæ. Sed distinguendum inter eos, qui secundum experientiã
é certis ratiocinijs & Demonstrationibus petiram differant; qui verò non:
Et sententiæ in his non numerandæ, sed ponderandæ sunt. Quin nec su-
is semiconterraneis parcat, ut amorem, quo Eruditos quosdam in An-
glia prosequitur, palam faciat. IOHANNEM DEE Præstantissi-
mum Mathematicum & Philosophum (quem tute nôsti, cùm a Landtgra-
vio honorosicè exciperetur) in suo Nucleo Parallatico, in sinu semissis
gradus principium petere, falsè exprobrat. THOMÆ DIGGÆSEI alas
falconum instar, remoto advolatu, immobilia Phænômèna assequentes, ijs
ipsis verbis scopticè excipit. Ex quibus omnibus Nænijs tandem ita con-
cludit, ut uno verbo omnia dicat, seu potiùs fingat: Illud mirum Phæno-
mèn non omnes tùm Mathematicos sic elusit, ut nisi recognoscant, recoquantq; tùm demon-
strasse, quod ais, dicere nequeant. Et cùm né sic quidem sibi ipsi satisfacisse
videatur, tandem ad adagium quoddam sui Præceptoris, tanquam ad sa-
cram anchoram confugit: Vna hirundo non facit ver: Vt vel in dictionijs
Aristotelicis probationis vim latère, nobis imponat. Sit sanè, quod una hi-
rundo non faciat ver, & talia in similibus locum habeant: At una aliquan-
do stella in altissimo Cælo visa, quæ postea esse desijt, Cælum nonnunquã
nova admittere corpora, quæ interitui sint obnoxia, necessariò convincit:
Adeò, ut ipse Aristoteles, si superstes novam illam Stellam ex altissimo æ-
there nobis illuxisse, & tandem post annum, vel paulò ampliùs conspici de-
sijisse, animaduertisset; né hîscere quidém contra tam evidentem experien-
tiam ausus fuisset: sed potiùs suum de Cælestium Natura philosophandi
modum hinc totaliter correxisset: quod & multi alij eximij Aristotelici
hinc edocti postmodum fecere; hoc Scoto penè solo in semel arrepto, &
confirmato erroris cænose adhuc volutante, ac perseverante: qui & veteris
illius Hipparchi auctoritatem & experientiam contemnere ludo ducis-
dum

dum sic ait: *Nec Pliniana narratio est alterius Demonstratio*: quasi vel Plinius falsa de Hipparcho dixerit; vel ille inter veteres Stellas, quas ferme omnes suis Organismis demensus est, atque novam aliquam in Cælo suis temporibus enatam discernere nequiverit. Facessant istæ insolentiæ. Verum quia in primo nostro Tomo Progymnasmatum Astronomicorum de hac stella luculenter, & ex professo egimus, eamque in altissimo æthere ultra annum exstitisse, & tandem disparuisse, liquidissime demonstravimus, ita ut nullus sit tergiversationi locus; & simul aliorum pro & contra sententias abunde disquisivimus; ut inde satis superque pateat, quam absurda & insulsa sint, & ab ipsa veritate alienissima, quæ hoc loco de stella illa congerit hic Aristoteles: Atque exinde in cæteris quoque, quam verax sit, tanquam ex ungue Leonem cognoscere liceat: Idcirco operæpretium non duco pluribus hæc refellere, & eorum insufficienciam demonstrare. Quin & dum variè de Cometis postea baccharur, & te quoque petere videtur, dum Ironice ait: eos etiam supra Saturnum evehi. Et me, quia ex aliâ Cælestium Naturâ, quam putavit Aristoteles, edoceri nos dixi, Cælum non esse æternum aut Divinitatis particeps; (prout ille voluit) sed & aliquando dissolutioni obnoxium, quod Creator nos in hisce adscititijs Cæli corporibus, quæ intereunt, in quodam quasi exemplo, admoneat; hic noster Mastix non minus scoptice alloquitur, dum ait; me magnam hinc consolationem capescere; quod scilicet sic statuam: moxque suo more arrodens, ulterius excipit; ne quidem à nimis vulgato illo abstinens: *Baculus stat in Angulo. Ergo Pontifex Romanus est.* Vocat etiam hæc occasione Cometas, (quos mihi Pseudoplanetas quosdam appellare libertate Philosophicâ libuit,) Pseudoprophetas meos; & multa alia supervacaneè adducit pro Aristotele, quod Mundus sit suapte Naturâ æternus & incorruptibilis, sed tantummodò voluntate Dei finem habiturus. De quibus nihil addam, cum parum ad rem de quâ agitur, faciant; sed potius, pomposæ quædam disputationum inexplicatarum ostentationes sint. Deinde ad Cometas, eorundemque consumptionem rediens, multa nimis audacter fingit, quæ nec Cometæ Anni 77. de quo potissimum agitur, competeant, nec à nobis illiuspiam attributa sunt; sed eorum planè contrariū ostensū. Et quia Cometâ illum tardiorē motu suo proprio fuisse; quam Lunâ, ideoque altiorē exstitisse, verisimilitudine non carere dixerim, nullâ tamen necessitatē hæc attexuerim; ille, quibus sannius impetat, vix satis invenit. Ait, nihil prohibere, quin ad Iovis solium hoc pacto evolet, ut alter Icaromenippus. Quin & Luciani fabulas de abrupto Asinorum ponte convocat: ut se Luciani quoque illusiones magnificere, & eius naturâ sapere, prodatur. Et quia porro obiter quasi indicâram, Cometâ à Tropico Cancri ad Tropicum Capricorni iter suum direxisse, atque intra has metas, quibus etiâ Solis orbita clauditur, se continuisse, ideoque quidpiâ occultum, Cælestibus

bus tacite analogum insinuasse; ille subfannando sic illudit: *Num pro sua intelligentia, ipsius (scil. Capricorni) frigora fugiens, ad huius (scil. Cancr.) focum pergere uoluerit.* Sed valeant ista scommata, quæ nil nisi authoris vanitatem & levitatem arguunt. Postea Mathematica mea ratiocinia convellere præsumens, enumerat quidem, quâ ratione Cometæ Parallaxin pervestigârim, ut se nostra utrunq; intelligere, ostenderet: Sed hæc ibi nullis contrarijs rationibus infirmat, nisi quod plumbeam normam pro suâ auctoritate affectatâ vocet, & differentiam longitudinis inter Cassellas & hunc locum in aliquot scrupulis dubiam esse, frustraneo scrupulo obiciat, Landtgravianaq; Observationes, non omnes, sed selectas quasdam à me usurpata rejiciat, verioresq; suo arbitratu fuisse alteras dicat, quas negleximus: hisq; similia parû probantia, nec per se omnimodè vera, nihilq; ad rem facientia agglomeret. Si ex ullis Landtgravianis Observationibus, quas ego libro secundo prout mihi communicatæ erant, ingenuè annotavi, probare potuisset, Cometam illum sublunarem fuisse, nullum est dubium, quin id ipsum, quantum in se erat, fecisset. Sed quia nulla talis obvia erat, pro libidine, certa & rata dubijs involuit, atq; offuscare nititur. Ego Landtgravianas observationes, non pro arbitrio, ut certiores negligere, selegi; sed eas, quæ in tempore plurimum distarent, usurpare malui, quò Parallaxium differentia, quæ sic augentur, eò promptius inde elucescere possent. Quin & in te quoq; Doctus: ROTHMANNE, licenter invehitur, quod Cometam Anni 1585, in superiori Cælo constitutam asserueris. Ut verò scias, quid id faciat, en eius verba: *Sed venio ad artificium uestrum. Nam non solum tu, sed ille quoq; tantoperè à te ob scientiam demonstrandi, & peritiam observandi commendatus* CHRISTOPHORVS ROTHMANNVS, Mathematicus Landtgravianus, eadē Methodo utitur, te referente, dum Cometā octuagesimi quinti Anni supra Saturnum in spatium sub fixis proximum insequitur; mirā certè sagacitate. Et illi quoq; ignarus Mathematicum habebitur, qui dubitat quin demonstraveris, tuum Cometam in Æthere cursu suum absoluisse. Hanc censuram tanti facis, ut immaturis contradicentium sententijs opponas. Tua Clariss: D. TYCHO, si quis alius commendaturus sum ob amicitiam, & nunc uellem: Sed amico adulari contra veritatem non soleo. Optarem mihi Observata, si non demonstrata illius Artificis communicari, quibus hoc Paradoxon asseruit, & asperitia, scientiæ suæ eò pertingat, ipse esses iudex. Si pro Vrania tuâ defensione ueritatem uis manifestari, Observationes communica. &c. Ad hæc tunc pro te ipso respondes, cum meâ ope non indigeas; nec difficile id sit, cum stes à nostris partibus veritas, sexcentis eiusmodi illusionibus non commovenda. Ego tuâ Observata, hisq; innixas Demonstrationes illi communicare, nec volui, nec volo: siquidem ijs non uti, sed abuti, pervertendo, distrahendo, & cavillando (uti in meis facit) solummodo satagat. Et quorsum opus foret illi talia impertiri, cum de ijs etiam non visis, nedum intellectis, uti bonos (sc.) decet iudices, censuram ferre præsumat? O insipidam arrogantiam! Ut verò postmodum

postmodum ad se rediens, & tanquam è Tripode Delphico aliquid secreti consilij nactus, quò mea Mathematica ratiocinia circa Cometæ Parallaxes impugnet & eadè Operâ te quoq; adoriatur, (siquidem te simili quâdam inductione, quâ & nos usi sumus, adinvenisse Cometam Anni 1585. nullam penitus habuisse Parallaxim significâram) dicere eum non pudet, motum, quem diurnû, apellamus, apparentem saltè esse, & nullatenus verû : Ideoq; & omnes partes eius subsumptas similiter apparentes esse. At hîc non attendit perspicax ille alienorû laborû Criticus, qui debitis tamen specillis uti nescit, quod locus Cometæ, qui in certâ aliquâ Altitudine observatur, etsi apparens existat, & Parallaxi, (modò quàm habeat,) obnoxius: tamen circumvoluto eodem motu universi, donec denuò ad eundem situm, eandemq; supra horizontem sublimitatem redeat, & tunc quidem apparenter observari. Sed cùm Parallaxis utrobique eadem prorsus sit, quantum in sensus cadat; idè hæc & utrobique æqualiter addit vel detrahit vero motui. Cùm igitur id quod æquale est, utrobique additur vel aufertur: quod residuum erit, priori æquale necessariò censèbitur, vel iuxta ipsa Geometrica prima axiomata. Ex quibus sequitur, quod quantum apparenter per unam reuolutionem diurnam promotus videtur Cometes in eadè Altitudine bis observatus à superficiè Terræ, tantundem vero suo motu, qui è Centro prodit, variatus fuerit: Ideoq; differentia veri & apparentis motus, cùm in tali situ ad invicem coarquetur, non differet etiam apparens à vero. At in alijs arcibus, qui integrum circuitum non habent, & in diversis accipiuntur Altitudinibus, res longè aliter evenit. Illic enim Parallaxium differentia ad invicem non æquantur; sed quo propius fuerit Terris phænomenon, eò maior incidit inconvenientia, ex quâ etiam remotio à nobis constare poterit. Verùm hæc & similia acutus & argutus ille Doctor videre non potuit. Nec si pluribus collyrijs uteretur, præ cæcitate, quâ per Aristotelica placita præpeditus est, cernere potest. Ideoq; saltè pro authoritate (quæ nulla est) loquitur, & de Hypothesibus mediorum ac inæqualium motuum, nescio quæ, hîc immiscet ad hanc rem planè nihil facientia: ut vel sic ostendat, se nostra non intellexisse, multò minus de ijs iudicare posse. Ideoq; arroganti quodâ præiudicio sic censurâ hanc suâ claudit: Vt nullam demonstrationem vel tu vel ROTHMANNVS hîc prætere de aut persuadere apud Mathematicum peritos queatis. Quod sincere vobis indicare volui. Hîc merito subiiciendum foret illud initio ab ipso usurpatum: Bona verba, quæso! Aut culcet verò & hoc, nihil tam benè dictum esse, quod non calumniando depravari queat. Deinceps rationes nostras, quibus Cometam minorem ipsa Luna diversitatem induxisse luculenter probos, variè proscindens, atq; prohibitu ijsdem abutens, infectatur, & id, quod ex antecedentibus candidis Mathematicis satis patuit, nec Demonstratione ulteriore indiguit, in dubiū

vocat, ut habeat, quod cavilletur. Verum hæc omnia suo fortè loco & tempore in ipsum retundentur: Quemadmodum & reliqua his corollarij loco subnexa: & quæ insuper addit contra tertiam nostram probationem: idq; pari iure, quo cætera; id est, animi quadam cæcitate, & præ occupato iudicio, nec sine affectata præsumptione, hinc inde versutè & fucarè congerit; quibus incautos non difficulter illaqueare & decipere possit. At ijs qui hæc penitiùs intelligunt, & solidiore iudicio, eoq; candido & sincero expenderint, multa dicendo nihil dixisse censebitur. Quin & me postea instruit, quomodo hæc tertia ratiocinatio, quæ è diversis locis procedit, corrigi queat. At cum is alios, rectiùs fortè, & diutiùs in hæc Palestrâ versatos tam bellè instruere, atq; ab erroribus liberare queat, cur non ipsemet manum Operi admoveat, & certius quid (si fieri posset) profert? Scilicet faciliùs est dicere quàm facere, speculari quàm scire, taxare quàm imitari. Ignorare videtur hic iudiciosus censor, multa speculativè & Theoricè excogitari posse, quæ Demonstrationem quoq; Geometricam admittant: At non ob id in praxin deduci, & Mechanicè cum fructu exerceri. Sic quoq; quæ de Longitudinibus quorundam locorum subdit, nugæ sunt, & ex animo malevolo, non candido prodeuntia. Tandem etiam contra nostram ultimam ex Altitudinibus & Azimuthis, adhibita simul Declinatione, probationem, simili, quàm antea, licentiâ, & animi cæco impetu calamum acciuit, nostra in devia trahendo, atq; ijs perversè utendo: adeò, ut nè quidem eam, quam circa Regiomantani ratiocinationem in usum, quoad fieri posset, deducendam, adhibuerim diligentiam, inculpatam relinquat: multaq; alia præ mera philantiâ & contradicendi libidine, cui in scholis Aristotelicis & Scotisticis assevit, congerit, quæ piget & pudet hoc loco singula referre aut replicare. Quin & eò dementiæ aut malevolentiae tandem pervenit, ut non dubitet insimulare, me nomen meum sic prophanare, ubi quàm maximè consecrare cuperem. Quod si verum esset, certè tu in hæc ipsâ Epistolâ frustra ais, me Mathematica studia non parùm illustraturum, posteritatiq; consecraturum, si videlicet nostrum de Cometis Opus evulgâro. Verum hæc omnia debito modo refutare, alterius erit negotij. Nimis enim hic prolixum foret. Veniet fortè tempus, quo cordatiores, hunc Aristotelicum sibi nimium applausisse, & ante victoriam triumphum cecinisse, perspicient: Ut ille oculos ad veritatis lumen aperire, aut nequeat, aut nolit. Postrema clausula huius scoptici & arrogantis scripti, quò respondeant ultima primis atq; intermedijs, sic habet: *Hæc veritatis & amicitie causâ contra fumositates tuas exarare libuit.* At quàm veritati consona attulerit, tyum & aliorum hæc rectiùs intelligentium esto iudiciũ. Quod & aliquando (uti dixi) plenius patebit. Quali amicitia id egerit, si mea de ijs, quæ me ipsum concernunt, censura suspecta fuerit; aut

diam
 Ha
 Impe
 tran
 pho
 chati
 stylo
 cum
 tagon
 dædi
 illud
 dam
 re, om
 mente
 stylis
 claran
 bus A
 Hæc
 Ha
 magi
 pend
 pra
 atq;
 (uti
 stare
 magi
 tates
 mere
 rum
 illud
 gia
 die S
 vel a
 liquic
 cus
 alia
 tent
 ista
 esset
 subdu
 matris

diamus, quid Optimus ille, & ingenuo candore præditus THADDÆVS HAGGECIVS de hac ipsa Capnuria, tam illi, quam D. CVRTIO Imperij Procancellario Mathematicum peritissimo, ut in eam disquirerent, transmissa, ad me perscripserit: quæ etiam ex ipso THADDÆI autographo huic Antagonistæ in Scotia aliquando, non sine ipsius effreni stomachatione prælecta sunt. Hodie, qui est dies ultimus Novembris Anni 1592. nouo stylo, cum hæcæ postremas tuas, scriptas 28. Septembris, à Tabellario Magdeburgensi cum scripto illo, acerbo sanè tui istius fastuosi, præfracti, mordacis, & malesani Antagonistæ accepissem, altero mox die, & Epistolam tuam, & scriptum illud, legenda dedi D. CVRTIO. Is primum iubet te saluere plurimum, tibiq; significari, scriptum illud Scoti non inniti ullis firmis rationibus, omnem doctrinam Parallaxium suis quibusdam phantasmatis prorsus tollere uelle, hostile, non amicum scriptum esse: Itaq; censere, omnino abs te refutandum. Et paulo post subiungit. Hæc dum scribo, subijt in mentem Scotus ille, subtilis Doctor dictus, quod de eo referant Scriptores, fuisse confossum stylis pugillaribus. Ego tuum hunc Antagonistam Scotum, quod admirandam & præclaram Astronomiæ partem de Parallaxibus suis sophismatis euertere cupiat, ab omnibus Astronomiæ studiois multò iustius illo subigendum & confodiendum esse censerem. Hæc tu solus, cui nec facultas, nec uoluntas deest, calamo felicissimè præstare poteris. Hactenus THADDÆVS. At mox, se carptim ea scripsisse, in quibus non sine magno labore ultra biennium fortè insudauit. Si itaq; pro carptim, carpendo dixisset, ueriora utiq; protulisset. Quin & mea de Cometis concepta meas fumositates apellat, non desinens fumos pro rebus vendere, atq; impudenter calumniari, & scommata effutire: Cum ego nuspiam (uti etiam ab initio protestatus sum) Cometæ, è fumositatibus ullis constare censuerim: sed ille cum suo Aristotele, eiusq; assēctis ita opinetur magis quàm sciat. Quare habeat ille secum suos fumos & fumositates, nec alijs, utut apud ipsum vendibiles præsint, qui tales leuitates cernere nolint, obtrudat. In fine demum, ut excuset callidè plusquàm duorum Annorum in absolvendo hoc Apologetico scripto moras (Nam ego illud primum accepi Anno 1592. circa finem Maij: Cum nostra Apologia esset illi Anno 1589. transmissa) subscribit, quod absoluta fuerit, quo die Soli Anno 91. ad $2\frac{1}{2}$ digitos ferè obscurabatur. O calvam excusationē, vel ab ipso Sole Ecclipsato prætextam? & o observatorē, qui id in Solis deliquio animadvertere potuit, quod nemo ex rudissimo vulgo nisi planè cæcus, discernere nequiverit? quota uidelicet eius pars tegeretur. Vbi aliæ apparentiæ? Vbi exacta temporum momenta? Sed hæc non patent Spermologis, faciundo opus est. Vtinam verò is suis digitis, cum ista scriberet, non plus veritatis lumen offuscare, quantum in ipso erat, nixus esset, quàm Solis lux ex istis semitribus digitis Lunæ interventu visui nostro subductis, damni quid passus est. Sed valeat iste cum suis versutis ac scommatis, infirmis infirmationibus: In quibus recensendis plus fortè temporis insumpti

insumpsi, quàm mereantur, & quàm Epistolæ familiaris leges patiantur. Tuum itaq; erit, mi ROTHMANNE, hanc prolixitatem boni consulere. Si verò totum hoc scriptum Scoti illius (cum & te nonnunquā perstringat) expetieris, faxo, ut per commodam oportunitatem id nanciscaris. Tunc ipsemet plenius perspicies, quod, in varias formas se vertendo, veritatem, quam oppugnat, expugnare nequeat: quodque infringat solido, propriâ delusus ab arte. Competentem verò & plenam eiusdem refutationem suo fortè tempore obtinebunt veritatis Amatores; si non à me ipso, saltè ab aliquo meorum. Neq; enim ego libenter cum tam rixosis & arrogantibus ingenijs contendo, qui ex solâ contradictione sibi laudem quærere satagunt; Neq; veritatis intima penetralia ipsis impervestigabilia pro scopo habent. Scripsi autem hac de re paulò copiosius ad te, Doctissime ROTHMANNE; cum quòd investiva ista te quoq; impeteret; tùm quòd sciam, te admodum miraturum, aliquem uspiam fore Mathematicorum, qui Cometæ sublunares esse, patefactâ tam evidente in contrarium Demonstratione, asseverare in posterum auderet. Memini enim, te mihi dixisse, cum hîc esses, tales, si qui uspiam prodirent, pro insulsis & stupidis habendos; & risu potiùs, quàm responsione excipiendos. Hac igitur de istis nunc sit dixisse, satis superq;. Vnum verò vel alterum addam, antequam hæcè concludam. Ad Epistolam tuam, quàm hîc præfens mihi reddidisti, in quâ Terræ motum tam annuum quàm diurnum ex COPERNICI opinione asseruere laborasti, iam dudum nonnulla respondi, quæ obid tibi satisfactura existimo, quòd, cum mecum esses, non adeò mordicus sententiam illam tueri videreris, sed paulatim in nostras partes transire. Est verò insuper magnum argumentum infirmitatis assertionum COPERNICARUM, quod Eccentricitas \odot is nequaquam ita se habeat, prout illæ postulant. Cùm enim is \odot is Eccentricitatem aliquantò minorem, quàm fert PROLOMAI denotatio, se ad invenisse affirmârit, & hinc etiam solis quietem ac Terræ motionem, eiusq; excentricitatem variabilem asseruere non dubitârit, adeo ut Excentricitatem \odot is apparenter imminuerit: tantum abest, quòd res ita se habeat, ut \odot is Excentricitas à nobis deprehensa sit per minime dubias experimentationes eadem penè, quàm PROLOMAVS illi attribuit, vel potiùs nonnihil maior. Nullatenus igitur minor reddita COPERNICIS placitis suffragatur; quod sanè non modicam hæsitacionem movet, Hypotheses ipsius minùs rectè constare. Vt de Veneris etiam Excentricitate nihil dicam, quæ paritèr multò aliter se habet, quàm asseveravit COPERNICVS. Apogæo quoq; eiusdem nequaquam in eodem loco octavæ sphæræ, quo erat tempore PROLOMAI, permanente; ita ut nunc in decimo septimo Gradu Π hæreret: uti fert COPERNICI ratiocinatio: cùm potiùs initia \odot obtineat.

De

De quibus aliàs Deo volente latiùs. Cuperem ea, quæ de fixis Stellis, earundemq; Observationibus, cum apud Laudatis: mem: Principem WILHELMVM Hassiæ Landgravium versareris, consignasti, in publicum edi, ut constare Posteritati possit, Observationes nostras, in diversis Terræ locis, variâq; ratione peruestigatas, quàm minimùm ab invicem dissidere, & ideò his eò maiorem attribuat fidem. Sunt & alij, qui Landgravianas Affixarum restitutiones tuo labore peractas obtinere avidè desiderant. Da itaq; operam, ut, quantum in te est, & præsens & futura ætas tanto fruatur bono. Nos millenas circiter restituimus Stellas in ipso Minuto, tam quoad longum quàm latum, quarum Canonicam expositionem Primus noster Tomus Progymnasmatum Astronomicorum, Capite secundo pro maiori parte exhibet. Illic suo tempore, quid nos in earum locis ad amussim disponendis investigaverimus, videbis. Interim & semper mi Optime ROTHMANNE feliciter Vale, & me tuis subinde literis invisere, quod iam diu neglectum est, nè ulterius supersede. Iterumq; vale. Dabantur Vraniburgi die 14. Ianuarij Anni 1595.

T. T.

TICHO BRAHE.

Dem Durchleuchtigen / Hochgebornen Fürsten
vnd Herrn / Herrn MORITZEN, Landgraffen zu Hessen/
Graffen zu Casselnbogen / Dieß / Siegenhain
vnd Nidda: Meinem gnedi-
gen Herrn.

Durchleuchtiger / Hochgeborner / Gnediger Fürst vnd Herr /
Nechst erbietung meiner vnterthenigen willigen Dienste /
sol Ew. F. G. ich vntertheniglich nicht vorhalten / Wie dan
ohne das sonder zweiffel E. F. G. gnedige wissenschafte ha-
ben werden / Welcher gestalt der auch Durchleuchtiger Hoch-
geborner Fürst vnd Herr / Her WILHELM, Landgraff zu
Hessen / Graff zu Casselnbogen / Dieß / Siegenhain vnd Nidda / Hochlob-
licher gedachtnus / zu vnterschiedlichen mahlen vnter anderen / etlicher Elende
halben aus Norwegen seiner F. G. zum besten zu bestellen ghar fleissig an
mich geschrieben. Ob ich nuhn wol mir zum höchsten angelegen sein lassen /
Das seiner F. G. ich darinne meinen vnterthenigen geflissenen Willen int
Werck bezeigen mochte / auch etliche deroeslbigen Thiere zu wege gebracht;
So habe ich doch das Glück nicht haben mügen / das dieselbigen lebendich an
seine

Qe

seine

seine F. G. angebracht wurde. Als er aber endlich Zeigern dieses an mich gnedichlich abgefertiget / mit befellich / er solte nitt zu rücke kommen / ehe er deroelben Thiere mit sich brächte / hab ich denselbigen Votten von hinnen ab in Norweg abgefertiget / vnd allen müglichen fleiss angewendet / das mir fünf sülcher Ellende geschafft würden / Wie mir von Küniglicher Majett: in Norwegen Stadthalteren / meinem Blutsverwanten AXEL GULDENSTERN zugesagt vnd gehalten ist worden. Von denselbigen fünffen / die er da wol zu passe bekommen / Hat er mir Zwei / ein Weiblein vnd ein Menlein lebendig alhie an gebracht. In mittelst aber ist alhie die trawrige Zeitunge von Hochgemelter Ihrer F. G. tödlichen Abgang aus dieser Welt erschollen. Darob ich nit allein (weil er mir alzeit in Gnaden gewogen gewesen) sondern auch alle fromme Herzen hohes vnd nidriges standes / billich ein betrüptes mitleiden gehabt. Vnd were zwar wol zu wünschen gewesen / da es dem Allerhöchsten also gefallen / das sein F. G. noch ein lange zeit der Cristlichen Kirchen / auch sonst dem ganzen Vatterlandt Teutscher Nation zum trost vnd besten / leben hette mügen. Wan aber seiner Göttlichen Allmacht in dero weisen gericht nit zu greiffen / so mus man auch hierinne sich desselbigen vnwandelbaren willen gehorsamlich vntergeben. Der getrewe Gott wolle seine Rutte / vnd woluerdiente straffe von vns gnedichlich abwenden / vnd hohe Häupter vnd Fürsten / so noch vbrich vnd lebendig geblieben / erhalten / Damit seine Kirche vnd Glidmassen bei denselbigen durch gnedige Göttliche hülffe / Rath / Trost / Schuß vnd Schirm haben mügen. Weil dan Gnediger Fürst vnd Herr / ich es billich dafür halte / das Hochgemeltes Ew. F. G. löblichen Herrn Vattern befellich zu folge / Dennoch diese Thiere / so vbrig / vnd lebendig geblieben / an bestimpten Orde / vnd an statt seiner löblichen F. G. 160 E. F. G. zugefertiget werden / Also thue deroelbigen ich sie hiemit bei dero eignen Votten vnterthenigk vbersenden / Mit vntertheniger Bitt / E. F. G. wolle solches nit anders als aus vnterthenigk geneigten willen gescheen / gnedichlich vermercken / Nicht weiniger auch / als dero Hochlöblicher Herr Vatter gethon / mir in Gnaden gewogen sein. Könnte ich zu aller zeit vnd gelegenheit E. F. G. hinc widerumb vnterthenigk dienste / worinne es sein wolle / erzeigen / solten dieselbigen meinen geneigten vnd getreuen willen in Werck gnedichlig zu erspüren haben / die ich hiemit im gnedigen schutz des Allerhöchsten bei guter Seel vnd Leibes Gesundtheit / vnd angehender heilsamer Regierung (zu welcher Ew. F. G. ich auch hiemit von Gott dem Allmechtigen Glück vnd Segen wünsche) lange Zeit zu erhalten getrewlig vnd vnterthenigk ihu befehlen. Datum Vraniburgk auff Huen / den 22. Decembris, Anno 1596.

Ewer F. G.

Dienstwilliger

TICHO BRAHE.

sequuntur

*Sequuntur eadem Litera in Latinum
conversa propter exteros.*

ILLVSTRISSIMO PRINCIPI AC DO-
MINO, DOMINO MAVRITIO HASSIAE
LANDTGRAVIO, COMITI IN CATZNELLE-
BOGEN, DIETZ, ZIGENHAIN
ET NIDDA.



LLVSTRISIME ET GENEROSISIME PRINCEPS,
Domine Clementissime: Officiorum nostrorum submissa
additione praemissa: Celsi: tuam celare nequeo, quâ ratio-
ne Illustrissimus Princeps ac Dominus, Dominus GVLI-
ELMVS Hassia Landtgravius, Comes in Catznellebogen,
Dietz, Zigenhain & Nidda, Optimæ & Laudatissimæ me-
moriæ, diversis temporibus Alces aliquot, (quod Celsi: proculdubio non fu-
git.) à me inter alia sibi procurari, Clementer & sedulo expetiverit. Et
quamvis totus in hoc fuerim, ut ipsius Celsi: meam in hoc Operam probare,
& quædam id generis Animantia transmitterem; tamen conatibus fortuna
defuit, nè viva illa omnia eius Celsi: reddi possent. Cum verò tandem
praesentium exhibitorum Clementer ad me mitteret, ea cautione, nè sine ijs
Animantibus rediret, nuncium hunc in Norvvegiam ablegavi, & sedulo e-
nexus sum, ut ipsi quinq; Alcestraderentur, prout isthic mihi à Prorege Nor-
vvegiæ AXILLO GVLDENSTERN consanguineo meo, addictum & praesti-
tum erat. Quorum duo solummodò residua, masculum nimirum & famel-
lam, viva ad nos detulit. Interea verò tristis rumor de Celsi: eius Obitu
hic increbuit: qui non tantum me (qui Clementissimè semper eo usus fui)
sed etiam mecum omnium cuiuscunq; status animos iure percelluit. Et
quidem optandum fuisset, si Deo ita placitum, eius Celsi: publico Ecclesiæ &
totius Patriæ Germaniæ solatio ac bono diutius supervixisse. Verum enim-
verò, quia Omnipotentiae Divinae sapienti iudicio praescribere quidpià nefas
est, illius immutabili voluntati submittere nos debemus. Deus Opt: max: vir-
gam suam & promeritas poenas avertat, & Illustrissimos Christianosq; Prin-
cipes, qui adhuc supersunt, Clementer protegat, quò Ecclesia cū suis mem-
bris, ab ijs Divinâ ope, consilio ac solatio, sacra tecta conservetur. Cum
igitur, Clementissime Princeps ac Domine, meritò prædicti tui Parentis Opt:
mem: voluntati obtemperandum existimarem, adhuc ea animalia in destina-
tum locum tuæ Celsi: nomine Parentis laudatiss: memoriæ, hoc eiusdē pro-
prio Nuncio transmittere volui; submissè rogans, ut Celsitudo tua hoc, non
aliunde

Qq2

aliunde, quàm à subiectâ & propensâ voluntate profectum, Clementi & e-
 quanimi vultu accipiat; nec minùs, quàm laudatùs: memoriæ Parens tuus,
 nobis Clementer faveat. Si ego vicissim quocunq; tempore & occa-
 sione, studia & obsequia mea Cels: tuæ probare ullâ in re potuero,
 promptam meam voluntatem opere ipso & effectu nequitiam desiderabit:
 Quam hiscè Deo Opt: Maximo ad animi & corporis sanitatem, & incipi-
 entis salutaris gubernationis felicitatem (quam summam precor) submissè
 commendo. Datæ Vraniburgi die 22. Decembris, Anni 1591.

Tuæ Celsit.

Additiss:

TYCHO BRAHE.

MAGNI HEROIS
 GVLIELMI HASSIÆ LANDTGRAVII
 MANIBVS MAGNIS
 PARENTATIO

T. B.

D.

Sicne iaces, Princeps ô præstantissime? sicne
 Alter ATLAS terris abdite? sicne iaces?
 Qui modo non Terras saltem, Patriamq; regebas,
 Sed poteras ipsos sustinuisse Polos:
 Clausus ab exigua & vili tellure, recumbis,
 Digne magis Terra totius esse decus.
 Consilijs Patriam rexisti prouidus aliam,
 Cura fuere ara, cura fuere foci.
 Hassia nec saltem, tota ast Germania sensit,
 Quàm Sapiens, Pacis quàm studiosus eras.
 Galliaq; id sensit turbata, Britannia sensit,
 Belgarum agnouit nec minùs ora soli.

Daniaq;

*Daniaq³, equoreas quamvis semota per undas,
 Tecum Adamantinam fixit amicitiam.
 Suecia quin etiam, boreis qua subiacet Vr^{ss},
 Nominis & meriti non fuit orba tui.
 Te quoq³, Teuthonia vicina Polonia ad Ortum,
 Alpibus ulterior novit & Italia.
 Quare Ortum, Occasum, aut Austrum, Septemve Triones
 Si quis adit, clarum nomen ubiq³, geris.
 Nec Tellus saltem tibi dedita, deditus Æther,
 Ille tuo aspirans Ingenio & Genio.
 In via nam superi scandens penetralia Cali,
 Nectare dignus eras, Ambrosiaq³, frui.
 Hincq³, Poli sublimis Amor, redamatus ut es
 Calicolis, tibi qui condoluere, dedit.
 Ergò mortali pressum sub pondere solvunt,
 Indigetemq³, Astris inseruere novum.
 Qua nunc sub pedibus versans, velut ante supinus
 Spectasti, agnatà sede potitus ovas.
 Nilq³, iaces igitur, Princeps, Cali incola, nilq³,
 Mens tua nunc patitur Terrea, nilq³, iaces.*



ERRA.

ERRATA TYPOGRAPHICA SIC EMENDANDA.

Pag. Lin. Lege	Pag. Lin. Lege	Pag. Lin. Lege
1 25 uelint.	30 25 constituto	106 5 prorsus
3 2 dele ad	30 37 domesticus	120 pen. quam
4 pen. Rotenburgi	40 4 nimium	122 21 penetrare
13 43 impertiri	40 22 longitudinibus	133 3 horâ
7 27 innouata	40 30 momenti	146 14 nimis
8 14. VVitichio.	42 20 uariabantur	167 35 Copernicea
11 36 dijudicabit	44 38 G. 8 M. 37.	184 ult. eum
11 36 obseruationibus	47 ult. quasdam	187 14 patitur
17 24 extitisse.	59 3 hinc	189 7 occasum
18 17 fallaciam	59 27. prouenientem	190 5 Meridiem
21 9 Stadthaleer	64 32 quod	190 39 stabilitate
21 17 discrepiren	65 34 sum	191 pen. irregulariter.
21 33 abgefertigten	66 2 quam	199 6 minus
22 15 alle	66 22 Principis	199 34 attinet
22 pen. niche	77 11 harum	217 12 Vicarium
23 3 Longitudinis	79 23 Werden.	241 11 elaboratum
23 19 dero	80 11 cum	257 16 perpauci
24 20 quadrupedalia	80 35 autem	268 9 sesquialtero
24 21 inhabiliora	82 4 Copernicea	292 27 dele do
24 pen. Philosophicum	83 6 Sphærarum	296 pen. primò
26 4 expensas	88 16 obseruationes	297 4 sò
26 5 mittere	94 30 si	297 22 desinente
26 12 discernere	97 ult. longitudes	300 6 utcuq;
28 11 raritatem	103 2 præfiniendas	304 24 transire
29 13 obseruationes	103 in Titulo Virtute	

Cetera si quæ leuia occurrent errata, candidus
lector facile corriget.








URANIBURGI
Ex officinâ Typographicâ Authôris.


ANNO DOMINI.

M. D. XCVI.









005643552